

**Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut (ingerlatseqatigiiffinnut inatsit) pillugu nalunaarut**

Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut (ingerlatseqatigiiffinnut inatsit) nr. 486 14. Maj 2018-meersoq malillugu peqqussutip nr. 2624 28. December 2021- meersoq malillugu allanngortinnerata naammassineqarnera malillugit aalajangersarneqarpoq:

**Kapitali 1**

*Peqqussutip atuuffia il.il.*

*Atuuffia*

**§ 1** Peqqussut una Kalaallit Nunaanni nunaqartunut aktieselskabinut aamma anpartsselskabinut tamanut (ingerlatseqatigiiffinnut aningaasaliiffiusunut) atuuppoq.

*Imm. 2.* Aktieselskabimi imaluunniit anpartsselskabimi piginneqataasut (aningaasaatinik piginnittut) ingerlatseqatigiiffiup aningaasaliiffiusup pisussaaffiinnut inuttut akisussaataannngillat, taamaallaat aningaasaliissutiminnut. Aningaasaatinik piginnittut piginneqataassutiminnut naleqqiullugu ingerlatseqatigiiffiup aningaasaliiffiusup sinneqartoorutaanut pisinnaatitaaffeqarput, ingerlatseqatigiiffiup malittarisassaani allanik aalajangersaasoqarsimanngippat.

*Imm. 3.* Anpartsselskabi ingerlatseqatigiiffiup aningaasaatiminik pigisaminik tamanut neqerooruteqarsinnaanngilaq.

*Ingerlatseqatigiiffiup aningaasaliiffiusup taaguutaa*

**§ 2** Aktieselskabit aamma anpartsselskabit kisimik taaguutiminni taaguutit »aktieselskabi« aamma »anpartsselskabi« imaluunniit naalisarnerit »A/S« aamma »ApS« atorsinnaallugillu atortussaavaat.

*Imm. 2.* Ingerlatseqatigiiffiup aningaasaliiffiusup taaguutaa Erhvervsstyrelsip qarasaasiaqarfiani nalunaarsorsimasunit suliffeqarfinnit allanit taaguutimikkut erseqqissumik allaanerussapput. Taaguummi ilanngunneqassanngillat eqqarleriit aqqi, sulliviup aqqa, nunaatit illuutillu aqqi immikkuullarissut, nioqqutit ilisarnaataat, niuernikkut ilisarnaat taamaangajatullu, ingerlatseqatigiiffimmut tunngassuteqanngitsut imaluunniit taassumunnga paarlaanneqarsinnaasut.

*Imm. 3.* Ingerlatseqatigiiffiup aningaasaliiffiusup taaguutaa salloqittaaniutigineqarsinnaassanngilaq. Sullivik aalajangersimasooq atsiunneqarsimappat, ingerlatseqatigiiffiup aningaasaliiffiusup ingerlataa pingaarneq annertuumik allannguuteqarpat, taaguut allanngortinneqarnani atatiinnarneqassanngilaq.

*Imm. 4.* Ingerlatseqatigiiffiit aningaasaliiffiusut allakkaminni pappiaqqanilu niuernermut tunngasuni allani, tassunga ilanngullugit elektronikkikkut nalunaarutit, aamma ingerlatseqatigiiffiup aningaasaliiffiusup nittartagaani taaguutertik, najugartik aamma Erhvervsstyrelsip qarasaasiaani nalunaarsornermi normu taasimassavaat.

**§ 3** § 2, imm. 1-3, ingerlatseqatigiiffiit aningaasaliiffiusut saniatigut taaguutaannut

taamatulli atuutissapput.

*Imm. 2.* Ingerlatseqatigiiffiup aningaasaliiffiusup ataatsip saniatigut taaguutaanik katillugit tallimanit amerlanerusunik nalunaarsugassatut nalunaarutiginninnermi saniatigut taaguummumut ataatsimut 1.000 kr. akiliutigineqassaaq. Taamaassanngilarli taaguutit imaluunniit saniatigut taaguutit ingerlatseriaatsimik allanngortitsinermut imaluunniit ataatsimut kattutsitsinermut atatillugu atuinneqartussat pillugit.

### *Ingerlatseqatigiiffiup aningaasaatai*

§ 4 Ingerlatseqatigiiffiit aningaasaliiffiusut peqqussummut matumunnga ilaasut danskit koruuniinut imaluunniit euromut naatsorsorneqartunik ingerlatseqatigiiffimmi aningaasaateqassapput, taamaattorli imm. 3 takujuk.

*Imm. 2.* Aktieselskabit minnerpaamik 400.000 kr.-nik ingerlatseqatigiiffimmi aningaasaateqassapput, aamma anpartsselskabit minnerpaamik 40.000 kr.-nik ingerlatseqatigiiffimmi aningaasaateqassallutik.

*Imm. 3.* Ingerlatseqatigiiffiup aningaasaatai danskit koruuninit imaluunniit euronit allaanerusunik allat aningasaataannut nalunaarutiginiissaannut piumasaqaatit pillugit Erhvervsstyrelsi maleruagassanik erseqqinnerusunik aalajangersaasinnaavoq.

### *Nassuiaatit*

§ 5. Uani inatsimmi imatut paasineqassapput:

1) *Aktianik piginneqatigiiffik:*

Aningaasaateqarluni ingerlatsivik, tassunga ilagitillugu piginneqatigiilluni ingerlatsivik, aningaasaatinik piginnittut aningaasaliissutaat aktianut agguarsimasut. Aktiaatit tamanut pigineqarsinnaasunngortinneqarsinnaassapput. Aningaasaatinik piginnittut kisimiillutik ingerlatsivimmut aningaasaliissutiminnut akiliisussatut pisussaataapput.

2) *Ingerlatseqatigiiffik:*

Aningaasaateqarluni ingerlatsivik, aningaasaatinik piginnittut aningaasaliissutaat piginneqatigiissutitut agguarsimasut.

Ingerlatsiviit piginneqatigiissutitik tamanut pigineqarsinnaasunngortissinnaanngilaat, tak. § 1, imm.

1. Aningaasaatinik piginnittut kisimiillutik ingerlatsivimmut aningaasaliissutiminnut akiliisussatut pisussaataapput.

3) *Ingerlatsivittut suliffeqarfutit:*

Suliffeqarfik, ingerlatsivimmit pingaarnerusumit aquneqartoq, tak. §§ 6 aamma 7.

4) *Qitiusumik aqutsisoqarfik:*

a) Ingerlatsivimmi siulersuisut, pisorta qarfeqartut aamma siulersuisoqartut, tak. § 111, imm. 1, nr. 1,

b) ingerlatsivinni pisorta qatigiit, taamaallaat pisorta qartut, tak. § 111, imm. 1, nr. 2, aamma

c) ingerlatsivinni pisorta qatigiit, pisorta qartut aamma nakkutilliinermut siunnersuisooqatigeeqartut, tak. § 111, imm. 1, nr. 2.

5) *Aqutsisoqarfik qullersaasoq:*

a) Ingerlatsivinni siulersuisut, pisorta qarfeqartut aamma siulersuisoqartut, tak. § 111, imm. 1, nr. 1,

b) ingerlatsivinni pisorta qatigiit, taamaallaat pisorta qartut, tak. § 111, imm. 1, nr. 2, aamma

c) Ingerlatsivinni nakkutilliinermut siunnersuisooqatigiit, pisorta qartut aamma nakkutilliinermut siunnersuisooqatigeeqartut, tak. § 111, imm. 1, nr. 2.

6) *Piginnittuunermut isumaqatigiissut:*

Isumaqatigiissut, ingerlatsivimmi piginnittuunermut aamma aqutsinermut aaqqissuisoq, aamma aningaasaatinik piginnittut akornanni isumaqatigiissutaasoq.

7) *Piginnittuunermut uppersaatait:*

Aningaasaatinik piginnittuunermut uppersaatait, tak. §§ 59 aamma 60.

8) *Piginnittut allattorsimaffiat:*

Aningaasaateqarluni ingerlatsiviup aktiaatillit imaluunniit piginneqataasut tamaasa pillugit nalunaarsuiffissaa, tak. § 50.

9) *Pigisat nalunaarsorsimaffiat:*

Nalunaarsorsimaffik Erhvervsstyrelsenip aningaasaatinik piginnittut ilaasa aningaasaataannik nalunaarsuiffia, tak. §§ 58 aamma 58 a.

10) *Fondini pigisat:*

Aktiaatit imaluunniit piginneqataassutit, fondimik atulersitsinermi atulersinneqartut, tak. § 165.

11) (Kalaallit Nunaanni atuutilersinneqassanngilaq)

12) (Kalaallit Nunaanni atuutilersinneqassanngilaq)

13) *Angerlarsimaffik:*

Nunami najugarisaq ingerlatseqatigiiffimmut attaveqaataasinnaasoq.

14) *Aningaasaatinik pigisat:*

Aktiaq imaluunniit piginneqatiginnissut, tak. §§ 45-49.

15) *Aningaasaatinik piginnittoq:*

Kinaluunniit ataasiakkaanik imaluunniit arlalinnik aningaasaatinik piginnittoq.

16) *Aningaasaatit immikkoortut:*

Aningaasaatit eqimattat, assigiimmik pisinnaatitaaffeqarfiusut imaluunniit pisussaaffeqarfiusut.

17) *Aningaasaatinik ingerlatsivik:*

Ingerlatseqatigiiffik imaluunniit aktiaatinik ingerlatsivik, tassunga ilagitillugu piginneqatigiiffik.

18) *Ingerlatsivissuaq:*

Ingerlatsivik pingaarnerusoq taassumalu ingerlatsiviit aqutai, tak. § 7.

19) *Pisortat:* Pineqartut tamarmik nr. 4-mi aamma 5-imi taaneqartut. Pisortanut ilaasortaq ingerlatsiviup nakkutilliinermut siunnersuisoqatigiivnut, siulersuisuinut imaluunniit pisortaqatigiivnut ilaasortaasinnaavoq.

20) *Ingerlatsivik pingaarneq:* Aningaasaatinik ingerlatsivik, suliffeqarfinnik aqutamik ataatsimik imaluunniit arlalinnik aqutsisuusoq, tak. §§ 6 aamma 7.

21) *Siammasissumik niuernikkut aaqqissuussineq:* Pappialanik nalilinnik niuerneq il. il. pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 40, imm. 1-mi, siammasissumik niuernikkut aaqqissuussinermut nassuiaat atuutissaaq.

22) *Piginneqatigiulluni ingerlatsiviit:*

Kommanditselskabi, tak. inuussutissarsiorluni suliffeqarfiit aalajangersimasut pillugit inatsimmi kunngip peqqussutaatigut Kalaallit Nunaannut atuutilersinneqartumi § 2, imm. 2, ingerlatsivimmi kommanditit aalajangersimasunik aningaasaliiffigisimasaat, aktianut agguarneqarsimasut, tak. Kapitali 21.

23) *Reassumptioni:*

Aningaasaatinik ingerlatsiviup kinguneranik pigisat utaqqiisaagallartumik atuuttut, Erhvervsstyrelsenip it-kkut atortorissaarutaani ingerlatseqatigiiffiup peerneqarsimanerata kingorna, tak. § 235.

24) *Aktianik umiarsuaatileqatigiiffik:* Aktianik piginneqatigiiffik, umiarsuaatileqatigiiffimmi ingerlatsisoq, tak. § 112, imm. 3.

25) *Piginnittuusoq:* Inuk, naggataatigut toqqaannartumik imaluunniit toqqaannanngitsumik piginnittuussutinik imaluunniit taasisinnaatitaassutinik piginnittuusoq imaluunniit aqutsisuusoq, imaluunniit atortut allat atorlugit ikiorsiullugit aqutsisuusoq, tassunga ilagitinnagit ingerlatsivinnik piginnittut, pigisaat naleqqussakkamik niuernermi imaluunniit assingusumik niuernermi niuffatigineqartut, EU-mi inatsisinut tunngasutigut imaluunniit nunarsuarmi malittarisassat assingusut malillugit naapertuuttumik paasissutissiinissamik piumasaqaateqarfiusut.

26) Ulloq nalunaarsorneqarfik: Ulloq, aningaasaatinik piginnittup aningaasaatinik pigisaminut atatillugu ataatsimeersuarnermut peqataasinnaatitaanerani aamma taasisinnaatitaanerani aalajangersarneqarfia.

27) Naleqqussakkamik niuerfik: Pappialanik nalilinnik niuerneq il. il. pillugit inatsimmi kunngip peqqussutaatigut Kalaallit Nunaannut atuutilersinneqartumi § 16, imm. 1-imi naleqqussakkamik niuernerup nassuiarneqarnera, atuutissaq.

28) Aningaasaatit sinniisuuffigineqartut: Aningaasaatit, ataatsimeersuarnermi sinniisuuffigineqartut, aamma taasisinnaatitaanikkut imaluunniit taasisinnaatitaannginnikkut aamma malittarisassatigut sinniisoqarsinnaatitaaffiusut.

29) Sinniisoqarsinnaatitaaneq: Pisinnaatitaaffik taanna, aningaasaatit taasisinnaatitaaffeqanngitsut pillugit ataatsimeersuarnermut peqataasinnaaneq aamma ataatsimeersuarnermi ingerlatsiviup aningaasaatanik nalunaarsuinerup sinniisoqarnikkut ilaatinneqarnissamut. Aningaasaatit taasisinnaatitaaffiusut sinniisoqarsinnaatitaajuaannarput, tak. § 46

30) Ingerlatsiviup pappialatai:

Pappialat aamma ilanngussat, aningaasaatinik ingerlatsiviup peqqussut manna malillugu imaluunniit aallaavigalugu aalajangersarneqartut malillugit pisussaaffittut suliarisassai.

31) *Ingerlatsiviup aningaasaatai*: Aningaasaliissutit, aningaasaatinik piginnittut akisussaaffigisaat peqqussut manna malillugu killilerneqartut, tak. § 4.

32) *Naalagaaffiup aktianik piginneqatigiiffii*: Aktianik piginneqatigiiffik, danskit naalagaaffiata attuumassuteqarfigisaa, ingerlatsiviup pingaarnerusup ingerlatsivimmud aqutamat attuumassuteqarfigisaatut, tak. §§ 6 aamma 7.

33) (Kalaallit Nunaannut atuutilersinneqassanngilaq)

### *Suliffeqarfissuit*

§ 6 Ingerlatseqatigiiffik piginnittoq suliffeqarfiutigisaaq ataaseq arlallilluunniit peqatigalugit tassaavoq suliffeqarfissuaq. Suliffeqarfik ataaseq taamaallaat toqqaannartumik piginnittumik ingerlatseqatigiiffeqarsinnaavoq. § 7-imi piumasagaatini ataatsimik arlalinnilluunniit ingerlatseqatigiiffiit arlallit naammassinnippata, ingerlatseqatigiiffik suliffeqarfiup aningaasatigut ingerlatsinikkullu aalajangiisarnernut piviusumik aalajangiisutut sunniuteqartoq kisimi ingerlatseqatigiiffittut piginnittutut isigineqarsinnaavoq.

§ 7 Aalajangiisutut sunniuteqarneq tassaavoq suliffeqarfiutigisap aningaasaqarnikkut ingerlatsinikkullu aalajangiisarnernik aqutsinissamut pisinnaatitaasoq.

*Imm. 2.* Suliffeqarfiutigisamut naleqqiullugu aalajangiisutut sunniuteqarneq pigineqalersarpoq suliffeqarfiutigisaaq aqutigalugu toqqaannartumik toqqaannanngitsumilluunniit ingerlatseqatigiiffik piginnittoq suliffeqarfimmi taasisinnaatitaasut affai sinnerlugit pigisaqarpat, immikkut pisuni uppersarneqarsinnaappat taamatut piginnittuunermut pissutsit aalajangiisutut sunniuteqanngitsut.

*Imm. 3.* Suliffeqarfimmi ataatsimi taasisinnaatitaanermi pisinnaatitaaffiit affai sinnerlugit ingerlatseqatigiiffik piginnittoq piginninngippat, ingerlatseqatigiiffik piginnittoq aalajangiisutut sunniuteqassaaq

1) aningaasaliisunik allanik isumaqatigiissuteqarnermigut taasisinnaatitaanermi pisussaaffiit affai sinnerlugit naalagaappat,

2) malittarisassat imaluunniit isumaqatigiissut naapertorlugu suliffeqarfimmi aningaasanut ingerlatsinermullu pissutsinik aqutsinissamut pisinnaatitaappat,

3) aqutsinermi aqqissuussinermi qullersani ilaasortat amerlanersaanik toqqaanissamut imaluunniit soraarsitsinissamut pisinnaatitaappat taamatullu aqqissugaaneq suliffeqarfimmi aalajangiisutut sunniuteqarpat imaluunniit 6

4) ataatsimeersuarnermi imaluunniit aqqissugaanermi taamaaqataani taasisinnaatitaasut

amerlanersaannut piviusumik naalagaaguni taamaalillunilu suliffeqarfik pillugu piviusumik aalajangiisutut sunniuteqarluni.

*Imm. 4.* Taasisinnaatitaasut piuneri sunniuteqarnerilu, tassunga ilanngullugu aningaasaatitigut pigisanik pisisinnaatitaaneq aamma pisinissamut periarfissaqarnerit, piviusumik iluaqutigineqarsinnaasut imaluunniit allannqortinneqarsinnaasut, ingerlatseqatigiiffiup aalajangiisutut sunniuteqarneranik naliliinermi isigineqassapput.

*Imm. 5.* Suliffeqarfiutigisami taasisinnaatitaasunik naatsorsuineri suliffeqarfiutigisap nammineq imaluunniit taassuma suliffeqarfiutigisaata pigisaanut aningaasaatinut pigisanut atasut taasisinnaatitaanerit ilaatinneqassanngillat.

### *Skifterettenip aamma Sø- og Handelsrettip pisinnaatitaaffii*

**§ 8.** Peqqussut manna naaportorlugu pisinnaatitaaffiit pigisanik agguaassisarnermut eqqartuussivimmuut inissinneqarsimatillugit taakku Kalaallit Nunaanni eqqartuussivimmit isumagineqassapput.

## Kapitali 1 a

### *Attaveqatigiinneq*

**§ 8 a.** Pissutsit peqqussummut matumunnga ilaasut imaluunniit peqqussutip matuma malitsigisaanik maleruagassat atulersinneqartut pillugit styrelsimut aamma styrelsimiit allakkatigut attaveqatigiinnerup digitalikkut ingerlanneqarnissaa pillugu maleruagassanik Erhvervsstyrelsi aalajangersaasinnaavoq.

*Imm. 2.* Digitalikkut attaveqatigiinneq pillugu maleruagassanik erseqqinnerusunik Erhvervsstyrelsi aalajangersaasinnaavoq, tassunga ilanngullugu qarasaasiatigut aaqqissuussinerit aalajangersimasut, digitalikkut ilusit immikkuullarissut aamma digitalikkut atsiornerit assigisaasalu atornerarneri pillugit.

*Imm. 3.* Digitalikkut nalunaarut apuuttutut isigineqassaaq nalunaarummik nassitsiffigineqartumit pissarsiarineqarsinnaaleraangat.

**§ 8 b.** Styrelsi peqqussut una malillugu imaluunniit peqqussutip matuma malitsigisaanik maleruagassat atulersinneqartut malillugit atsiorneqanngitsumik aalajangiisinnaanera allanillu allagaqarsinnaasooq pillugu maleruagassanik Erhvervsstyrelsi aalajangersaasinnaavoq, maskiina taamaaqataalluunniit atsiornermik pilersitsisoqarluni imaluunniit aalajangiisup imaluunniit allagaqartup paatsuugassaannngitsumik kinaanerani qulakkeerisumik atuisoqarneratigut. Aalajangiinerit allakkallu taamatut ittut aalajangiinernut allakkanullu inummik atsiorneqartunut sanilliunneqarsinnaapput.

*Imm. 2.* Aalajangiinerit allakkallu allat, taamaallaat elektronikkkut paasissutissanik suliarinninneq tunngavigalugu aalajangerneqartut imaluunniit atulersinneqartut aatsaat Erhvervsstyrelsip nassiuussisuunera kisimi allanneqarsimatillugu pillugu maleruagassanik Erhvervsstyrelsi aalajangersaasinnaavoq.

**§ 8 c.** Peqqussut manna imaluunniit peqqussut manna malillugu maleruagassanik atulersinneqartut malillugit allakkap, Erhvervsstyrelsimiit allaanerisumik atulersinneqartoq, atsiorneqarsimanissaa piumasarineqarpat tamanna piumasarisaaq allakkamik atulersitsisup paatsuugassaannngitsumik kinaanerani qulakkeerisumik periutsimik atuisoqarneratigut naammassineqarsinnaavoq, taamaattoorli imm. 2 takujuk. Allakkat taamatut ittut allakkanut inummik atsiorneqartunut sanilliunneqarsinnaapput.

*Imm. 2.* Atsiorneqarsimanissaanik piumasaqaatip saneqqunneqarsinnaanera pillugu maleruagassanik erseqqinnerusunik Erhvervsstyrelsi aalajangersaasinnaavoq. Tassunga ilanngullugu aalajangersarneqarsinnaavoq inuup atsiornissaa pillugu piumasaqaat allakkat ilaannut aalajangersunit

saneqqunneqarsinnaanngitsoq.

## Kapitali 2

*Nalunaarsuineq, saqqummiussineq, allagaatinik toqqortaateqarneq, piffissarititaasut aamma nakkutiginninneq*

*Nalunaarsuineq aamma saqqummiussineq*

**§ 9** Peqqussut manna malillugu paasissutissat nalunaarsorneqartussaasut inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfianutg ilanngunneqarsimassapput, peqqussummi

matumani imaluunniit peqqussut manna malillugu allamik aalajangiisoqarsimanngippat. Nalunaaruteqartoq nammineq Erhvervsstyrelsip qarasaasiaqarfiani nalunaarsuinerмик isumaginninngippat, § 12, imm. 1 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

*Imm. 2.* Nalunaarsuinerup pisimanerata qulakkeerneqarnissaanut pisussaaffik, imaluunniit nalunaarutip nalunaarsorneqarnissaa siunertaralugu Erhvervsstyrelsimut nalunaarutiginissaa ingerlatseqatigiiffiup qitiusumik aqutsisunit pisussaaffigineqarpoq.

*Imm. 3.* Erhvervsstyrelsip qarasaasiaqarfiani tamanut saqqummiunneqartussat allakkat nalunaarutillu il.il. tamanut saqqummiunneqarnerini imm. 1 aamma 2 taamaaqataanik atorineqarput. Nalunaaruteqartoq nammineq Erhvervsstyrelsip qarasaasiaqarfiani nalunaarsuinerмик isumaginninngippat, § 12, imm. 2 takuuk, inatsisitigut pilersitsilluni aalajangiinerup kingusinnerpaamik sapaatit akunneri tallimat kingorna nalunaarut Erhvervsstyrelsimi tiguneqarsimassaaq.

**§ 10** Ingerlatseqatigiiffiup aningaasaliiffiusup qullersaqarfiani, siulersuisuini aamma nakkutilliisuisuini ilaasortat kukkunersuisorlu Erhvervsstyrelsip qarasaasiaqarfiani nalunaarsorsimaneqassapput.

*Imm. 2.* Suliassap naanissaa sioqqullugu kukkunersuisoq tunuarpat, § 144 takuuk, suliassap atorunnaarneranut pissutaasoq qitiusumik aqutsisunit naammattumik nassuiaat nalunaarsorneqarnermut imaluunniit nalunaaruteqarnermut ilanngunneqassaaq.

**§ 11** Ingerlatseqatigiiffiup aningaasaliiffiusup malittarisassaani imaluunniit pissutsini allani siusinnerusukkat Erhvervsstyrelsimi nalunaarsorneqarsimasuni allannguisoqarpat allannguneq Erhvervsstyrelsip qarasaasiaqarfiani nalunaarsoneqassaaq imaluunnit styrelsimut nalunaarutigineqarluni, takuuk § 9.

**§ 12** Peqqussut manna malillugu nalunaarsorneqartussaasut pissutsit nalunaarutigineri aamma nalunaarsorneqarneri pillugit maleruagassanik Erhvervsstyrelsi aalajangersaassaaq.

*Imm. 2.* Peqqussut manna malillugu styrelsip qarasaasiaqarfiani nalunaarsuinerit, allakkat nalunaarutillu il.il. tamanut saqqummiunneqarneri pillugit maleruagassanik Erhvervsstyrelsi aalajangersaassaaq. Peqqussut manna malillugu Erhvervsstyrelsip qarasaasiaqarfiani qitiusumik aqutsisut namminneq isumagisassaannik nalunaarutini il.il. tamanut saqqummiussineq, qitiusumik aqutsisunit nalunaaruteqartoqarnerata kingorna styrelsimi isumagineqarsinnaaneri pillugit maleruagassanik Erhvervsstyrelsi aalajangersaasinnaavoq.

*Imm. 3.* Nalunaarsuinermut allakkanillu il.il., tamanut saqqummiussinermut, styrelsip qarasaasiaqarfianik atuneq aamma kingusinaarluni akiliinermi tuavisaarilluni allakkianut il.il. akiliutit pillugit maleruagassanik Erhvervsstyrelsi aalajangersaasinnaavoq.

*Imm. 4.* Ingerlatseqatigiiffinnut inatsisitigut maleruagassanik aqutsinermut aamma kiffartuussinermut immikkut akissanik aalajangersarneqarsimanngitsunut ukiumut akiliummik akiliisarneq pillugu maleruagassanik Erhvervsstyrelsi aalajangersaasinnaavoq.

**§ 13** Nalunaarsuinerup imaluunniit nalunaarsuinerup nalunaarutitut aamma, aningaasaatitigut ingerlatseqatigiiffinni nalunaarsuinerup imaluunniit nalunaaruteqarnerup atatillugu nassiunneqartunut uppersaatinut oqaatsitigut piumasaqaatit pillugit maleruagassanik Erhvervsstyrelsi aalajangersaasinnaavoq.

*Imm. 2.* Ingerlatseqatigiiffimmi paasissutissanik kajumissutsimut nalunaarsuinerup aamma tamanut saqqummiussinerup aamma imm. 1 malillugu akuerineqartut oqaatsit atorlugit tamanut saqqummiussinerup pisussaaffiusup saniatigut Den Europæiske Unionimi pisortatigoortumik oqaatsit arlaat atorlugu pisinnaanera pillugu maleruagassanik Erhvervsstyrelsi aalajangersaasinnaavoq.

*Imm. 3.* Pinngitsoorani nalunaarsorneqartussanut tamanullu saqqummiunneqartussanut, imm. 1 tak., allagaatit paasissutissallu aamma taakkuninnga nutsernerit kajumissutsimik tamanut saqqummiunneqartut akornanni naapertuuttoqartinnagu ingerlatseqatigiiffiup nutserneqarsimasok allamut atuutsissinnaanngilaa. Akerlianilli allap kajumissutsimik oqaasertat tamanut saqqummiunneqartoq ingerlatseqatigiiffimmut atuutsissinnaavai, nalunaarsorneqartussatut pisussaaffiusok pineqartoq, Erhvervsstyrelsip qarasaasiaqarfiani tamanut saqqummiunneqarsimasok, § 9, imm. 1 naap., kajumissutsimik tamanut saqqummiunneqartuni allagaatini atorneqarsinnaanngitsok uppersarneqanngippat.

**§ 14** Peqqussut manna malillugu nalunaarsorneqarsimasut ingerlatseqatigiiffiit pillugit nalunaarsuiffimmi Erhvervsstyrelsi allattuissaaq. Peqqussut manna malillugu nalunaarsuineq styrelsenip it-kkut atortorissaarutaani pissaaq. Peqqussut manna malillugu paasissutissat nalunaarsorneqartussat, aamma ingerlatsiviup allagaatai, Erhvervsstyrelsenimut nassiunneqartussat, Det Centrale Virksomhedsregisterimi saqqummiunneqassapput, imaassimanngippat peqqussummik allamik aalajangersaasoqarsimasok imaluunniit taanna malillugu malittarisassaliortoqarsimasok.

*Imm. 2.* Paasissutissat, qarasaasiaqarfimmi tamanut saqqummiunneqarsimasut allamit ilisimaneqalersutut isigineqarput. Oqaaseqatigiilli siulliit tamanut saqqummiussinermiit kingusinnerpaamik ullut 16-issaanni iliuuserineqartunut atorneqassanngillat, pissutsinut tamanut saqqummiunneqartunut allap ilisimasaqarsimannginnera uppersarneqarsinnaanngippat.

*Imm. 3.* Tamanut saqqummiussineq qarasaasiaqarfimmi pisimatinnagu pissutsit nalunaarsorneqartussat aamma tamanut saqqummiunneqartussat allamut atuutsinneqarsinnaanngillat, taanna tamatuminnga ilisimannissimasok uppersarneqarsinnaanngippat. Pissuseq taamatut ittoq tamanut sulit saqqummiunneqarsimanngippat allamit pissutsip atuutsinnissaa akornuserneqanngilaq.

**§ 15** Pissutsip nalunaarsorneqarnissaa kissaatigineqartup peqqussummi matumani aalajangersakkanik, peqqussut manna imaluunniit ingerlatseqatigiiffiup malittarisassai naapertorlugit aalajangersakkanik naammassinninngitsut nalunaarsorneqassanngillat. Nalunaarsuineq aamma ingerlanneqassanngilaq, aalajangiineq nalunaarsuinerup tunngaviusok, peqqussummi najoqqutassat, peqqussummi manna naapertorlugu aalajangersakkani aalajangersarneqartut, imaluunniit ingerlatseqatigiiffiup malittarisassaani aalajangersarneqartut naapertorlugit pilersinneqarsimanngippat.

*Imm. 2.* Nalunaaruteqartoq, Erhvervsstyrelsip qarasaasiaqarfianut pissutsinik nalunaarsuisok imaluunniit tamanna pillugu Erhvervsstyrelsip qarasaasiaqarfiani nalunaarsuiffianut nalunaarummik nassiussisok nalunaarsuinerup imaluunniit nalunaarutip inatsisinut naapertuunneranut akisussaavoq, tassunga ilanngullugu pisariaqartinneqartumik piginnaatitsissummik peqarnera, aamma nalunaarsuinerup imaluunniit nalunaaruteqarnerup atatillugu uppersaatinut atuuttuunera.



*Imm. 3.* Imm. 1 aamma 2 taamaaqataanik allagaatinut il.il., Erhvervsstyrelsenip qarasaasiaqarfiani tamanut saqqummiunneqartunut atorneqarput, imaluunniit peqqussut manna malillugu tamanut saqqummiunneqartussanngorlugu styrelsimut nassiunneqartunut.

**§ 16.** Peqqussut manna malillugu nalunaarsuiffimmi atit pillugit paasissutissat qaqugukkulluunniit Det Centrale Virksomhedsregisterimi saqqummiunneqassapput, imaassimannngippat Erhvervsstyrelseni allamik aalajangiisoq. Tamanna ingerlatsivinnut ingerlasunut aamma atorunnaarsinneqarsimasunut atuuppoq.

*Imm. 2.* Peqqussut manna malillugu nalunaarsuiffimmi inuit najugarisaat pillugit paasissutissat qaqugukkulluunniit Det Centrale Virksomhedsregisterimi saqqummiunneqassapput, inuup Det Centrale Virksomhedsregisterimi nalunaarsorneqarsimasup suliffeqarfimmi peqataajunnaarneraniit ukiut 5-t tikillugit. Tamanna suliffeqarfinnut ingerlasunut, atorunnaarsimasunut aamma piiarneqarsimasunut atuuppoq.

*Imm. 3.* Inunnut, Det Centrale Virksomhedsregisterimi atertik aamma najugartik pillugu illersugaasutut nalunaarsorsimasunut, Det Centrale Virksomhedsregisterimi najugaat saqqummiunneqassanngilaq, Det Centrale Virksomhedsregisterimi illersugaanerat atuutsillugu, imaassimannngippat inuup noqqaassutigigaa Det Centrale Virksomhedsregisterimi najukkani pillugu illersugaanini atuutissanngitsaq.

*Imm. 4.* Inuit, cpr-normoqanngitsut, Erhvervsstyrelseni noqqaavigisinnaavaat najugartik Det Centrale Virksomhedsregisterimi illersorneqassasoq.

*Imm. 5.* Erhvervsstyrelseni najukkanik illersuineq pillugu atugassarititaasunik aamma piumasagaatinik aamma inuit cpr-normoqanngitsut najugaat illersugaasut pillugit paasissutissanik ingerlatitseqqiisarneq pillugu aalajangersaassaaq, tak. Imm. 4.

*Imm. 6.* Tamakkiisumik akisussaasunut, piginnittunut aamma aqutsisoqatigiinnut ilaasortanut imm. 1-imi aamma 2-mi pineqartunik inuttut paasissutissaannik nutarsaaneq atorunnaassaaq, inuup suliffeqarfimmi Det Centrale Virksomhedsregisterimi nalunaarsorneqarsimasumik peqataajunnaarneraniit ukiut 5-t qaangiunneranni.

### *Ingerlatseqatigiiffiit allagaataannik toqqortaateqarneq*

**§ 17.** Aningaasaatinik ingerlatsiviup pisortaasa isumagissavaat, ingerlatsiviup allagaataasa, ukiumut naatsorsuiffiusumut attuumassuteqartut, ukiup naatsorsuiffiusup qaangiunneraniit ukiut 5-t tikillugit isumannaatsumik toqqortaagineqarnissaat. Toqqortaatiginninneq imatut pissaaq, ingerlatseqatigiiffiup allagaatai pineqartut piffissami toqqortaateqarfiusumi tamarmi nassaarineqarsinnaasunngortillugit nammineernikkut.

**§ 18.** Ingerlatsiviup allagaatai imatut toqqortaatineqassapput, nunami maani ajornaquteqanngitsumik pisortat oqartussa qarfiinit allagaatinik takunnissinnaanermut piginnaatitaasunut pissarsiarineqarsinnaasunngortillugit.

*Imm.2.* Ingerlatsiviup allagaatai elektroniskiusumik toqqortaatineqanngikkunik, nunami maani pappialanngorlugit toqqortaatineqassapput.

**§ 19.** Ingerlatsivik atorunnaarsinneqarpat, kingulliullutik pisortaqaatigiittut nalunaarsorneqarsimasut, peqqussummut matumunnga naapertuuttumik allagaatit toqqortaatineqaannarnissaat

isumagissavaat. Eqqartuussivik pigisanik aalajangersaaviusoq aqqutigalugu ingerlatsivik atorunnaarsinneqarpat, eqqartuussiviup pigisanik aalajangersaaviusup aalajangersinnaavaa, kingulliullutik pisortaqatigiittut nalunaarsorneqarsimasuniunngitsoq allanilli allagaatit toqqortaatigineqassasut.

*Imm. 2.* Pisuni allani, pisortaqatigiit tunuarneranni, pisortaqatigiit ilaasortaasa isumagissavaat, tunuarnissaq tikillugu ingerlatseqatigiiffiup allagaatai peqqussummut matumunnga naapertuuttumik toqqortaatigineqarnissaat. Pisortaqatigiinnik tunuartunik pisortaqatigiit nutaat taarsiigunik, pisortaqatigiit tunuartut ilaasortaasa ingerlatseqatigiiffiup allagaatai pisortaqatigiinnut nutaanut tunniutissavaat.

#### *Aalajangiinerit atunngitsut*

**§ 20** § 109-mi ilaasut eqqaassanngikkaanni inuit arlaat isumaqarpat pilersuisunit, ataatsimeersuarnermi imaluunniit ingerlatseqatigiiffiup aqutsisuinit aalajangiinnermut tunngasoq nalunaarsuineq pineqartumut akornusiisoq nalunaarsorneqarnerup peerneqarnissaa pillugu apeqquut eqqartuussivinniissaaq.

*Imm. 2.* Tamanna pillugu suliaq nalunaarsuinerup Erhvervsstyrelsip qarasaasiaqarfiani tamanut saqqummiunneqarneraniit kingusinnerpaamik qaammatit arfinillit kingorna ingerlatseqatigiiffimmut saqqummiunneqassaaq. Eqqartuussivik eqqartuussutip allatanngornera Erhvervsstyrelsimut nassiutissavaa, tamatumalu kingorna suliap inerneqarnera pillugu paasissutissat styrelsip qarasaasiaqarfiani tamanut saqqummiullugu.

#### *Piffissaliussat*

**§ 21** Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq isumagineqarsinnaasoq imaluunniit isumagineqassasoq, iliuusissap ingerlanneqarnissaanut piffissaliussaq pisussaq taanna sioqqullugu ullormiit naatsorsorneqassaaq.

*Imm. 2.* Iliuusissap ingerlannissaanut piffissaliussaq sapaatip akunnerata naanerani, nalliuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq taanna sioqqullugu ulluinnarmi kingullermi kingusinnerpaamik isumagineqassaaq. Peqqussummi imaluunniit peqqussut naapertorlugu najoqqutassani atulersinneqartumi iliuusissaq imaluunniit aalajangiineq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq aalajangiinissarluunniit siusinnerpaamik isumagineqarsinnaasoq, iliuusissap ingerlanneqarnissaanut piffissaliussaq pisussaq taanna sioqqullugu ullormiit naatsorsorneqassaaq. Iliuusissaq aalajangiinissarluunniit siusinnerpaamik piffissaliussap naanerata aqaguaniit siusinnerpaamik isumagineqarsinnaavoq. Pisussaq aalajangersimasoq ullunik, sapaatit akunnerinik, qaammatinik imaluunniit ukiunik aalajangersimasunik sioqqullugu peqqussummi imaluunniit peqqussut malillugu atulersinneqartuni najoqqutassani aalajangersarneqarpat iliuusissaq kingusinnerpaamik isumagineqassasoq, iliuusissap ingerlanneqarnissaanut piffissaliussaq pisussap taassuma aqaguani ullormiit naatsorsorneqassaaq, takuuk imm. 2-4.

*Imm. 2.* Piffissaliussaq, imm. 1 takuuk, sapaatit akunnerini allanneqarsimappat iliuuseqarnissamut piffissaliussaq sapaatip akunnerani ullormi pisussap piffissaani naassaaq.

*Imm. 3.* Piffissaq, imm. 1 takuuk, qaammatini allanneqarsimappat iliuusissap isumagineqarnissaanut piffissaliussaq qaammammi ullormi pisussap pinissaani naassaaq. Pisussaq qaammammi ullormi kingullermi pissappat, imaluunniit piffissaliussaq qaammatip ulluani

nassaassaangitsumi pisussaappat, qaammammi kingullermi ullormi kingullermi piffissaliussaq tamatigut naasassaaq qaammatip sivisusussaa apeqqutaatinnagu.

*Imm. 4.* Piffissaliussaq, imm. 1 takuuk, ukiumi allanneqarsimappat, iliuusissap isumaginissaanut piffissaliussaq pisussap ukiumi ullup nalliunnerani naassaaq.

*Imm. 5.* Piffissaliussaq sapaatip akunnerata naanerani, nalliuttuni, inatsisitaarfimmi, juulliaqqami imaluunniit ukiutoqqami naappat iliuuserisassaq tamatuma kingorna ulluinnarmi siullermi kingusinnerpaamik isumagineqassaaq.

### Kapitali 3 *Pilersitsineq*

#### *Pilersitsisut*

**§ 23** Ingerlatseqatigiiffik aningaasaliiffiusoq pilersitsisumit ataatsimit arlallinnilluunniit pilersinneqarsinnaavoq.

*Imm. 2.* Pilersitsisoq nammineersinnaassuseqassaaq aammalu akilersuiunnaarallartutut akiliisinnaajunnaartutulluunniit nalunaarutigineqarsimassanani.

*Imm. 3.* Pilersitsisoq inuuppat, taanna nammineersinnaassuseqassaaq aamma nammineersinnaassuseqarneq pillugu inatsit kunngip peqqussuteqarneratigut Kalaallit Nunaanni atortuulersinneqartoq naapertorlugu sinniisuutitaqassanngilaq.

*Imm. 4.* Pilersitsisoq inatsisitigut pisinnaatitaappat pisussaataitaappallu taanna pisinnaatitaaffinnik pissarsisinnaanermut pisinnaatitaassaaq, pisussaaffilerneqarsinnaalluni aamma eqqartuussivimmi suliani peqataasinnaalluni.

#### *Nakkutilliineq*

**§ 23 a.** Peqqussutip uuma aamma taanna malillugu malittarisassat aalajangersarneqarsimasut malinneqarnissaat Erhvervsstyrelsenip nakkutigissavaa, tassunga ilagitillugit paasissutissat nalunaarsorneqartussaataasut aamma ingerlatseqatigiiffiit allagaataat, peqqussut manna malillugu piumasaqaatigineqartut.

*Imm. 2.* Erhvervsstyrelseni nalunaarutininik tiguneqarsimasunik nalunaarsuilluni nakkutiginnissinnaavoq, ingerlaannaq digitalimik aalajangiinermik kinguneqartunik imaluunniit naliginnaasumik suliarineqarnissamut toqqarneqartunik.

*Imm. 3.* Erhvervsstyrelseni aningaasaatinik ingerlatsiviit nalunaarsorsimasaannik mianernarsinnaasortaqaartumik nakkutilliinermik ingerlatsisinnaavoq.

*Imm. 4.* Sapinngisaq naapertorlugu nakuutilliineq datatigut aamma digitalimik ingerlanneqassaaq.

*Imm. 5.* Nakkutilliineq pisuni immikkuullarissuni misiliutitut nakkutilliinertut ingerlanneqarsinnaavoq.

*Imm. 6.* Peqqussut manna malillugu Erhvervsstyrelsenip nakkutilliinera styrelsenip susassaarfiani inatsit alla malillugu ingerlanneqarsinnaavoq. Erhvervsstyrelsenip nakkutilliinera oqartussa qarfiit allat suleqatigalugit aaqqissuunneqarsinnaavoq, namminneq susassa qarfimminni inatsisit malillugit nakkutilliinerannut atasumik.

**§ 23 b.** Peqqussut, peqqussut malillugu malittarisassat aalajangersarneqarsimasut aamma aningaasaatinik ingerlatsiviup malittarisassai malinneqarnerat pillugu aalajangiinissamut Erhvervsstyrelsenip paasissutissat pisariaqartinneqartut piumasaqaatigisinnavaa, tassunga ilagitillugit aningaasat tunngaviusut piunersut, aamma pisortaqaatigiinnut ilaasortatut nalunaarsorsimasut ilumut ingerlatsisuunersut.

*Imm. 2.* Erhvervsstyrelseni imm. 1. malillugu paasissutissat pillugit piumasaqaateqarnerminut atatillugu, immikkut pisuni, ingerlatsiviup paasissutissat ilumuussusaat pillugu naatsorsuuserisumit

akuerisaasumit, advokatimit imaluunniit allamit paasisimasalimmit nalunaarummik piniarnissaanik piumasaqarsinnaavoq, tassunga ilagitillugit aningaasat tunngaviusut piunersut, aamma nalunaarsuinnermut imaluunniit nalunaaruteqarnermut atatillugu aningaasaqarnikkut suliat inatsisit malillugit suliarineqarsimanerinit. Taanna, pkt. 1. malillugu, nalunaaruteqartoq nalunaarummi aningaasaatinik ingerlatsivimmut attuumassuteqannginnini uppersarsassavaa.

**§ 23 c.** Erhvervsstyrelsenip pisumi nalunaarutigineqarsimasumik imaluunniit nalunaarsorneqarsimasumik inatsisit malilneqarsimaneranik qulartoqarnera ilisimaleruniuk, styrelseni aalajangersinnaavoq, § 9, imm. 1 malillugu nalunaarsuinnerit, pisinnaanngitsut, pisoq qulaajaaffigeqqaartinnagu.

*Imm. 2.* Nalunaarutiginnittup, nalunaarsuinnerup pisinnaannginnera, aamma tamatumunnga tunngavilersuut allakkatigut nalunaarutigissavaa. Erhvervsstyrelsenip aamma styrelsenip it-kkut atortulersuutaatigut styrelsenip aalajangiinnermut tunngavilersuutaa pillugu nalunaarut saqqummiutissavaa.

*Imm. 3.* Erhvervsstyrelsenip pisuni imm. 1-imi ilaatinneqartuni, ilanngullugu pisortaqaatigiit tunuarnerat nalunaarsorsinnaavaa.

**§ 23 d.** Erhvervsstyrelsenip inuk pillugu paasisutissat, peqqussut manna malillugu nalunaarutigineqartut imaluunniit nalunaarsorneqartut amigaateqarsorigunigit, styrelsenip pineqartup nalunaarsorneqarnissaa itigartitsissutigisinnaavaa, imaluunniit styrelsenip pineqartup nalunaarsorneqarnera peersinnaavaa.

*Imm. 2.* Inuk atuuttumik najugarisaqanngippat, Erhvervsstyrelsenip pineqartup nalunaarsorneqarnissaa itigartitsissutigisinnaavaa, imaluunniit styrelsenip pineqartup nalunaarsorneqarnera peersinnaavaa.

*Imm. 3.* Inuup kinaassusaa pillugu nalornisoqarpat, peqqussut manna malillugu nalunaarutigineqarsimasup imaluunniit nalunaarsorneqarsimasup, Erhvervsstyrelsenip pineqartup kinaassusaata aamma kinaassutsimut uppersarsaatit tunniunneqarsimasut uppersarsarneqarnissaat piumasarisinnaavaa. Pisariaqartinneqarpat Erhvervsstyrelsenip, inuup nammineerluni Erhvervsstyrelsenimut imaluunniit allanut Erhvervsstyrelsenip taamatut kinaassutsimik uppersarsaanissamut piginnaatitaanut takkunnikkut kinaassutsiminik uppersarsaanissaa piumasarisinnaavaa.

*Imm. 4.* Suli inuup kinaassusaa pillugu nalornisoqarpat, Erhvervsstyrelsenip pineqartup nalunaarsorneqarnissaa itigartitsissutigisinnaavaa, imaluunniit imm. 1 malillugu styrelsenip pineqartup nalunaarsorneqarnera peersinnaavaa.

*Imm. 5.* Imm. 3 nalunaaruteqartup kinaassusaa pillugu nalorninnermi assinganik atuutissaaq. Suli nalunaaruteqartup kinaassusaa pillugu nalornisoqarpat, Erhvervsstyrelsenip pineqartumit nalunaartuteqartumit nalunaarutiginninnerit nalunaarsorneqarnissaat itigartitsissutigisinnaavaa.

**§ 23 e.** Erhvervsstyrelseni aningaasaatinik ingerlatsiviup najukkatut nalunaarsugaanut attavigineqarsinnaanerani nakkutilliisinnaavoq, tak. § 5, nr. 13.

**§ 23 f.** Pisortaqatigiinnut ilaasortap pisortaaqataanera pillugu nalornisoqarpat, tak. § 112, imm. 2, Erhvervsstyrelseni pineqartup nalunaarsorneqarnissaa itigartitsissutigisinnaavaa, imaluunniit styrelsenip pineqartup nalunaarsorneqarnera peersinnaavaa.

#### *Nalunaarsuineramik nakkutilliineq*

**§ 23 g.** Nalunaarutit Erhvervsstyrelsenimiit digitalimik erngertumik aalajangiivigineqarsinnaapput imaluunniit nalinginnaasumik suliassatut tiguneqarsinnaallutik.

*Imm. 2.* Erhvervsstyrelsenip pisoq nalunaarutigineqartoq pillugu kukkuneq imaluunniit amigaateqarneq ataatsimeersuarnermi aalajangiinikkut imaluunniit aningaasaatinik ingerlatsiviup pisortaanerisa aalajangiineratigut aaqqinneqarsinnaasutut nalileruniuk, styrelsenip pisup aaqqinneqarnissaanut piffissaliilluni aalajangiisinnaavoq.

*Imm. 3.* Pisoq piffissaliussatut aalajangiussap qaangiutinnginnerani aaqqiivigineqanngippat, nalunaarsuineq pisinnaanngilaq.

*Imm. 4.* Nalunaartuteqartoq allakkatigut nalunaarfigineqassaaq, imm. 1 malillugu nalunaarsuineq pisinnaanngitsoq, aamma tamatumunnga tunngavilersuutigineqartoq pillugu.

#### *Malitsigisaasutut nakkutilliineq*

**§ 23 h.** Erhvervsstyrelsenip piffissami nalunaarsuiffimmiit ukiut 5-t tikillugit piumasarisinnaavaa, nalunaarsuinerup inatsisinik eqquutsitsilluni pisimaneramik uppenarsaammik nassiussinissaq.

*Imm. 2.* Erhvervsstyrelsenip paasissutissanik eqqunngitsunik nalunaarsuisoqarsimasoq nalileruniuk, styrelseni tamatumunnga allaffissornikkut aaqqiissuteqarsinnaavoq.

#### *Nakkutilliineramik sulianik saqqummiussineq*

**§ 23 i.** Erhvervsstyrelsenip naleqquttutut nalileruniuk, §§ 23 g aamma 23 h malillugit nakkutilliinerup aallartinneqarnera imaluunniit aallartinneqarsimanera saqqummiussinnaavaa. Erhvervsstyrelsenip aamma nakkutilliinerup inerneru saqqummiussinnaavaa.

*Imm. 2.* Imm. 1 malillugu saqqummiussineq Erhvervsstyrelsenip nittartagaatigut pissaaq. Erhvervsstyrelsenip saqqummiussineq qanoq pissanersoq aalajangissavaa.

*Imm. 3.* Erhvervsstyrelsenip suliamik politiinut misissugassanngortitsilluni aalajangiinera styrelsenip nittartagaatigut saqqummiunneqarsinnaavoq. Aningaasaatinik ingerlatsiviup imaluunniit inuit atii, peqqussut manna malillugu nalunaarsorneqartussaataasut, saqqummiussinermi ilanngunneqarsinnaapput.

*Imm. 4.* Imm. 1-3 malillugit saqqummiussineq pisinnaanngilaq, tamanna eqqartuussisarnermi pillaatissartalinnik misissuinermut atatillugu navianaateqarpat, imaluunniit saqqummiussineq annertuumik innarliineramik kinguneqassappat

#### *Pilersitsinermi allagartaq*

**§ 24** Pilersitsisut ingerlatseqatigiiffiup aningaasaliiffiusup malittarisassaanik imaqartumik pilersitsinermi allagartamik atsiugaqassapput.

**§ 25** Pilersitsinermi allagartaq uku pillugit paasissutissanik imaqassaaq

- 1) ingerlatseqatigiiffimmi aningaasaliiffiusumi pilersitsisut atii, najugai aamma Erhvervsstyrelsen qarasaasiaqarfiani nalunaarsorneqarnermi normu,
- 2) aningaasaatinik piginneqataassutit pisiarinerini naligititaq,
- 3) piginneqataassutininik pisinissamut aamma aningaasaatitigut piginneqataassutit akilernissaannut piffissaliussat,
- 4) pilersitsineq ullormit aalajangersimasumit sorlermiit inatsisitigut sunniuteqalernissaa, § 40, imm. 3-5 tak.,
- 5) pilersitsineq ullormit sorlermiit naatsorsuutit eqqarsaatigalugit sunniuteqalernissaa, § 40, imm. 6 tak., aamma
- 6) pilersitsinermi aningaasartuutininik ingerlatseqatigiiffik aningaasaliiffiusoq aningaasartuuteqassanersoq taamaattoqassappallu aningaasartuutit missingiliuussat.

**§ 27.** Pilersitsinermi allagartaq aamma pissutsit makku pillugit aalajangersakkanik imaqassaaq, taakku pillugit aalajangiisoqarsimappat:

- 1) Immikkut pisinnaatitaaffiit imaluunniit iluaqutissat, pilersitsisunit allanilluunniit pissarsiarineqartussat,
- 2) pilersitsisunik allanilluunniit isumaqatigiissuteqarneq, taamaalilluni ingerlatseqatigiiffimmut aningaasaliiffiusumut aningaasatigut annertuumik pisussaaffiliisinnaasut,
- 3) aningaasaatitigut piginneqataassutit aningaasanit allaanerusunik allanik nalilinnik aningaasaliinikkut pissarsiarineqarsinnaapput, § 35 tak.,
- 4) ingerlatseqatigiiffiup aningaasaliiffiusup ukiumoortumik naatsorsuutai il.il. kukkunersiorneqassanngitsut, aningaasaatitigut ingerlatseqatigiiffiup kunngip peqqussuteqarneratigut Kalaallit Nunaanni atortuulersinneqartoq naapertorlugu ukiumoortumik naatsorsuutit pillugit inatsit, imaluunniit inatsisit allat malillugit kukkunersuiisup atorneqannginnissaa toqqarpagu, aamma
- 5) ingerlatseqatigiiffimmi aningaasaatit pisiarineqartut ilai, piffissami pilersitsinermi akilerneqartut annertussusaat.

*Imm. 2.* Pilersitsinermi allagartami imm. 1 naapertorlugu aalajangiiffigineqartut aalajangersakkat nalilernerinut pingaaruteqartut pisut pillugit pilersitsisut nassuiaassapput. Aalajangersakkanut ilaasut inuit aqqi najugaalu nassuiaammi allanneqassapput.

*Imm. 3.* Allagaatit, pingaarnersatut imai pilersitsinermi allagartami issuarneqanngitsut, kisiannili pilersitsinermi allagartami innersuussutigineqartut, tassunga ilanngunneqassapput.

*Imm. 4.* Pissutsit pilersitsinermi allagartami eqqaaneqartut pillugit isumaqatigiissutit, kisiannili tassani akuerineqanngitsut, ingerlatseqatigiiffimmut aningaasaliiffiusumut atuuffeqanngillat.

#### *Malittarisassat*

**§ 28.** Ingerlatseqatigiiffiup aningaasaliiffiusup malittarisassai uku pillugit paasissutissanik imaqassapput:

- 1) Ingerlatseqatigiiffiup aningaasaliiffiusup aqqa saniatigullu taaguuteqassappat taaguutai,
- 2) ingerlatseqatigiiffiup aningaasaliiffiusup siunertaa,
- 3) ingerlatseqatigiiffiup aningaasaataasa annertussusai aamma aningaasaatini piginneqataassutit amerlassusaat imaluunniit aningaasaatitigut piginneqataassutit naleqassusaat,
- 4) aningaasaatitigut piginneqataassutit pisinnaatitaaffii,

- 5) ingerlatseqatigiiffiup aningaasaliiffiusup aqutsisutigut aaqqissugaanera, tassunga ilanngullugu aqutsisut aaqqissugaanerat toqqarneqartoq pillugu paasissutissaq, § 111 tak., aamma aktieselskabini aqutsisutigut aaqqissugaanerni assigiinngitsuni ilaasortat aamma sinniisuusinnaasut amerlassusaat imaluunniit ikinnerpaaffissaat amerlanerpaaffissaallu pillugit paasissutissat kiisalu aqutsisutut aaqqissugaanermi qullersaasumik ilaasortat piffissaq qinigaaffiat,
- 6) ataatsimeersuarnissamut aggersaaneq aamma
- 7) ingerlatseqatigiiffiup aningaasaliiffiusup ukiumoortumik naatsorsuusiorfigisartagaa.

**§ 29** Ingerlatseqatigiiffiup aningaasaliiffiusup malittarisassai aamma peqqussut manna malillugu malittarisassani ilanngunneqartussanik aalajangiinerit pillugit paasissutissanik imaqassaaq, aamma ingerlatseqatigiiffiup aningaasaliiffiusup atuuffissaa killeqarpat ingerlatseqatigiiffiup aningaasaliiffiusup kingusinnerpaamik atuukkunnaarnissaanut piffissaq pillugu.

*Ingerlatseqatigiiffimmi aningaasaatinik pisiumalluni nalunaarneq*

**§ 30** Aningaasaatinit pigisassanik pisiumalluni nalunaarneq pilersitsinermi allagartami pissaaq ilanngussaqaqtarsinnaalluni.

**§ 31** Aningaasaatinit pigisat nangaassuteqarluni imaluunniit nalia ataallugu pisiumalluni nalunaartoqassanngilaq.

**§ 32** Aningaasaatinit pigisanik pisiumanissamut nalunaarneq akuerineqarsinnaanersoq pillugu pilersitsisut aalajangiissapput, taamaattoorli § 31 tak.

*Imm. 2.* Nalinga sinnerlugu pisiumanissamut nalunaartoqartillugu pilersitsisut nalunaarsuinissaq imaluunniit nalunaarsorneqarnissamut nalunaaruteqarnissaq sioqqullugu, §§ 9 aamma 40 tak., aningaasaatinik piginneqataassutit qassit pisiumanissamut nalunaartunut ataasiakkaanut tutsinneqassanersut aalajangiissapput. Pilersitsinermi allagartaq malillugu pilersitsisup pisiumanissamut nalunaartunut aningaasanik annikinnerusunik aningaasaatinit piginneqataassutininik pilersitsisumut tunniussisoqassanngilaq.

*Imm. 3.* Pilersitsisut inuit ingerlatseqatigiiffinni aningaasaliiffiusuni aningaasaatitugut piginneqataassutininik pisiumanissamut nalunaarsimasut sapinngisamik piaarnerpaamik nalunaarfigissavaat,

- 1) pisiumanissamut nalunaarneq akuerineqanngippat,
- 2) pilersitsisut pisiumanissamut nalunaarneq atortussaannngitsippassuk imaluunniit
- 3) ingasanaarluni pisiumanissamut nalunaarnerup malitsigisaanik aningaasat pisiassatut pisussaaffiliisut appartinneqarpata.

*Imm. 4.* Malittarisassani allanneqartumik qaffasinnerusumik appasinnerusumilluunniit ingerlatseqatigiiffik aningaasaateqartillugu ingerlatseqatigiiffimmik aningaasaliiffiusumik pilersitsinissaq pillugu siunnersuut taamaallaat pilersitsisunit aamma aningaasaatinik pisisimasunit tamanit akuersisoqarneratigut akuerineqarsinnaavoq.

*Imm. 5.* Ingerlatseqatigiiffiup aningaasaatai imaluunniit aningaasat ikinnerpaaffissaatut aalajangiineq tamakkiisumik pisiarineqarsimanngippat aamma pilersitsisunit akuerineqarnani ingerlatseqatigiiffiup aningaasaliiffiusup pilersinneqarnera taamaalillunilu aningaasaatinik pisisut pisussaaffii atorunnaassapput. Aningaasat akilerneqarsimasut utertillugit akilerneqassapput. Pilersitsinermi aningaasartuutit ilanngaatigineqarsinnaapput, tamanna pisinermi piumasaqaatigineqarsimappat.

### *Ingerlatseqatigiiffiup aningaasaataanik akiliineq*

**§ 33** Qaqugukkulluunniit ingerlatseqatigiiffiup aningaasaataasa 25 pct.-ii akilerneqarsimassapput, ikinnerpaamilli 40.000 kr.-t. Akiliineq aningaasaatinik piginneqataasunut ataasiakkaanut naleqqiullugu pissaaq. Nalinga sinnerlugu akiliisoqassasoq aalajangerneqarpat aktieselskabimi nalinganik sinniineq tamakkiisumik akilerneqassaaq, ingerlatseqatigiiffiup aningaasaataasa ilai akilerneqannginneri apeqqutaatinnagu. Anpartsselskabini nalinganik sinniineq tamakkiisumik akilerneqassanngilaq, kisiannili ingerlatseqatigiiffimmi aningaasaatit annertoqataattut ilaannakuusumik akilerneqarsinnaalluni. Ingerlatseqatigiiffiup aningaasaatai tamarmik ilaannaaluunniit aningaasaliinermi aningaasaanngitsunik nalilinnik allanik akilerneqarpata, § 35 tak., ingerlatseqatigiiffiup aningaasaatai tamarmik aamma nalingata sinnera tamakkiisumik akilerneqassaaq.

*Imm. 2.* Ingerlatseqatigiiffiup aningaasaatai akilerneqanngitsut ingerlatseqatigiiffiup aningaasaliiffiusup qitiusumik aqutsisunit qaquguluunniit piumasarineqarpat akilerneqassaaq. Akiliinissamut piffissaliussaq sivikinnerpaamik sapaatit akunneri marluupput. Malittarisassani sivilunerusumik piffissaliisoqarnissaanik aalajangersaasoqarsinnaavoq, taamaattorli sapaatit akunneri sisamat qaangertussaananagit.

*Imm. 3.* Aningaasaatinik piginnaataassutinik akiliinernut ingerlatseqatigiiffiup aningaasaliiffiusup pissarsiassai tunineqarsinnaanngillat imaluunniit taarsigassarsianut sallunaveeqqutaasinnaanngillat.

*Imm. 4.* Ingerlatseqatigiiffiup aningaasaataasa annertussusaat allakkani allanilu niuernerminni pappiarani, tassunga ilanngullugit elektronikkikkut nalunaarutit, aamma ingerlatseqatigiiffiup aningaasaliiffiusup nittartagaani allanneqarpata, aningaasaatit pisiassatut nalunaarutigineqartut kiisalu aningaasaatit akilerneqartut allanneqassapput.

**§ 34** Aningaasaatinik piginnittup pisinnaatitaaffii peqqussut manna malillugu allanngussanngillat, aningaasaatinik piginneqataassutit tamakkiisumik akilerneqarsimanersut apeqqutaatinnagu, taamaattorli imm. 3 tak.

*Imm. 2.* Aningaasaatinik piginnittoq, qitiusumik aqutsisut tamatuminnaga qinnuteqarpata, aningaasaatinik piginneqataassutinik akiliinissamut pisussaaffeqarpoq, tak. § 33, imm. 2. Aningaasaatinilli piginnittoq qaqugukkulluunniit aningaasaatinik piginneqataassutini aningaasat isumannaarneqarsimanngitsut akilernissaannut pisinnaatitaaffeqarpoq, qitiusumik aqutsisut tamanna pillugu qinnuteqarnermi saqqummiussisimaneri apeqqutaatinnagu. Aningaasaatinik piginnittoq aningaasaatinik piginneqataassutini pineqartuni aningaasat isumannaarneqarsimanngitsut tamaasa akilissavai, malittarisassat allamik aalajangiisimanngippata.

*Imm. 3.* Aningaasaatinik piginnittoq aningaasaatinik piginneqataassutini aningaasat isumannaarneqarsimanngitsut akilerneqarnissaat pillugu qitiusumik aqutsisut piumasaqarnerannik piffissaagallartillugu naammassisimanngippagu, aningaasaatinik piginnittup ingerlatseqatigiiffimmi aningaasatigut akiligassami ilaata arlaannut taasisinnaatitaanini atorsinnaanngilaa, pineqartullu aningaasatigut akiligassai ataatsimeersuarnermi sinniisuuffigineqartutut isigineqarnatik, aningaasat akilerneqartinnagit aamma ingerlatseqatigiiffimmit aningaasaliiffiusumit nalunaarsorneqartinnagit. Tamannali iluanaarutinit pisinnaatitaaffinnut allanullu aningaasanut tigusassanut kiisalu aningaasaatit qaffanneqarnerini aningaasaatini piginneqataassutsinut nutaanik pisinnaatitaaffeqarnermut atuutinngilaq. Qitiusumik aqutsisut aningaasaatinik piginnittup pineqartup aningaasaatinik piginnittutut pisinnaatitaaffiinit ingerlatseqatigiiffimmiit iluanaarutissani aningaasaatinit akiliinissami ingerlatseqatigiiffiup aningaasaliiffiusup piumasaqaatai



ilanngaatineqarsinnaapput.

*Imm. 4.* Ingerlatseqatigiiffiup aningaasaliiffiusup qitiusumik oqartussanit akuerineqaqqaarnani aningaasat isumannaarneqarsimannngitsut akilernissaannut pisussaaffigisaminut ingerlatseqatigiiffimmi aningaasaliiffiusumi pissarsiassani aningaasaatinik piginnittup ilanngaatigisinnaanngilai. Ilanngaassineq ingerlatseqatigiiffimmut aningaasaliiffiusumut taassumaluunniit akiligassaqaarfiinut akornusiissappat akuersisoqassanngilaq.

*Imm. 5.* Aningaasaatinik piginnittoq ingerlatseqatigiiffiup aningaasaliiffiusup qitiusumik oqartussanit akuerineqaqqaarnani aningaasat isumannaarneqannngitsut akilernissaannut pisussaaffimminik naammassinninnissaminut aningaasaanngitsunik nalilinnik allanik aningaasaliisinnaanngilaq. Aningaasaliineq ingerlatseqatigiiffimmut aningaasaliiffiusumut taassumaluunniit akiligassaqaarfiinut akornusiissappat akuersisoqassanngilaq. Aamma §§ 36 aamma 37-mi aalajangersakkat malillugit nalilersuilluni nalunaarusiortoqassaaq, pissarsineq § 38-mut ilaanngippat.

*Imm. 6.* Aningaasaatinik piginnittoq aningaasaatinik piginneqataassutit tamakkiisumik akilerneqarsimannngitsut tunniuppagit pineqartoq aningaasaatinik piginneqataassutit akilernissaannut sinneruttunut pissarsinermut aamma kingusinnerusukkat pissarsisussanut nammaqatiginnilluni akisussaatinneqassaaq.

*Ingerlatseqatigiiffiup aningaasaataanik aningaasaanngitsunik nalilinnik allanik  
aningaasaliissuteqarneq pillugu immikkut*

**§ 35** Aningaasaanngitsunik nalilinnik allanik aningaasaliissuteqarneq aningaasanik naleqassaaq aamma suliaqarnissamik imaluunniit kiffartuussinissamik pisussaaffeqartussaananani.

*Imm. 2.* Pilersitsisuni imaluunniit aningaasaatinik piginnittuni pissarsiassat aningaasaliissutigineqarsinnaanngillat imaluunniit tiguneqarsinnaanngillat, pissarsiassat qularnaveeqqusiisoqarneratigut qulakkeerneqarsimaneri apeqqutaatinnagu.

**§ 36** Ingerlatseqatigiiffik aningaasaliiffiusoq aningaasaanngitsunik nalilinnik allanik tigusaqassappat pilersitsinermi uppernarsaat nalilersuineri nalunaarummut ilanngunneqassaaq. Nalunaarutip imarissavai

- 1) aningaasaliissutit tamarmik allaaserineqarneri,
- 2) naliliineri suleriaaseq atorneqartoq pillugu paasissutissaaq,
- 3) tigusinermi aalajangerneqartup akissarsiap allanneqarnera, aamma
- 4) aningaasatigut naliusup inissinneqartup akissarsiatut isumaqatigiissutigineqartut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutsit atulersinneqartussat nalingi, sinneqartumik naleqartitsisinnaaneq ilanngullugu.

*Imm. 2.* Naliliineq pilersitsinermi uppernarsaatip atsiornera sioqqullugu sapaatit akunnerinik sisamanik siusinnerusumik isumagineqarsimassanngilaq. Piffissaliussaq qaangerneqarpat nutaamik naliliisoqassaaq.

*Imm. 3.* Suliffeqarfimmik pioreersumik pilersitsinermut atatillugu ingerlatseqatigiiffik aningaasaliiffiusoq tigusaqarpat naliliineri nalunaarusiaq aamma ingerlatseqatigiiffik aningaasaliiffiusoq pillugu pilersitsinermi pigisanik nalilinnik akiligassanillu naatsorsuineri imaqaassaaq. Pilersitsinermi pigisanik nalilinnik akiligassanillu naatsorsuineq ingerlatseqatigiiffiup ukiumoortumik nalunaarusiornermi malitaanut maleruagassanut naapertuutissaaq. Pilersitsinermi pigisanik nalilinnik akiligassanillu naatsorsuineq nangaassuteqarfiussanngilaq. Ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaanni atulersinneqartumik ukiumoortumik naatsorsuutit

pillugit inatsit, imaluunniit inatsisit allat malillugit kukkunersiorfigineqartussaappat, pilersitsinermi pigisanik nalilinnik akiligassanillu naatsorsuineq aamma kukkunersiuinerup nangaassuteqarfiunnginnera pillugu nalunaarummik pilersorneqarsimassaaq.

**§ 37** Nalilersuinermi nalunaarusiaq nalilersuisartumit ataatsimit amerlanernilluunniit nakerisarsiunngitsunit, paasisimasalinnit suliarineqassaaq. Nalilersuisartutut pilersitsisut taamaallaat kukkunersiuisunik akuerisaasunik toqqaasinnaapput. Pigisanik agguaaassisarnermut eqqartuussivik pisuni allani nalilersuisussanik toqqaasinnaavoq.

*Imm. 2.* Peqqussummi matumani §§ 133 aamma 149 aamma kukkunersiuisut attaviitsuunerat pillugu kukkunersiuisunut inatsimmi maleruagassat taamaaqataanik nalilersuisunut atorneqarput.

*Imm. 3.* Nalilersuisartut misissuinernik pisariaqartinneqartutut isigisaminnik misissuisinnaassapput, aamma suliamik ingerlanneqarnissaannut pisariaqartutut isigisaminnik pilersitsisuniit imaluunniit ingerlatseqatigiiffimmiit aningaasaliiffiusumiit paasissutissanik ikiorneqarnissamillu piumasaqarsinnaallutik.

**§ 38** § 36, imm. 1 malillugu nalilersuinermi nalunaarusiamik suliaqarnissaaq pillugu piumasaqaat imatut aningaasaliinermi atuutinngilaq:

1) Pigisat nalillit aamma pisussaaffiit (ilanngaateqareerluni pigisat nalillit), ullormi nalimut uuttorneqartut aamma ukiup siuliani ukioq naatsorsuusiortuusoq pillugu ukiumoortumik imaluunniit suliffeqarfissuup naatsorsuutaani immikkut saqqummiunneqartut.

Ukiumoortumik imaluunniit suliffeqarfissuup naatsorsuutai kunngip peqqussuteqarneratigut Kalaallit Nunaanni atulersinneqartumi ukiumoortumik naatsorsuutit pillugit inatsimmi aalajangersakkat, imaluunniit nunani tamalaani naatsorsuusiortuornermi piumasarisat naapertorlugit suliarineqarsimassapput, nunani tamalaani naatsorsuuserinermi piumasarineqartut atorneqarneri pillugit Europa-Parlamentip aamma Rådip peqqussutaa naap., aningaasatigut ingerlataqarneq pillugu inatsisikkut imaluunniit naapertorlugu naatsorsuinermi malerusagassat aalajangersarneqartut naapertorlugit, imaluunniit Europa-Parlamentip aamma Rådip malitassaani 2013/34/EU-mi maleruagassat malillugit suliarineqartut nunani allani suliffeqarfik pillugu naatsorsuutini kingusinnerusukkat allannguuteqartut aamma kukkunersiuisumik uppersaatalik.

2) Pappiaqqat aningaasanik nalillit imaluunniit aningaasanik niuerfimmi sakkut, agguaqatigiissillugu naleqartillugit pissarsiarineqartut, taakkununga pilersitsinermi uppersaataip atsiorneqarnissaa sioqqullugu sapaatit akunnerini sisamani niuerfinni killeqartumi ataatsimi amerlanerilluunniit niuerutigineqartut. § 36, imm. 1 malillugu nalilersuinermi nalunaarusiorneq suliarineqassaaq, ingerlatseqatigiiffiup aningaasaliiffiusup qitiusumik aqutsisui naliliippata taamatut agguaqatigiissilluni naleqartitsineq pissutsinik immikkut illuinnartunik sunnerneqarsimasoq imaluunniit allatigut nalimut atuuttumut naapertuuttutut isigineqarsinnaanngippat.

*Imm. 2.* Imm. 1 naapertorlugu aningaasaliissutit ingerlatseqatigiiffimmut aningaasaliiffiusumut imaluunniit tassani aningaasaatinik piginnittunut imaluunniit akiligassaqaarfiinut akornusiinnginnerinut ingerlatseqatigiiffiup aningaasaliiffiusup qitiusumik aqutsisui akisussaapput, aamma nalunaaruteqassallutik imatut imaqartumik

1) aningaasaliissutit aamma pisussaaffiit (ilanngaateqareerluni pigisat nalillit) taakkulu nalingisa allaaserineqarneri,

2) naliliinermi suleriaaseq atorneqartoq pillugu paasissutissaaq,

3) aningaasaatinik piginneqataassutit naliinut aamma sinneqartumik naliliisoqarsimappat minnerpaamik nalit allanneqartut naapertuunneri pillugu oqaaseqaat, akissarsiatut atulersinneqartussaaq, aamma

4) aallaqqaammut naliliinermut pingaaruteqartumik pissutsit nutaat atuutilersimannginneri pillugu oqaaseqaat.

*Imm. 3.* Qitiusumik aqutsisut imm. 2 malillugu nalunaarut Erhvervsstyrelsen qarasaasiaqarfianut tamanut saqqummiutissavaa, kingusinnerpaamik pilersitsinerup nalunaarsorneqarnerata imaluunniit nalunaarsorneqarnissaanut nalunaarutigineqarnerata peqatigisaanik.

#### *Aqutsisut kukknersiuisumillu il.il. toqqaaneq*

**§ 39** Ingerlatseqatigiiffimmik aningaasaliiffiusumik pilersitsinermut atatillugu ingerlatseqatigiiffiup aningaasaliiffiusup aqutsisuinik kukknersiuisumillu toqqaasoqarsimanngippat, pilersitsinermi uppersaasatit atsiorneqarneriniit kingusinnerpaamik sapaatit akunneri tallimat qaangiutsinnagit ingerlatseqatigiiffiup aningaasaliiffiusup aqutsisuinik kukknersiuisumillu toqqaasoqarnissaanik ingerlatseqatigiiffimmi aningaasaliiffiusumi pilersitsisut ataatsimeersuassapput. Pilersitsineq aamma aqutsisut toqqaarneqartut kiisalu kukknersiuisoq nalunaarsorneqassapput imaluunniit nalunaarutigineqarlutik, § 9 tak.

#### *Nalunaarsuineq*

**§ 40** Pilersitsinermi uppersaasatit atsiorneqarneraniit kingusinnerpaamik sapaatit akunneri tallimat qaangiutsinnagit aningaasaatit ingerlatseqatigiiffik Erhvervsstyrelsen qarasaasiaqarfini nalunaarsorneqassaaq imaluunniit nalunaarsorneqarnissaanut nalunaarutigineqassaaq, § 9 tak. Piffissap taassuma naanissaa sioqqullugu nalunaarsorneqarsimanngippat imaluunniit nalunaarut Erhvervsstyrelsimi tiguneqarsimanngippat nalunaarsorneqarneq pisinnaanngilaq.

*Imm. 2.* Ingerlatseqatigiiffik aningaasaliiffiusoq nalunaarsorneqarsinnaanngilaq, aningaasaatit tamarmiut ikinnerpaamik 25 pct.-ii, taamaattoorli ikinnerpaamik 40.000 kr.-t, § 4, imm. 2 tak., akilernerqarsimanngippata, § 33, imm. 1, oqaaseqatigiit siulliit tak. Sinneqartumik naleqartitsisoqarsimappat taanna § 33, imm. 1 naapertorlugu akilernerqarsimassaaq. Imm. 1 malillugu nalunaarsorneqarnermi imaluunniit nalunaaruteqarnermi kingusinnerpaamik piffissami nalunaarsorneqarnermi imaluunniit nalunaaruteqarnermi aningaasaatit ingerlatseqatigiiffimmut akilernerqarsimaneri pillugu uppersaasat nassiunneqassaaq.

*Imm. 3.* Ingerlatseqatigiiffiup aningaasaliiffiusup pilersinneqarnera pilersitsinermi allagartap ullormit atsiorneqarneraniit imaluunniit pilersitsinermut allagartami allanneqartumi ullormit kingusinnerusumiit inatsisitigut sunniuteqalissaaq, taamaattoorli imm. 4 aamma 5 tak.

*Imm. 4.* Ingerlatseqatigiiffimmi aningaasaatit aningaasaliinermi aningaasanik akilernerqarpata pilersitsinermi allagartap atsiorneqarneraniit qaammatinik aqqaneq marlunnik kingusinnerusumik pilersitsineq inatsisitigut sunniuteqalersinnaanngilaq.

*Imm. 5.* Ingerlatseqatigiiffik pilersitsinermut atatillugu aningaasaanngitsunik nalilinnik allanik tigusaqassappat aningaasaatit ingerlatseqatigiiffiup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissami kingusinnerusumik pilersitsineq inatsisitigut sunniuteqalersinnaanngilaq, imm. 1 tak.

*Imm. 6.* Pilersitsinermut atatillugu ingerlatseqatigiiffik aningaasaliiffiusumik suliffeqarfimmik pioreersumik tigusippat imaluunniit suliffeqarfimmi allani piginneqataassutinik aalajangiisunik tigusaqarpat, suliffeqarfimmi aningaasaliissutigineqartumi, imaluunniit aningaasaatinut tunngasumi ukiumi naatsorsuusiortiusumi ullormit siullermiit naatsorsuutit eqqarsaatigalugit pilersitsineq sunniuteqalissaaq.

**§ 41** Ingerlatseqatigiiffik aningaasaliiffiusoq, nalunaarsorneqarsimanngitsoq, pisinnaatitaaffinnik pissarsisinnaanngilaq, pisussaaffeqalersinnaanngilaq imaluunniit eqqartuussivimmi suliami peqataasuusinnaanani, ingerlatseqatigiiffimmi aningaasaatinik pisiumalluni nalunaarutigineqartunik akileeqqusinermut eqqartuussisunut suliaassanngortitsinerit aamma pisiumalluni nalunaarnernut tunngasut eqqartuussisunut suliaassanngortitsinerit eqqaassanngikkaanni. Ingerlatseqatigiiffiup taaguutiminut ilanngutissavaa oqaaseq »pilersinneqarnialersoq«.

*Imm. 2.* Ingerlatseqatigiiffik aningaasaliiffiusoq pilersitsinermi allagartap atsiorneqarneranut ullup kingornaniittumik inatsisitigut sunniuteqalersillugu ulloqartillugu pilersinneqarpat, § 40, imm. 3-5 tak., piffissami ingerlatseqatigiiffiup aningaasaliiffiusup pilersinneqarnerata inatsisitigut sunniuteqalernissaata tungaanut ingerlatseqatigiiffik aningaasaliiffiusoq sinnerlugu pisinnaatitaaffinnik imaluunniit pisussaaffinnik pissarsisoqarsinnaavoq.

*Imm. 3.* Pilersitsinermi allagartap ullormi atsiorneqarnerata kingorna, kisiannili nalunaarsorneqarneq sioqqullugu, ingerlatseqatigiiffik aningaasaliiffiusoq sinnerlugu pisussaaffeqalerpat inuit pisussaaffeqalersitsisut imaluunniit tamatumunnga akisussaaqataasut nammaqatigiillutik akisussaatinneqassapput. Nalunaarsorneqarnermi pilersitsinermi allagartap malitsigisaanik pisinnaatitaaffiit pisussaaffiillu imaluunniit pilersitsinermi allagartap atsiorneqarnerata kingorna ingerlatseqatigiiffimmut aningaasaliiffiusumut pisuutinneqartussat ingerlatseqatigiiffimmit aningaasaliiffiusumit tiguneqassapput.

*Imm. 4.* Ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqartoqarsimappat, isumaqatigiissuteqarfigineqartullu aappaat ilisimasimappagu ingerlatseqatigiiffik aningaasaliiffiusoq nalunaarsorneqarsimanngitsoq, taassuma isumaqatigiissut atorunnaarsissinnaavaa, nalunaarsorneqarneq § 40, imm. 1 malillugu piffissaliussap naanerani kingusinnerpaamik Erhvervsstyrelsen qarasaasiaqarfiani pisimanngippat, imaluunniit nalunaarsorneqarnissaq naaggaarneqarpat. Tamannali allamik isumaqatigiittoqarsimappat atuutissanngilaq. Ingerlatseqatigiiffik aningaasaliiffiusoq nalunaarsorneqarsimanngitsoq isumaqatigiissuteqarfigineqartup ilisimasimanngippagu, ingerlatseqatigiiffiup aningaasaliiffiusup nalunaarsorneqarsimannginnerani isumaqatigiissut taanna atorunnaarsinneqarsinnaavoq.

#### *Kingornatigut pissarsinerit*

**§ 42** Ingerlatseqatigiiffiup aningaasaliiffiusup qitiusumik aqutsisui pilersitsisuniit, aningaasaatinik piginnittuniit aamma ingerlatseqatigiiffiup aningaasaliiffiusup aqutsisuini ilaasortaniit pigisanik nalilinnik pissarsinerit ingerlatseqatigiiffimmut, taassuma aningaasaatinik piginnittuinut imaluunniit akiligassaqaarfiinut ajoqusiinnginnissaanut akisussaapput.

**§ 42 a.** Ingerlatseqatigiiffiup aningaasaliiffiusup pilersitsisumiit pigisanik nalilinnik pissarsinera ataatsimeersuarnermit akuerineqassaaq,

- 1) pissarsineq piffissami pilersitsinermi allagartap atsiorneranit ullormiit aamma aktieselskabip nalunaarsorneqarnerata kingorna qaammatit 24-t tikillugit pisimappat, aamma
- 2) akissarsiat ingerlatseqatigiiffiup aningaasaataasa minnerpaamik qulerarterutaanut naapertuuppata.

*Imm. 2.* Aktieselskabimi qitiusumik aqutsisut pissarsinerup akuerineqarnissaa pillugu ataatsimeersuartut aalajangiinissaannut atugassamik pissarsinermi pisut erseqqinnerusut pillugit nassuiaasiussapput.

**§ 43** Pilersitsisumiit pigisanik nalilinnik aktieselskabi pissarsippat aamma pissarsineq § 42 a, imm. 1-imut ilaappat §§ 36 aamma 37-mi aalajangersakkat malillugit nalilersuinermi nalunaarusiortoqassaaq, pissarsineq § 38-mut ilaanngippat.

*Imm. 2.* Pissarsiarineqartoq imm. 1 malillugu suliffeqarfiuppat pioreersoq, taamaattoq oqimaaqatigiissitsineq § 36, imm. 3 malillugu suliffeqarfik tiguneqartoq pillugu tigusinermi oqimaaqatigiissitsinermik suliaqartoqassaaq.

**§ 44** Qitiusumik aqutsisut nassuiaat, § 42 a, imm. 2 tak., aamma nalilersuinermi nalunaarusiaq imaluunniit aqutsisut nalunaarutaat, § 43 tak., Erhvervsstyrelsen qarasaasiaqarfiani pissarsinerup ataatsimeersuartunit akuerineqarneraniit kingusinnerpaamik sapaatit akunneri tallimat qaangiutsinnagit tamanut saqqummiutissavaat.

*Imm. 2.* §§ 42 a aamma 43 aktieselskabip ileqqusumik niuernikkut iliuuserisaanut atorineqassanngillat.

#### Kapitali 4

*Aningaasaatinik piginneqataassutit, piginnittut nalunaarsorsimaffiat il.il.*

*Aningaasaatinik piginneqataassutit*

**§ 45** Ingerlatseqatigiiffinni aningaasaliiffiusuni aningaasaatinik piginneqataasut tamarmik ingerlatseqatigiiffimmi naligiimmik pisinnaatitaaffeqarput. Malittarisassalli aningaasaatillit assigiinngitsunut immikkoortiterneqarsinnaasut aalajangiisinnaallutik. Taamaattoqartillugu aningaasaatinik piginneqataassutini immikkoortunut ataasiakkaanut atassutit assigiinngissusaat malittarisassani allanneqassaaq, aamma immikkoortut ataasiakkaat angissusaat.

**§ 46** Aningaasaatinik piginneqataasut tamarmik taasisinnaatitaapput. Taamaattorli ingerlatseqatigiiffiup aningaasaliiffiusup malittarisassaani aalajangerneqarsinnaalluni aningaasaatinik piginneqataasut ilai taasisinnaatitaanngitsut, aamma aningaasaatinik piginneqataassutit taasinerisa nalingi aningaasaatinik piginneqataassutinit allanut naleqqiullutik allaanerusut.

*Imm. 2.* Aningaasaatinik piginneqataassutit taasisinnaanngitsut tamanna malittarisassanit takuneqarsinnaappat taamaallaat sinniisoqarsinnaapput.

**§ 47** Ingerlatseqatigiiffik aningaasaliiffiusoq allassimasutut nalilimmik imaluunniit aningaasaatit ilaannik piginneqataasutut imaluunniit taakku ataqatigiissillugit aningaasaatinik piginneqataassutinit atulersitsisinnaavoq.

*Imm. 2.* Aningaasaatit ilaannik piginneqataassutit allassimasunik naleqanngillat. Aningaasaatit ilaannik piginneqataassutit ataasiakkaat tamarmik ingerlatseqatigiiffiup aningaasaataannik annertoqatigiittumik annertussuseqarput.

*Imm. 3.* Ingerlatseqatigiiffiup aningaasaataannik piginneqataaneq, piginneqataassutit atulersinneqartut amerlassusaat malillugit, naliusup allassimasup aamma ingerlatseqatigiiffiup aningaasaatai aamma aningaasaatit ilaannik piginneqataassutit akornanni pissutsit malillugit allassimasumik naleqartillugit aningaasaatinik piginneqataassutinit aalajangerneqartarput.

**§ 48** Aningaasaatit piginneqataassutit killilersorneqanngitsunik niuerutigineqarsinnaapput utertillugillu aningaasanngortinneqarsinnaanatik, inatsisit allatut aalajangersagaqanngippata.

*Imm. 2.* Aningaasaatit piginneqataassutit ateq allallugu atulersinneqassapput.

Taamaattoqartillugu niuerutigineqarsinnaanerisa killeqartinneri imaluunniit aningaasanngortinnissaannut tunngasunik aalajangersakkanik malittarisassanik aalajangersaasoqarsinnaavoq.

**§ 49** Aningaasaatinik piginneqataassutininik atilimmik pissarsisoq aningaasaatinik piginnittup pisinnaatitaaffiininik ingerlataqarsinnaanngilaq, pissarsisoq piginnittut allattaavianni allanneqarsimanngippat imaluunniit pissarsisup pissarsinini nalunaarutigisimanngippagu uppersarsimanngippagulu. Tamannali iluanaarutinit aamma tigusinernut allanut pisinnaatitaaffimmut aamma aningaasaatit qaffanneqarnerini piginneqataassutinit nutaanut pisinnaatitaanermut atuutinngilaq.

*Imm. 2.* Piginneqataassutininik qaqugumulluunniit tigumminnittup pigisaanik ataatsimik amerlanernilluunniit pissarsisoq aningaasaatinik piginnittup pisinnaatitaaffiininik ingerlataqarsinnaanngilaq, pissarsisoq Erhvervsstyrelsen qarasaasiaqarfiani allanneqarsimanngippat, §§ 57 a imaluunniit 58 tak., imaluunniit § 55 naapertorlugu pigisaqarnini pillugu ingerlatseqatigiiffimmut nalunaaruteqarsimanngippat.

*Imm. 3.* Pissarsisoq imm. 1 aamma 2-mi piumasagaatinik naammassinninnerseq pillugu nakkutilliinissamut qitiusumik aqutsisut akisussaapput.

#### *Aktianik piginneqataasut kinaassusersisarnerat*

**§ 49 a.** Aktiaatilittut ingerlatsiviit aktiaateqartut niuffaffimmi nakkutigisaasumi niuernissamut taasisinnaassutilittut inissisimasut imaluunniit Kalaallit Nunaanni ingerlatsisut imaluunniit nunani EU/EØS-imut atasuni, pisinnaatitaapput paasissutiissutininik, aktiaatilittut ingerlatsivimmi aktianik piginneqataasut, pisinnaatitaasut kinaassuseq aalajangersassallugu noqqaanissamut, tassunga ilagitillugit

- 1) aktianik piginneqataasup aqqi tamaasa, e-mailimi adressia, taamaattoqarpat, aamma najugaq imaluunniit suliffiit eqqarsaatigalugit angerlarsimaffik aamma cvr-normua imaluunniit nalunaar- sugaanermi normu assingusoq imaluunniit uppersarsaat alla qularnaarisoq kinaassutsimik sulif- fimmud pineqartumut,
- 2) aktiaatit aktianik piginneqataasup pigisaasa amerlassusiat,
- 3) aktiat immikkortiterutaat (klasse), aamma
- 4) ulloq aktiaatit pigilerfiat.

*Imm. 2.* Aktiaatilittut Ingerlatsiviup aktianik piginneqataasut kinaassusiinik pasissutissat toqqor- tarisinnaavai qaammatit 12-it angullugit, ilanngullugu aktiaatilittut ingerlatsiviup paasisimalerneranut pineqartoq aktiaatiliujunnaartoq, imaassimanngippat inatsit alla atorineqartoq.

*Imm. 3.* Aktianik piginneqataasut inatsisitigut pisinnaatitaasuullunilu pisussaataasut pisinnaa- titaapput paasissutissanik amigaatilinnik eqqunngitsortalinnillu naqqiisinnaallutik ingerlatsiviup aktiaatillip toqqortaanik, tak. imm. 2.

*Imm. 4.* Aktiaatilittut ingerlatsivik eqqortumik tamanillu atukkanik nalunaarfigissagaat paasis- sutissanik Aktiaatilittut Ingerlatsiviup aktianik piginneqataasut suliallu suliarissallugit pisis- saaffiusut. Paasissutissat pineqartut aktiaatilittut ingerlatsivik nittartagaani takussaappata, aktiaa- tilittut ingerlatsivik taarsiullugu nalunaarutigisinnaavai paasissutissat nittartakkami takussaappata.

*Imm. 5.* Imm. 4 atuutissanngilaq aktiaatilittut ingerlatsiviup pasissutissat nassiuppagit imaluunniit imm. 4 pkt. 1 malillugu nalunaarummik aktiaatiliutiminut tamanut imaluunniit

allamut aktiaatillinnit toqqarneqartunut.«

### *Piginnittut allattorsimaffiat*

**§ 50** Qitiusumik aqutsisut ingerlatseqatigiiffiup aallartisarneqarnerata kingorna sapinngisamik piaarnerpaamik aningaasaatinik piginnittut tamaasa pillugit allattorsimaffik pilersinneqassaaq.

*Imm. 2.* Piginnittut allattorsimaffiat § 52 aamma § 56, imm. 2 malillugu paasissutissat Erhvervsstyrelsip qarasaasiaqarfianut nalunaarsoneqarnerisigut ingerlanneqassaaq, § 58 tak.

*Imm. 3.* Malittarisassat aalajangersinnaavaat piginnittut allattorsimaffiat inummit ingerlatseqatigiiffimmit toqqarneqartumit, ingerlatseqatigiiffik sinnerlugu ingerlanneqassasoq. Malittarisassat inuup piginnittut allattorsimaffiannik ingerlatsisup atia najugaalu pillugit paasissutissanik imaqaassapput. Taanna inatsisitigut pisinnaatitaasuvoq pisussaataallunilu naammappoq nalunaarsorsimanermut normup Erhvervsstyrelsip qarasaasiaqarfianit takuneqarsinnaappat. Inuit piginnittut allattorsimaffinnik ingerlataqartut pillugit maleruagassanik erseqqinnerusunik Erhvervsstyrelsi aalajangersaasinnaavoq, tassunga ilanngullugu pineqartup piumasaqaatit suut naammassisimassanera.

**§ 51** Piginnittut allattorsimaffiat pisortani oqartussanit pissarsiarineqarsinnaassaaq. Malittarisassat ilisimatitsissapput piginnittut allattorsimaffiat sumi ingerlanneqarnerisoq, tamanna ingerlatseqatigiiffiup nalunaarsorsimasaani najukkami ingerlanneqanngippat. Piginnittut allattorsimaffiat EU/EØS-ip iluani ingerlanneqassaaq.

*Imm. 2.* Ingerlatseqatigiiffinni, sulisut § 140 naapertorlugu ingerlatseqatigiiffiup qullersatut aqutsisuini ilaasortamut toqqaasinnaaffiusumi, kisianni pisinnaatitaaffik taanna iluaqutigineqarnani, piginnittut allattorsimaffiat aamma sulisunut sinniisumit pissarsiarineqarsinnaassaaq. Suliffeqarfissuarmi, § 141 naapertorlugu suliffeqarfissuarmi sulisut ingerlatseqatigiiffiup qullersatut aqutsisuini ilaasortatut toqqarneqarsimaffiunngitsumi, ingerlatsiviup piginnittup piginnittut allattorsimaffia Kalaallit Nunaanni suliffeqarfissuit ingerlatsivinni allani sulisunut sinniisunit pissarsiarineqarsinnaassaaq.

*Imm. 3.* (Kalaallit Nunaanni atulersinneqanngilaq)

*Imm. 4.* Malittarisassani aalajangerneqarsinnaavoq piginnittut allattorsimaffiat aamma aningaasaatinik pigineqartunit pissarsiarineqarsinnaasoq, tassunga ilanngullugu elektronikkkut, taamaattorli imm. 5 aamma 6 tak. Tamanna pillugu aalajangiineq ataatsimeersuarnermit aalajangerneqassaaq, malittarisassani allannguinnissamut piumasarineqartumik amerlanerussuteqarfiusumik.

*Imm. 5.* Piginnittut allattorsimaffiat § 50, imm. 2 malillugu elektronikkkut pissarsiarineqarsinnaappat, Imm. 1-4 malillugu piumasaqaatini ingerlatseqatigiiffiup naammassisinnaavai imm. 1-4 malillugu pisinnaatitaasut elektronikkkut piginnittut allattorsimaffiannut isersinnaatilerlugit. Ingerlatseqatigiiffiup pisussaaffii naammassineqassapput ingerlatseqatigiiffiup paasissutissat, § 52 tak., Erhvervsstyrelsip qarasaasiaqarfianut (piginnittut allattorsimaffiat) nalunaarutigippagit, § 58, imm. 1 aama 2 naap.

*Imm. 6.* Anpartsselskabini piginnittut allattorsimaffiat piginneqataasunut ataasiakkaanit pissarsiarineqassaaq.

**§ 52** Ingerlatseqatigiiffik aningaasaliiffiusoq, aningaasaatinik piginneqataassutininik ateqartillugit atulersitsisimasoq pillugu piginnittut allattorsimaffiat paasissutissanik makkuninnga imaqaassaaq, taamaattorli imm. 3 tak.:

1) Aningaasaatinik piginnittup aningaasaatini piginneqataassutinit pigisat tamarmiusut.

2) Aningaasaatinik piginnittup aamma qularnaveeqqusiiffigisap atia najugaalu aamma suliffeqarfiup aqqa, Erhvervsstyrelsen qarasaasiaqarfiani nalunaarsorsimanerup normua aamma najugarisaq, imm. 2 tak.

3) Pissarsineq, tunisineq imaluunniit qularnaveeqqusiiffigisap pillugu ulloq, tassunga ilanngullugu aningaasaatinik piginneqataassutit annertussusaat.

4) Aningaasaatinik piginneqataassutitut atasut taasisinnaatitaanerit.

*Imm. 2.* Aningaasaatinik piginnittoq imaluunniit qularnaveeqqusiiffigisap nunami allami innuttaappat imaluunniit inatsisitigut pisinnaatitaallunilu pisussaataasooq nuna allamiuuppat, nalunaaruteqarneq, § 53, imm. 1 tak., allamik uppersarsaaneq ilanngunneqassaaq, aningaasaatinik piginnittup imaluunniit qularnaveeqqusiiffigisap kinaanera paatsuugassaanngitsumik qulakkeerneqarluni.

*Imm. 3.* Aktieselskabet, pappiaqqanut aningaasanut nalilinnut toqqorsivik aqutigalugu piginnittut uppersarsaammik atulersitsimasunut imaluunniit piginneqataassutitut atulersitsimasunut imm. 1 aamma 2 atorineqassanngilaq.

**§ 53** Aningaasaatinik piginnittoq imaluunniit qularnaveeqqusiiffigisap piginnittut paarlaannerat imaluunniit qularnaveeqqusiineq pillugu aningaasaatitigut ingerlatseqatigiiffimmut nalunaaruteqassaaq. Aningaasaatinik piginnittumiit imaluunniit qularnaveeqqusiiffigisamiit nalunaarut ingerlatseqatigiiffimmit tiguneqarsimassaaq piginnittut paarlaanneriniit imaluunniit qularnaveeqqusiinnermiit kingusinnerpaamik sapaatit akunneri tallimat kingorna. Nalunaarut § 52-imi eqqaaneqartut aningaasaatinik piginnittoq imaluunniit qularnaveeqqusiiffigisap nutaaq pillugit paasissutissanik imaqassaaq. Aningaasaatinik piginneqataassutitut tunniussinnermi nalunaarsorneqarnissamut pisussaaffik atuutinnilaq, taamaattoorli imm. 4 tak.

*Imm. 2.* Piginnittut paarlaannerat imaluunniit qularnaveeqqusiineq pillugu nalunaaruteqarneq piginnittut allattorsimaffianni allanneqassaaq aningaasaatinik piginnittoq imaluunniit qularnaveeqqusiiffigisap nutaaq pillugit paasissutissat allanneqarlutik, malittarisassat malillugit pissarsinissamut akornutissaqanngippat. Ingerlatseqatigiiffiup, kiisalu piginnittut allattorsimaffiannik allattuisup, piumasarisinnaavaa pissarsisup imaluunniit qularnaveeqqusiiffigisap pisinnaatitaaffini uppersarsassagaa. Piginnittut allattorsimaffianni allanneq ulluleneqassaaq.

*Imm. 3.* Ingerlatseqatigiiffik kiisalu piginnittut allattorsimaffiannik allattuisoq aningaasaatinik piginnittumit imaluunniit qularnaveeqqusiiffigisap piumasaqarneratigut uppersarsaatip piginnittut allattorsimaffianut allanneqarnera uppersarsassavaat.

*Imm. 4.* Ingerlatseqatigiiffik aningaasaliiffiusoq kiisalu piginnittut allattorsimaffiannik allattuisoq piginnittuunermut uppersarsaammik allattuineq pisimasoq uppersarsaassaaq, imaluunniit malittarisassat tamanna aalajangerpassuk, piginnittuunermut uppersarsaatip toqqorneqarneranut allattuinerup pisimaneramik uppersarsaammik atsiuilluni.

**§ 54** Aktieselskabet pillugu piginnittut allattorsimaffiat, piginneqataassutitut qaqugumulluunniit tigumminnittup pigisaanik atulersitsisoq, tulleriinnermi normu pillugu paasissutissamik imaqassaaq.

#### *Aningaasaatit annertuut pillugu nalunaarut*

**§ 55** Kinaluunniit ingerlatseqatigiiffimmi aningaasaliiffiusumi aningaasaatinik piginneqataassutitut pigisaqartoq, tamanna pillugu nalunaarummik ingerlatseqatigiiffimmut tunniussissaaq

1) aningaasaatinik piginneqataassutit taasisinnaatitaanerit ingerlatseqatigiiffiup aningaasaataani taasisinnaatitaasut minnerpaamik 5 pct.-iini



annertussuseqalerpata imaluunniit ingerlatseqatigiiffiup aningaasaataanit minnerpaamik 5 pct.-iinik annertussuseqalerpata imaluunniit

2) pigisaqarnermut pissutsit nalunaarutigineqareersimasut allanngornerisa kingunerippagu 5, 10, 15, 20, 25, 50, 90 imaluunniit 100 pct.-imik killiliussat aamma ingerlatseqatigiiffiup aningaasaataanik taasisinnaatitaasut pingajorarterummik imaluunniit pingajorarterutit marlunni killiliussat imaluunniit ingerlatseqatigiiffiup aningaasaatai anguneqarlutik imaluunniit anguneqarunnaarsimallutik.

*Imm. 2. Imm. 1 malillugu piginninnermut ilanngullugu naatsorsuutigineqassaaq*

1) aningaasaatinik piginneqataassutit, § 7-imi taaneqartunut atassuteqarnermigut pineqartup nakkutigisaanut suliffeqarfik taasisinnaatitaalerluni, aamma

2) aningaasaatinik piginneqataassutit, pineqartup qularnaveeqqutitut inississimasai, qularnaveeqqusiiffigisap taasisinnaatitaaneq oqartussaaffiginngippagu aamma taassuma ingerlanneqarnissaanik siunertaqarluni nalunaaruteqarsimanngippat.

*Imm. 3. Pigisaqarneq pillugu aamma imm. 1 aamma 2 malillugu aningaasaatinik piginneqataassutitik pigisaqarneq pillugu nalunaaruteqarnissaq pillugu maleruagassanik erseqqinnerusunik Erhvervsstyrelsi aalajangersaasinnaavoq. Aamma Erhvervsstyrelsi, imm. 1-imik saneqqussisunik, maleruagassanik aalajangersaasinnaavoq, aktieselskabini piginneqataassutitut tunngatillugu, niuerfimmi killeqartumi imaluunniit assigiinngitsut peqataaffigisaanni niuernerimi atortuni niuernissamut atugassat piginneqataassutit, tassunga ilanngullugu sivikinnerusumik piffissaliilluni nalunaaruteqarnissaq pillugu maleruagassat.*

**§ 56** § 55 malillugu nalunaarut ingerlatseqatigiiffimmut tunniunneqassaaq, § 55, imm. 1-imi killiliussat arlaata anguneqarnerata imaluunniit anguneqarunnaarnerata kingorna kingusinnerpaamik sapaatit akunneri marluk kingorna. Ingerlatseqatigiiffiup paasissutissat piginnittut allattorsimaffiannut allassavai.

*Imm. 2. Nalunaarut aningaasaatinik piginneqataassutitik pissarsinerup imaluunniit tunisinerup ullua, aningaasaatini piginneqataassutit amerlassusai, aamma taakku immikkoortunut sunut ataneri, aningaasaatinik piginnittut atii tamarmiusut, najugaqarfii aamma cpr-normui imaluunniit suliffeqarfiit eqqarsaatigalugit taaguutai, Erhvervsstyrelsip qarasaasiaqarfiani nalunaarsorsimanerup normua aamma najugaq pillugu paasissutissanik imaqaassaaq. Aningaasaatinik piginnittoq cpr-normoqanngippat imaluunniit Erhvervsstyrelsip qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq uppersarsaat alla, pineqartup paatsuugassaanngitsumik kinaaneramik qulakkeerisoq. Tamanna pillugu maleruagassanik erseqqinnerusunik Erhvervsstyrelsi aalajangersaasinnaavoq.*

*Imm. 3. Nalunaarut aamma aningaasaatinik piginneqataassutit annertussusai aamma nalii aamma taasisinnaatitaanerit tassunga atasut pillugit paasissutissanik imaqaassaaq. Ingerlatseqatigiiffimmut nalunaarut § 53, imm. 1 malillugu nalunaarummut atatillugu tunniunneqarsinnaavoq.*

**§ 57** Naalagaaffiup akiteselskabiini piginneqataassutitik pigisaqarneq pillugu § 55 malillugu nalunaaruteqarneq pillugu maleruagassanik Erhvervsstyrelsi aalajangersaassaaq, § 351 tak., tassunga ilanngullugu uku pillugit,

1) piginnittutut suut ilanngullugit naatsorsuutigineqassanersut, aamma

2) ingerlatseqatigiiffimmut nalunaarut sapinngisamik piaarnerpaamik pissasoq.

*Piginneqataassutitik qaqugumulluunniit tigungminnittut annikitsunik piginnittut  
nalunaarsorneqarneri*

**§ 57 a.** Ataatsimik arlalinnilluunniit piginneqataassutinik qaqugumulluunniit tigumminnittoq pigisalik, ingerlatseqatigiiffiup aningaasaataanik taasisinnaatitaaffiusut 5 pct.-iinik annikinnerusunik imaluunniit ingerlatseqatigiiffiup aningaasaataa 5 pct.-iinik annikinnerusunik piginnittoq, pissarsiarineqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsen qarasaasiaqarfiani nalunaarsorneqarsimassaaq, taamaattorli imm. 4 tak.

*Imm. 2.* Imm. 1 naapertorlugu nalunaarsorneqarneq pissarsinerup ullua, qaqugumulluunniit tigumminnittoq pigisallit amerlassusai, aamma pissarsisup atii tamarmiusut, najugaqarfii aamma cpr-normui imaluunniit suliffeqarfiit eqqarsaatigalugit taaguutai, Erhvervsstyrelsen qarasaasiaqarfiani nalunaarsorsimanerup normua aamma najugaq pillugu paasissutissanik imaqaassaaq. Pissarsisoq cpr-normoqanngippat imaluunniit Erhvervsstyrelsen qarasaasiaqarfiani nalunaarsorsimanermik normoqanngippat, nalunaarummut ilanngunneqassaaq uppersaata alla, pineqartup paatsuugassaanngitsumik kinaanerani qulakkeerisoq.

*Imm. 3.* Imm. 1-ip malitsigisaanik nalunaarsorneqarsimasunik ataatsimik arlalinnilluunniit piginneqataassutinik qaqugumulluunniit pigisanik tunniussinermi tunniussisup piginneqataassutinik tigumminnikkunnaarnera pillugu tunniussinermi kingusinnerpaamik sapaatit akunneri tallimat qaangiutsinnagit Erhvervsstyrelsen qarasaasiaqarfiani nalunaarsorneqassaaq, taamaattorli imm. 4 tak.

*Imm. 4.* Imm. 1 aamma 3 malillugu nalunaarsorneqarnissaanut pisussaaffik atuutissanngilaq, piginneqataassutit qaqugumulluunniit tigummineqartut pigisat pissarsiarineqartut tunniunneqartullu niuerfimmi naleqqussakkami niuernermut ilaappata.

*Imm. 5.* Paasissutissat, imm. 1 aamma 3 malillugu nalunaarsorneqarsimasut, taamaallaat pisortani oqartussanut ingerlateqqinneqarsinnaapput. Paasissutissanik ingerlatitseqqinneq taamaallaat pisinnaavoq paasissutissat nakkutilliilluni misissuillunilu sulinerup isumagineranut pisortani oqartussanut pisariaqarpata aamma ingerlatitseqqinneq inuk pillugu paasissutissanik suliarinninneq pillugu inatsimmut peqqussutikkut Kalaallit Nunaanni atulersinneqartumut naapertuuppat.

*Imm. 6.* Piginneqataassutit qaqugumulluunniit tigummineqartunik pigisallit pillugit piginnittunik paasissutissanik aqutsisoqarfiup qarasaasiaqarfiani nalunaarsuineq pillugu maleruagassanik erseqqinnersunik Inuussutissarsiornermut aqutsisoqarfik aalajangersaassaaq, tassunga ilanngullugu paasissutissat suut pissarsisup imaluunniit tunniussisup nammineerluni styrelsen qarasaasiaqarfiani nalunaarsorsinnaanera.

#### *Piginnittunik nalunaarsuiffik*

**§ 58** Aallartisaanermi aningaasaliinikkut ingerlatsivimmik nalunaarneq kingusinnerpaamik pissaaq peqatigalugu, tak. § 9, ingerlanneqassaaq nalunaarsuineq ingerlatsiviup aningaasaliisutut piginnittui aningaasaliissutinik pingaartunik piginneqataassuteqartunit pigineqartut, tak. § 55, imm. 1, imaluunniit nalunaarsorneqassasut ingerlatsivik aningaasaliisunik taamatut pingaarutilinnik pigineqataassutinik piginnittut.

*Imm. 2.* Ingerlatsiviup aamma sapinngisamik pilertortumik nalunaarsussagai paasissutissanut allan-nguutit imm. 1-im pineqartut, tassunga ilagitillugit § 55, imm. 1-im killigitat angullugit imaluunniit angunngitsoorsimasat.

*Imm. 3.* Imm. 1 aamma 2 naapertorlugu paasissutissat tiguneqartut Erhvervsstyrelsen qarasaasiaqarfiani tamanut saqqummiunneqassapput. Nalunaarsuineq pillugu kapitali 2-mi maleruagassat taamaaqataanik atorineqassapput.

**§ 58 a.** Aningaasaliisartutut ingerlatsiviup pissarsiarissavai ingerlatsivimmi piginnittuiusut pillugit paasissutissat, tassunga ilagitillugit piginnittuiusut pisinnaatitaaffiit tunngasunik paasissutissat.

*Imm. 2.* Kinaluunniit toqqaannartumik imaluunniit toqqaannangitsumik aningaasalersuisutut inger- latsivimik piginnittuusoq imaluunniit aqutsisuusoq pisussaavoq ingerlatsivik piginnittuunermut tunngasunik, ingerlatsivimik piginnittuiusut paasissutissanik pilersussallugit, tassunga ilagitillugit ingerlatsivimik piginnittuiusut pisinnaatitaaffii pillugit paasissutissat.

*Imm. 3.* Aningaasalersuisutut ingerlatsiviup ikinnerpaamik ukiumut ataasiarluni ingerlatsiviup piginnittuii pillugit paasissutissat misissortassavai, tassunga ilagitillugit piginnittuiusut pisinnaatitaaffii pillugit paasissutissat, Erhvervsstyrelsenip qarasaasiakkut aaqqissugaatigut, sapinngisamik pilertortumik ingerlatsiviup ilisimalersimappagu inuk ataaseq piginnittuinnut ilaalersimasoq. Paasissutissanik piginnittuiusunik paasissutissanut allannguutit tamarmik nalunaarsorneqartassapput, piaarnerpaamik allannguummi ingerlatsiviup ilisimasaqalerneraniit. Aningaasalersuinikkut ingerlatsiviup siulersorneqarneranut ilaasortatut nalunaarsorneqarsimasut, tak. § 10, imm. 1, isigineqassapput nalunaarsorneqarlutillu piginnittuittut Erhvervsstyrelsenip qarasaasiakkut aaqqissugaatigut, imaassimappat ingerlatsivik kinaassusiiniarnermi periarfissat tamaasa aqusaareerneratigut piginnittuiusoqanngitsoq paasineqartoq imaluunniit piginnittuii nalunaarsorneqarsinnaanngitsut.

*Imm. 4.* Aningaasalersuinikkut ingerlatsiviup ikinnerpaamik ukiumut ataasiarluni misissortassavaa ingerlatsiviup piginnittui pillugit paasissutissat nalunaarsorneqarsimanerat. Ukiumoortumik misis- suinerup inerneru saqqummiunneqassaaq ataatsimiinnermi qitiusumik siulersuisut ukiumoortumik nalunaarummik akuersiffianni.

*Imm. 5.* Aningasalersuinikkut ingerlatsiviup toqqortassavai ingerlatsiviup piginnittuii pillugit upper- narsaatissat ukiuni 5-ini pigittuiunerup atorunnaarneraniit. Aningaasalersuinikkut ingerlatsiviup aammattaaq toqqortassavai uppersaatissat paasissutissanut piginnittuii kinaassusersiniarneri pillugit misiliinerit kinaassusersiiniarnermik misileereernerup kingorna ukiut tallimat qaangiunneranniit.

*Imm. 6.* Noqqaassuteqareernikkut Aningaasalersuinikkut ingerlatsivik ingerlatsiviup piginnittuii pillugit paasissutissat tunniutissavai, takkunnga ilagitillugit ingerlatsiviup piginnittuii kinaas- susersiniarlugit misiliinera, Naalagaaffiup Aningaasarsiornikkut immikkut aamma Nunat Tamalaat akornanni Pinerluttulerinermut Advokatianut. Aningaasalersuinikut ingerlatsiviup aammattaaq noq- qaassuteqareernikkut tunniutissavai paasissutissat pineqartut oqartussaasunut piginnaanilikkanut, taakkua oqartussaasut nalilerpassuk paasissutissat tamakkua pisariaqartut namminneq misissu- inermik nakkutilliinermillu suliaaminni.

*Imm. 7.* Naalagaaffiup Aningaasarsiornikkut immikkut aamma Nunat Tamalaat akornanni Pinerluttu- lerinermut Advokatiata aamma oqartussaasut piginnaanilikkat akilersinnagit

piginnittuiit pillugit paasissutissat nalunaarneqarsimasut tunniussinnaavaat, tak. imm. 3, imaluunniit pissarsiarine- qarsimasut, tak. imm. 6 naalagaaffit EU-mut ilaasortani oqartussaasutut piginnaalikkanut aamma aningaasalersuinikkut paasiniaasartunut.

*Imm. 8.* Imm. 1-imiit 7-imut atuutissanngillat aningaasalersuisutut ingerlatsivinnut piginneqataas- sutaat imaluunniit obligationiutaat nakkutigineqartumik niuffaffinni niuffatigineqartunut imaluunniit niuffaffimmi EU-mi intsisiliorneq naapertorlugu paasissutissiinissamut pisussaataaasunut ima- luunniit nunani tamalaani atuuttunut naapertuuttumik.

*Imm. 9.* Erhvervsstyrelsenip malittarisassat erseqqinnerusut aalajangersassavai paasissutissat nalu- naarsornerinut, tikikkuminarnerannut aamma Erhvervsstyrelsenip qarasaasiakkiut aaqqissuussaanni tamanut imm. 1, 3 aamma 5 takussutissiaanerannut, tassunga ilanngullugit paaasissutissat aningaa- salersuinikkut ingerlatsivittut aqutsisoqarfiup qarasaasiakkiut aaqqissugaani nalunaarsugassai.

**§ 58 b.** Aningaasalersuinikkut ingerlatsivimmik aallarnisaanermi kingusinnerpaamik ingerlatsiviup nalunaarutigina peqatigitillugu, tak. § 9, imm. 1 pissarsiarineqarlutillu nalunaarsorneqassapput ingerlatsiviup piginnittuii pillugit paasissutissat, tassunga ilagitillugit piginnittuiit taakkua pisin-naatitaaffii pillugit paasissutissat.

**§ 58 c.** Aningasalersuinikkut ingerlatsiviit piginnittuii pillugit paasissutissanik pissarsissussat, toqqorterisussat nalunaarsuissallu, tak. § 58 a, noqqaassuteqarnikkut inuit suliffeqarfiillu malun- narunnaarsaaneq pillugu inatsit kunngip peqqussutaatigut Kalaallit Nunaannut atuutilersinneqartoq malillugu suliarissavaat pisisut pillugit nalunngisaqarnissamik ingerlatseriaatsit, tassunga ilagitillugit ingerlatsiviup pigineqarnera pillugu paasissutissat.

*Imm. 2.* Erhvervsstyrelsenip tigusimappagit nalunaarutit malunnarunnaarsaaneq pillugu inatsit kunngip peqqussutaatigut Kalaallit Nunaannut atuutilersinneqartoq malillugu naapertuutinninnerit aningaasalersuinikkut ingerlatsiviup piginnittuiinut tunngasutigit paasissutissani, Erhvervsstyrelsenip pissutsit misissuiffigissavai, tak. § 23 b, imm. 1, aamma § 58 a, imm. 6. Erhvervsstyrelsenip aningaasalersuinikut ingerlatsivimmut aalajangersarsinnaavaa pissutsit iluarsinissaannut piffissamik killiliineq.

*Imm. 3.* Erhvervsstyrelsenip misissuinerit saniatigit, tak. imm. 2, tamanut nalunaarutigisinnaavaa nalunaarut Erhvervsstyrelsenip qarasaasiakkiut aaqqissugaatigit nalunaarut. Aningaasalersuinikkut ingerlatsivik nalunaarutigineqartumut oqaaseqarfiginnissalluni periarfissaqassaaq, taanna avammut nalunaarutigineqartinnagu, imaassimanngippat tamanut nalunaarutiginninnermi siunertaasup nalunaaruteqarnikkut maangaannartineqarnissaa

#### *Piginnittut uppernarsaataat*

**§ 59** Piginnittup uppernarsaataa aningaasaatinik piginneqataassummik ataatsimik arlalinnilluunniit imaqarsinnaavoq. Piginnittup uppernarsaataani, aningaasaatinik piginneqataassutitik arlalinnut tunngasumi, aningaasaatini piginneqataassutit ataasiakkaat

annertussusai imaluunniit nalinga allassimasoq allanneqarsimassaaq. Piginnittup uppersarsaataani piginneqataassutiniq qaqugumulluunniit tigummineqartuniq pigisamik ataatsimik arlalinnilluunniit imaqartumi piginneqataassutit qaqugumulluunniit tigummineqartut pigisat tulleriiartuni normui allanneqassapput.

§ 60. Qitiusumik aqutsisut piginnittut uppersarsaataannik atulersitsinermik aamma atorunnaarsitsinermik aalajangiisinnaapput. Piginnittut uppersarsaataannik taamaallaat atulersitsisoqarsinnaavoq tamanna malittarisassani aalajangerneqarsimappat, taamaattorli § 64, imm. 1 tak., imaluunniit piginnittut uppersarsaataat niuerutigineqarsinnaallutik pappiaraappata imaluunniit piginneqataassutit qaqugumulluunniit tigumminnittup pigisaatut atulersinneqarpata, tamatumalu kingorna aningaasaatini piginneqataassutitut tamanut piginnittut uppersarsaataannik atulersitsisoqarluni, pappialanut aningaasanik nalilinnut toqqorsivikkut piginnittut uppersarsaataa atulersinneqanngippata, kunngip peqqussuteqarneratigut Kalaallit Nunaanni atulersinneqartumi pappiaqqanik aningaasanik nalilinnik niuerneq il.il. pillugu inatsimmi § 7, imm. 1, nr. 3 tak.

*Imm. 2.* Piginneqataassutit niuerutigineqarsinnaanerini killilersuinerit atuuppata imaluunniit piginneqataasut piginneqataassutitik akilerlugit utertitsinnissaannut pisussaaffeqarpata piginneqataassutitut allagartaq qaqugumulluunniit tigumminnittussamut atulersinneqarsinnaanngilaq, soorlu aamma taakkua aktieselskabimut naleqqiullugu sunniuteqartumik qaqugumulluunniit tigumminnittussamut tunniunneqarsinnaanngitsut.

*Imm. 3.* Aningaasaatinik pisiumalluni nalunaarneq Erhvervsstyrelsip qarasaasiaqarfiani nalunaarsorsimalersimatinnagu piginnittut uppersarsaataat tunniunneqaqqusaanngillat. Aningaasaatinik piginneqataassutit atilerlugit allanneqarsimasut taamaallaat piginnittut nalunaarsorsimaffianni allanneqarsimasunut aningaasaatinik piginnittunut tunniunneqaqqusaapput.

*Imm. 4.* Piginnittup uppersarsaataani ingerlatseqatigiiffiup taaguutaa, najugaqarfia aamma nalunaarsorneqarnermi normua, aningaasaatinik piginneqataassutit annertussusaat imaluunniit nalingi allanneqarsimasut allassimassapput, aamma piginneqataassutit qaqugumulluunniit tigummineqartut pigisallit pillugit tulleriiarnermi normu allanneqassalluni. Piginnittut uppersarsaataanni aamma piginnittup uppersarsaataa atia allassimassanersoq imaluunniit qaqugumulluunniit tigumminnittumut allassimassanersoq, kiisalu piginnittup uppersarsaatip ulloq imaluunniit qaammat atulersinneqarnera allanneqarsimassalluni. Piginnittut uppersarsaataat qitiusumik aqutsisunit atsiorneqassaaq. Atsiorterli maskiinat atorlugit allanneqarsinnaalluni.

*Imm. 5.* Malittarisassat malillugit assigiinngitsunik inissinneqartunik aningaasaatinik piginneqataassutiniq atulersitsisoqarsinnaappat piginnittup uppersarsaataani allassimassaaq inissiffimmi sorlermut taanna ilaanersoq.

*Imm. 6.* Piginnittup uppersarsaataani aamma allanneqassapput aalajangersakkat malittarisassani makku pillugit imaqartut

- 1) aningaasaatinik piginneqataassutit taasisinnaatitaanermut piumasaqaatitut allassimassasut,
- 2) aningaasaatinik piginneqataassutit ilaannut immikkut pisinnaatitaaffiit atasut,
- 3) aningaasaatinik piginnittut aningaasaatinik piginneqataassutitut akilerlugit utertinnissaannut pisussaaffeqartut,
- 4) aningaasaatinik piginneqataassutit tassaassanngitsut pappiaqqat niuerutigineqarsinnaasut,

- 5) aningaasaatinik piginneqataassutit niuerutigineqarsinnaaneri killilersuinerit atuuttut, aamma
- 6) aningaasaatinik piginneqataassutit tammassagalarpata eqqartuussutitaqanngitsumik atorunnaarsinneqarsinnaassasut.

*Imm. 7.* Piginnittut uppersaataanni allassimassaaq tunniunneqareermik kingorna imm. 6, nr. 3-5-imi pissutsit pillugit aalajagersaasoqaratarsinnaasoq, piginneqataasut inatsisitigut inissisimanerannik allanngortitsisumik. Taamatut allanngortitsisoqassappat, qitiusumik aqutsisut sapinngisamik isumagissavaat piginnittut uppersaataat tamatuminnga uppersaaserneqarnissaat imaluunniit nutaanik taarserneqarnissaat.

*Pappialanut aningaasanik nalilinnut toqqorsivik aqutigalugu piginneqataassutininik atulersitsineq*

**§ 61.** Piginneqataassutit allagartaat pappialanut aningaasanik nalilinnut toqqorsivimmiit allagartaliuunneqartut pillugit ingerlatseqatigiiffiup aningaasaliiffiusup qitiusumik aqutsisuisa isumagissavaat toqqorsiviup piaartumik makkuninnga kingusinnerusukkullu allannguutaannik ilisimatinneqarnissaa:

- 1) Ingerlatseqatigiiffiup aqqa, najugaqarfia, allakkanik nassiussarsisarfia aamma aningaasaatitigut ingerlatseqatigiiffinnik nalunaarsuiffimmi normua,
- 2) Ingerlatseqatigiiffimmi aningaasaliissutit piginneqataassutinut qanoq amerlatigisunut agguataarsimanerat, annertussusaat, piginneqataassutinullu piginnittup aqqani nalunaarsorsimasut eqqarsaatigalugit, taakku piginnittaasa aqqi najugaallu. Piginneqataassutit assigiinngitsunik klassilerneqarsimappata, assigiinngiaartut tamaasa immikkut paasissutissartaat ilanngunneqassapput.
- 3) Piginneqataassutit ilaat immikkut pisinnaatitsinersut imaluunniit pisussaatsinersut.
- 4) Piginneqataassutit nalunaarsorneqassasut taasisinnaanissamut piumasaqaatitut. *Imm. 2.* Piginneqataassutit pappialanut aningaasanik nalilinnut toqqorsivik aqutigalugu allagartaliuunneqarsinnaanngillat ingerlatseqatigiiffik Erhvervsstyrelsen qarasaasiaqarfiani nalunaarsoreertinnagu.

*Imm. 3.* Aningaasaliissutit amerlineqaleraangata, piginneqataassutinut, aningaasat sillimmataasut nuunneqarnerisigut pilersinneqartunut, piseqqaartussaataanerit pisinnaatitaanerillu nalunaarsorneqarnissaat qitiusumik aqutsisut qulakkiissavaat, piginneqataassutininik nutaanik pisissagaanni immikkut pisinnaatitaaffiit qanoq amerlatigisut pisariaqarnersut allanneqarluni. Piginneqataassutit nutaat allagartaanni piginneqataassutit ingerlatseqatigiiffimmi qaqugukkut pisinnaatitaaffeqalissanersut allanneqassaaq.

Aningaasaliissutit amerlineqarnerat aktieselskabip nalunaarsuiffianni nalunaarsorneqarsimanngippat imaluunniit piginneqataassut tamakkiisumik akilerneqarsimanngippat, qitiusumik aqutsisut tamatuma pappialanut aningaasanik nalilinnut toqqorsivimmi nalunaarsorneqarnissaa isumagissavaat.

*Imm. 4.* Aningaasaliissutininik ikililerinissaaq ikililerissutaasussallu aalajangiunneqariarpata tamatuma pappialanut aningaasanik nalilinnut toqqorsivimmut nalunaarutigineqarnissaa qitiusumik aqutsisut qulakkiissavaat.

*Imm. 5.* Imm. 1-4-mi taaneqarsimasut paasissutissiissutissat pillugit erseqqinnerusumik Erhvervsstyrelsen malittarisassaliorsinnaavoq.

**§ 62.** Aktieselskabip ataatsip piginneqataassutai pappialanut aningaasanik nalilinnut toqqorsivik aqutigalugu atulersinneqassappata § 61-imi taaneqartunik paasissutissanik

ingerlatseqatigiiffik sapinngisamik piaarnerpaamik pappialanut aningaasanik nalilinnut toqqorsivimmut nassiussissaaq.

*Imm. 2.* Aktieselskabip piginneqataassutitut allagartaatai aningaaserivimmut tunniunneqassapput pappialanut aningaasanik nalilinnut toqqorsiviup tunniusseqqusinermini ileqqoreqqusaa naapertorlugu. Piginneqataasoq ingerlatseqatigiiffillu tunniusseqqusummi piumasarineqartut paasissutissat tunniutissavaat.

*Imm. 3.* Aktieselskabip pappialanut aningaasanik nalilinnut toqqorsivik aqqutigalugu piginneqataassutit allagartaliuunneqarneritut aningaasartuutit tamaasa aningaasartuutigissavai. Ingerlatseqatigiiffik aningaaserivinnik kontoqarfiusunik ataatsimik arlalinnilluunniit isumaqatigiissuteqassaaq piginneqataasunit ingerlatseqatigiiffimmut akiligassanngorlugit

- 1) piginneqataassutitik il. il. tassani nalunaarsorlugillu toqqorsimasinnaagaat, aamma
- 2) iluanaarutisisoqartillugu nalunaarutisisassasut il.il. ukiumoortumillu kontomik imaasa allassimaffianik pisassasut.

*Imm. 4.* Piginneqataasut namminneq aningaaserivimmik kontoqarfimminnik innersuussisinnaatitaapput, ingerlatseqatigiiffiup nr. 1 aamma 2 naapertorlugit suliaasaanik isumaginnittussamik, aningaaseriviup ingerlatseqatigiiffimmut kiffartuussinissaminut akigititassaa ingerlatseqatigiiffiup aningaaserivimmut isumaqatigiissuteqarfigisimagaluakkaminut atugassaraluanut assinguppat.

**§ 63** Ingerlatseqatigiiffimmi piginneqataassutit pappialanut aningaasanik nalilinnut toqqorsivimmi nalunaarsorneqarnissaannik peqqussutit tunniunneqarneraniit ukiut pingasut qaangiunneranni piginneqataassutit tamarmik nalunaarsorneqarsimanngippata, qitiusumik aqutsisut Erhvervsstyrelsen qarasaasiaqarfiani nalunaaruteqarnikkut piginneqataasut kajumissaarsinnaavaat qaammatit arfinillit qaangiutsinnagit piginneqataassutitik nalunaarsoqqullugit. Piffissap naanerani nalunaarsuisoqarsimanngippat, qitiusumik aqutsisut piginneqataassutit, piginneqataasut akiligassaannik, pappiaqqanik aningaasanik nalilinnik tuniniaasartoq aqqutigalugu tuniniassavaat, tak. pappialanik nalilinnik niuerneq il. il. pillugit inatsimmi kunngip peqqussuteqarneratigut Kalaallit Nunaanni atortussanngortinneqartumi § 4, imm. 1. Aktieselskabi nalunaaruteqarnermini tunisinermi iluanaarutit matussutissanik tunisinermi iluanaarutit ilanngaasinnaavoq. Tunisinermi iluanaarutit tunisinermiit ukiut pingasut qaangiunneranni aaneqarsimanngippata ingerlatseqatigiiffimmut tigusassanngortinneqassapput.

#### *Piginnittut uppersaataannik atorunnaarsitsineq*

**§ 64** Ingerlatseqatigiiffiup piginneqataassutai niuerfimmi naleqqussakkami tuniniagassanngortitaasimappata ingerlatseqatigiiffimmiit piginneqataassutit allagartaannik tunineqarnissaq piginneqataassutillit piumasarisinnaanngilaat.

*Imm. 2.* Ingerlatseqatigiiffik aningaasaliiffiusoq piginnittut uppersaataannik tunniussaqaarsimaguni, peqqussummut naapertuuttut maleruagassat malillugit sivikinnerpaamik qaammatinik pingasunik piffissaliilluni taakku atorunnaarsinnissaannut ingerlatseqatigiiffik arsaarinnissinnaavoq aamma ingerlatseqatigiiffiup malittarisassai ileqqusumik ataatsimeersuarnissamut aggersaasarnermi atuullutik, kiisalu aningaasaatinik

piginnittunut tamanut allakkatigut nalunaaruteqarnikkut, taakku piginnittut nalunaarsorsimaffianni allanneqarsimallutik. Pisinnaatitaaffiit aningaasaatinik piginnittunut atuuttut aatsaat piginnittut uppersarsaataat ingerlatseqatigiiffimmut aningaasaliiffiusumut tunniunneqarpata atorniarneqalersinnaallutik., piginneqataassutit allagartaat ingerlatseqatigiiffimmut tunniunneqareerpat. Tamannali iluanaarutisisinnaatitaanermut akiliutissanullu allanut kiisalu aningaasaliissutininik qaffaanikkut nutaanik piginneqataassuteqalersinnaatitaanermut tunngatillugu atuutinneqassanngilaq.

*Imm. 3.* Imm. 1 piginneqataassutininut niuerutigineqarsinnaasunut imaluunniit qaqugumulluunniit tigungminnittussamut tunniussanut atorneqassanngilaq.

#### *Aningaasaatinik piginneqataassutininik tunniussineq*

**§ 65** Aningaasaatinik piginneqataassutininik pappialanut aningaasanik nalilinnut toqqorsivik aqqutigalugu atulersinneqarsimanngitsunik, imaluunniit pigisassatut imaluunniit qularnaveeqqutissatut piginnittup uppersarsaataannik atulersitsisoqarfiunngitsunik tunniussineq tunniussisup akiligassaqaarfiinut atuuttuussuseqassanngilaq, ingerlatseqatigiiffik aningaasaliiffiusoq imaluunniit piginnittut nalunaarsorsimaffiannik ingerlataqartoq, § 50, imm. 3 tak., tunniussisumiit imaluunniit pissarsisumiit tunniussineq pillugu nalunaarummik tigusaqarsimanngippat.

*Imm. 2.* Aningaasaatinik piginnittoq aningaasaatinik piginneqataassutit taakku pissarsisunut arlalinnut tunniussimappagit, aamma aningaasaatini piginneqataassut imm. 1-imut ilaalluni, kingusinnerusukkut pissarsisoq salliutinneqassaaq, ingerlatseqatigiiffik aningaasaliiffiusoq imaluunniit piginnittut allattorsimaffiannik ingerlataqartoq, § 50, imm. 3 tak., siullermik kingusinnerusukkut pissarsisumut tunniussineq pillugu nalunaarummik siulliulluni tigusaqarsimappat aamma kingusinnerusukkut piginnittoq ajunngitsumik isumaqarsimalluni, tassa nalunaarut ingerlatseqatigiiffimmut aningaasaliiffiusumut imaluunniit piginnittunut apuummat.

**§ 66** Piginnittup uppersarsaataa allamut pigisassanngortinneqarpat imaluunniit qularnaveeqqusiuunneqarpat, akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinneqartumi § 14, imm. 1 aamma 2-mi aalajangersakkat taamatulli atuutissapput. Tamannali ingerlatseqatigiiffiup aningaasaliiffiusup malittarisassaani aalajangersagaq naapertorlugu paatsoorneqarsinnaanngitsumik erseqqissumillu piginnittup uppersarsaataani nangaassuteqarpat atuutissanngilaq, assersuutigalugu imaattumik taanna tasaanngitsaq pappiaaraq niuerutigineqarsinnaasoq. Piginneqataassutit allagartaa qaqugumulluunniit tigungmisup pigisaatut nalunaarsorneqarsimasoq, ingerlatseqatigiiffimmit piginnittup aqqanut allanneqarsimaneranik uppersarsaaffigineqaraluarpalluunniit, qaqugumulluunniit tigungmisumit pigineqartutut isigineqassaaq, atermik allagartamut nalunaarsuisoqanngippat.

*Imm. 2.* Akiitsunut allagartat pillugit inatsimmi kunngip peqqussuteqarneratigut Kalaallit Nunaanni atortussanngortinneqartumi §§ 24 aamma 25-mi aalajangersakkat iluanaarutisinermi allagartanuttaaq taamatut atuupput.

*Imm. 3.* Eqqartuussutitaqanngitsumik piginnittup uppersarsaataanik atorunnaarsitsineq taamaallaat pisinnaavoq ingerlatseqatigiiffiup aningaasaliiffiusup malittarisassai piginnittullu uppersarsaataa taanna pillugu aalajagersagaqarpata. Atorunnaarsitsinissamut nalunaarut Erhvervstyrelsen qarasaasiaqarfiani ilanngunneqassaaq imaattumik sioqqutsisumik nalunaarluni:

- 1) piginnittup uppersarsaataat niuerutigineqarsinnaanngitsut atorunnaarsissagaanni sivikinnerpaamik sapaatit akunneri sisamat, aamma



- 2) piginnittut uppersaatai allat atorunnaarsissagaanni ikinnerpaamik qaammatit arfinillit.

*Imm. 4.* Imm. 3-mi aalajangersakkat taamatulli pappiaqqanut qiortakkanut pappiaqqallu nusullugit peertakkat atasortaanut atuutissapput. Pappiaqqat qiortakkat eqqartuussissutitaqanngitsumik atorunnaarsinneqarsinnaapput taakkununga atasunut piginnittut uppersaataannut peqataatillugit, malittarisassat allatut aalajangersaanngippata.

## Kapitali 5

### *Niuerutigineqarsinnaasunik killiliineq aningaasanngortitsinerlu*

#### *Piseqqaartussaataitaneq*

**§ 67.** Malittarisassani aalajangerneqarsimappat aningaasaatinik piginneqataassutit ikaarsaerneranni aningaasaatinik piginnittunit allanit pigineqalissasut allalluunniit piseqqaartussaatinneqassasut, tamanna pillugu malittarisassani erseqqinnerusumik aalajangersaasoqassaaq, tassunga ilanngullugu piseqqaartussaataitanerup atorneqarnissaanut piffissaliussaq pillugu. Malittarisassani aalajangersakkat taakku erseqqissumik naleqqutinnngitsumik akeqartitsilerpata allatigulluunniit erseqqissumik tulluutinnngitsumik piumasaqaateqartitsilerlutik, aalajangersakkat taakku tamakkiisumik ilaannakuusumilluunniit eqqartuussinikkut atorunnaarsinneqarsinnaapput.

*Imm. 2.* Pingaarnertut isumaqatigiinniarnermi atugassatut, imm. 1, oqaaseqatigiit aappaat tak., erseqqissumik naleqqutinnngitsumik akeqartitsilerneq pinersaq pillugu nalilersuinissamut, aamma akimik aalajangiinissamut imm. 3-mi naliliisartut nalunaarutigineqarneri pillugit maleruagassat illuatungeriinnit atorneqarsinnaapput.

*Imm. 3.* Malittarisassat piseqqaartussaataitanerup iluaqutigineqarnerani akip naatsorsornissaannut tunngavissaq pillugu aalajangersakkanik imaqanngippata, akigititassaq, taanna pillugu isumaqatigiinneq anguneqanngippat, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartumit aningaasaatini piginneqatigiissutit nalingat aalajangerneqassaaq. Naliliisartup aalajangiinera eqqartuussivimmut suliaasanngortinneqarsinnaavoq. Tamanna pillugu suliaasaq naliliisartup nalunaarutaanik tiguneqarneraniit kingusinnerpaamik qaammatit pingasut qaangiutsinnagit suliaasanngortinneqassaaq. Naliliisartumut aningaasartuutit, naliliisartumi naliliisoqarnissaanik kissaateqartumit aningaasaatinik piginnittumit akilernerqassapput, kisiannili naliliisartup naliliinera akiligutitamiit annertuumik allaaneruppat aamma tamakkiisumik ilaannakuusumilluunniit tunngavigineqarpat ingerlatseqatigiiffimmut akiligassanngortinneqarsinnaalluni.

*Imm. 4.* Aningaasaatinik piginneqataassutit arlallit allanit pigineqartussanngorpat, piseqqaartussaataitaneq taakku arlaannit atorneqarsinnaanngilaq, malittarisassat taamatut pisinnaatitsinngippata.

#### *Tunisinissamut akuersineq*

**§ 68.** Aningaasaatinik piginneqataassutit allanit pigineqartussanngornerat akuersissutigineqarnissaa pillugu malittarisassani aalajangerneqarpat, tamanna pillugu aalajangiineq qinnuteqaatip tiguneraniit sapinngisamik piaarnerpaamik aalajangerneqassaaq. Akuersisoqarnissaa pillugu qinnuteqartoq sapinngisamik piaarnerpaamik aalajangiineq pillugu nalunaarfigineqassaaq. Qinnuteqarnerup tiguneqarneraniit kingusinnerpaamik sapaatit akunneri arfineq marluk qaangiutsinnagit nalunaaruteqartoqanngippat qinnuteqaat akuerineqarsimasutut isigineqassaaq.

*Imm. 2.* Malittarisassani aalajangerneqarsimappat aningaasaatinik piginneqataassutiniq allanut piginnittussanngortitsineq taamaallaat ingerlatseqatigiiffimmit aningaasaliiffiusumit akuersisoqarneratigut pisinnaasoq, ingerlatseqatigiiffiup qitiusumik aqutsisut tamanna pillugu aalajangiissapput, aalajangiineq ataatsimeersuarnermut inissinneqarsimanngippat. Akuersisoqanngippat tamatumunnga tunngavilersuut nalunaarummit takuneqarsinnaassaaq imm. 1 tak.

#### *Aningaasanngortitsineq*

**§ 69** Malittarisassani aningaasanngortitsinermut tunngasunik aalajangersakkanik imaqarpat, aalajangersakkat taakku aningaasanngortitsineq pillugu piumasaqaatinik, kikkullu aningaasanngortitsinissamut piumasaqarsinnaanerannik paasissutissiissapput. § 67 taamatulli atorineqassaaq. Aningaasaatinik piginnittup aningaasaatinik piginneqataassutai ataasiakkaat tamarmiusut aningaasanngortinneqassapput, malittarisassani allanik aalajangersaasoqarsimanngippat.

**§ 70** Aningaasaatinik piginneqataasoq ingerlatseqatigiiffimmi aningaasaliiffiusumi piginneqataassutit qulerarterutaasa qulingiluaat sinnerlugit pigippagit, piginnittorlu taakku amerlaqataannik taasisinnaatitaappat, ingerlatseqatigiiffimmi aningaasaliiffiusumi ikinnerussuteqarlutik piginneqataasut sinnerisa aningaasaatini piginneqataassutitik aningaasaatinik piginnittumut aningaasanngortissagaat aningaasaatinik piginneqataasoq pineqartoq aalajangersinnaavaa. Taamaasiortoqassappat ikinnerussuteqarlutik piginneqataasut pineqartut ataatsimeersuaruaqqusisarneq pillugu maleruaqqusat naapertorlugit kingusinnerpaamik sapaatit akunneri arfineq marluk qaangiutsinnagit aningaasaatini piginneqataassutiminnik aningaasaatinik piginneqataasumut tunisinissaannik kajumissaarneqassapput. Ikinnerussuteqarlutik aningaasaatinik piginnittut aamma Erhvervsstyrelsen qarasaasiaqarfiani nalunaaruteqarnikkut aningaasaatinik piginnittumut aningaasanngortitsisumut aningaasaatinik piginneqataassutiminnik taamaaqataanik ilisimatitsillutik tunniussinissamut kaammattorneqassapput.

*Imm. 2.* Aningaasanngortitsinermi piumasaqaatit aningaasanngortitsinermilu nalimut tunngavigisamik naliliineq kaammattuuteqarnermi ilisimatitsissutigineqassaaq. Aammattaaq aningaasanngortitsinermi nalip, taanna pillugu isumaqatigiinneq anguneqarsinnaanngippat, § 67, imm. 3-mi maleruagassat malillugit, ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumit naliliisartunit aalajangersarneqassasoq ilisimatitsissutigineqassaaq. Kunngip peqqussuteqarneratigut Kalaallit Nunaanni atulersinneqartumi pappiaqqat aningaasanik nalillit il.il. pillugit inatsimmi kapitali 8 malillugu tigusinissamut neqeroorutip naammassineqarneranut atatillugu aningaasanngortitsineq pineqarpat tassani akinik aalajangersaaneq pillugu maleruagassat aningaasanngortitsinermi atorineqassapput, ikinnerussuteqarlutik aningaasaatinik piginnittut aningaasaatinik piginnittumut aningaasanngortitsisumut akip naliliisartumit aalajangersarneqassasoq pillugu qinnuteqaammik saqqummiussisimanngippata, taamaattorli imm. 4 tak. Aammattaaq kaammattuummii assaaq ilisimatitsissut imm. 3, oqaaseqatigiinni siullerni eqqartorneqartoq. Tamatuma saniatigut kaammattuummii assaaq aningaasanngortitsinermi piumasaqaatit tamaasa pillugit ingerlatseqatigiiffiup aningaasaliiffiusup qitiusumik aqutsisuniit oqaaseqaat. Kiisalu nalunaarutigineqassaaq imm. 1, oqaaseqatigiit aappaanni piffissaliussap naanerata kingorna aningaasaatinik piginneqataassutit § 72, imm. 1 aamma 2 naapertorlugit ingerlatseqatigiiffiup aningaasaliiffiusup piginnittunik nalunaarsorsimaffiani aningaasaatinik piginnittup aningaasanngortitsisup atiani allanneqassasut. Siusinnerusukkut ikinnerussuteqarlutik aningaasaatinik piginnittut maannakkut aningaasanngortitsiffigineqartulli naliliisartumik naliliisoqarnissaanik piumasaqarnissamut pisinnaatitaaffeqarput, § 72, imm. 3 tak.

Paasissutissat taakku imm. 1, oqaaseqatigiit pingajuat naapertorlugu nalunaarusiamit takuneqarsinnaassapput.

*Imm. 3.* Naliliisartut naliliinerat imaluunniit § 27, imm. 3 malillugu aalajangiinerat aningaasaatinik piginnittup aningaasanngortitsisussap neqeroorutaanniit aningaasanngortitsinissap nalinga qaffasinnerussagaluarpat, tamanna immikkoortuni tassani ikinnerussuteqarlutik aningaasaatinik piginnittut, naliliisoqarnissaanik kissaateqarsimanngitsunut aamma atuutissaaq. Piginneqataassutininik naliliinermit aningaasartuutit piginneqataasup akilissavai, ikinnerussuteqarlutik piginneqataasut tamakkiisumik ilaannakortumilluunniit naliliinermit aningaasartuutaasimasunik akiliinissaat eqqartuussiviup immikkut pissutissaqartinngippagu. Nalimik aalajangersaanermi aningaasartuutit nalimik aalajangersaasoqarnissaa pillugu qinnuteqaammik saqqummiussisumit akilerneqassapput. Naliliineq imaluunniit aalajangiineq aningaasaatinik piginnittup aningaasanngortitsisussap neqeroorutaanit aningaasanngortitsinissap nalinga qaffasinnerussappat, eqqartuussiviup naliliisussamik nalunaaruteqarsimasup aningaasartuutit tamaasa ilaannaanilluunniit akileeqqullugu aningaasaatinik piginnittoq aningaasanngortitsisussaq peqqusinnaavaa.

*Imm. 4.* Kajumissuseqarnikkut neqeroorutip nanginnerani aningaasanngortitsinissaq pineqarpat neqerooruteqartup neqeroorummik akuersisoqarneratigut neqeroorummumt ilaasimasumut aningaasaatitut taasisinnaatitaasut ikinnerpaamik 90 pct.-ii pissarsiarisimappagit akiusooq qanorluunniit pisoqaraluarpat naammaginartutut isigineqassaaq. Pisussaaffigisatut neqerooruteqarnerup kingorna aningaasanngortitsineq pineqarpat neqeroorummi akiliut qanorluunniit pisoqaraluarpat naammaginartutut isigineqassaaq.

**§ 71** Ingerlatseqatigiiffimmi aningaasaliiffiusumi, EU/EØS-imi nunami niuerfimmi naleqqussakkami piginneqataassutininik ataatsimik amerlanernilluunniit niueruteqartumi piginneqataassutininik pissarsinerup § 70, imm. 1 malillugu aningaasanngortitsinermi, imaluunniit pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussanngortinneqartumi § 31, imm. 1 malillugu neqerooruteqarnissamik pisussaaffeqarneq kingunerippagu pappialanik nalilinnik niuerneq il.il. pillugu inatsimmi kunngip peqqussuteqarneratigut Kalaallit Nunaanni atortussanngortinneqartumi akinik aalajangersaasarneq pillugu maleruagassat atorneqassapput, ikinnerussuteqarluni aningaasaatinik piginnittoq akit naliliisartumit aalajangersarneqarnissaat qinnutiginnippagu, tak. § 76, imm. 3.

*Imm. 2.* Tigusinissamik neqeroorummik naammassisaqarnermut atatillugu aningaasanngortitsineq pineqarpat, § 70, imm. 2, oqaaseqatigiit pingajuat tak., aningaasanngortitsinermi akiliutigineqartoq neqerooruteqartup aallaqqaammumt tigusinissamut neqeroorutaani allanneqartoq assigisinnaavaa, imaluunniit aningaasanngorlugu akilerneqarsinnaalluni. Aningaasanngortitsinermi ikinnerussuteqarlutik aningaasaatinik piginnittut tamatigut aningaasanngorlugu akiliisoqarnissaa piumasarisinnaavaat.

*Imm. 3.* Tigusinissamik neqeroorummik naammassisaqarnermut atatillugu aningaasanngortitsineq pillugu qinnuteqarneq, § 70, imm. 2, oqaaseqatigiit pingajuat tak., neqerooruteqartup tigusinissamik neqeroorutaani piffissap neqerooruteqarfiusussap naaneraniit kingusinnerpaamik qaammatit pingasut qaangiutsinnagit saqqummiunneqassaaq.

*Imm. 4.* Aningaasaatinik piginnittut sinnerisa neqerooruteqartup aningaasanngortitsinissaa pillugu maleruagassanik Erhvervsstyrelsi aalajangersaasinnaavoq, tassunga ilanngullugu tigusinissamik neqeroorummik naammassisaqarnermut atatillugu piginneqataassutininik pissarsinerit qanoq naatsorsorneqarnissaat, § 70, imm. 3, oqaaseqatigiit pingajuat tak.

**§ 72** Ikinnerussuteqarlutik aningaasaatinik piginnittut § 70, imm. 1, oqaaseqatigiit

aappaanni aalajangersarneqartoq piffissaq sioqqullugu aningaasaatinik piginnittumut aningaasanngartitsisussamut aningaasaatinik piginneqataassutit tunniussimangippatigit, aningaasaatinik piginnittoq aningaasanngartitsisussaq sapinngisamik piaarnerpaamik ikinnerussuteqarluni aningaasaatinik piginnittunut pineqartunut iluaqutaasumik nangaanani aningaasaatini piginneqataassutit tunineqarsimanngitsut nalinginut, aningaasanngartitsinerup aningaasartai toqqortissavai, toqqorsinermi akiitsoqartut pisussaajunnaarsitaasarnarat pillugu inatsit tak. Aningaasaatinik piginneqataassutit værdipapircentrali aqutugalugu atulersinneqarsimappata, aningaasaatinik piginnittup ataatsimut akiliutaasoq akiliutigissavaa pineqartunut ikinnerussuteqarlutik aningaasaatinik piginneqataasunut værdipapircentrali atulersitsisoq aqutugalugu.

*Imm. 2.* Aningaasanik toqqorsinerup peqatigisaanik imaluunniit værdipapircentrali aqutugalugu akiliineq, tak. *Imm. 1. pkt. 2.*, piginnittut uppersaataat aningaasaatinik piginneqataassutit aningaasanngartinneqartut atorunnaartutut isigineqassapput. Piginnittut uppersaataanni nutaani allassimassasoq piginnittut uppersaataannut atorunnaartunut taartaaneri pillugit uppersaammik pissarsinissaat ingerlatseqatigiiffiup qitiusumik aqutsisuisa isumagissavaat.

*Imm. 3.* Siusinnerusukkut aningaasaatinik piginnittut maannakkut aningaasanngartitsiffigineqartut Erhvervsstyrelsen qarasaasiaqarfiani sivikinnerpaamik qaammatinik pingasunik ilisimatitsereernikkut nutaamik nalunaaruteqarnikkut ilisimatinneqassapput naliliisartumik nalilersuisoqarnissaanik piumasaqarsinnaaneq, § 67, imm. 3 tak., piffissaliussap naanerani annaaneqassasoq. Aammattaaq naliliisartup naliliineranut imaluunniit § 67, imm. 3 malillugu eqqartuussutit ullua ilisimatitsissutigineqassaaq.

**§ 73** Aningaasaatinik piginnittoq ingerlatseqatigiiffimmi aningaasaatinik piginneqataassutit qulerarterutaasa qulingiluaat sinnerlugit pigisaqarpat, aningaasaatinillu piginnittoq taakku amerlaqataanik taasisinnaatitaappat, ikinnerussuteqarlutik aningaasaatinik piginnittut ataasiakkaat tamarmik aningaasaatinik piginnittup aningaasanngartitsinissaa piumasarisinnaavaat. § 67, imm. 3, § 70, imm. 2, oqaaseqatigiit aappaat aamma imm. 3, oqaaseqatigiit aappaat aamma pingajuat taamatulli atorineqassapput.

#### *Milliartortumik nalikilliliineq*

**§ 74** Ingerlatseqatigiiffiup aningaasaliiffiusup malittarisassaani aningaasaatinik piginneqataassutit aningaasanngartinnerisigut ingerlatseqatigiiffiup aningaasaataanik ikililerinissaq pillugu (milliartortumik nalikillisaaneq) aalajangersakkanik ilanngussisoqarsinnaavoq, tassunga ilanngullugu milliartortitsinerup ingerlanera pillugu aalajangersakkat.

*Imm. 2.* Obligationinik atulersitsisoqarneratigut aningaasaatinik piginnittut akissarsiaqartitsisoqarsinnaavoq, imm. 1 tak., malittarisassani tamanna pillugu aalajangersakkanik ilanngussisoqarsimappat.

*Imm. 3.* Aningaasaatinik piginneqataassutit pisiariumallugit nalunaarutigineqarsimasut pillugit milliartortumik nalikilliliinermik qitiusumik aqutsisut aallartitsisinnapput, milliartortumik nalikilliliisoqarneratigut ingerlatseqatigiiffiup aningaasaataanik ikililerinissaq pillugu aalajangersakkat malittarisassani ikkunneqareerpata. Milliartortumik nalikilliliinerup naammassineqarnerata malitsigisaanik malittarisassanik allanngiineq qitiusumik aqutsisunit akuerineqarsinnaavoq.

*Imm. 4.* Milliartortumik nalikilliliinermut atasumik aningaasaatinik ikililerinermi

ingerlatseqatigiiffimmut piumasaqaatiminnik nalunaaruteqarneq pillugu ingerlatseqatigiiffiup aningaasaliiffiusup akiligassaqaarfiinut kaammattuinerimik Erhvervsstyrelsen qarasaasiaqaarfiani tamanut saqqummiussisoqassanngilaq, piumasaqaatit uku naammassineqarsimappata:

1) Ikililerineq aningaasaatinik piginneqataassutit tamakkiisumik akilerneqarsimasut milliartortumik nalikilliliinerisigut pippat.

2) Aningaasaatinik piginneqataassutit akissarsiaqaarfiunngitsumik imaluunniit iluanaarutitut atorineqarsinnaasut aningaasat qaangernagit akissarsiaqaarfiusumik pissarsiarineqarpata, tassunga ilanngullugu obligationinik atulersitsinermi.

3) Aningaasaatinik piginneqataassutit atorunnaarsinneqartut naliinut naapertuuttut aningaasat immikkut aningaasaateqaarfimmut inissinneqarlutik.

## § 75 (Atorunnaarpoq)

### Kapitali 6

#### *Ataatsimeersuarneq*

#### *Aningaasaatinik piginnittut aalajangiisinnaatitaanerat*

§ 76 Ingerlatseqatigiiffimmi aningaasaliiffiusumi aningaasaatinik piginnittut aalajangiisinnaatitaanerat ataatsimeersuarnermi pissaaq.

*Imm. 2.* Aningaasaatinik piginnittut ataatsimeersuarnermi aalajangiineri, aningaasaatinik piginnittut tamarmik tamanna pillugu isumaqatigiippata, peqqussutip aamma malittarisassani ilusissatut piffissatigullu piumasaqaatinik saneqqussinikkut aalajangerneqarsinnaapput, taamaattoorli imm. 5 tak.

*Imm. 3.* Aningaasaatinik piginnittut ataatsimeersuarnermi aalajangiineri nalinginnaasumik iluseq piffissaliussarlu pillugit peqqussutip maleruagassanik saneqqussilluni aalajangerneqarsinnaapput, taamaattoorli imm. 5 tak. Tamanna pillugu aalajangiineq akerliusoqarnani aalajangerneqassaaq, tamannalu pillugu maleruagassat malittarisassani ilanngunneqassallutik. § 106 taamaaqataanik maleruagassanik allannguinerimik imaluunniit atorunnaarsitsinermi atorineqarpoq. Aningaasaatinik piginnittut, ingerlatseqatigiiffiup aningaasaataanik 10 pct.-imik annertunerusumik piginnittut, tamanna pillugu piumasaqaateqarpata, inuttut takkunnermi ataatsimeersuarnermi ingerlanneqassaaq.

*Imm. 4.* Peqqussummi matumani allanneqarsimasunit inuit allaanerusut ataatsimeersuarnermi najuussinnaanerat pillugu qitiusumik aqutsisut aalajangiisinnaapput, malittarisassani allanik aalajangiisoqarsimanngippat.

*Imm. 5.* Naalagaaffiit aktieselskabiini aningaasaatinik piginnittut, § 351 tak., aamma aktieselskabini EU-mi imaluunniit EØS-imi nunami niuerfimmi naleqqussakkami piginneqataassuteqartut, iluseq piffissarlu pillugit peqqussummi maleruagassanik saneqqussillutik aalajangiisinnaanngillat, imm. 2 aamma 3 tak. Aamma tamanna aktieselskabinut, inatsisikkut nalunaarutikkulluunniit tusagassiortut ataatsimeersuarnermi isersinnaanerannik aalajangerneqarsimasunut atuuppoq.

*Imm. 6.* Naalagaaffiit aktieselskabiini ataatsimeersuarnerit, § 351 tak., tusagassiortunut ammasuupput.

#### *Elektronikkikkut ataatsimeersuarneq*

§ 77 Malittarisassani allamik aalajangiisoqanngippat qitiusumik aqutsisut aalajangiisinnaapput ataatsimeersuarnermi inuttut takkunnermut tapiliussatut aningaasaatinik piginnittut elektronikkikkut ataatsimeersuarnermi peqataasinnaasut, tassunga ilanngullugu elektronikkikkut taasisinnaasut, ataatsimeersuarnermi inuttut takkutinngikkaluarlutik, tassa imaappoq ilaannakuusumik elektronikkikkut ataatsimeersuarnermi ingerlatsineq, imm. 3-6

tak.

*Imm. 2.* Ataatsimeersuarnerup inuttut takkuttoqarnani elektronikkikkut taamaallaat ingerlanneqarnissaa ataatsimeersuartut aalajangersinnaapput, tassa imaappoq tamakkiisumik elektronikkikkut ataatsimeersuarneq, imm. 3-6 tak. Ataatsimeersuarnermi peqataanermut atatillugu elektronikkikkut atortorissaarutit qanoq atorneqarnissaat pillugu paasisutissanik alajangiineq imaqaassaaq. Aalajangiineq malittarisassanut ilanngunneqassaaq. § 106 aalajangiinnermi kiisalu taassuma allanngortinnerani atorneqassaaq.

*Imm. 3.* Ilaannakkuusumik tamakkiisumilluunniit elektronikkikkut ataatsimeersuarnermi elektronikkikkut aaqqissuussinernut atorneqartunut piumasaqaatinik erseqqinnerusunik qitiusumik aqutsisut aalajangersaassapput. Ataatsimeersuarnermi aggersaaneq tamanna pillugu paasisutissanik imaqaassaaq, soorlu aamma aningaasaatinik piginnittut elektronikkikkut peqataanissamut qanoq nalunaaruteqarnissaat aggersaanermit takuneqarsinnaassasoq, aamma ataatsimeersuarnermi elektronikkikkut peqataanermut atatillugu suleriaasissaaq pillugu paasisutissat tassani nassaarineqarsinnaassasut.

*Imm. 4.* Ilaannakuusumik tamakkiisumillu elektronikkikkut ataatsimeersuarnerup ingerlanneqarnissaanut tunngaviuvoq ataatsimeersuarnermi toqqissisimanartumik ingerlannissaanut aningaasaatitigut ingerlatseqatigiiffiup qitiusumik aqutsisuisa isumagissavaat. Aaqqissuussineq atorneqartoq imatut aaqqissuunneqarsimassaaq ataatsimeersuarnerup ingerlanneqarneranut peqqussutip piumasaqaatai naammassineqarsimassallutik, tassunga ilanngullugu aningaasaatinik piginnittut ataatsimeersuarnermi peqataasinnaanerat kiisalu oqaaseqarsinnaanerit taasisinnaanerallu. Aaqqissuussineq atorneqartoq aamma tatiginartumik aalajangersinnaassavaa aningaasaatinik piginnittut kikkut ataatsimeersuarnermi peqataassanersut, aningaasaatit suut aamma kikkut sinnerlugit taasisinnaanersut, kiisalu taasisitsinerit inernerit.

*Imm. 5.* Aktieselskabi qaqumulluunniit tigumminnittunik piginneqataassutinik atulersitsisimappat ullulu nalunaarsornera allanneqarsimanngippat, § 84 tak., aamma aggersaanermit allanneqassaaq, imm. 3 tak., piginneqataassutinik taamatut ittunik piginnittoq qanoq ataatsimeersuarnermi elektronikkikkut peqataasinnaanertik uppernarsassaneraat.

*Imm. 6.* Ataatsimeersuarnerup ingerlanneqarnissaa pillugu peqqussummi aalajangersakkat pisariaqartutitigut allannguuteqartut taamaaqataanik ilaannakuusumik tamakkiisumillu elektronikkikkut ataatsimeersuarnermi atorneqassapput.

#### *Peqataasinnaaneq taasisinnaatitaanerlu il.il.*

**§ 78** Aningaasaatinik piginnittoq kinaluunniit ataatsimeersuarnermi peqataasinnaavoq tassanilu oqaaseqarsinnaalluni, taamaattorli § 84, imm. 1 tak.

**§ 79** Aningaasaatinik piginneqataassut peqatigiinnikkut arlalinnit pigineqarpat, aningaasaatinik piginneqataassummut atasut ingerlatseqatigiiffimmut aningaasaliiffiusumut pisinnaatitaanerit taamaallaat piginnaatitsissutikkut ataatsimoorussakkut ingerlanneqarsinnaapput.

**§ 80** Aningaasaatinik piginnittut sinnerlutik sinniisuutitaqarlutik ataatsimeersuarnermi peqataasinnaapput.

*Imm. 2.* Sinnerluni sinniisuutitaqarneq allaganngorlugu saqqummiunneqassaaq piginnaatitsinerlu ullulerneqarsimassalluni. Piginnaatitsineq qaqugukkulluunniit utertinneqarsinnaassaaq. Utertitsineq allakkatigut pissaaq aamma ingerlatseqatigiiffimmut aningaasaliiffiusup saaffiginninnikkut pisinnaalluni. Aningaasaatinik piginnittut

elektronikkikkut sinnerlutik sinniisuutitassamik toqqaasinnaapput aamma piginnaatitsinermik utertitsinnaallutik.

*Imm. 3.* Sinniisuutitaq aningaasaatinik piginnittunit arlalinniit piginnaatitsissutininik tigusaqarsimappat sinniisuutitaq aningaasaatinik piginnittut assigiinngitsut sinnerlugit assigiinngitsunik taasisinnaavoq.

*Imm. 4.* Aktieselskabi niuerfimmi naleqqussakkami piginneqataassutininik niueruteqartoq, ataatsimeersuarnermi taasisinnaatitaasunut piginneqataasunut tamanut allatamik imaluunniit elektronikkikkut piginnaatitsinermik immersukkamik inissiissaaq, aamma elektronikkikkut sinniisussamik toqqaaneq pillugu aktieselskabimut nalunaaruteqarnissamut ikinnerpaamik periutsimik ataatsimik piginneqataasunut neqerooruteqassalluni. Sinniisussamik toqqaaneq, toqqaaneq aamma sinniisussamut taasisarnissamut ilitersuutininik tunniussineq pillugu aktieselskabimut nalunaaruteqarneq piginneqataasup sinniisuutitaasup kinaanerata qulakkeerneqarnissaanut pisariaqartunik piumasaqaatinik atugassaqaartinneqassaaq kiisalu taasinissamut ilitersuutit imarisaasa uppersarneqarnissaat qulakkeerneqarluni, taamaallaallu ima annertutigisumik taakkununga anguniakkanut naammaginartumik naleqqiussimassallutik. Taamaaqataani piginnaatitsinerup utertinneqarneranut atuutissallutik.

**§ 81** Aningaasaatinik piginnittut imaluunniit sinniisuutitaasoq siunnersortini peqatigalugu ataatsimeersuarnermut takkussinnaavoq.

**§ 82** Piginnittut isumaqatigiissutaat ingerlatseqatigiiffimmut aningaasaliiffiusumut aamma ataatsimeersuarnermi aalajangerneqartunut aalajangiinernut pituttuinngillat.

**§ 83** Aktieselskabi, niuerfimmi naleqqussakkami piginneqataassutininik niueruteqartoq, aningaaserivimmik toqqaasimappat, taanna aqutigalugu piginneqataasut aningaasatigut pisinnaatitaaffitik ingerlallugit, piginneqataasut tamatuminnga ilisimatitsissapput.

**§ 84** Aktieselskabini, niuerfimmi naleqqussakkami piginneqataassutininik niueruteqartuni, ataatsimeersuarnermi piginneqataasup peqataasinnaanera aamma piginneqataasup ullormi nalunaarsuinermi piginneqataassutininik pigisai naleqqiullugit taasisinnaanera aalajangerneqassaaq.

*Imm. 2.* Piginneqataasup piginneqataassutininik pigisaqarnera aamma taasisinnaatitaanera piginnittut allattorsimaffianni nalunaarsorneqarsimasut aningaasaatinik piginnittunut pissutsit allattorsimasut kiisalu piginnittut allattorsimaffianni allanneqarnissai siunertaralugu aktieselskabip tigusiasai piginnittuunermut pissutsit pillugit nalunaarutit tunuliaqutaralugit ullormi nalunaarsorsimaffimmi naatsorsorneqassapput.

*Imm. 3.* Ulloq nalunaarsuiffik ataatsimeersuarnissap ingerlanneqarnissaa sapaatip akunneranik siusinneruvoq.

*Imm. 4.* Malittarisassat aalajangersinnaavaat piginneqataasup ataatsimeersuarnermi peqataanera kingusinnerpaamik ataatsimeersuarnerup ingerlanneqarnissaa ullunik pingasunik sioqqullugu aktieselskabimut nalunaarutigineqarsimassasoq. Peqataanissamut nalunaaruteqarneq piginneqataasup, nalunaaruteqarnerup pereernerata kingorna, sinniisuutitamik sinniisoqarnissaminik aalajangersinnaaneranut akornusiinngilaq.

*Imm. 5.* Aktieselskabini, niuerfimmi naleqqussakkami piginneqataassutininik niueruteqanngitsoq, aamma anpartsselskabini malittarisassat imatut aalajangiisinnaapput:

- 1) Imm. 1-3 taamaaqataanik atorineqassasut.
- 2) Imm. 4 taamaaqataanik atorineqassasoq.

**§ 85** Ingerlatseqatigiiffiup aningaasaliiffiusup nammineq aningaasaatinik piginneqataassutai kiisalu ingerlatseqatigiiffimmi piginnittumi ingerlatseqatigiiffiup pigineqartup aningaasaatinik piginneqataassutai eqqarsaatigalugit taasisinnaaneq ingerlanneqarsinnaanngilaq. Nammineq aningaasaatinik piginneqataassutit aamma ingerlatseqatigiiffimmi piginnittumik ingerlatseqatigiiffiup pigineqartup aningaasaatinik piginneqataassutai taasisinnaanerit piginneqataassutillu naatsorsornerini ilanngullugit naatsorsorneqassanngillat. Oqaaseqatigiit aappaalli § 55 malillugu aningaasaatinik taasisinnaatitaanernillu naatsorsuineri atuutinngilaq.

**§ 86** Aningaasaatinik piginnittoq nammineerluni, sinniisuutitaqarnermigut imaluunniit allanut sinniisuunermigut, aningaasaatinik piginnittumut namminermut eqqartuussisunut suliaassanngortitaq pillugu imaluunniit aningaasaatinik piginnittup nammineq ingerlatseqatigiiffimmut aningaasaliiffiusumut akisussaanera pillugu aamma allanut imaluunniit allat akisussaanersanut eqqartuussivimmi suliaassanngortitsineri ataatsimeersuarnermi taasinermi peqataasinnaanngilaq, ingerlatseqatigiiffimmut aningaasaliiffiusumut akerliusinnaasunik aningaasaatinik piginnittoq taakkunani annertuumik soqutigisaqarpat.

#### *Piffissaq sumiiffillu*

**§ 87** Ingerlatseqatigiiffiup aningaasaliiffiusup najugarisaani ataatsimeersuarneq ingerlanneqassaaq, malittarisassat naapertorlugit allami ingerlanneqartussaataitaanngippat imaluunniit allami ingerlanneqarsinnaanerani aalajangersagaqanngippat. Pissutsit immikkut ittut pisariaqartitsissappata, ataatsimeersuarneq allami pisinnaavoq.

**§ 88** Ileqquusumik ataatsimeersuarnermi makkununga tunngasunik aalajangiisoqassaaq:

- 1) ukiumoortumik nalunaarusiap akuersissutigineqarnera,
- 2) ukiumoortumik nalunaarusiat akuerineqarsimasut naapertorlugit sinneqartoorutit atorineqarnissaat imaluunniit amigartoorutit matuneqarnissaat,
- 3) ingerlatseqatigiiffiup aningaasaliiffiusup siunissami ukiumoortumik naatsorsuusiassaasa kukkunersiorneqartarnissaat pillugu aalajangiinerit allanngortinneqarsinnaaneri, ingerlatseqatigiiffik ukiumoortumik naatsorsuusiortarneq pillugu inatsit kunngip peqqussuteqarneratigut Kalaallit Nunaanni atorussanngortinneqartoq inatsisilialluunniit allat naapertorlugit kukkunersiuisitsisussaataitaanermi pineqanngippat, aamma
- 4) apeqqutit allat, ingerlatseqatigiiffiup aningaasaliiffiusup malittarisassai naapertorlugit ataatsimeersuarnermi suliarisassanngortinneqartut.

*Imm. 2.* Ileqquusumik ataatsimeersuarneq ingerlanneqassaaq sapinngisamik ima piffissaqartigaluni, ukiumoortumik nalunaarut akuerineqarsimasooq Erhvervsstyrelsimut nassiunneqarsinnaassalluni tassanilu tiguneqarsimassalluni ukiumoortumik naatsorsuusiortarneq pillugu inatsisip kunngip peqqussuteqarneratigut Kalaallit Nunaanni atorussanngortinneqartup piffissarititaa naatinngu. Ataatsimeersuarnermi ukiumoortumik nalunaarut suliarineqarsimasooq saqqummiunneqassaaq.



### *Immikkut ittumik ataatsimeersuarneq*

**§ 89** Immikkut ittumik ataatsimeersuarneq ingerlanneqassaaq qitiusumik aqutsisut, nakkutilliisut imaluunniit ataatsimeersuarnermi toqqarneqartup kukkunersiuissup tamanna piumasarisimappassuk.

*Imm. 2.* Anpartsselskabi piginneqataasup kialuunniit immikkut ittumik ataatsimeersuortoqarnissaa piumasarisinnaavaa. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

*Imm. 3.* Aktieselskabini piginneqataasut, ingerlatseqatigiiffiup aningaasaataanik 5 pct-imik imaluunniit annikinnerusunik piginnittut, malittarisassani aalajangersarneqarsimasumi, imaluunniit malittarisassanut tamatumunga piginnaatitaasut, immikkut ittumik ataatsimeersuortoqassasoq allakkatigut piumasarisinnaavaat. Sammisap aalajangersimasup suliarineqarnissaanut immikkut ittumik ataatsimeersuarnissaq aggersarneqassaaq piumasarineqartup saqqummiunneqarneraniit kingusinnerpaamik sapaatit akunneri marluk qaangiutsinnagit.

### *Oqaluuserisassat*

**§ 90** Aningaasaatinik piginnittoq kinaluunniit ileqquusumik ataatsimeersuarnermi sammisap aalajangersimasup oqaluuserisassanut ilanngunneqarnissaanut pisinnaatitaaffeqarpoq, taamaattorli imm. 2 tak.

*Imm. 2.* Aktieselskabini sammisap aalajangersimasup ileqquusumik ataatsimeersuarnermi oqaluuserisassani ilanngunneqarnissaa pillugu qitiusumik aqutsisunut allakkatigut piginneqataasup saqqummiutissavaa. Piumasaqaat ataatsimeersuarnerup ingerlanneqarnissaa kingusinnerpaamik sapaatit akunneri arfinillit sioqqullugit saqqummiunneqarpat sammisap oqaluuserisassani ilanngunneqarnissaanut piginneqataasoq pisinnaatitaaffeqarpoq. Ataatsimeersuarnermi ingerlanneqarnissaa sioqqullugu sapaatit akunnernik arfinilinnik kingusinnerusumik piumasaqaammik aktieselskabi tigusaqarpat qitiusumik aqutsisut aalajangissavaat piumasaqaat piffissaagallartillugu saqqummiunneqarsimanersoq sammisap oqaluuserisassani ilanngunneqarsinnaalluni.

*Imm. 3.* Aktieselskabit, niuerfinni naleqqussakkani piginneqataassutininik niueruteqartut, ileqquusumik ataatsimeersuarnerup ingerlanneqarnissaanut ulloq eqqarsaatigineqartoq kingusinnerpaamik sapaatit akunneri arfineq pingasut sioqqullugit ataatsimeersuarnerup ingerlanneqartussatut eqqarsaatigineqartup ullua kiisalu piginneqataasut sammisamik aalajangersimasumik oqaluuserisassani ilanngussinissaat pillugu piumasaqaatinik kingusinnerpaamik saqqummiussinissaanut ulloq tamanut saqqummiussissapput, piffissat marluullutik malittarisassanit takuneqarsinnaanngippata.

**§ 91** Suliassat, oqaluuserisassanut inissinneqarsimanngitsut, ataatsimeersuarnermi taamaallaat aalajangiiffigineqarsinnaapput aningaasaatinik piginnittut tamarmik akuersippata. Ileqquusumik ataatsimeersuarnerli, malittarisassat malillugit taamatut ataatsimeersuarnermi suliarineqartussat suliassat pillugit tamatigut aalajangiisassapput, § 88, imm. 1 tak., aamma aalajangiillutik, soorlu aamma sammisap aalajangersimasup suliarineqarnissaanut immikkut ittumik ataatsimeersuarnissamut aggersaasoqarnissaa aalajangerneqarsinnaasoq.

### *Elektronikkikkut attaveqatigiinneq*

**§ 92** Ataatsimeersuarneq elektronikkikkut attaveqatigiinneq pillugu aalajangiisinnaavoq, tassa imaappoq elektronikkikkut allagaatinik paarlaassaqatigiinnerup atorneqarnera kiisalu ingerlatseqatigiiffiup aningaasaliiffiusup aningaasaatinillu piginnittut akornanni attaveqatigiinnermi elektronikkikkut allakkat atorneqarnerat pillugu, peqqussut manna naapertorlugu pappiaranik tunngaveqartunik allakkanik nassiussinnermut imaluuniit saqqummiussinnermut taarsiullugu, imm. 2 aamma 3 tak. elektronikkikkut attaveqatigiinneq taamaalilluni ingerlatseqatigiiffiup aningaasaliiffiusup aamma aningaasaatinik piginnittut akornanni atorneqarsinnaavoq, allakkanut nalunaarutinullu pineqartunut tunngasunik aalajangersakkani allassimasinnaasut ilusissaatigut piumasaqaatit apeqqutaatinnagit, taamaattorli imm. 5 aamma § 8 c tak.

*Imm. 2.* Imm. 1 malillugu aalajangiinnermit takuneqarsinnaassaaq nalunaarutit il.il. suut aalajangiinnermut ilaatinneqarnersut, aamma elektronikkikkut attaveqatigiinneq qanoq atorneqassanersoq imaluunniit atorneqarsinnaanersoq. Aalajangiinnermit aamma takuneqarsinnaassaaq aqqissuussinnermut atorneqartunut piumasaqaatit pillugit paasissutissanik aningaasaatinik piginnittut sumi nassaarsinnaanersut kiisalu elektronikkikkut attaveqatigiinnermut atatillugu suleriaasissaq pillugu.

*Imm. 3.* Imm. 1 aamma 2 malillugu ataatsimeersuarnerup aalajangiinera malittarisassanut ilanngunneqassaaq, taamaattorli imm. 4 tak. § 106 aalajangiinnermut kiisalu tassani allannguinnermut atorneqarpoq.

*Imm. 4.* Imm. 1 malillugu ingerlatseqatigiiffiup aningaasaliiffiusup aamma aningaasaatinik piginnittut akornanni elektronikkikkut attaveqatigiinnerup eqqunneqarnissaa ataatsimeersuarnermi aalajangerneqanngikkaluartoq, pineqartut akornanni tamanna pillugu isumaqatigiittoqarsimappat, ingerlatseqatigiiffiup aningaasaliiffiusup aamma aningaasaatinik piginnittup ataatsip arlallilluunniit akornanni attaveqatigiinneq elektronikkikkut ingerlanneqarsinnaavoq.

*Imm. 5.* Elektronikkikkut attaveqatigiinnerup atorneqarnissaanut periarfissaqarneq imm. 1-imi taaneqartoq tamanut ammasumik aggersaanermut imaluunniit nalunaaruteqarnermut taarsiullugu atorneqarsinnaanngilaq, tassani inatsisikkut aalajangerneqarluni aningaasaatinik piginnittunut ingerlatseqatigiiffiup aningaasaliiffiusup nalunaarutai il.il. tamanut ammasumik imaluunniit nalunaaruteqarnikkut pissasut imaluunniit Erhvervsstyrelsip qarasaasiaqarfia imaluunniit inatsimmi pineqartumi aalajangersarneqartoq alla aqutigalugu. Tamanna pisuni § 95, imm. 3, oqaaseqatigiit pingajuanni taaneqartuni atuutinngilaq.

*Imm. 6.* Imm. 1 aamma 4-mi taaneqartumi pisumi ingerlatseqatigiiffiit aningaasaliiffiusut, piginnittut nalunaarsorsimaffianni atiatigut allanneqarsimasut aningaasaatinik piginnittut elektronikkikkut najugaq, nalunaarutit il.il. nassiussinnaaneritut qinnuigissavaat. Ingerlatseqatigiiffiup aningaasaliiffiusup elektronikkikkut najukkamik eqqortumik pigisaqarnerup qulakkeerneqarnissaa aningaasaatinik piginnittup akisussaaffigaa. Ingerlatseqatigiiffiup aningaasaliiffiusup elektronikkikkut attaveqarnermi nammineq aningaasartuutini akilissavai.

### *Ataatsimeersuarnermut aggersaaneq*

**§ 93** Ataatsimeersuarnerit qitiusumik aqutsisunit aggersarneqarlutillu aqqissuunneqassapput.

*Imm. 2.* Ingerlatseqatigiiffik aningaasaliiffiusoq qitiusumik aqutsisoqanngippat, imaluunniit malittarisassat imaluunniit ataatsimeersuarnermi aalajangiineq malillugu ingerlanneqartussanut ataatsimeersuariarnissamut qitiusumik aqutsisut peqqussut

qaaqqusinngitsoorpata, ingerlatseqatigiiffiup aningaasaliiffiusup qullersaani imaluunniit qitiusumik aqutsisuni ilaasortap ataatsip, ingerlatseqatigiiffiup aningaasaliiffiusup kukkunersiuisua ataatsimeersuarnermi qinigaasup, tak. § 144 imm. 1, imaluunniit aningaasaatinik piginnittup piumasaqarneratigut Erhvervsstyrelsi atatsimeersuariaqqusissaaq. Styrelsi ataatsimeersuarnermi oqaluuserisassanik aalajangersaasinnaavoq.

*Imm. 3.* Ataatsimeersuarneq Erhvervsstyrelsenimit aggersaassutigineqartoq aquuneqassaaq inum- mit, aqutsiveqarfiup taamaaliornissamut piginnaaniligaanit, qitiusumillu siulersuisoqarfiup tunniutissavaa aningaasalersunikkut ingerlatsiviup piginnittunik quppersagaaataa, ataatsimeersuarnermi imaqarniliat aamma kukkunersiuiinermin nalunaarsuutit, kukkunersiuisoq taamaattuuteqarsimappat. Ataatsimeersuarnermi akissaajaatit aqutsiveqarfimmit akilerallarneqassapput, inaarutaasumillu aningaasalersuinikkut ingerlatsivimmit isumannaarneqassallutik

*Imm. 4.* § 77-imi aalajangersakkat apeqqutaatinnagit Erhvervsstyrelsi aalajangersinnaavoq ataatsimeersuarneq, imm. 1 naapertorlugu styrelsimit aggersarneqarsimasoq, taamaallaat inuttut takkuttoqarneratigut imaluunniit ilaannakuusumik tamakkiisumilluunniit elektronikkikkut ataatsimeersuarnertut ingerlanneqarsinnaasoq, aamma § 87-imi aalajangersakkat apeqqutaatinnagit styrelsip kommunimi najugaaneq taanna ingerlanneqarluni.

**§ 94** Ataatsimeersuarnissamut aggersaaneq siusinnerpaamik sapaatit akunneri sisamat sioqqullugu pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaaq sapaatit akunneri marluk sioqqullugit. Ataatsimeersuarnissaaq ullormut, sapaatit akunnerinik sisamanik kingusinnerusumut kinguartinneqarpat, ataatsimeersuarnissamut aggersaasoqassaaq.

*Imm. 2.* Aktieselskabinut, niuerfimmi naleqqussakkamik piginneqataassutinik niueruteqartunut, ataatsimeersuarnissamut aggersaaneq siusinnerpaamik sapaatit akunneri tallimat sioqqullugit pissaaq aamma, malittarisassani sivisunerusumik piffissamik aalajangiisoqarsimanngippat, kingusinnerpaamik ataatsimeersuarnissaaq sapaatit akunneri pingasut sioqqullugit, taamaattorli § 339, imm. 4, aamma § 343 tak.

**§ 95** Aggersaaneq malittarisassani aalajangersakkat naapertorlugit pissaaq.

*Imm. 2.* Ataatsimeersuarneq aalajangersinnaavoq aggersaaneq ingerlatseqatigiiffiup aningaasaliiffiusup nittartagaatigut pisinnaasoq, taamaattorli imm. 3 tak. Aalajangiineq malittarisassanut ilanngunneqassaaq. § 106 aalajangiinermut tassanilu allannguineranut atorneqarpoq.

*Imm. 3.* Aktieselskabini aggersaaneq piginnittut allattorsimaffianni piginneqataasunut allassimasunut tamanut, tamanna pillugu noqqaassuteqarsimasunut allakkatigut pissaaq. Aktieselskabip piginneqataassutai qaqugumulluunniit tigumminnittut pigisaanut allassimappata aggersaaneq Erhvervsstyrelsip qarasaasiaqarfiatigut ingerlanneqassaaq.

*Imm. 4.* Siusinnerusukkut allatut aggersaasoqarsimanera apeqqutaatinnagu, aktieselskabini, niuerfimmi naleqqussakkami piginneqataassutinik niueruteqartumut aggersaaneq aktieselskabip nittartagaatigut tamanut saqqummiunneqassaaq. Tamatumunnga aningaasartuutit aktieselskabimit akilerneqassapput.

**§ 96.** Aggersaanermi ataatsimeersuarnissamut piffissaq sumiiffissarlu kiisalu oqaluuserisassat allanneqarsimassapput, taakkunannga takuneqarsinnaalluni ataatsimeersuarnermi suliaassat suut suliarineqassanersut. Malittarisassani allannguutissanut siunnersuutit ataatsimeersuarnermi suliarineqassappata siunnersuutip pingaarnertut imarisaa aggersaanermi allanneqassaaq.

*Imm. 2.* Ataatsimeersuarnissamut aggersaaneq, § 77, imm. 2, § 92, imm. 1 imaluunniit § 107, imm. 1 imaluunniit 2 malillugu aalajangiiffiusussami, malittarisassanut allannguutissanut siunnersuutip oqaasertaa tamarmiusoq ilaassaaq.

**§ 97.** Aktieselskabini, niuerfinni naleqqussakkani piginneqataassutinik niueruteqartuni, aggersaaneq, § 96-imi paasissutissat saniatigut ikinnerpaamik ukuninnga imaqassaaq:

1) Aktietigut aningaasaatit annertussusaannik piginneqataasullu

taasisinnaatitaanerannik allaaserinninneq,

2) ataatsimeersuarnermi peqataanissap taasisinnaatitaanissallu piginneqataasunit

eqqortinnissanut suleriaatsinik erseqqissunik eqqortunillu allaaserinninneq, imm. 2 tak.,

3) ulloq nalunaarsorneqarfik, 84, imm. 1 tak., ullormi tassani piginneqataasuusut inuit kisimik ataatsimeersuarnermi peqataasinnaanerat taasisinnaanerallu erseqqissarneqarluni,

4) § 99, imm. 1, nr. 3 aamma 4-mi taaneqartunut allakkanut oqaasertaliussat tamarmiusut naalisarneqarsimanngitsullu aamma oqaluuserisassat sumi qanorlu pissarsiarineqarsinnaanerani allataqarneq aamma

5) paasissutissat § 99-imi eqqaaneqartut internetikkut sumi

pissarsiarineqarsinnaanerisa allanneqarnera.

*Imm. 2.* Ataatsimeersuarnermi peqataanissap taasisinnaatitaanissallu piginneqataasunit eqqortinnissanut suleriaatsinik erseqqissunik eqqortunillu allaaserinninnermut, imm. 1, nr. 2 tak., ilaapput

1) piginneqataasut apeqquteqarsinnaatitaanerata, tassunga ilanngullugu piffissaliineq, § 102, imm. 3 tak.,

2) piginnaatitsinermi taasinissamut suleriaaseq, pingaartumik immersugassat piginnaatitsinikkut taasinermi atorneqartussat, aamma sinniisuutitanik toqqaaneq pillugu elektronikkikkut nalunaaruteqarnermut atatillugu ingerlatseqatigiiffiup aningaasaliiffiusup attaveqaatitigut suut akuerinerai allanneqarlutik aamma

3) allakkatigut imaluunniit elektronikkikkut taasinermut suleriaaseq.

*Imm. 3.* Naalagaaffiup aktieselskabiini, § 351 tak., aggersaanermut ataatsimeersuarnermi siunnersuutit suliarineqartussat tamarmik ilaassapput, aamma immikkut ittumik ataatsimeersuarnermut atatillugu aamma tamatumunnga pissutaasoq. Aggersaaneq Erhvervsstyrelsen qarasaasiaqarfiani tamanut saqqummiunneqassaaq, kingusinnerpaamik tamatuma piginneqataasunut nalunaarutiginerata peqatigisaanik.

**§ 98.** Aktieselskabini oqaluuserisassat aamma siunnersuutit tamarmiusut kiisalu immikkut ittumik ataatsimeersuarnermut tunngatillugu aamma ukiumoortumik nalunaarusiaq ataatsimeersuarnissaq kingusinnerpaamik sapaatit akunneri marluk sioqqullugit piginneqataasunit misissorneqarsinnaassaaq, taamaattorli § 99 tak.

**§ 99.** Aktieselskabi, niuerfimmi naleqqussakkami piginneqataassutinik niueruteqartumi, ataatsimeersuarnissaq kingusinnerpaamik sapaatit akunneri pingasut sioqqullugit, taassuma

ingerlanneqarnissaa ulloq ilanngullugu, piffissami ataqatigiisumi sapaatit akunnerini pingasuni paasissutissat uku piginneqataasunut nittartakkami takuneqarsinnaassapput:

1) Aggersaaneq.

2) Aggersaanermut ullormi piginneqataassutit amerlassusai tamarmiusut aamma taasisinnaatitaasut, tassunga ilanngullugu piginneqataassutit agguarnerni tamani amerlassutsit tamarmiusut, ingerlatseqatigiiffiup aktiatigut aningaasaatai marlunnut amerlanernulluunniit agguarsimappata.

3) Allakkat, ataatsimeersuarnermi saqqummiunneqartussat.

4) Oqaluuserisassat siunnersuutillu tamarmiusut.

5) Taamaattoqartillugu piginnaatitsinikkut taasinermi aamma allakkatigut taasinermi atorneqartussat immersugassat, immersugassat taakku piginneqataasunut toqqaannartumik nassiunneqarsimanngippata. Immersugassat taakku teknikikkut peqquteqartumik internettikkut pissarsiarineqarsinnaanngippata, ingerlatseqatigiiffiup aningaasaliiffiusup nittartakkamigut ilisimatitsissutigissavaa immersugassat pappialanngorlugit qanoq pissarsiarineqarsinnaanersut. Taamatut pisoqartillugu ingerlatseqatigiiffiup aningaasaliiffiusup immersugassat piginneqataasunut tamatuminnga kissaateqartumut nassiutissavai. Tassunga aningaasartuutit ingerlatseqatigiiffiup aningaasaliiffiusup akilissavai.

*Imm. 2. § 339, imm. 4 aamma § 343 malillugu ataatsimeersuarnissamut aggersaaneq ataatsimeersuarnissap ullua sapaatit akunnerinik pingasunik sioqqullugu nassiunneqarpat imm. 1-imi piffissaliussaq taamaaqataanik sivikillisinneqassaaq.*

#### *Ataatsimeersuarnerup ingerlanneqarnera*

**§ 100.** Ataatsimeersuarneq kalaallisut imaluunniit danskisut ingerlanneqassaaq, taamaattorli imm. 2-4 tak.

*Imm. 2.* Ataatsimeersuarneq nalinginnaasumik amerlanerussuteqarnikkut aalajangiisinnaavoq ataatsimeersuarneq kalaallisuunngitsoq imaluunniit danskisuunngitsoq oqaatsit allat atorlugit ingerlanneqassasoq, peqatigisaanillu peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarluni. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

*Imm. 3.* Ataatsimeersuarneq nalinginnaasumik amerlanerussuteqarnikkut aalajangiisinnaavoq ataatsimeersuarneq tuluttut ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluartoq.

*Imm. 4.* Ataatsimeersuartut aalajangiisinnaapput ataatsimeersuarneq kalaallisuunngitsoq, danskisuunngitsoq imaluunniit tuluttuunngitsoq oqaatsit allat atorlugit ingerlanneqassasoq, peqatigisaanik peqataasunut tamarmik toqqaannartumik kalaallisut aamma kalaallisuumiit imaluunniit danskisut nutserisoqarnissaanut periarfissiisoqarnani. Aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinermi kiisalu tassani allannguutitut atorneqarpat.

*Imm. 5.* Ataatsimeersuarneq kalaallisuunngitsoq imaluunniit danskisuunngitsoq oqaatsit allat atorlugit ingerlanneqassasoq aalajangiisoqarpat nalinginnaasumik amerlanerussuteqarnikkut aalajangiisoqarsinnaavoq ataatsimeersuarneq siunissamut kalaallisut imaluunniit danskisut ingerlanneqartassasoq. Tamanna pillugu aalajangiineq

malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluatoq. Oqaatsit allat pillugit aalajangiineq malittarisassani ilanngunneqarsimappat, oqaaseqatigiit siulliit malillugu aalajangiinnermit takuneqarsinnaassaaq tamanna malittarisassani ilanngunneqassasoq, imaluunniit ataatsimeersuarnermi oqaatsinik atuineq pillugu paasissutissanik malittarisassat ima qarunnaassasut.

*Imm. 6.* Ataatsimeersuarnermut atatillugu allakkat ataatsimeersuarnerup iluani atorneqartussatut suliarineqarsimasut imaluunniit kingorna kalaallisut imaluunniit danskisut suliarineqarsimassapput, taamaattoorli imm. 7 aamma 8 tak.

*Imm. 7.* Ataatsimeersuartut nalinginnaasumik amerlanerussuteqarnikkut aalajangiisinnaapput imm. 6-imi taaneqartut allakkat tuluttut suliarineqassasut. Tamanna pillugu aalajangiineq malittarisassanut ilanngunneqarsinnaavoq, ataatsimeersuarnermi tamatuminnga immikkut akuersisoqanngikkaluatoq.

*Imm. 8.* Ataatsimeersuartut aalajangiisinnaapput imm. 6-imi taaneqartut allakkat kalaallisuunngitsoq, danskisuunngitsoq imaluunniit tuluttuujunngitsoq oqaatsit allat atorlugit suliarineqassasut. Tamanna pillugu aalajangiineq malittarisassani ilanngunneqarsinnaavoq, aamma § 107, imm. 2, nr. 6 aamma § 110 aalajangiinnermi kiisalu tassani allannguutitut atorneqarput.

**§ 100 a.** Ataatsimeersuartut nalinginnaasumik amerlanerussuteqarnikkut aalajangiisinnaapput ukiumoortumik nalunaarusiaq tuluttut suliarineqarlunilu saqqummiunneqassasoq. Ataatsimeersuartut tamanna pillugu aalajangiinnerat malittarisassani ilanngunneqassaaq. Ataatsimeersuarnerup aalajangiinneranik malittarisassani ilanngunneqarnera immikkut akuersisoqarnissaanik pisariaqartitsinngilaq.

**§ 101.** Aningaasaatinik piginnittut akornanni imaluunniit taakku avataaniittumik ataatsimeersuarnermik aqutsisussamik toqqaasoqassaaq, malittarisassat allamik aalajangersaasimanngippata.

*Imm. 2.* Aqutsisup ataatsimeersuarneq aqussavaa aamma ataatsimeersuarnerup illersorneqarsinnaasumik naleqquttumillu ingerlanneqarnissaa qulakkeerlugu. Aqutsisoq tamatumunnga pisariaqartunik pisinnaatitaassaaq, tassunga ilanngullugit oqallinnerit aaqquissuunnissaannut, taasinermi sammisat ilusilersornissaannut, aalajangiinissamut, qaqugu oqallinnerup naammassineqarneranut, ilanngussisup kipitinnissaanut pisariaqassappallu peqataasut ataatsimeersuarnermiit anisinnissaannut pisinnaatitaaffik.

*Imm. 3.* Ataatsimeersuarnermi isumaqatigiinniarnert pillugit allattuisoqassaaq, aqutsisumit atsiorneqartussaq. Aalajangiinnerit tamarmik ingerlatseqatigiiffiup aningaasaliiffiusup isumaqatigiinniarnermi allattaavianut allanneqassapput.

*Imm. 4.* Ataatsimeersuarnerup ingerlanneqarneraniit kingusinnerpaamik sapaatit akunneri marluk kingorna ataatsimeersuarnermi allattaavik imaluunniit taassuma naqinneqarnera akuerisaq aningaasaatinik piginnittunik pissarsiarineqarsinnaassaaq.

*Imm. 5.* Aktieselskabet, niuerfinni naleqqussakkani piginneqataassutinik niueruteqartut, aalajangiinnerut ataasiakkaanut minnerpaamik aalajangissavaat,

- 1) piginneqataassutit qassit taasinernik atuuttunik taasisimanersut,
- 2) aktiatigut aningaasaatit ilai qanoq annertutigisut taasinernik qassinik sinniisuuffigineqarnersut,
- 3) taasinertit atuutut amerlassusaat tamarmiut,

4) aalajangiiffigisassatut siunnersuummut taaseqataasut akerliusullu taasinerisa amerlassusaat aamma,

5) tamanna naleqqutsillugu, taasinngitsoortut amerlassusaat.

*Imm. 6.* Aktieselskabimi, niuerfimmi naleqqussakkami piginneqataassutininik niueruteqartumi, piginneqataasut kissaatiginngippagu taasinnermut tamakkiisumik nassuiaasoqarnissaa, imm. 5 tak., aalajangiinernut ataasiakkaanut amerlanerussuteqartut pisariaqartinneqartut anguneqarsimanersut qulakkeerniarlugit taasinerup inerneranik taamaallaat aalajangiisoqartassaaq.

*Imm. 7.* Aktieselskabi, niuerfimmi naleqqussakkami piginneqataassutininik niueruteqartoq, ataatsimeersuarnerup ingerlanneqareerneraniit kingusinnerpaamik sapaatit akunneri marluk kingorna taasinerit inernerit nittartakkamini tamanut saqqummiutissavai.

*Imm. 8.* Naalagaaffiup aktieselskabii eqqarsaatigalugit, § 351 tak., allataq uppersarneqarsimasooq, kingusinnerpaamik allattaaviup piginneqataasunit pissarsiarineqarsinnaalernerata peqatigisaanik, imm. 4 tak., Erhvervsstyrelsimut nassiuuneqassaaq.

**§ 102.** Aningaasaatinik piginnittunit piumasarineqarpat aammalu qitiusumik aqutsisut naliliinerat naapertorlugu aningaasaatitigut ingerlatseqatigiiffimmut annertuumik ajoqutaassanngippat, aqutsisut pisussaapput ataatsimeersuarnermi paasissutissanik tunniuteriaannarnik ilisimatitsissallutik, pissutsinik tamanik ukiumoortumik naatsorsuutitut nalunaarummullu aammalu ingerlatseqatigiiffissuussappat aningaasaliiffiusooq taassuma ukiumoortumik naatsorsuutaanut ingerlatseqatigiiffiullu ingerlaneranik naliliinissamut pingaarutilinnik, imaluunniit apeqqutitut ataatsimeersuarnermi aalajangiiffigineqartussanut tunngasunik. Ilisimatitsisussaataaneq aningaasaatitigut ingerlatseqatigiiffissuullu aningaasaliiffiusup piginnittaata ingerlatseqatigiiffiutaasa allat akornanni aammattaaq atuuppoq.

*Imm. 2.* Akissutissaq paasissutissanik ataatsimeersuarnermi tunniuteriaannaanngitsunik pisariaqartitsippat, paasissutissat ataatsimeersuarnermiit sapaatit akunneri marluk qaangiutsinnagut allaganngorlugit ingerlatseqatigiiffimmi aningaasaliiffiusumi piginnittunit takuneqarsinnaanngorlugit saqqummiunneqassapput piginneqataasunullu paasissutissanik piumasaqarsimasunut nassiuuneqassallutik.

*Imm. 3.* Qitiusumik aqutsisut aalajangersinnaapput piffissap, malittarisassani ilanngunneqartup naanissaa sioqqullugu ataatsimeersuarnermi atorineqartussanik aningaasaatinik piginnittut oqaluuserisassanut imaluunniit allakkanut il.il. apeqquteqarsinnaasut. Qitiusumik aqutsisut malittarisassani allannguinerit pisariaqartut akuerisinnaavaat.

*Imm. 4.* Aktieselskabini, niuerfimmi naleqqussakkami piginneqataassutininik niueruteqartuni, aamma naalagaaffiup aktieselskabiini, § 351 tak., imm. 1 aamma 2 malillugu paasissutissiinissamik pisussaaffik aammattaaq atuutissaaq piginneqataasut ataatsimeersuarnissaa qaammatinik pingasunik sioqqullugu allakkatigut apeqqutaannut. Apeqqut allaganngorlugu akineqarsinnaavoq, taamaattoqassappallu ataatsimeersuarnerup aallartinnerani piginneqataasunut apeqqut akissutissarlu saqqummiunneqassapput. Akissuteqanngitsoortoqarsinnaavoq piginneqataasooq ataatsimeersuarnermi peqataanngippat. Imarisaq ataaseq pillugu apeqqutit arlallit akissummik ataatsimik akineqarsinnaapput. Apeqqut akineqartutut isigineqarpoq paasissutissat pineqartut aktieselskabip nittartagaani apeqqummut/akissutikkut pissarsiarineqarsinnaalerpata.

**§ 103** Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuksua, § 144, imm. 1 tak., ataatsimeersuarnermi najuunnissaminut pisinnaatitaaffeqarpoq. Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuksua, § 144, imm. 1 tak., ataatsimeersuarnermi najuutissaaq, qullersani ilaasortaq imaluunniit qitiusumik aqutsisut imaluunniit aningaasaatinik piginnittup ataatsip tamanna piumasarippagu.

*Imm. 2.* Ataatsimeersuarnermi ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuksua, § 144, imm. 1 tak., ukiumoortumik nalunaarusiaq il.il. ataatsimeersuarnermi pineqartumi suliarineqartoq pillugu apeqqutinik akissuteqassaaq.

*Imm. 3.* Ingerlatseqatigiiffiup aningaasaliiffiusup ataatsimeersuarnermi toqqarneqartoq kukkunersiuksua, § 144, imm. 1 tak., ukiumoortumik nalunaarusiat il.il. suliarineqarneranni aqutsisut qullersat ataatsimiinneranni peqataanissamut pisussaaffeqarpoq aamma aqutsisuni qullersani ilaasortaq ataasiinnarlunniit tamanna pillugu qinnuteqarpat peqataanissamut pisussaaffeqarluni.

*Imm. 4.* Aktieselskabini, niuerfinni naleqqussakkani pappiaranik aningaasanik nalilinnik niueruteqartuni, aamma naalagaaffiup aktieselskabiini ingerlatseqatigiiffiup ataatsimeersuarnermi toqqarneqartoq kukkunersiuksuq ileqqusumik ataatsimeersuarnermi najuuttussaavoq.

#### *Taasinerit*

**§ 104** Aningaasaatinik piginnittoq aningaasaatinik piginneqataassutimini tamarmiusuni taasisaaq, malittarisassani allanik aalajangiisoqanngippat, taamaattorli imm. 3 tak.

*Imm. 2.* Aningaasaatinik piginnittut allakkatigut taasinissamut periarfissaqarput, tassa imaappoq ataatsimeersuarnerup aallartinnissaa sioqqullugu allakkatigut taasilluni. Ingerlatseqatigiiffinni aningaasaliiffiusuni, EU/EØS-imi nunami niuerfinni naleqqussakkani pappiaranik aningaasanik nalilinnik niueruteqartuni, periarfissaq taanna ingerlatseqatigiiffiup aningaasaliiffiusup malittarisassaani saneqqunneqarsinnaavoq. Allakkatigut taasinerit taamaallaat aningaasaatinik piginnittut kinaaneriniq qulakkeerinissamut pisariaqartunik piumasaqaatinik killilersuinernillu atugassaqartinneqarsinnaapput, taamaallaallu anguniakkamut tassunga naleqqiullugu sapinngisamik naammaginartuussalluni.

*Imm. 3.* Aktieselskabini piginneqataasoq, inuussutissarsiornermut atatillugu inuit allat imaluunniit inatsisitigut pisinnaatitaasullu akisussaasullu (sullitat) sinnerlugit iliuuseqartut, piginneqataassutit ilaannut atasumik taasisinnaatitaanertik ingerlassinnaavaat, piginneqataassutitut allanut atasunik taasisinnaatitaanertik ingerlanneqarnerinut assigeqqinnaartuunngitsumik ingerlallugu.

*Imm. 4.* Taasineq elektronikkipoorpat, aktiaatilittut ingerlatsiviit aktianik taasisinnaassutilinnik niuffaffinni nakkutigisaasuni niuersinnaanermut ilanngussimasut Kalaalit Nunaanni imaluunniit EU/EØS-nunani taasisimasut imaluunniit tamaani sulisut inummut taasisumut uppenarsarneqar- simasut taasisut tiguneqarsimasoq.

*Imm. 5.* Aktiaatilittut ingerlatsiviit niuffaaffinni nakkutigineqartuni Kalaallit Nunaanni imaluunniit EU/EØS-nunani inissimasuni taasisinnaassutilinnik aktiaateqartut, pisussaapput taasinerit elek- tronikkiput tunniunneqareerpata uppenarsarneqassasoq aktiaatilik atorsinnaasutut nalunaarneqar- simasoq aamma aktiaatilittut ilaasutut naatsorsuunneqartoq, aktiaatilik imaluunniit alla, aktiaatillip toqqarsimasaa, tamatuminnga noqqaasimasoq kingusinnerpaamik ataatsimeersuareernerup sap. ak. 4-t kingornatigut. Tamanna atuutiinngilaq paasissutissat tiguneqareersimappata.



**§ 105** Peqqussutip matuma malitsiginngippagu imaluunniit ingerlatseqatigiiffiup aningaasaliiffiusup malittarisassai allamik aalajangiippata ataatsimeersuarnermi suliasat tamarmik nalinginnaasumik amerlanerussuteqarnikkut aalajangiiffigineqartassapput. Taasinerit naligiippata siunnersuut akuerineqassanngilaq. Inunnik qinersineq kiisalu suliasat, aningaasaatinik piginnittut ataasiarluni taasisoqarneratigut qinigassat arlallit pillugit taasisussaallutik, allanut naleqqiullugu nalinginnaasumik amerlanerussuteqarneratigut aalajangiiffigineqartassapput. Inunnik qinersineri taasinerit naligiippata taasineq makitsisoqarneratigut aalajangiiffigineqassaaq, malittarisassat allamik aalajangiinnigippata.

**§ 106** Malittarisassanik allanngineq pillugu aalajangiineq taamaallaat atuussinnaavoq ataatsimeersuarnermi sinniisuusut ingerlatseqatigiiffiup aningaasaliiffiusup ilaanit taasinerit ikinnerpaamik pingajorarterutai marluk akuersippata, taamaattorli imm. 2 tak. Malittarisassanik allanngineq pillugu aalajangiineq aamma malittarisassani imarineqarsinnaasunik malitassat, aamma § 107-imi immikkut maleruagassat naammassissavai.

*Imm. 2.* § 74, imm. 3, § 102, imm. 3, § 175, imm. 2, § 176, imm. 2, § 247, imm. 1, § 265, imm. 1, § 282, imm. 1, imaluunniit § 302, imm. 1 malillugu malittarisassanik allanngineq pillugu aalajangiineq ataatsimeersuarnermi aalajangiiffigineqassanngilaq.

**§ 107** Malittarisassanik allanngineq pillugu aalajangiineq, tassuunakkut aningaasaatinik piginnittut ingerlatseqatigiiffimmut aningaasaliiffiusumut pisussaaffii annertusillutik, taamaallaat atuutissaaq aningaasaatinik piginnittut tamarmik tamanna pillugu isumaqatigiippata.

*Imm. 2.* Malittarisassanik allannginerit pillugit aalajangiinerit uku taamaallaat atuutissapput ingerlatseqatigiiffiup aningaasaataanik sinniisuusut ataatsimeersuarnermi taasineri taasisut ikinnerpaamik qulerarterutiusunit qulingiluanit akuerineqarpata:

- 1) Aalajangiineq, taamaalilluni aningaasaatinik piginnittut iluanaarutaat imaluunniit ingerlatseqatigiiffiup aningaasaliiffiusup aningaasaataanik pissarsiassa, tassunga ilanngullugu aningaasaatinik piginneqataassutit iluanaarnartumik naleqartillugu pissarsiarineri, ingerlatseqatigiiffimmi aningaasaliiffiusumi piginneqataasunit aamma ingerlatseqatigiiffimmi aningaasaliiffiusumi sulisunit imaluunniit taassuma ingerlatseqatigiiffianut pigisaanit allaanerusunut iluaqutaasumik annikillisinneqarpata.
- 2) Aalajangiineq, taamaalilluni aningaasaatinik piginneqataassutit niuerutigineqarsinnaaneri killeqartinneqarlutik imaluunniit killilersuinioreersut sukanganerulerlutik, tassunga ilanngullugit aningaasaatinik piginneqataassutit tigusinissamut ingerlatseqatigiiffiup aningaasaliiffiusup akuersinissaata pisariaqarnera pillugit aalajangersakkanik akuersineq, imaluunniit ingerlatseqatigiiffiup aningaasaataanik ilaanik erseqqinnerusumik aalajangersarneqartup saniatigut aningaasaatinik piginnittut arlaannaalluunniit aningaasaatinik piginneqataassutit pigisaqarsinnaanani.
- 3) Aalajangiineq, taamaalilluni assigiimmik annertussuseqartumik aningaasaatinik piginneqataassutit aningaasannortinnissaannut aningaasaatinik piginnittut pisussaalerlutik, ingerlatseqatigiiffik aningaasaliiffiusoq atorunnaarsinneqarnerata saniatigut imaluunniit kapitali 5-imi eqqartorneqartup saniatigut.
- 4) Aalajangiineq, taamaalilluni aningaasaatinik piginnittut namminneq imaluunniit aningaasaatinik piginnittut allat taasisinnaanerat taasinerit erseqqinnerusumik aalajangersarneqartunut imaluunniit ingerlatseqatigiiffiup aningaasaataanut taasisinnaatitaasut annikillisinneqarluni.
- 5) Aalajangiineq, taamaalilluni agguataarinermut atasumik aningaasaatinik piginnittut

ingerlatseqatigiiffimmi aningaasaliisumisut assigalugit ingerlatseqatigiiffinni tiguisuni tamani taasinerit imaluunniit aningaasaatinik piginneqataassutit pissarsinatik.

6) Aalajangiineq, taamaalilluni ataatsimeersuarneq kalaallisut, danskisut imaluunniit tuluttut allaanerisut oqaasit atorlugit ingerlanneqarluni peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarnani.

7) Aalajangiineq, taamaalilluni kalaallisut, danskisut imaluunniit tuluttut suliffiup iluani allakkanut oqaasit allat atorineqalerlutik, tassa imaappoq ataatsimeersuarnermut atatillugu kingornaluunniit ingerlatseqatigiiffiup iluani atorineqartussat allakkat suliarineqarlutik.

*Imm. 3.* Ingerlatseqatigiiffimmi aningaasaliiffiusumi aningaasaatini immikkoortut arlaliuppata, malittarisassani allanngiineq, pilersinneqareersimasut allanngortinnerisigut imaluunniit assigiinngissutsit nutaat atulersinneqarnerisigut taakku akornanni inatsisitigut pissutsini nikisitsisoqarneranik kinguneqartumik taamaallaat atuuttuussaaq aningaasaatinik piginnittunit aningaasaatinik immikkoortuni taakkunani ikinnerpaamik pingajorarterutinit marlunnit akuerineqarpata, ataatsimeersuarnermi peqataasunut inatsisitigut inissisimanerat ajornerulerluni.

#### *Ataatsimeersuarnermi taasinerit atorussaanngitsut*

**§ 108.** Aningaasaatinik piginnittut imaluunniit ingerlatseqatigiiffiup aningaasaliiffiusup ajoqutigisaanik aningaasaatinik piginnittut ilaanut imaluunniit allat assuarnartumik erseqqissumik iluaquserlugit ataatsimeersuarnermi aalajangiisoqassanngilaq.

**§ 109.** Aningaasaatinik piginnittoq imaluunniit aqutsisuni ilaasortaq inatsisinut naapertuutinnngitsumik pilersinneqarsimasumut imaluunniit peqqussummut matumunnga imaluunniit ingerlatseqatigiiffiup aningaasaliiffiusup malittarisassaanut akerliisumik ataatsimeersuarnermi aalajangiinnermut tunngasumik eqqartuussassatut suliaassanngortitsisinnaavoq.

*Imm. 2.* Suliassanngortitsineq aalajangiisoqarneraniit kingusinnerpaamik qaammatit pingasut qaangiutinnagit pissaaq, taamaanngippat aalajangiineq atuuttussatut isigineqassaaq.

*Imm. 3.* Imm. 2 atorineqassanngilaq

- 1) aalajangiineq aningaasaatinik piginnittut tamarmik allaat akuersinerisigut inatsisinut naapertuuttumik aalajangiiffigineqarsinnaanngippat,
- 2) peqqussut una imaluunniit ingerlatseqatigiiffiup aningaasaliiffiusup malittarisassai malillugit aalajangiinnissamut pisariaqartinneqarpata aningaasaatinik piginnittut ilaannit tamarmiusunilluunniit akuersinissaat taamatullu akuersineq tunniunneqanngippat,
- 3) aggersaarnemut maleruagassat, ingerlatseqatigiiffimmut aningaasaliiffiusumut atuuttut sakkortuumik saneqqunneqarsimappata imaluunniit
- 4) aningaasaatinik piginnittoq, imm. 2-mi piffissap allanneqarsimasup naanerata kingorna suliassanngortitsisimasoq, kisiannili aalajangiinnermiit kingusinnerpaamik qaammatit 24t kingorna, kinguaattoornermut naammaginartumik pissutissaqarsimaguni tamannalu tunngavigalugu eqqartuussivik aamma pissutsit allat eqqarsaatigalugit isumaqarluni imm. 2-mi aalajangersakkat atorineqarnissaat erseqqissumik naammaginannngippat.

*Imm. 4.* Eqqartuussivik isumaqarpata, aalajangiineq imm. 1-mut ilaasoq, eqqartuussisoqarneratigut taanna atuuttussaajunnaartinneqassaaq imaluunniit allanngortinneqarluni. Aalajangiinnermik allanngortitsinerlu taamaallaat pisinnaavoq tamanna pillugu piumasaqaateqartoqarpata aamma aalajangiineq eqqortumik qanoq imaqartussaagaluarnera eqqartuussiviup aalajangersinnaallugu. Eqqartuussiviup aalajangiinera aamma aningaasaatinik piginnittunut suliassanngortitsisimannngitsunut atuutissaaq.

### *Aningaasanngortitsisinnaaneq*

**§ 110.** Aningaasaatinik piginnittut, ataatsimeersuarnermi § 107, imm. 2, nr. 1-4, 6 aamma 7-mi taaneqartunut malittarisassanut allannguutitut akerlilisimasut piumasarisinnaavaat ingerlatseqatigiiffiup aningaasaliiffiusup taakku aningaasaatinik piginneqataassutaat aningaasanngortinneqassasut, tamanna pillugu piumasaqaat ataatsimeersuarnerup ingerlanneqareerneraniit kingusinnerpaamik sapaatit akunneri arfineq marluk kingorna allakkatigut saqqummiunneqarpat.

*Imm. 2.* Aningaasaatinik piginnittut taasinissaq sioqqullugu imm. 1 malillugu aningaasanngortitsisinnaanermik taanna atuerusunnersoq pillugu oqaaseqaateqaqqullugu qinnuigineqarsimappat tassunga pisinnaatitaaffimmut pineqartup ataatsimeersuarnermi taamatut kissaateqarnermik nalunaaruteqarsimanera piumasarineqarpoq.

*Imm. 3.* Aningaasanngortitsineri ingerlatseqatigiiffiup aningaasaliiffiusup aningaasaatinik piginnittut pineqartut piginneqataassutaat aningaasaatinik piginneqataassutaat nalinginut naapertuuttumik akilerlugit pisarissavai, tamatuminngalu isumaqatigiinngitsoqarpat ingerlatseqatigiiffiup aningaasaliiffiusup najugaani eqqartuussivimmit nalunaarutigineqartumik naliliisartumik aalajangiisoqassalluni. Naliliisartunut aningaasartuutit naliliisartut naliliinissaannik kissaateqartumit aningaasaatinik piginnittumit akilerneqassapput, kisiannili naliliisartut naliliinerat ingerlatseqatigiiffiup akitut siunnersuutigisaaniit annertuumik allaaneruppat aamma tamakkiisumik annertuutigulluunniit tunngavigineqarpat ingerlatsivimmut akiligassanngortinneqarsinnaalluni. Illuatungeriit marluullutik naliliisartut aalajangiinerat eqqartuussivimmut suliaasanngortissinnaavaat. Tamanna pillugu suliaq naliliisartut nalunaarutaannit tiguserernermiit kingusinnerpaamik qaammatit pingasut kingorna suliaasanngortinneqassaaq.

## Kapitali 7

### *Ingerlatseqatigiiffiup aningaasaliiffiusup aqutsisui il.il.*

#### *Aqutsisut aaqqissugaanerannik toqqaaneq*

**§ 111.** Ingerlatseqatigiiffiup aningaasaliiffiusup aqutsisutigut aaqqissugaanerit uku akornanni toqqaasinnaavoq:

- 1) Aqutsisutigut aaqqissugaaneq, ingerlatseqatigiiffik aningaasaliiffiusoq siulersuisunit aquneqarluni, pingaarnertut periusissatigullu aqutsinermik isumaginnittoq. Ulluinnarni aqutsinermik isumaginnittussamik siulersuisut qullersaqarfimmik atorfinitsisinnaavoq, siulersuisut nammeneq ilaasortaasa akornanni inummik ataatsimik arlalinnilluunniit imaluunniit inuit siulersuisuni ilaasortaannigitsunik inuttaqartoq. Pisuni marlunni inuit, ulluinnarni aqutsinermik isumaginnittut taaneqassapput pisortat, ataatsimoorlutillu ingerlatseqatigiiffiup aningaasaliiffiusup qullersarissallugit. Siulersuisuni ilaasortat amerlanerussutaat aktieselskabini tassaassapput inuit ingerlatseqatigiiffimmi pisortaannigitsut. Aktieselskabimi pisortaq aktieselskabimi siulersuisunut siulittaasuussanngilaq imaluunniit siulittaasup tulluussanngilaq.
- 2) Aqutsisutigut aaqqissugaaneq, ingerlatseqatigiiffik aningaasaliiffiusoq qullersaqarfimmik aquneqarluni. Aktieselskabini qullersaqarfik nakkutilliisunit, qullersaqarfimmik nakkutilliisunit atorfinitsinneqassaaq. Qullersaqarfimmi ilaasortaq nakkutilliisuni ilaasortaassanngilaq.

*Imm. 2.* Aktieselskabini siulersuisut imaluunniit nakkutilliisut ikinnerpaamik inuit pingasuussapput.

*Imm. 3.* Anpartsselskabini, aqutsisuni qullersani ilaasortat sulisunit toqparneqartut pillugit § 140-mi maleruagassat atorneqarnissaat sulisunit toqparneqarsimalluni, siulersuisoqassaaq imaluunniit nakkutilliisoqarluni. Anpartsselskabi siulersuisoqanngippat imaluunniit

nakkutilliisoqanngippat, kisianni oqaaseqatigiit siulliit malillugit taakku arlaannik aaqqissugaqassalluni, malittarisassat allanngortinneqarnissaannut siunnersuut, taamaalilluni ingerlatseqatigiiffik aningaasaliiffiusoq siulersuisoqalerluni imaluunniit nakkutilliisoqalerluni, atuuttussatut akuerineqartutut isigineqassaaq piginneqataasoq ataasiinnarluunniit siunnersuummut akuersisimappat.

*Imm. 4.* Siulersuisuni aamma nakkutilliisuni ilaasortat pillugit peqqussummi aalajangersakkat taamaaqataanik taakku sinniisussaannut atorneqassapput.

*Aqutsisut nakkutilliisutullu suliaqarneq pillugu aalajangersakkat nalinginnaasut*

**§ 112** Ingerlatseqatigiiffiup aningaasaliiffiusup aqutsisuini ilaasortat nammineersinnaassuseqassapput aamma namminersorsinnaanermik inatsit, kunngip peqqussuteqarneratigut Kalaallit Nunaanni atulersinneqarsimasoq malillugu pigisat tungaasigut siunnersortissaligaasimassanani.

*Imm. 2.* Aningaasaatinik ingerlatsiviup pisortaqtatigiivinut ilaasortat, § 10 malillugu nalunaarsorneqartut, inuussapput, ilumoortumik pisortaqtatigiinnut ilaasortaasut, tak. Kapitali 7.

*Imm. 3.* Umiarsuaatileqatigiiffinni aktieselskabini inuup ataatsip suliffeqarfia imaluunniit soqutigisaqatigiit pisortaasinnaapput, piginnittoq imaluunniit soqutigisaqatigiit imm. 1-imi piumasqaatinik naammassinnissimappata.

**§ 113** Siulersuisuni nakkutilliisunilu ilaasortat kiisalu pisortat ingerlatseqatigiiffimmi aningaasaliiffiusumi imaluunniit suliffeqarfissuup ataatsip iluani ingerlatseqatigiiffinni aningaasaliiffiusuni aningaasaatinik piginneqataassutitut tunngasuni aningaasannanniarnermik ingerlataqassanngillat imaluunniit peqataassanngillat.

**§ 114** Ingerlatseqatigiiffinni aningaasaliiffiusuni, niuerfinni naleqqussakkani piginneqataassutitut niueruteqartuni, aamma naalagaaffiup aktieselskabiini, § 351 tak., siulersuisuni imaluunniit nakkutilliisunut siulittaasoq ingerlatseqatigiiffik aningaasaliiffiusoq sinnerlugu, siulittaasutut suliaqarnerup ilaanut ilaanngitsumik suliaqassanngilaq. Siulersuisunili siulittaasoq, tamatumunnga immikkut pisariaqartitsisoqarpat, siulersuisunit aamma siulersuisut sinnerlugit pineqartumut isumageqquneqartunik suliassanik ingerlataqarsinnaavoq.

*Siulersuisut suliassat*

**§ 115** Ingerlatseqatigiiffinni aningaasaliiffiusuni siulersuisoqartuni pingaarnertigut periusissatigullu aqutsinerup aamma ingerlatseqatigiiffiup aningaasaliiffiusup sulineranik illersorneqarsinnaasumik aaqqissuunnerata qulakkeernerata saniatigut nakkutigissavaa

- 1) naatsorsuutitut allattuineq aamma naatsorsuutitut saqqummiussineq imatut ingerlanneqartoq, ingerlatseqatigiiffimmi aningaasaliiffiusumi pissutsit malillugit naammaginartuulluni,
- 2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
- 3) ingerlatseqatigiiffiup aningaasaliiffiusup aningaasatigut pissutsit pillugit pisariaqartunik nalunaarusianik ingerlaavartumik siulersuisut tigusaqartarlutik,
- 4) qullersaqarfiup sulinini pissusissamisoortumik aamma siulersuisut najoqqutassiaat malillugu ingerlallugu aamma
- 5) ingerlatseqatigiiffiup aningaasaliiffiusup aningaasaatigut upalungaarsimanera qaqugukkulluunniit illersorneqarsinnaalluni, tassunga ilanngullugu aningaasaatigut ingerlatseqatigiiffiup maannakkut siunissamilu pisussaaffii naammassiniarlugit, taakku

akiligassanngortanera naapertorlugit, naammattunik akissaqarluni, aamma siulersuisut taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

#### *Nakkutilliisut suliaasaat*

**§ 116.** Ingerlatseqatigiiffinni aningaasaliiffiusuni nakkutilliisoqartuni nakkutilliisut nakkutigissavaat

- 1) naatsorsuutitut allattuineq aamma naatsorsuutitut saqqummiussineq imatut ingerlanneqartoq, ingerlatseqatigiiffimmi aningaasaliiffiusumi pissutsit malillugit naammaginartuulluni,
- 2) qularnartunik aqutsinermut suliffiullu iluani nakkutilliinermut pisariaqartunik suleriaatsinik pilersitsisoqarsimalluni,
- 3) ingerlatseqatigiiffiup aningaasaliiffiusup aningaasatigut pissutsit pillugit pisariaqartunik nalunaarusianik ingerlaavartumik nakkutilliisut tigusaqartarlutik,
- 4) qullersaqarfiup sulinini pissusissamisoortumik aamma siulersuisut najoqqutassiaat malillugu ingerlallugu aamma
- 5) ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaalluni, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni, aamma nakkutilliisut taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

#### *Qullersaqarfiup suliaasai*

**§ 117.** Ingerlatseqatigiiffinni aningaasaliiffiusuni, § 111, imm. 1, nr. 1 malillugu aqunneqartuni, ingerlatseqatigiiffiup aningaasaliiffiusup ulluinnarni aqunneqarnera qullersaqarfiup isumagineqarpoq. Najoqqutassat innersuussinerilli siulersuisunit tunniunneqartut qullersaqarfiup malissavai. Ulluinnarni aqutsinermut ilaangillat iliuuserisat, ingerlatseqatigiiffimmi aningaasaliiffiusumi pissutsit malillugit immikkuullarissuusut imaluunniit annertuumik pingaaruteqartuusut. Iliuuserisat taamatut ittut siulersuisuniit immikkut piginnaatitsisoqarneratigut taamaallaat isumagineqarsinnaapput, siulersuisut aalajangiinerat ingerlatseqatigiiffiup aningaasaliiffiusup ingerlanneqarneranut annertuumik ajoqusiinani utaqqineqarsinnaanngippat. Taamaattoqartillugu iliuuserisat pillugu siulersuisut sapinngisamik piaarnerpaamik nalunaarfigineqassapput.

*Imm. 2.* Ingerlatseqatigiiffinni aningaasaliiffiusuni, § 111, imm. 1, nr. 2-mut ilaasuni qullersaqarfiup pingaarnertigut periusissatigullu aqutsineq kiisalu ulluinnarni aqutsineq isumagissavaa. Qullersaqarfiup aamma ingerlatseqatigiiffiup aningaasaliiffiusup ingerlatsinerata illersorneqarsinnaasumik aqqissugaanera qulakkiissavaa.

**§ 118.** Qullersaqarfiup ingerlatseqatigiiffiup aningaasaliiffiusup naatsorsuutitut allattuina tamanna pillugu inatsisini maleruagassat naapertorlugit ingerlanera, aamma pisuussutigisai isumannaatsumik ingerlanera qulakkiissavaa.

*Imm. 2.* Taakku saniatigut ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaanera qullersaqarfiup qulakkiissavaa, tassunga ilanngullugu ingerlatseqatigiiffiup aningaasaliiffiusup maannakkut siunissamilu pisussaaffii naammassiniarlugit, taakku akiligassanngortanera naapertorlugit, naammattunik akissaqarluni. Qullersaqarfiup taamaalilluni aningaasaqarnikkut inissisimaneq

qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu.

#### *Aningaasaatinik annaasaqarneq*

**§ 119** Ingerlatseqatigiiffiup nammineq aningaasaatai aningaasaatit pisiarineqarsimasut affaanit annikinnerulernerannik paasisaqarnermiit kingusinnerpaamik qaammatit arfinillit kingorna ataatsimeersuarnerup ingerlanneqarnissaa ingerlatseqatigiiffimmi aningaasaliiffiusup aqutsisuisa qulakkiissavaat. Ataatsimeersuarnermi ingerlatseqatigiiffiup aningaasaliiffiusup aningaasaqarnikkut inissisimaneq qitiusumik aqutsisut nassuiaassapput pisariaqarpallu aaqqiinerit aalajangiiffigineqartariaqartut pillugit siunnersuuteqarlutik, tassunga ilanngullugu ingerlatseqatigiiffiup aningaasaliiffiusup atorunnaarsinnera pillugu.

#### *Siulersuisunut nakkutilliisunullu qinersineq*

**§ 120** Aktieselskabini siulersuisut imaluunniit nakkutilliisut amerlanersaat ataatsimeersuarnermi qinerneqassapput.

*Imm. 2.* Malittarisassat pisortani oqartussat allalluunniit siulersuisuni imaluunniit nakkutilliisuni ilaasortamik ataatsimik amerlanernilluunniit toqqaasitsisinnaapput.

*Imm. 3.* Siulersuisunut imaluunniit nakkutilliisunut ilaasortassanik ataatsimeersuarnermi qinersinissaq sioqqullugu aktieselskabini inuit inuussutissarsiorluni ingerlataqartunik suliffeqarfinni aallani aqutsinermik suliaqartut qinigassanngortinneqartut pillugit paasisutissiisoqassaaq, aktieselskabip nammineq 100 pct.-imik pigisai ingerlatseqatigiiffiit ilanngunnagit. Pineqartoq ingerlatseqatigiiffimmi piginnittumi allami kiisalu taassuma 100 pct.-imik pigisaani ingerlatseqatigiiffimmi ataatsimi amerlanerniluunniit aqutsisuni ilaasortaappat, oqaaseqatigiit siulliit apeqqutaatinnagit pineqartup aqutsisutut ilaasortaaffigisaata ingerlatseqatigiiffiup piginnittup taassuma taaguutaa taassumalu ingerlatseqatigiiffiit pigisaasa amerlassusaat ilisimatitsissutigineqarnerat naammappoq. Aalajangersagaq taanna saneqqunneqarsinnaasoq piginneqataasut isumaqatigiillutik aalajangersinnaapput.

*Imm. 4.* Siulersuisut imaluunniit nakkutilliisut sulineranni ilaasortat ataatsimeersuarnermi qinerneqartut malittarisassani aalajangersarneqartumut piffissamut atuutissapput. Piffissaq qinigaaffiusoq ileqquusumik ataatsimeersuarnerup qinersereernerup kingusinnerpaamik ukiut sisamat kingornata naanerani atorunnaassaaq.

#### *Siulersuisuni nakkutilliisunilu ilaasortat tunuarnerat*

**§ 121** Siulersuisuni imaluunniit nakkutilliisuni ilaasortaq qaqugukkulluunniit tassanngaanniit tunuarsinnaavoq. Tamanna pillugu nalunaarut ingerlatseqatigiiffiup aningaasaliiffiusup siulersuisuinut imaluunniit nakkutilliisuinut tunniunneqassaaq aamma, ilaasortaq ataatsimeersuarnermi qinigaasimanngippat, aamma pineqartumik toqqaasimasoq. Siulersuisuni imaluunniit nakkutilliisuni ilaasortaq qaqugukkulluunniit pineqartumik qinersisiminit imaluunniit toqqaasuminit tunuartinneqarsinnaavoq.

*Imm. 2.* Ilaasortap inigisaani sinniisussaqaanngippat ilaasortap tunuartup qinigaaffiata sinneranut ilaasortassamik nutaamik qinersisoqarnissaata isumagineqarnissaanut siulersuisuni imaluunniit nakkutilliisuni ilaasortat sinneri pisussaaffeqarput. Tamanna aamma atuuppoq ilaasortaq ataaseq, § 140 imaluunniit § 141 malillugu sulisunit qinerneqarsimasoq ingerlatseqatigiiffimmi aningaasaliiffiusumi imaluunniit suliffeqarfissuarmi atorfeqarunnaarpat. Qinersineq ataatsimeersuarnermut atappat, ilaasortassamik nutaamik qinersinissaq ileqquusumik tullianik ataatsimeersuarnissamut kinguartinneqarsinnaavoq,

tassani siulersuisunut imaluunniit nakkutilliisunut qinersisoqarluni, siulersuisut imaluunniit nakkutilliisut ilaasortani sinniisunilu sinneruttuni aalajangiisinnaappata.

#### *Siulittaasumik toqqaaneq*

**§ 122** Aktieselskabimi siulersuisut imaluunniit nakkutilliisut siulittaasussaminnik namminneq qinersissapput, malittarisassani allamik aalajangiisoqanngippat. Taasinerit naligiinnerini qinersineq makitsisoqarneratigut aalajangiiffigineqassaaq.

#### *Siulersuisuni nakkutilliisunilu ataatsimiinnerit ingerlanneqarneri*

**§ 123** Aktieselskabimi siulersuisunut imaluunniit nakkutilliisunut siulittaasup, tamanna pisariaqarpat, aqutsisut qullersat ataatsimiittarnissaat qulakkiissavaa, aamma ilaasortat tamarmik aggersarneqarnerat nakkutigalugu. Aqutsisuni ilaasortap ataatsip imaluunniit ingerlatseqatigiiffiup ataatsimeersuarnermi qinigaata kukkunersuisup, § 144 tak., piumasarisinnaavaa aqutsisut qullersat aggersarneqarnissaat. Pisortaq, naak taanna siulersuisuni imaluunniit nakkutilliisuni ilaasortaannikkaluartoq, siulersuisut imaluunniit nakkutilliisut ataatsimiinneranni najuunnissamut oqaaseqarnissamullu pisinnaatitaaffeqarpoq, siulersuisut nakkutilliisulluunniit pisuni ataasiakkaani allamik aalajangiinngippata.

#### *Siulersuisunit nakkutilliisunilu aalajangiisinnaaneq*

**§ 124** Siulersuisut imaluunniit nakkutilliisut aalajangiisinnaatitaapput ilaasortat tamarmiusut affai sinnerlugit najuuppata, malittarisassat malillugit annerusumik piumasaqaateqanngippat. Aalajangiinerilli ilaasortat tamarmik suliap suliarinerani sapinngisamik peqataanissamut periarfissaqarsimatinnagit aalajangiiffigineqassanngillat.

*Imm. 2.* Ilaasortaq ataaseq pisinnaanngippat, aamma sinniisussamik toqqaasoqarsimappat, pisinnaannginnerata nalaani ilaasortaq sinnerlugu sinniisussaq peqataasinnaatinneqassaaq. Allamik siulersuisut imaluunniit nakkutilliisut aalajangiisimanngippata imaluunniit malittarisassani aalajangersagaqanngippat, ilaasortaq ataaseq pisuni ataasiakkaani sinniisussap aggersarneqarnissaanut taarsiullugu ilaasortamut allamut piginnaatitsisinnaavoq, tamanna sammisap oqallisigineqarnissaanut toqqissisimanarpat.

*Imm. 3.* Suliassat, siulersuisuni imaluunniit nakkutilliisunik suliarineqartut nalinginnaasumik taasinerit amerlanerussuteqarnerisigut aalajangiiffigineqassapput, malittarisassat malillugit immikkut amerlanerussuteqarnissamik piumasaqartoqanngippat. Malittarisassani aalajangerneqarsinnaavoq siulittaasup taasineri, imaluunniit siulittaasup pisinnaannginnerani siulittaasup tulliaata taasineri, taasinerit naligiitsillugit aalajangiisuussasoq.

#### *Siulersuisut nakkutilliisullu allakkatigut elektronikkikkullu ataatsimiinnerit*

**§ 125** Siulersuisuni ataatsimiinnerit aamma nakkutilliisuni ataatsimiinnerit allakkatigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqatigiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni imaluunniit nakkutilliisuni ataatsimiinnerit ingerlanneqarneri pillugit peqqusummi aalajangersakkat pisariaqartunik allaanerussuteqartumik allakkatigut ataatsimiinnerni taamaaqataanik atorneqassapput.

*Imm. 2.* Siulersuisuni ataatsimiinnerit aamma nakkutilliisuni ataatsimiinnerit elektronikkikkut atortorissaarutit atonerisigut ingerlanneqarsinnaapput, tamanna siulersuisut nakkutilliisulluunniit suliaasa ingerlanneqarnerinut ataqatigiissinneqarsinnaappat. Aqutsisunili ilaasortap ataatsip piumasarisinnaavaa oqallittoqassasoq. Siulersuisuni

imaluunniit nakkutilliisuni ataatsimiinnerit ingerlanneqarneri aamma elektronikkikkut attaveqatigiinneq pillugit peqqussummi aalajangersakkat pisariaqartunik allaanerussuteqartumik elektronikkikkut ataatsimiinnerani aamma tassunga atasumik attaveqatigiinnermi taamaaqataanik atorneqassapput.

*Siulersuisuni nakkutilliisunilu ataatsimiinnerni oqaatsit*

**§ 126** Siulersiusuni imaluunniit nakkutilliisuni ataatsimiinnerit kalaallisut imaluunniit danskisut ingerlanneqassapput, taamaattoarli imm. 2 aamma 3 tak.

*Imm. 2.* Siulersuisuni imaluunniit nakkutilliisuni ataatsimiinnerit, amerlanerussuteqartut tamanna aalajangerpassuk, kalaallisut danskisulluunniit pinnani oqaatsit allat atorlugit ingerlanneqarsinnaavoq, peqatigisaanik peqataasunut tamanut kalaallisut imaluunniit danskisut toqqaannartumik nutserisoqarnissaanik periarfissiisoqarpat. Kalaallisuunngitsoq imaluunniit danskisuunngitsoq oqaatsit allat atorlugit toqqaannartumik nutserisoqanngitsumik ataatsimiinnerit ingerlanneqarneri siulersuisuni imaluunniit nakkutilliisuni ilaasortat akornanni isumaqatigiinnissamik piumasaqarpoq.

*Imm. 3.* Imm. 2 apeqqutaatinnaguli siulersuisuni imaluunniit nakkutilliisuni ataatsimiinnerit toqqaannartumik nutserisoqanngitsumik tuluttut ingerlanneqarsinnaapput, oqaatsit taakku ingerlatseqatigiiffiup malittarisassaani suliffeqarfissuup oqaasiisut allanneqarsimappata.

*Imm. 4.* Siulersuisuni imaluunniit nakkutilliisuni sulinermi atugassatut suliarineqartut allakkat kalaallisut imaluunniit danskisut ilusilerneqarsimanngippata, siulersuisuni imaluunniit nakkutilliisuni ilaasortat kialuunniit piumasarisinnaavaa allakkat pineqartut kalaallisuunngortillugit imaluunniit danskisuunngortillugit nutsertinneqassasut. Tamannali atuutinnigilaq allakkat tuluttut ilusilerneqarsimappata, tuluit oqaasii ingerlatseqatigiiffiup malittarisassaani suliffeqarfissuup oqaasiisut allanneqarsimappata.

*Ileqqussaannngitsumik iliuuserisat kiisalu isumaqatigiissutit aningaasaatinik piginnittumut kisimiittumut isumaqatigiissutigineqartut*

**§ 127** Ingerlatseqatigiiffiup aningaasaliiffiusup aqutsisuini ilaasortat imatut iliuuseqassanngillat iliuuserisat aningaasaatinik piginnittut imaluunniit ingerlatseqatigiiffiup aningaasaliiffiusup ajoqutigisaanik aningaasaatinik piginnittut ilaanut imaluunniit allat assuarnartumik erseqqissumik iluaquserlugit. Ingerlatseqatigiiffiup aningaasaliiffiusup aqutsisuini ilaasortat, aalajangiineq inatsisinut imaluunniit ingerlatseqatigiiffiup malittarisassaanut akerliulluni atuuttuunngippat ataatsimeersuarnermi aalajangiinerit imaluunniit ingerlatseqatigiiffiup aaqqissugaani allani aalajangiiffigineqartut malittussaannngilaat.

*Imm. 2.* Isumaqatigiissutit kisimiilluni aningaasaatinik piginnittup aamma ingerlatseqatigiiffiup aningaasaliiffiusup akornanni isumaqatigiissutigineqartut taamaallaat atuuttuussapput imatut oqaasertalerneqarpat kingusinnerusukkut uppersarneqarsinnaallutik, naammassisimanngisamut ingerlasumut atasumik piumasaqaatit nalinginnaasut malillugit isumaqatigiissutit pineqanngippata.

*Aqutsisuni qullersani isumaqatigiinniarnert allattorneqarneri*

**§ 128** Aqutsisut qullersat arlalinnik ilaasortaqqarpat isumaqatigiinniarnert pillugit allattaavimmik ingerlatsisoqassaaq, ilaasortanit najuuttunit tamanit atsiorneqartussaq.

*Imm. 2.* Aqutsisuni ilaasortaqq najuuttoq ataaseq aalajangiinermut isumaqataanngikkuni isummami allattaavinnut allanneqarnissaanut pisussaaffeqarpoq.



### *Kukkunersiuisup allattaavia*

§ 129. Siulersuisunut qullersaaasunut ilaasortat kukkunersuisut allassimaffii, kukkunersiuisoq taamaattumik ingerlatsisimappat.

### *Siulersuisut aamma nakkutilliisut suleriaasiat*

§ 130 Aktieselskabimi siulersuisut imaluunniit nakkutillisut arlalinnik ilaasortaqaarpata suleriaaseqarnikkut siulersuisut imaluunniit nakkutilliisut suliamik ingerlataqarnerat pillugu erseqqinnerusunik aalajangersagaqassaaq.

*Imm. 2.* Suleriaatsip ilusilersornerani ingerlatseqatigiiffiup aningaasaliiffiusup sulinera pisariaqartitaalu aallaavigineqassapput. Tassunga atatillugu siulersuisut imaluunniit nakkutilliisut eqqarsaatigeqqissaartariaqarpaat suleriaasissaq inissititerneq, suliat agguarnerat, qullersat ulluinnarni sulerinerannik nakkutilliineq, atuakkanik allattuineq, allattaaveqarneq il.il., allakkatigut aamma elektronikkikkut ataatsimiinnerit, nipangiussisaqartussaataaneq, sinniisut, naatsorsuutunik nakkutilliineq, kukkunersiuisup allattaavianik atsiorneq aamma kukkunersiunerup pisariaqartumik tunngaveqarneranik qulakkeerineq pillugu aalajangersakkanik imaqtartariaqarnersoq.

*Imm. 3.* Naalagaaffinni aktieselskabini siulersuisuni imaluunniit nakkutilliisuni suleriaaseq, § 351 tak., suliarineqarneraniit kingusinnerpaamik sapaatit akunneri sisamat kingorna Erhvervsstyrelsen qarasaasiaqarfiani tamanut saqqummiunneqassaaq. Piffissaliussaq taanna atuutissaaq aktieselskabi kapitali 20 malillugu naalagaaffiup ataani aktieselskabinngorpat, § 351 tak., imaluunniit naalagaaffiup aktieselskabiata suleriaasiani allannguisoqarpat.

### *Attuumassuteqarpallaarneq*

§ 131 Aqutsisuni ilaasorta, ingerlatseqatigiiffimmut aningaasaliiffiusumut akerliusinnaasunik pineqartoq tassani annertuumik soqutigisaqaruni, ingerlatseqatigiiffiup aningaasaliiffiusup pineqartullu nammineq akornanni isumaqatigiissut pillugu imaluunniit pineqartumut namminermut eqqartuussisunut suliaassanngortitsineq pillugu imaluunniit ingerlatseqatigiiffiup aningaasaliiffiusup aamma allap akornanni isumaqatigiissut pillugu imaluunniit allamut eqqartuussivimmi suliaassanngortitsineq pillugu apeqqutip suliarinerani peqataasussaannngilaq.

### *Nipangiussisussaataaneq*

§ 132 Siulersuisuni nakkutilliisunilu ilaasortat, pisortat, naliliisartut aamma misissuisut kiisalu taakku ikiortaat sinniisuilu suliaqarnermikkut ilisimalikkaminik akuerisaanngitsumik ingerlatitseqqusaanngillat.

### *Paasissutissanik il.il. kukkunersiuisumut tunniussineq*

§ 133 Ingerlatseqatigiiffimmi aningaasaliiffiusumi aqutsisut, ingerlatseqatigiiffiup aningaasaliiffiusup aamma, ingerlatseqatigiiffik aningaasaliiffiusoq ingerlatseqatigiiffiuppat piginnittoq, ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq malillugu taassuma suliffeqarfissuanik nalilersorneranut pingaaruteqarsinnaasutut isigineqartut paasissutissanik, kukkunersiuisumut imaluunniit misissueqqissaartussamut, ataatsimeersuarnermi toqqarneqarsimasumut, aamma

ingerlatseqatigiiffimmi aningaasaliiffiusumi pissutsinik nalunaaruteqartussamut tunniussissapput.

*Imm. 2.* Ingerlatseqatigiiffimmi aningaasaliiffiusumi aqutsisut, kukkunersiuisumut imaluunniit misissueqqissaartussamut, ataatsimeersuarnermi toqqarneqarsimasumut, aamma aningaasaatitigut ingerlatseqatigiiffimi pissutsinik nalunaaruteqartussamut, taassuma pisariaqartitaanut misissuinissanut isertissinnaassavaat, aamma kukkunersiuisup imaluunniit misissueqqissaartussap paasissutissanik aamma suliaminik ingerlatsinissanut pisariaqartutut pineqartup isigisaanik ikiorneqarnissaa qulakkeerlugu.

*Imm. 3.* Ingerlatseqatigiiffimmi aningaasaliiffiusumi, suliffissuaqarfimmi pigineqarluni ingerlatsiviusumi aqutsisut suliffeqarfiup piginnittup kukkunersiuisuanut taamaaqataanik pisussaaffeqarput.

#### *Suliffissuarmi pissutsit pillugit nalunaarut*

**§ 134** Kalaallit nunaanni ingerlatseqatigiiffimmi piginnittumi qitiusumik aqutsisut pisussaapput suliffissuaqarnermut pissutsit pilersinneqaannartullu suliffeqarfimmi pigineqartumi qitiusumik aqutsisut nalunaarfiginissaannut. Kalaallit nunaanni ingerlatseqatigiiffimmi pigineqartumi qitiusumik aqutsisut suliffeqarfissuup inissisimaneranik aamma suliffeqarfissuup ingerlataasa angusaanut naliliinissamut pisariaqartunik paasissutissanik suliffeqarfimmut piginnittumut tunniussissallutik.

#### *Sinniisuusinnaaneq aamma atsiorsinnaatitaaneq*

**§ 135** Siulersuisuni aamma qullersaqarfimmi ilaasortat ingerlatseqatigiiffimmut aningaasaliiffiusumut avammut sinniisuupput.

*Imm. 2.* Ingerlatseqatigiiffik aningaasaliiffiusoq sinnerlugu qitiusumik aqutsisunit tamarmiusunit, siulersuisunut ilaasortamit imaluunniit pisortamit isumaqatigiissutigineqartunik ingerlatseqatigiiffik aningaasaliiffiusoq isumaqatigiissutini pisussaaffilerneqartarpoq. Nakkutilliisuni ilaasortat ingerlatseqatigiiffik aningaasaliiffiusoq sinnerlugu atsiorsinnaatitaanngillat.

*Imm. 3.* Imm. 2 malillugu siulersuisunut qullersaqarfimmi ilaasortap atsiorsinnaatitaanera malittarisassani killilernerqarsinnaavoq, taamaalilluni atsiorsinnaatitaaneq taamaallaat ilaasortat arlallit peqatigiillutik imaluunniit ilaasortaq aalajangersimasoq arlallilluunniit tamarnik immikkut peqatigiillutilluunniit isumagineqarsinnaalluni. Atsiorsinnaatitaanermi allatut killiliineq nalunaarsorneqarsinnaanngilaq.

*Imm. 4.* Ingerlatseqatigiiffiit aningaasaliiffiusut, nakkutilliisoqartut, imm. 1 apeqqutaatinnagu, ingerlatseqatigiiffiup qullersaqarfiani ilaasortamut ataatsimut amerlanernulluunniit eqqartuussivikkut suliassanngortitsisoqarnerani nakkutilliisut ingerlatseqatigiiffimmut sinniisuusinnaapput. Taamaaqataanik ingerlatseqatigiiffiup qullersaqarfiani ilaasortamit ataatsimit ingerlatseqatigiiffiup eqqartuussivimmi suliassanngortinneqarnerani nakkutilliisut ingerlatseqatigiiffimmut sinniisuusinnaapput. Assinga atuuppoq qullersaqarfiup ilaasortai attuumassuteqarpallaarpata allanilluunniit peqquteqarlutik ingerlatseqatigiiffimmut sinniisuusinnaanngippata.

*Imm. 5.* Piginnaatitsineq qitiusumik aqutsisunit taamaallaat nalunaarutigineqarsinnaavoq.

**§ 136** Arlaat, § 135 malillugu atsiorsinnaatitaasoq ingerlatseqatigiiffik aningaasaliiffiusoq sinnerlugu isumaqatigiissuteqarsimappat imaluunniit isumaqatigiissuteqarnissamut neriorsuisimappat, tamanna ingerlatseqatigiiffimmut aningaasaliiffiusumut pisussaaffiliivoq,

- 1)atsiorsinnaatitaasut, peqqussummi matumani aalajangersarneqartunik pisinnaatitaaffimminni killiliussanut akerliusumik iliuuseqarsimanngippata,
- 2)isumaqatigiissut imaluunniit neriorsuineq ingerlatseqatigiiffiup aningaasaliiffiusup siunertaata avataaniinngippat aamma ingerlatseqatigiiffiup aningaasaliiffiusup uppersarsarpagu allap tamanna ilisimasimagaa imaluunniit ilisimasariaqaraluaraa, imaluunniit
- 3)atsiorsinnaatitaasup piginnaatitaanini qaangersimappagu imaluunniit ingerlatseqatigiiffiup soqutigisai annertuumik qaangersimappagit aamma allap tamanna ilisimasimallugu imaluunniit ilisimariaqaraluarlugu.

*Imm. 2.* Ingerlatseqatigiiffiup aningaasaliiffiusup malittarisassaani siunertatigut aalajangersakkat Erhvervsstyrelsen qarasaasiaqarfiani tamanut saqqummiussineq namminerimi imm. 1, nr. 2-mi aalajangersagaq malillugu uppersarsaatit naammangilaq.

**§ 137** Ingerlatseqatigiiffimmi aningaasaliiffiusumi siulersuisuni ilaasortanik qinersineq imaluunniit toqqaaneq § 14 malillugu Erhvervsstyrelsen qarasaasiaqarfiani nalunaarutigineqarsimappat qinersinerimi imaluunniit toqqaanermi amigaatit allamut patsisigineqarsinnaanngillat, ingerlatseqatigiiffiup aningaasaliiffiusup uppersarsanngippagu amigaataasoq taanna ilisimasimallugu.

#### *Aqutsisuni ilaasortanik akissarsiaqartitsineq*

**§ 138** Ingerlatseqatigiiffiup aningaasaliiffiusup aqutsisuni ilaasortat aalajangersimasumik imaluunniit allanngorartumik akissarsiaqartinneqarsinnaapput. Akissarsiat suliap suunera aamma suliap annertussusia malillugu nalinginnaasutut isigineqartoq, kiisalu ingerlatseqatigiiffimmut aningaasaliiffiusumut aamma, ingerlatseqatigiiffinni piginnittuni, suliffeqarfissuup aningaasatigut inissisimaneranut naleqqiullugu illersorneqarsinnaasutut isigineqarsinnaasut qaangissanngilaat.

*Imm. 2.* Ingerlatseqatigiiffik aningaasaliiffiusoq akiliisinnaajunnaarpat, aqutsisuni ilaasortat, naak ajunngitsumik isumaqaraluartut, piffissaliussaq sioqqullugu ukiuni kingullerni tallimani akissarsiani allanngorartuni pissarsiarisimasatik utertillugit akilissavaat, akissarsiat allanngorartut aalajangersarneqarnerini ingerlatseqatigiiffik aningaasaliiffiusoq akiliisinnaajunnaarsimappat.

**139.** Aktiaatilittut ingelatsivimmi siulersuisuni qullersaasut qullersaat niuffaffimmi nakkutigineqartumi niuerfimmi Kalaallit Nunaanni imaluunniit EU/EØS-nunani inissisimasumi imaluunniit ingelatsisumi aktiaateqartut suliarissavaat siulersunut ilaasortanik akissarsiaqartitsinermit politikki, imaassimanngippat aktiaatit taasisinnaassutitaqanngitsut taamaallaat pineqartut.

*Imm. 2.* Aktianik piginneqataasut aktiaatilittut ingelatsiviup ataatsimeersuarnermi taasissutigissavaat akissarsisitsisarnermik politikki pingaarutilimmik allanngutini tamani aamma minnerpaamik ukiut sisamangorneri tamaasa.

*Imm. 3.* Siulersuisut akissarsisitsisarneranni isumaqatigiissutiniq tigussaasunik allanguinermi imaluunniit sivitsuinermi imaluunniit isumaqatigiissutiniq atuuttunik allanguinermi akissarsisitsisarnermi politikki akuerisaq atortinneqassaaq, taamaattoq tak. § 139 a, imm. 5.

*Imm. 4.* Ataatsimeersuarnermi akissarsisitsisarnermik politikki akuerineqanngippat, siulersuisut qutsinnerusut saqqummiutissavaat akissarsisitsisarnermik politikkimut allannguutissatut siunner-suut kingusinnerpaamik pissusissamisoortumik ataatsimeersuarnermi tullermi. Aktiaatilittut ingerlatsiviup siulersuisut akissarsiaqartinnerat ingerlatiinnarsinnaavaat akissarsisitsisarnermik politikkip nutaap ataatsimeersuarnermi akuerineqarnissaata tungaanut.

*Imm. 5.* Akissarsisitsisarnermik politikki akuerisaq sapinngisamik pilertortumik tamanut nalunaarutigineqassaaq aktiaatilittut ingerlatsiviup nittartagaani ilanngullugit ullua aamma taasinermi inernerusoq. Akissarsisitsisarnermik politikki tamanit atoruminassaaq nittartakkamilu akeqarani atuuffini tamaat.

*Imm. 6.* Ataatsimeersuarnermi akissarsisitsisarnermik politikki akuerineqarpat atuukkunnaassapput aalajangersakkat kajumissaatitut akilersuisarnermut maleruaqqusat aktiaatilittut ingerlatsiviup malittarisassaani, aamma ilusiliinerunngitsumik piiarneqassaaq aktiaatilittut ingerlatsiviup malittarisassaaniit.

**§ 139 a.** Akissarsisitsisarnermik politikki, tak. § 139, erseqqillunilu paasiuminartuussaaq aktiaateqarnikkullu ingerlatsiviup nuerfittut iliuusissaanut tunniussassaqassalluni, soqutigisanut ungasissumut isigisunut aamma ataavarsinnaanermut, aamma makkua ilagissallugit:

- 1) Nassuiaat akissarsisitsisarnermik politikki aktiaatilittut ingerlatsiviup niuerfittut iliuusissiaanut ilanngussaqaarnersoq, soqutigisanut ungasissumut tikkuussisunut aamma ataavarsinnaanermut.
- 2) Aalajangersimasumik aamma allanngorartumik akissarsisitsisarnermi pinnguutit assigiinngitsut allaatigineri, taakkununga ilaallutik bonusisisarnerit, ajunngitsorsiallu allat siulersuisunut tunniunneqarsinnaasut, ersersinniarlugu pinnguutit tamatigoortumik pissuseqarnerat.
- 3) Nassuiaat qanoq aktiaatilittut ingerlatsiviup sulisuisa akissarsiaasa atorfinitsitaanermilu atugassarisaasa qanoq isiginiarneqartigisarnerat akissarsisitsisarnermi politikkip suliarinerani.
- 4) Maleruagassiat isumaqatigiissutitut qanoq sivisutigisumik atuunnersut imaluunniit siulersuisunut aaqquissuinerit, soraarnerussutisiaqarnermut tapiissutiniq aaqquissuussinerit imaluunniit siusinaarluni soraarninngornissamut aaqquissuussinerni pinnguutit pingaarnerit aamma soraarnermi atugassarititaasut, suliamik unitsitsinissamut piffissat killilikkat aamma taamaatininnermut atasumik akiliinerit.
- 5) Aalajangiiniartarnermi ingerlatsineq akissarsisitsisarnermik politikkip aalajangersarnerani atornerqartoq, kukkunersiuiinermik aamma naammassininnermi, tassunga ilagitillugu iliuutsit soqutigisatigut aporaattoqannginnissaat suliariniarlugit.

*Imm. 2.* Aktiaatilittut ingerlatsivik isumaqatigiissuteqarpat assigiinngisitaartumik akissarsisitsisarnermik, akissarsisitsisarnermik politikki imaqaassaaq erseqqissumik, siammasissumik aamma allanngorartunik immikkoortiterinermik allanngorartunik akissarsisitsisineq tunniunniarlugu.

- 1) Akissarsisitsisarnermik politikkip nalunaassavai angusaqarnissamut piumasaqaatit aningaasartalinnut aamma aningaasartaqanngitsunut paasissutissat, tassunga ilagitillugit, naapertuutsillugu, immikkoortiterinerit suliffiup inooqatigiinnermut akisussaanera, aamma nassuiaat qanoq aktiaatilittut ingerlatsivittut niuerfittut iliuusissamut tunniussaqassanerlutik, soqutigisat ungasissumut tikkuussisut

aamma ataavartitsinnaaneq, aamma periaatsit atorneqartussat aalajangerniarlugu angujumasatut piumasat naammassineqarsinnaanersut, aamma

2) kinguartitsinnaanermut piffissanik killilikkaniik paasissutissat aamma aktiaatilittut ingerlatsiviup periarfissai assigiinngisitaartumik akissarsialiisarnep utertissinnaanera.

*Imm. 3.* Aktiaatilittut ingerlatsiviup aktiaateqarneq naapertorlugu akissarsisitsineq, akissarsisitsisarnermik politikki, tak. imm. 2, aamma imarissavai najoqqutassiat piareersimalernissamut piffissamut killilikkani aamma immaqa pituttuinnermut piffissaq killiligaq aktianut piareersimalernissap naanerata kingornagut aamma nassuiarlugu aktianik tunngaveqartumik akissarsisitsisarneq aktiaatilittut ingerlatsivimmut qanoq iluaqusiitiginersaq, soqutigisat ungasissumut tikkuussisut aamma ataavarsinnaaneq.

*Imm. 4.* Akissarsisitsisarnermi politikki allangortinneqarpat akissarsitsisarnermik politikki allatigineqassapput nassuiarlugilli allannguutit pingaarnerit tamaasa. Allaatigininnerup imarissavai paasissutissat qanoq aktianik piginneqataasut taasinerannit isiginninniartigisoqarsimatiginersaq aamma akissarsisitsisarnermut politikkimut akissarsisitsisarnepu pillugit, tak. § 139 b, isumaqarneq ataatsimeersuarnerup kingornatigut akissarsitsisarnermik politikki pillugu taasisitsinnermut.

*Imm. 5.* Aktiaatilittut ingerlatsiviup siulersuisui qullersaasut pisinnaapput pisut immikkut ittut pillugit akissarsitsisarnermik politikki unioqqutissinnaallugu, imaassimappat akissarsitsisarnermik politikki imaqartoq iliuusissatigut piumasaqaatinik tamatumunnga tunngasunik aamma erseqqissarlugu akissarsitsisarnermi pinguitit suut unioqqutinneqarsinnaanersut.

**§ 139 b.** Aktiaatilittut ingerlatsiviit akissarsitsisarnermik politikkiorsimasut, tak. § 139, pisisaapput suliarissallugu erseqqissumik aamma paasinartumik akissarsitsisinnermut nalunaarusiornissaq tamakkiissumik takutitsisumik akissarsitsisarnermik siulersuisunut ilaasortat ataasiakkaat, tassunga ilagitillugit nutaat siornatigullu pissarsisinneqartarsimasut ukiup naatsorsuiffup kingulliup ingerlanerani sulii pisasaqartut. Akissarsitsisinnerup aammattaaq pivai pissarsiat qanoq ikkualuortullunniit tamaasa. Akissarsitsisineq pillugu nalunaarut siulersuisut inuit ataasiakkaat immikkut paasissutissaannik innunut paasissutissat pillugit Kalaallit Nunaata inatsisaani § 7, imm. 1 naapertorlugu pineqartunik imaqaassanngillat imaluunniit inuttut paasissutissat tunngassuteqartut inuttut siulersuisunut ilaasortat ilaqutariinneranni pissutsinik pineqartunik.

*Imm. 2.* Aktiaatilittut ingerlatsivik qitiusumik siulersuisuisa akisussaaffigaat akissarsitsisarnermik nalunaarutit suliarinissaa tamanullu saqqummiunnissaa.

*Imm. 3.* Akissarsitsisarneq pillugu nalunaarummut, naleqqussorinarpat, ilagittinneqassapput paasisutissat makkua siulersuisunut ilaasortap ataatsip akissarsisarnepu tunngasut:

1) Akissarsisarnepu tamaasa agguartaarlugit pinnguutitut aalajangersimasunik allanngorartunillu akissarsisarnepu annertussui, nassuiaat akissarsisarnepu tamarmiut naapertuunnepu akissarsitsisarnermik politikkimut aalajangiunneqarsimasumut, tassunga ilagitillugu taakkua aktiaatilittut ingerlatsiviup ungasissumut anguniagaanut, aamma paasissutissat anguniakanik siunertanut atorneqartarnepu.

2) Ukiumoortumik akissarsitsisarnepu allannguneq, aktiaatilittut ingerlatsivik angusimasai aamma akissarsiaritittakkat agguaqatigiissitsinnermi tamakkiissumik tunngavigisanut aktiaatilittut ingerlatsivimmi atorfilittat allat siulersuisunit naleqqiullugit sivikinnerpaamik ukiut naatsorsuiffiusut

tallimat kingulliit ingerlaneranni, imatut aaqqissorlugit naapertuunneranni naleqqiussineq pisinnaatilerlugu.

3) Suliffinnik akissarsiaritittakkat tamarluinnarmik piginneqatigiiffissuarmut attuumassuteqartut, tak. § 5, nr. 19.

4) Aktiaatit amerlassusaat, aktiani periarfissat agguaassinissamut neqeroorutiginnissaannut aamma pisinnaatitaaffinnik atortitsinernut piumasaqaatit pingarnerusut, tassunga ilagitillugu naliusoq atorineqartoq, atortitsinermut ulloq aamma tamatumunnga allannguutigisinnasai tamaasa.

5) Assigiinngisitaartumik akissarsiaqartitsinerup uterteqqinnissaanut perliarfissaq pillugu paasisstissat.

6) Akissarsiaqartitsinermik politikkip naammassinissaanut iliuusissanit allaasinnaasut pillugit paasisstissat, tak. § 139 a, imm. 1. nr. 5, aamma akissarsisitsisarnermik politikkimik namminermik unioqqutitsinerit, tak. 139 a, imm. 5, tassunga ilanngullugu -pisut immikkut ittut aamma akissarsisitsisarnermik politikkimik pinnguutiniq piviusunik, uniukkamik, nalunaarineq.

*Imm. 4.* Ukiumi naatsorsuiffiusumi kingullermi akissarsisitsisarnermik nalunaarutip akuersissutigineqarnissaanut, pissusissamisoortumik ataatsimeersuarnermi aktiaatilittut ingerlatsivik missinger-suutaasumik taasisitsissaaq, taamaattoq tak. imm. 5.

*Imm. 5.* Aktiaatilittut ingerlatsiviit akunnaattumillu angissusillit, tak. ukiumoortumik naatsorsuusiortarneq pillugu inatsimmi kunngip peqqussutaatigut Kalaallit Nunaannut atuutilersinneqartumi § 7, imm. 2, nr. 1 aamma 2, missingersuummik taasisitsinermut taarsiullugu, tak. imm. 4, akissarsisitsisarnermik nalunaarut saqqummiussinnaavaat pissusissamisoortumik ataatsimeersuarnermi oqallisissanngorlugu. Aktiaatilittut ingerlatsiviup akissarsisitsisarnermik nalunaarummut ukiumut naatsorsuusiorfimmuut tullermi nassuiaateqarfigissavaa, ataatsimeersuarnermi oqalliseqarneq qanoq soqutigisimatiginerini.

*Imm. 6.* Ataatsimeersuarnermi pilertornerpaamik akissarsisitsisarneq pillugu nalunaarut tamanut saqqummiunneqassaaq aktiaatilittut ingerlatsiviup nittartagaatigut, tassaaniissallunilu tamanut atua-gassatut akeqanngitsumillu ukiuni killilikkani qulini aaneqarsinnaassalluni. Akissarsisitsisarneq pillugu nalunaarut pissarsiarineqarsinnaassaaq piffiassami killilikkami sivisunerusumik, imaassi-manngippat inummumut paasisstissat immat immat imaqaarunnaartoq.

### *Suiaassutsitigut sinniisukippallaarnermut kisitsisit uuttuutit politikillu*

**§ 139 c.** Aktiaatilittut ingerlatsivinni naalagaaffiup pigisaani, ingerlatsivinni aningaasaliinikkut piginneqataassuseqartitsisuni, akiitsunut atortussiani imaluunniit pappiarani nalilinni allani Kalaallit Nunaanni niuffaffinni nakkutigisaasuni niuernermini ilanngunneqarsimasuni imaluunniit Europami Peqatigiit iluanni nunami imaluunniit nunami Peqatigiiffiup aningaasalersuinikkut isumaqatigiissuteqarfigisimasaani, aamma aningaasalersuinikkut ingerlatsivinni, tak. imm. 2,

1) siulersuisuni qullersat suiaassutsikkut siulersuisuni qullersani sinniisukippallaarnermut anguniakanut uttuutiniq pilersitsissallutik, aamma

2) qitiusumik siulersuisoqarfiup suliarissavaa politikki aningaasalersuinikkut ingerlatsiviup siulersuisuini qaffasissutsini tamani suiaassutsikkut sinniisukippallaarneq qaangerniarlugu, taamaattoq tak. imm. 4-miit 7-imut.

*Imm. 2.* Aktiaatilittut ingerlatsiviit tassaapput ingerlatsiviit immikkoortitikkani ukiuni naatsorsuiffiusuni 2-ni malittuni marlunnik unioqqutitsisimasut:

- 1) Oqimaatigiissitsinerup inernerani 156 mio. kr.-nik.
- 2) Ilanngaaseereernermi inernerani 313 mio. kr.-nik.
- 3) Tamakkiisumik suliffillit agguaatigiissillugu amerlassusiat 250.

*Imm. 3.* Ukiumoortumik naatsorsuusiortarneq pillugu inatsimmi kunngip peqqussutaatigut Kalaallit Nunaannut atuutilersinneqartumi § 7, imm. 3 aamma 4 atorineqartut imm. 2-mi inernerit.

*Imm. 4.* Ingerlatsivinnut piginnittuusunut ingerlatsivissuarmut naatsorsuutiniq suliaqartartunut naammappoq anguniakkanut uuttuutiniq suliarineqarpata aamma politikkiliorneqarpata, tak. imm. 1, ingerlatsivissuarmut tamarmut.

*Imm. 5.* Ingerlatsivik pigineqartoq ingerlatsivissuarmut ilaasoq pinngitsoorsinnaavoq anguniakkanut uuttuutiniq aamma politikkimik suliaqassalluni, tak. imm. 1, ingerlatsiviup piginnittuusooq ingerlat-sivissuarmut tamarmiusumut anguniakkanut kisitsisinik aamma politikkimik suliaqarsimappat.

*Imm. 6.* Aningaasalersuinikkut ingerlatsiviit ukiumi naatsorsuiffiusumi kingullerpaamik sulisoqarsimasut suleqatinik 50-it inorlugit, pinngitsoorsinnaapput suaassutsikkut sinniisukippallarneq qaangerniarlugu politikkiliussallutik siulersuisuni qaffasissuseriikkuutaani, tak. imm. 1, nr. 2.

#### *Peqatigiit qanittut akunnerminni pingaarutilinnik nuussisarnerat*

**§ 139 d.** Aktiaatilittut ingerlatsivinni niuverfinni nakkutigisaasuni niuernissamut nalunaarsimasuni taasisinnaallutik aktiaateqarnissamut ilanngussimasut Kalaallit Nunaanni imaluunniit EU/EØS-nunani inissisimasut ingerlatsisullu, pisussaapput aktiaatilittut ingerlatsiviup qanimullu peqataata nuussineri pingaarutillit aktiaatilittut ingerlatsiviup siulersuisuinit qullerpaanit akuerineqarsimasallutik, nuussinerit naammassitinnagit. Pingaassutsimik naliliinermi qanimut peqatigisamut nuussinerit naammaassineqarsimapput naatsorsuiffiup atuuttup iluani, naligiisarneqassapput.

*Imm. 2.* Aktiaatilittut ingerlatsiviup tamanut nalunaarutigissavaa qanimut peqatigisamut nuussineq, nuussinermi ullormut nalinga pigisat nalillit tamarmik nalingat 10 procenterippagu imaluunniit annerulluni imaluunniit ingerlatsinerup pingaarnerusup inernerata 25 procenterippagu, ingerlat-sivissuup naatsorsuutit saqqummiunneqarsimasut kingulliit malillugit. Aktiaatilittut ingerlatsivik ingerlatsivissuarmut naatsorsuusiorsimanngippat, nalilersuineq pissaaq ukiumoortumik naatsorsuutit tamanut saqqummiunneqartut naapertorlugit. Aktiaatilittut ingerlatsivik qanimut peqatigisamut naatsorsuiffiup pineqartup iluani arlalinnik nussuisimappat, tamanut nalunaarutigineqassaaq nussukkat katinnerata tamanut nalunaarutigineqanngitsup qaangerpagit pkt. 1-imi annertussustsimut killigitat.

*Imm. 3.* Imm. 2 malillugu nalunaarut tamanut nalunaarutigineqassaaq, pilertornerpaamik nuussinermik isumaqatigiissut inarneqarpata. Nalunaarutit minnerpaatut imarissavaa qanimut peqatigisamut pissuseqatigiinnerup qanoq issusia, qanimut peqatigisap aqqa, nuussinermik isumaqatigiissutit ullulernera, nuussinermi ullormi naliusoq aamma pissutsit allat aktiaatilittut ingerlatsivimmut naleqquttut aamma aktiaatilinnut, qanimut peqatigisarinngisanut. Tamanut nalunaarutiginninneq pissaaq aktiaatilittut ingerlatsiviup nittartagaatigut, tassani nalunaarut tamanit pineqarsinnaalluni ukiuni 5-ni.

*Imm. 4.* Imm. 1-imiit 3-mut atuutinngilaq niuernikkut nalinginnaasumik nuussisarnernut. Aktiaatilittut ingerlatsiviup siulersuisuisa qullersaata atuutilersissavaa iliuusissaq piffissani killilikani naliliisarnernut nuussineq pkt. 1-mut ilaanersoq. Qanimut peqatigisat nuussinerni attorneqartut naliliinerni ilaassaangillat.

*Imm. 5.* Imm. 1-imiit 3-mut aammattaaq atuutissanngillat ukununga

- 1) nuussinernut aktiaatilittut ingerlatsiviup taassumalu ingerlatsivittut pigisaani, imaassimangippat aktiaatilittut ingerlatsiviup qanimut peqatigisai ingerlatsivimmut pigisaanut soqutinnittuusut,
- 2) nuusseriaatsit erseqqissumik nassuiakkat, ataatsimeersuarnermit akuerineqartussat,
- 3) siulersuisunut ilaasortat akissarsisittarnerannik nuussinerit, tak. §§ 139 aamma 139 a,
- 4) nuussinerit kreditinstitutinit naammassineqarsimasut tunngavigalugit aaqqissuinerit siunertaqartut namminneq toqqisisimasumik ingerlatsinerminnik, aamma aalajangerneqarsimasut Finanstilsynetimit, aamma,
- 5) nuussinerit assigniimmik piumasaqaatilinnik aktiaatilinnut neqeroorutigineqartut, taamaalilluni aktianik piginnittut assigniimmik iliorfigalugit aamma aktiaatilittut ingerlatsiviup soqutigisai qular- naarlugit.

*Imm. 6.* Imm. 2-miit 5-imut assinganik atuutissaaq aktualitet ingerlatsivik qanimut peqatigisai aamma aktiaatilittut ingerlatsiviup suliffiit pigisaasa akornanni.

*Imm. 7.* Imm. 1-imiit 5-imut attunngilai pappialanik nalilinnik niuerneq pillugu inatsit kunngip peqqussutaatigut Kalaallit Nunaannut atuutilersinneqartoq malillugu pisut iluanni nalunngisat tamanut nalunaarutigineqartarnerannut malittarisassat.

*Imm. 8.* Qanimut peqatigiit nassuiarneqassapput nunat tamalaat naatsorsuuserineq pillugu tamanut atuutsitaannut IAS 24-mut nassuiaammut naapertuuttumik, taamaalilluni taassumattut Europa- Kommissionip aalajangersagaatut Europa-Parlamentip aamma Rådip nunat tamalaat naatsorsuu- serineq pillugu tamanut atuutsitaannut peqqussutaa nr. 1606/2002, 19. juli 2002-meersoq kunngip peqqussutaatigut Kalaallit Nunaannut atuutilersinneqartoq naapertorlugu, aamma kinguneratigut nassuiaammut allannguutit, Eutropa-Kommissionimit aalajangersarneqartut peqqussut pineqartoq naapertorlugu.

## Kapitali 8

### *Sulisut sinniisoqarnerat*

#### *Ingerlatseqatigiiffinni sinniisoqarneq*

**§ 140** Ingerlatseqatigiiffimmi aningaasaliiffiusumi, ukiuni kingullerni pingasuni agguaqatigiissillugu ikinnerpaanik 35-nik sulisoqarfiusumi, ingerlatseqatigiiffiup aqutsisuinut qullersanut ilaasortassanik taakkununngalu sinniisussanik ingerlatseqatigiiffiup sulisui toqqaasinnaatitaapput aqutsisuni ilaasortat sinnerisa affaannut naapertuuttunik. Ingerlatseqatigiiffiup nunani allani immikkoortortaani, EU/EØS-imi nunamiittumi, sulisut ingerlatseqatigiiffimmi atorfeqartutut isigineqarput. Sulisulli ikinnerpaamik ilaasortanik marlunnik taakkununngalu sinniisussanik tamatigut toqqaasinnaapput. Sulisunit toqqarneqartussat ilaasortat amerlassusaat kisitsit ilivitsuunngippat qummut akunnaallineqassaaq.

*Imm. 2.* Sulisut, imm. 1 malillugu pisinnaatitaaffimminnut amerlassusilinnik toqqaasinnaanngippata ilaasortassanik sinniisussanillu ikinnerusunik toqqaasinnaatitaapput.

#### *Suliffeqarfissuarmi sinniisoqarneq*

**§ 141** § 140 taamaaqataanik kalaallit nunaanni ingerlatseqatigiiffimmi piginnittumi



sulisunut atorpeqarpoq, §§ 6 aamma 7 tak., aamma taassuma pigisaani ingerlatseqatigiiffinni, Kalaallit Nunaanni najugaqartutut nalunaarsorsimasuni, kiisalu taakku nunani allani immikkoortortaanut, WU/EØS-imi nunamiittunut.

*Imm. 2.* Ingerlatseqatigiiffik piginnittoq § 140-mut ilaappat, ingerlatseqatigiiffimmi pinnittumi sulisut ilaasortanik marlunnik taakkulu sinniisussaannik toqqaasinnaatitaapput. Ingerlatseqatigiiffimmi piginnittumi aqutsisuni qullersani sulisunit toqqaarneqartut ilaasortat amerlassusaat tamarmiusut ilaasortat allat affaattut annertutigissapput, taamaattorli sulisut toqqagaat ilaasortat ikinnerpaamik pingasuussallutik. Oqaaseqatigiit siulliit malillugit amerlassusilinnik sulisut toqqaasinnaangippata sulisut ilaasortanik sinniisussanillu ikinnerusunik toqqaasinnaatitaapput.

*Imm. 3.* Ingerlatseqatigiiffimmi piginnittumi ataatsimeersuartut aalajangiisinnaapput nunani allani ingerlatseqatigiiffimmi pigisami ataatsimi amerlanerniluunniit sulisut qinerneqarsinnaasunut taasisinnaatitaasunullu ilanngussinnaasut. Suliffissuaqarfik kalaallit nunaanni ingerlatseqatigiiffimmi pigisami sulisoqarpat taakku tamatigut sinniisumik ikinnerpaamik ataatsimik toqqaasassapput. Kalaallit nunaanni ingerlatseqatigiiffimmi pigisami sulisut, qinersinermi peqataasinnaasunit tamarmiusunit 10 pct.-it sinnerlugit amerlassuseqarpata sinniisussanik ikinnerpaamik marlunnik toqqaasinnaapput. Suliffissuaqarfimmi aqqissuussinermi amerlanerussuteqarneq anguneqanngippat, § 142 tak., kisiannili kalaallit nunaanni ingerlatseqatigiiffinni pigisani amerlanerussuteqartut suliffissuaqarfimmi sinniisoqarnissaq taapersersussappassuk sulisut sinniisoqarnerannik aqqissuussineq kalaallit nunaanni ingerlatseqatigiiffimmi pigisami sulisunit akuerineqartutut isigineqassaaq, taamaalilluni suliffissuaqarfimmi qinersineq kalaallit nunaanni ingerlatseqatigiiffinni pigisani taamaallaat ingerlanneqarluni.

#### *Sulisut sinniisaannik qinersineq*

**§ 142** §§ 140 aamma 141 naapertorlugu aqutsisunut qullersanut ilaasortassanik qinersinissaq pillugu aalajangernermi piumasarineqarpoq ingerlatseqatigiiffimmi aningaasaliiffiusuni kiisalu ingerlatseqatigiiffinni pigineqartuni sulisut ikinnerpaamik affai tamatumunnga tapersersuinissaat, tamanna pillugu taasititsinerup ingerlanneqannginnissaa pillugu aqutsisut sulisullu akornanni isumaqatigiittoqarsimanngippat. Aalajangiineq aqutsisunit qullersanit imatut nalunaarutigineqassaaq, tamanna kingornatigut uppersarsarneqarsinnaalluni.

**§ 143.** Erhvervsstyrelsi uku pillugit maleruagassanik aalajangersaasinnaavoq,  
1) sulisut sinniisaannut tunngatillugu kikkut sulisutut isigineqarnersut,  
2) §§ 140 aamma 141-mut naleqqiullugu agguaqatigiissillugu sulisut amerlassusaannik naatsorsuineq,  
3) §§ 140-142 malillugu qinersinerit erseqqinnerusumik ingerlanneqarneri, tassunga ilanngullugu maleruagassat isertortumik taasinissamik qulakkeerisut,  
4) paragraffi manna naapertorlugu aalajangersarneqartut aalajangersakkat aqutsisut sulisullu akornanni isumaqatigiinnerisigut saneqqunneqarsinnaaneritut periarfissaq, tassunga ilanngullugit sulisut sinniisoqarnerat pillugu kajumissutsimik aqqissuussinernik pilersitsineq pillugu maleruagassat aamma qitiusumik aqutsisut matuma malitsigisaanik ingerlatseqatigiiffiup aningaasaliiffiusup malittarisassaanik allannguisinnaanerit,  
5) ingerlatseqatigiiffinni aningaasaliiffiusuni aamma suliffeqarfissuarni, §§ 140 aamm 141 malillugu siulersuisunut ilaasortanik qinersiffiusuni ingerlatseqatigiiffimmi pissutsit pillugit sulisut qanoq ilisimatinneqartarnissaat,  
6) aqutsisuni ilaasortat sulisunit qinerneqartut, tassunga ilanngullugit ilaasortat kajumissutsikkut aqqissuussinerni qinerneqartut, atorfinitsinneqarnerini illersorneqarneri,

aamma tamanna pillugu isumaqatigiinnginnerit suliarineqartarneri pillugit,  
7) inatsisini maleruagassanik aamma tamatuma malitsigisaanik maleruagassanik atulersinneqartunik unioqutitsinerit kingunerisai,  
8) ingerlatseqatigiiffinni aamma ingerlatseqatigiiffinni piginnittuni, §§ 140 aamma 141 naapertorlugu sulisut siulersuisunit ilaasortatut qinersiffiunngitsuni, sulisunut sinniisunut piginnittut nalunaarsorsimaffiata pissarsiarineqarsinnaanera, aamma  
9) ingerlatseqatigiiffiup kiisalu suliffeqarfissuup sulisuinut ataatsimeersuarnissamut aggersaaneq pillugu nalunaaruteqarneq, sulisut sinniisussaannik qinersisoqarnissaa pillugu taakku siulersuisunut nalunaaruteqarsimappata.

## Kapitali 9

### *Kukkunersiuiineq misissueqqissaarnerlu*

#### *Kukkunersiuiineq*

**§ 144.** Ingerlatseqatigiiffik aningaasaliiffiusoq ukiumoortumik naatsorsuutit pillugit inatsit, kunngip pequssuteqarneratigut Kalaallit Nunaannut atulersinneqartoq, imaluunniit inatsit alla malillugu kukkunersiuisoqarnissaanut ilaappat, imaluunniit ingerlatseqatigiiffiup ukiumoortumik naatsorsuutai kukkunersiorneqassasut ataatsimeersuartut aalajangerpata, ataatsimeersuartut kukkunersiuisumik ataatsimik amerlanernilluunniit akuerisaasunik taakkunungalugu sinniisussanik toqqaassapput. Tamanna pillugu aalajangiineq § 105 malillugu nalinginnaasumik amerlanerussuteqarnikkut aalajangiiffigineqassaaq. Malittarisassat aamma kukkunersiuisumik ataatsimik amerlanernilluunniit toqqaarnissaanut allat pinnaatissinnaavaat.

*Imm. 2.* Ingerlatsiviup malittarisassaani aalajangersakkat imaluunniit isumaqatigiisummik allami ataatsimeersuarnermi kukkunersiuisumik, ingerlatsiviup ukiumoortumik naatsorsuutaanik kukku- nersiuinissanik, aamma takkununga sinniisussaasinnasunik ataatsimik arlalinnilluunniit qinersi- nermik annikillisisitsut, immikkoortunut aalajangersimasunut imaluunniit kukkunersuisunik toqqaarneqarsinnaasunut imaluunniit kukkunersiuisutut suliffinnut atuussinnaanngillat.

*Imm. 3.* Aningaasaatinik piginnittup piumasarisinnaavaa tullianik ataatsimeersuartoqarnissaata tungaanut kukkunersiuisumik akuerisaasumik taanna imaluunniit kukkunersiuisut allat peqatigalugit kukkunersiuisussamik Erhvervsstyrelsi aamma toqqaassasoq,

1) aningaasaatinik piginnittut, aningaasaatit ikinnerpaamik qulerarterutaannik piginnittut, kukkunersiuisussamik toqqaanissap oqaluuserisassanut ilaanerani ataatsimeersuarnermi suli allamik kukkunersiuisoqarnissaanut taasisimappata, aamma

2) ataatsimeersuarenermiit kingusinnerpaamik sapaatit akunneri tallimat kingorna piumasaqaat saqqummiunneqarpat.

*Imm. 4.* Ingerlatseqatigiiffik aningaasaliiffiusoq kukkunersiuisoqarnissaanut pisussaaffeqartoq kukkunersiuisussamik pisariaqartumik peqanngippat aamma tamanna pillugu aqutsisuni ilaasortap ataatsip imaluunniit aningaasaatinik piginnittup ataatsip piumasarippagu Erhvervsstyrelsi kukkunersiuisussamik toqqaasinnaavoq. Toqqaaneq atuutissaaq ataatsimeersuartut kukkunersiuisussamik nutaamik toqqaanissaata tungaanut.

*Imm. 4.* Imm. 2 aamma 3-mi taaneqartuni pisuni kukkunersiuisup isernera nalunaarutigeqqaarnagu nalunaarsorneqassaaq. Kukkunersiuisumut nutaamut akissarsiassat Erhvervsstyrelsip aalajangissavai. Ingerlatseqatigiiffiup ukiumoortumik naatsorsuutaanik il.il. inatsisit naapertorlugit kukkunersiuiinnermi aningaasartuutit naalagaaffiup karsianit akilerneqassapput, inaarutaasumilli ingerlatseqatigiiffimmit aningaasaliiffiusumit matuneqassallutik.

*Imm. 6.* Ingerlatseqatigiiffiup aningaasaliiffiusup pissusii pillugit kukkunersuiisoq nalunaaruteqassappat, peqqussutip matuma malitsigisaanik kukkunersuiisut pisinnaatitaaffeqarlutillu pisussaaffeqarput, ataatsimeersuarnermi toqqarneqartut kukkunersuiisut, ukiumoortumik naatsorsuutini kukkunersuiisussatut toqqarneqartut, imm. 1 tak., aamma kukkunersuiisut allat akornanni immikkoortitsisoqarsimanngippat.

**§ 144 a.** Europa-Parlamentip aamma Rådet-ip (EU-mi) peqqussutaat nr. 537/2014, 16. april 2014- imeersumi, kunngip peqqussutaatigut Kalaallit Nunaannut atuutilersinneqartumi, suliffeqarfiit tamanut soqutigineqartut kukkunersuiusarnerannut piumasaqaatit aalajangersimasut allaaserisaq 17 imm. 1-imi atuukkaluartut aningaasalersuisutut ingerlatsivimmi kukkunersuiisarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 1 a, nr. 3-mut ilaasoq malillugu ataatsimeersuarnerup toqqarsinnaavaa kukkunersuiisoq sivisunerpaamik

1) ukiunut 20-nut, neqeroornermi mappersagaq naammassineqarsimappat allaaserisaq 16 imm. 2-5 naapertorlugu, Europa-Parlamentip aamma Rådet-ip (EU-mi) peqqussutaa nr. 537/2014, 16. april 2014-imeersumi suliffeqarfiit tamanut soqutigineqartut piumasaqaatit aalajangersimasut kukkunersuiisarnermut atuutilersumik kukkunersuiisarneq ukiunik 10-nik sivisussusilik naareerpat, imaluunniit

2) ukiunut 24-nut ataatsimeersuarnerup kukkunersuiisoq kukkunersuiisussatut toqqaqqikkaa sivikinnerpasamik ukiunut 10-nut sivisussusilimmik.

**§ 145** Suliffissuaqarfimmi ingerlatseqatigiiffik pigineqartoq kunngip peqqussuteqarneratigut Kalaallit Nunaannut atulersinneqartumut ukiumoortumik naatsorsuutit pillugit inatsimmut naleqqiullugu, suliffeqarfik piginnittoq naalagaaffiup aktieselskabiutigalugu, § 351 tak., imaluunniit suliffeqarfik, pappiarat aningaasanik nalillit niuerfimmi naleqqussakkamik niuerutigineqarlutik, kukkunersuiisumik suliffeqarfiup piginnittup ataatsimeersuarnerani toqqarneqartumik sapinngisamik toqqaassaaq. Tamanna ajornarpat taarsiullugu ingerlatseqatigiiffik pigineqartoq sapinngisamik kukkunersuiisumik toqqaassaaq, suliffeqarfiup piginnittup ataatsimeersuarnerani toqqarneqartup kukkunersuiisup suleqatigisaa.

**§ 146** Kukkunersuiisoq kukkunersuiisumit toqqaasimasumit soraarsinneqarsinnaavoq. Kukkunersuiisoq § 144 naapertorlugu ingerlatseqatigiiffiup ukiumoortumik naatsorsuutaanik kukkunersuiisussatut toqqarneqarsimasooq, tamatumunnga tunngavissaqartumik pissutsinik pissutissaqarpat suliap naammassinissaa sioqqullugu taamaallaat soraarsinneqarsinnaavoq.

*Imm. 2.* Kukkunersuiisup suliaata naanissaa sioqqullugu ataatsimeersuarnermi toqqarneqartoq, § 144, imm. 1 tak., soraarpat, imaluunniit kukkunersuiineq allatut unippat, kukkunersuiisup piaarnerpaamik tamanna Erhvervsstyrelsimut nalunaarutigissavaa. Nalunaarummut ilaatinneqassaaq suliap unitsinneqarneranut pissutaasoq pillugu naammattumik nassuiaat, suliap naammassinissaa sioqqullugu soraartoqarpat imaluunniit unittoqarpat. Ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, pappiaranik aningaasanik nalilinnik niuerneq pillugu inatsimmi, kunngip peqqussuteqarneratigut Kalaallit Nunaannut atulersinneqartumi maleruagassat malillugu soraarnini niuerfimmuut aamma piaarnerpaamik nalunaarutigissavaa.

*Imm. 3.* Ingerlatseqatigiiffiup ukiumoortumik naatsorsuutaanik kukkunersuiusussatut toqqarneqartoq, § 144, imm. 1 tak., ingerlatseqatigiiffiup kukkunersuiusua soraarpat, imaluunniit suliaa allatut unippat, imm. 1 tak., aamma 4 aamma taanna sinnerlugu allamik sinniisussaqaanngippat, § 144, imm. 1 malillugu kukkunersuiusussamik nutaamik toqqaasoqarnissaa qitiusumik aqutsisut piaarnerpaamik isumagissuaat. Tamanna siunertaralugu immikkut ittumik ataatsimeersuarnissaq aggersarneqassaaq, soraarnek ingerlatseqatigiiffimmut nalunaarutigineqarneraniit kingusinnerpaamik sapaatit akunneri marluk qaangiutsinnagit. Naalagaaffiup aktieselskabiini aamma ingerlatseqatigiiffinni, pappiaranik aningaasanik nalilinnik niuerfimmi naleqqussakkamik niuerutigineqartuni, aggersaaneq pisinnaavoq soraarnek ingerlatseqatigiiffimmut nalunaarutigineqarneraniit kingusinnerpaamik ullut arfineq pingasut qaangiutsinnagit.

*Imm. 4.* Aningaasalersuisutut ingerlatsiviit kukkunersuiusarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 1 a, nr. 3-mut ilaasuni, kukkunersuiusutut toqqagaq, tak. § 144, eqqartuussinikkut peersinneqarsinnaavoq tunnga-vissaqartumik tamatumunnga pissutissaqarpat. Tamatumunnga suliaq aallartinneqarsinnaavoq aningaasalersuisutut ingerlatsivimmi aningaasaliissutinik piginnittumit ataatsimit arlalinnilluunniit, ataatsimoorlutik taasisinnaassut ikinnerpaamik 5 pct.-iinik sinniisuuffeqartut, aamma Erhvervs- styrelsenimit kukkunersuiusartunut akuerisaasunut aamma kukkunersuiusartutut suliffinnut oqartus- saasutut nakkutilliisunut, tak. kukkunersuiusarneq pillugu inatsimmi, kunngip peqqussutaatigut Kalaallit Nunaannut atuutilersinneqartumi, § 32.

*Imm. 5.* Ingerlatsiviup kukkunersuiusuanik imm. 4 malillugu peersitsineq aallartinneqassaaq inger- latsivik illuatungalugu, ingerlanneqassallunilu innuttaasunut eqqartuussisarnermi pissutsit kukkunersuiusup peersinnissaanik piumasaqaat malinneqarpat, kukkunersuiusoq tunuassaaq eqqartuussut naammassineqarpat. Eqqartuussiviup peersitsinermik peqatigitillugit ilisimatissavai Erhvervsstyrelsen aamma kukkunersuiusoq.

*Imm. 6.* Ingerlatsiviup kukkunersuiusua imm. 4 malillugu peersinneqarpat, imm. 2, pkt. 3, aamma imm. 3, assinganik atuutissapput.

**§ 147** Ingerlatseqatigiiffiup ukiumoortumik naatsorsuutaanik kukkunersuiusussatut toqqarneqartoq, § 144, imm. 1 tak., ingerlatseqatigiiffiup kukkunersuiusua ataatsimeersuarnerup suliakkiutai kukkunersuiunermut tunngasunut piumasaqaatit malissavai, taakku inatsisinut, ingerlatseqatigiiffiup malittarisassaanut imaluunniit ajunngitsumik kukkunersuiunermik ileqqoqarnermut akerliunngippata.

*Imm. 2.* Kukkunersuiusup nakkutigissavaattaq ingerlatsiviup siulersuisuisa ulluinnarni sulinerminni malittarisaliorlutik aamma naatsorsuutit pilersillugit ingerlatillugillu, nalunaarsutit aamma allattuiffiit, pisussaaffitik malinneraat aamma kukkunersuiukkat allassimaffi saqqummiuttarlugit atsiortarlugillu, kukkunersuiusoq taamaattunik ingerlatsisimappat, malinneqarnerseq. Kukkunersuiusuttaaq nakkutigissavai 139 b, imm. 3 paasissutissat ingerlatsiviup akissarsisitsisarnermi nalunaarutaani saqqumminersut.

*Imm. 3.* Kukkunersuiusumit paasineqarpat imm. 2 naapertorlugu piumasaqaatit naammassineqarsimanngitsut, tamanna pillugu kukkunersuiusoq ataatsimeersuartunut immikkut nalunaaruteqassaaq, ataatsimeersuarnermi ingerlatseqatigiiffiup ukiumoortumik nalunaarusiaanik akuersisoqassanngippat aamma pissuseq ukiumoortumik nalunaarusiami kukkunersuiusup uppenarsaanerani eqqaaneqarsimanngippat.

**§ 148** Kukkunersiuisunut, § 144 naapertorlugu toqqarneqarsimasunut tunngatillugu allannguinerit Erhvervsstyrelsi qarasaasiaqarfiani nalunaarsorneqassaapput imaluunniit styrelsimut nalunaarutigineqarlutik, § 9 tak. Suliap naammassinissaa sioqqullugu kukkunersiuisut paarlaappata § 10, imm. 2-mi aalajangersagaq atuutissaaq.

**§ 149** Ingerlatseqatigiiffiup nalilersornissaanut pingaaruteqartutut isigineqarsinnaasunik paasissutissanik kukkunersiuisoq ingerlatseqatigiiffiup aqutsisuinit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunaanni ingerlatseqatigiiffimmi, ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigineqartup aqutsisuini ilaasortanut naleqqiullugu.

#### *Misissueqqissaarneq*

**§ 150** Aningaasaatinik piginnittoq ileqquusumik ataatsimeersuarnermi imaluunniit ataatsimeersuarnermi, sammisap oqaluuserisassani inissinneqarfiani, ingerlatseqatigiiffiup pilersinneqarneranik imaluunniit ingerlatseqatigiiffiup ingerlatsineranut imaluunniit naatsorsuutit ilaannut tunngasunik pissutsinik taaneqartunik erseqqinnerusumik misissueqqissaartoqarnissaa pillugu siunnersuummik saqqummiussisinnaavoq. Siunnersuut nalinginnaasumik amerlanerussuteqartumik akuerineqarpat ataatsimeersuartut misissueqqissaartussamik ataatsimik arlalinnilluunniit toqqaasinnaapput.

*Imm. 2.* Siunnersuut akuerineqanngippat, kisianni ingerlatseqatigiiffiup aningaasaataanik 25 pct.-inut sinniisunut aningaasaatinik piginnittuniit tapersorsorneqarnera anguneqarpat, ataatsimeersuarnerup ingerlanneqarneraniit kingusinnerpaamik sapaatit akunneri arfineq marluk kingorna aningaasaatinik piginnittup ataatsip pigisanik agguaassisarnermut eqqartuussivik qinnuigisinnaavaa misissueqqissaartussanik toqqaqqullugu. Pigisanik agguaassinnermut eqqartuussiviup ingerlatseqatigiiffiup aqutsisui aamma ataatsimeersuartunit toqqarneqarsimasoq kukkunersiuisoq, ingerlatseqatigiiffiup ukiumoortumik naatsorsuutaanik kukkunersiuisussatut toqqarneqarsimasoq, § 144, imm. 1 tak., taamaattoqassappallu pissutsit qinnutigineqartumut ilaasut, eqqartuussiviup aalajangiinissaa sioqqullugu oqaaseqarsinnaapput. Naammattumik tunngavissaqartoq pigisanik agguaassisarnermut eqqartuussivik isumaqarpat qinnutigineqartoq taamaallaat malinneqassaaq. Pigisanik agguaassisarnermut eqqartuussiviup misissueqqissaartussat amerlassusissaat aalajangissavaa. Pigisanik agguaassisarnermut eqqartuussiviup aalajangiinerit suliareqqitassanngortinneqarsinnaapput.

*Imm. 3.* Kukkunersiuinermi inatsimmi attuumassuteqannginnissaaq pillugu aalajangersakkat imm. 1 aamma 2 malillugu misissueqqissaartussanut taamaaqataanik atorneqassapput.

**§ 151** Ingerlatseqatigiiffiup nalilersornissaanut pingaaruteqartutut isigineqarsinnaasunik paasissutissanik misissueqqissaartoq ingerlatseqatigiiffiup aqutsisuinit piumasaqarsinnaavoq aamma, ingerlatseqatigiiffik ingerlatseqatigiiffiuppat piginnittoq, taassuma suliffeqarfissua, § 7 tak. Tamanna aamma kalaallit nunanani ingerlatseqatigiiffimmi, ukiumoortumik naatsorsuutit pillugit inatsimmi kunngip peqqussuteqarneratigut Kalaallit Nunaannut atulersinneqarsimasoq naapertorlugu suliffeqarfissuarmi ingerlatseqatigiiffiup pigineqartup aqutsisuini ilaasortanut naleqqiullugu.

**§ 152** Misissueqqissaartut nalunaarusiamik allatamik ataatsimeersuartunut tunniussissapput aamma akissarsiassanik ingerlatseqatigiiffimmiit pissarsisinnaatitaallutik.

Misissueqqissaartussat pigisanik agguuaassisarnermut eqqartuussivimmit toqqarneqarsimappata akissarsiassaata taassuminnga aalajangerneqassaaq.

*Imm. 2.* Ataatsimeersuarnissaq kingusinnerpaamik ullut arfineq pingasut sioqqullugit misissueqqissaartut nalunaarusiaata aningaasaatinik piginnittunit misissugassannngortinneqassaaq.

## Kapitali 10

### *Aningaasaatinik qaffaanerit*

**§ 153** Ingerlatseqatigiiffiup aningaasaliiffiusup aningaasaataanik qaffaaneq pisinnaavoq  
1) aningaasaatinik piginneqataassutiniq nutaanik pisisoqarneratigut,  
2) aningaasaateqarfimmi qaffaasoqarneratigut ingerlatseqatigiiffiup sillimmataanik ingerlatseqatigiiffimmut aningaasaliiffiusumut nuussinikkut imaluunniit  
3) akiitsut allagartaannik imaluunniit suliffeqarfiup allineqarnerani piginneqataassutiniq nuunneqarsinnaasunik atulersitsineri.

*Imm. 2.* Aningaasaatinik piginneqataassutit nutaat nangassuteqarluni imaluunniit nalia ataallugu atulersinneqarsinnaanngillat.

### *Aningaasaatinik qaffaaneq pillugu ataatsimeersuartut aalajangiinerat*

**§ 154.** Kapitalimi matumani maleruagassat malillugit ingerlatseqatigiiffiup aningaasaataanik qaffaaneq pillugu ataatsimeersuartut aalajangiisnaapput.

*Imm. 2.* Imm. 1 malillugu aalajangiineq, malittarisassani allannguineri pisariaqartinneqartunik taasinerit amerlanerussuteqarnerisigut aalajangiiffigineqassaaq.

**§ 155.** Malittarisassani aalajangersaasoqarneratigut ataatsimeersuartut ingerlatseqatigiiffiup aningaasaataanik qaffaanissamut qitiusumik aqutsisut piginnaatissinnaavaat. Piginnaatitsineq piffissamut ataatsimut arlalinnnulluunniit ukiut tallimakkaarlugit tikillugit tunniunneqarsinnaavoq.

*Imm. 2.* Malittarisassani aalajangersaanikkut akiitsut allagartaannik imaluunniit suliffeqarfiup allineqarnerani piginneqataassutiniq nuunneqarsinnaasunik atulersitsinissamut qitiusumik aqutsisut ataatsimeersuartunit aamma piginnaatinneqarsinnaapput, § 169 tak., tamatuma peqatigisaanik tassunga atasumik aningaasaatit qaffanneqarnissaasa isumaginissaanut qitiusumik aqutsisut piginnaatinneqarpata, imm. 1 tak. Piginnaatitsineq piffissamut ataatsimut arlalinnnulluunniit ukiut tallimakkaarlugit tikillugit tunniunneqarsinnaavoq.

*Imm. 3.* Imm. 1 aamma 2 malillugu piginnaatitsineri malittarisassani allanneqassaaq,  
1) kapitalimi matumani qaffaariaatsit arlaat sorleq piginnaatitsineri tunngasuunersoq,  
2) imm. 1 imaluunniit imm. 2, oqaaseqatigiit aappaanni taaneqartup piffissap naanerani ulloq,  
3) aningaasat qitiusumik aqutsisut aningaasaatinik qaffaasitsissutaat, kiisalu  
4) § 158, nr. 2, 6. 7 aamma 10-12-mi taaneqartut pissutsit pillugit aalajangersakkat.

*Imm. 4.* Aningaasanik akiliineriit allaanerumik tamakkiisumik ilaannakuusumilluunniit qaffaasoqarpat tamanna malittarisassani allanneqassaaq. Aammattaaq manna tikillugu aningaasaatinik piginnittut atsiorsinnaatitaaneranni nikingassutaasinnaasut pillugit ataatsimeersuartut aalajangiinerat pillugu paasissutissiisoqassaaq, § 162 tak.

### *Aningaasaatinik qaffaasoqarnerani suleriaatsinut piumasaqaatit*

**§ 156.** Aningaasaatinik qaffaanissaq pillugu siunnersuut aktieselskabini piginneqataasunut pissarsiaritinneqarsinnaassaaq, §§ 98 aamma 99 tak., aamma ataatsimeersuarnemi

saqqummiunneqarluni.

*Imm. 2.* Ukiumut naatsorsuorsiorfiusumut kingullermut ukiumoortumik nalunaarusiaq ataatsimeersuarnermi tassani suliarineqassanngippat aktieselskabimi allakkat uku saqqummiunneqassapput:

- 1) Ukiumoortumik nalunaarusiaq akuerineqarsimasoq kingulleq,
- 2) ingerlatseqatigiiffimmi qitiusumik aqutsisuniit nalunaarusiaq, pisinnaasamigut, immikkut pisoqarnera pissutigalugu ingerlatseqatigiiffimmik ajoqusiisinnaanngitsoq, ukiumoortumik nalunaarusiap saqqummiunneqareerneratigut ingerlatseqatigiiffiup inissisimaneranut annertuumik pingaarutillit pisut pillugit paasissutissiisoq, aamma
- 3) qitiusumik aqutsisut nalunaarusiaat pillugu ingerlatseqatigiiffiup kukkunersiuisuaniit nalunaarut, ingerlatseqatigiiffiup ukiumoortumik naatsorsuutai il.il. ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqarsimasoq, inatsisilluunniit allat malillugi kukkunersiuiinissamut pisussaaffeqartumut ilaappat.

*Imm. 3.* Aningaasaatit qaffanneqarnissaat pillugu aalajangiineq ataatsimeersuarnermi aalajangerneqassappat, piginneqataasut isumaqatigiillutik imm. 1 aamma 2

saneqqussinnaavaat. Ataatsimeersuarnermiit siumoortumik piginnaatitsisoqarneratigut, § 155 tak., aningaasaatinik qaffaaneq pillugu aalajangiineq qitiusumik aqutsisunit aalajangiiffigineqassappat imm. 2 taamaaqataanik qitiusumik aqutsisut piginnaatitsissummik atuineranni atorineqassaaq. Qitiusumilli aqutsisut imm. 2-p saneqqunneqarnissaa pillugu aalajangiisinnaapput, qitiusumik aqutsisunut piginnaatitsissummik nalunaaruteqarnermut atatillugu imm. 2 naapertorlugu suleriaatsini piumasaqaatit saneqqunneqarsinnaanngitsut pillugit ataatsimeersuartut aalajangiisimanngippata.

#### *Aggersaanissamut piumasaqaatit*

**§ 157** Aktieselskabini aningaasaatinik qaffaanermut atatillugu ataatsimeersuarnissamut aggersaaneq piginneqataasut allalluunniit pisiumalluni nalunaaruteqarsinnaanerat pillugu paasissutissanik, kiisalu pisiumasinnaarnermut pisinnaatitaanertik atussagunikku pisiumasinnaatitaasut qanoq q pissuseqarnissaat pillugu paasissutissanik imaqaassaaq.

*Imm. 2.* Piginneqataasut piumasinnaaneranniit saneqqussisoqarpat, § 162 tak., aggersaanermi tamatumunnga pissutaasoq kiisalu pisiumanissap nalissaatut siunnersuutigineqarumut tunngavilersuut ilisimatitsissutigineqassapput.

*Imm. 3.* Imm. 1 aamma 2 isumaqatigiittoqarneratigut piginneqataasunit ilaatinngitsoortinneqarsinnaavoq.

#### *Aalajangiinerup imaa*

**§ 158** Aningaasaatinik piginneqataassutininik nutaanik pisinermi ingerlatseqatigiiffimmi aningaasaatit qaffanneqarneri pillugu aalajangiineri allanneqassapput

- 1) ingerlatseqatigiiffimmi aningaasaatit qaffatsissutaasussat aningaasat minnerpaaffiat annertunerpaaffiallu,
- 2) ilaannakuusumik akiliisoqarsinnaanersoq,
- 3) pisinerup nalinga aamma aningaasaatinit piginneqataassutit annertussusaat imaluunniit amerlassusaat,
- 4) aningaasaatinit piginneqataassutit nutaat qaqugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,
- 5) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,
- 6) aningaasaatinit piginneqataassutit nutaat inissisimaaffiat, assigiinngitsunik

- inissisimaffeqarpat imaluunniit inissisimaffeqassappat,
- 7) aningaasaatinik piginnittut allallu pisisinnaatitaanerat, kiisalu siunissami qaffaanerni aningaasaatinik piginnittut nutaat pisisinnaatitaanerannik killiliinerit, § 162 tak.,
  - 8) pisiumanissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaas,
  - 9) aningaasaatinik piginneqataassut akilernerqarnissaannut piffissaliussaq kiisalu, agguaassineq qitiusumik aqutsisunut isumagisassanngortinngippat, aningaasaatinik piginneqataassunik pisineri iluaqutit pillugit maleruagassat, pisisinnaatitaaneq tunngavigalugu pisiarineqanngitsunut,
  - 10) aningaasaatinik piginneqataassutit nutaat tuniniarneqarsinnaanerini killiliinerit imaluunniit aningaasaatinik piginnittut nutaat aningaasaatinik piginneqataassutimi aningaasanngortinniissaannut pisussaaffik,
  - 11) aningaasaatinik piginneqataassutit nutaat pappiaraanersut tuniniarneqarsinnaasut, aamma
  - 12) piginneqataassutit nutaat atinik allaffiussanersut imaluunniit qaqugumulluunniit tigummittup pigissanerai.

**§ 159.** Ingerlatseqatigiiffiup qitiusumik aqutsisuisa § 155 naapertorlugu nalunaarutigineqartut aningaasaatinik piginneqataassutini nutaanik pisisoqarneratigut aningaasaatinik qaffaanissamut piginnaatitsinermik atuippata, aalajangiineri allanneqassaaq

- 1) ingerlatseqatigiiffimmi aningaasaatit qaffatsissutaasussat aningaasat minnerpaaffiat annertunerpaaffiallu,
- 2) pisinerup nalinga aamma aningaasaatinik piginneqataassutit annertussusaat imaluunniit amerlassusaat,
- 3) aningaasaatinik piginneqataassutit nutaat qaqugu ingerlatseqatigiiffimmi aningaasaliiffiusumi iluanaaruteqartitsinissamut allanillu pisinnaatitaaffinnik pisinnaatitsilissanersut,
- 4) qaffaanermi aningaasartuutissatut missiliuussat, ingerlatseqatigiiffiup aningaasaliiffiusup akiligassai,
- 5) pisiumanissamut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisinnaatitaanerminnut atugassaas,
- 6) aningaasaatinik piginneqataassut akilernerqarnissaannut piffissaliussaq kiisalu, agguaassineq qitiusumik aqutsisunut isumagisassanngortinngippat, aningaasaatinik piginneqataassunik pisineri iluaqutit pillugit maleruagassat, pisisinnaatitaaneq tunngavigalugu pisiarineqanngitsunut,
- 7) aningaasaatinik piginneqataassutit nutaat pappiaraanersut tuniniarneqarsinnaasut, § 160 tak., imaluunniit
- 8) aningaasaatinik piginneqataassutit nutaat akiitsut nuunneqarnerisigut akilernerqarsinnaanersut, § 161 tak.

*Imm. 2.* Imm. 1 malillugu qitiusumik aqutsisut aalajangiinerannut taamaaqataanik §§ 163 aamma 164 atorneqassapput.

*Imm. 3.* Aningaasaatinik qaffaanerup malitsigisaanik qitiusumik aqutsisut malittarisassanik allannguisinnaapput.

*Nalilinnik imaluunniit akiitsunik nuussisoqarneratigut akiliineq*

**§ 160.** Aningaasaatinik piginneqataassutit nutaat aningaasaanngitsunik nalilinnik allanik akilernerqassappata, qaffaanissamut aalajangiineq tamanna pillugu aalajangersakkanik imaqassaaq, aamma nalilersuineq pillugu nalunaarusiortoqarluni, §§ 36 aamma 37 tak. § 38,



imm. 2-mi maleruagassat malillugit qitiusumik aqutsisut nalunaaruteqassappata § 38, imm. 1-mi taaneqartut pigisanik nalilinnik akiliuteqarnermik nalilersuineq pillugu nalunaarusiamik pissarsiniarnissamut pisussaaffeqanngilaq. Nalunaarut aningaasaliineq pillugu aalajangiinnermiit kingusinnerpaamik sapaatit akunneri tallimat qaangiutsinnagit qitiusumik aqutsisunit Erhvervesstyrelsen qarasaasiaqarfiani tamanut saqqummiunneqassaaq, § 9, imm. 3 tak. § 36, imm. 3 malillugu oqimaatigiissitsineq suliffeqarfik tiguneqartoq pillugu tigusermi oqimaatigiissitsinertut suliarineqassaaq.

**§ 161.** Aningaasaatinik piginneqataassutit nutaat akiitsunik nuussisoqarneratigut akilerneqassappata qaffaaneq pillugu aalajangiineq tamanna pillugu aalajangersakkanik imaqassaaq.

*Imm. 2.* Akiitsut pilersinnerinut pissutaasoq piffissarlu aamma nuussineq pillugu siunnersuuteqarnermut tunngaviusut pillugit qitiusumik aqutsisut nassuiaateqassapput.

*Imm. 3.* Aktieselskabini qitiusumik aqutsisut nassuiaataat aamma suli allat allagarisimasaat piginneqataasunit pissarsiarineqarsinnaasunngortissapput, §§ 98 aamma 99 tak., kiisalu ataatsimeersuartunut saqqummiunneqarlutik.

*Imm. 4.* Imm. 2 isumaqatigiittoqarneratigut aningaasaatinik piginnittunit saneqqunneqarsinnaavoq.

*Imm. 5.* Imm. 3-mi piumasaqaat isumaqatigiittoqarneratigut aningaasaatinik piginnittunit saneqqunneqarsinnaavoq.

*Allanut naleqqiullugu pisiumalluni nalunaarnissamut pisinnaatitaaffik*

**§ 162** Ingerlatseqatigiiffiup aningaasaataanik aningaasanngorlugu qaffaanermi aningaasaatinik piginneqataassutini nutaani allanut naleqqiullugu aningaasaatinik piginnittut pisiumallutik nalunaarsinnaapput. Pisiumalluni nalunaaruteqarneq allanut tunniunneqarsinnaannginnera malittarisassani aalajangersarneqarsinnaavoq.

*Imm. 2.* Ataatsimeersuartut, malittarisassanik allannguinnermut piumasarineqartut assigalugit, § 106 tak., amerlanerussuteqarlutik pisiumalluni nalunaarnermi allanut iluaqutaasumik pisinnaatitaaffiup saneqqunneqarsinnaanera aalajangersinnaavaat, imm. 1 tak.

*Imm. 3.* Aningaasaatinik piginneqataassutit immikkoortunut arlalinnut agguarsimappata, taakkunani taasisinnaatitaaneq imaluunniit ilunaaruteqarsinnaaneq imaluunniit ingerlatseqatigiiffiup aningaasaataanik pissarsinissaq assigiinngitsuulluni, nammineq immikkooortorisat iluanni aningaasaatinik piginneqataassutini immikkooortuni taakkunani aningaasaatinik piginnittut malittarisassani pisinissamut siumoortumik pisinnaatitaasinnaapput. Immikkoortuni allani aningaasaatinik piginnittut taamaattoqartillugu imm. 1 naapertorlugu tamatuma kingorna pisiumallutik pisinnaatitaaffitsik atorsinnaavaat.

*Imm. 4.* Ataatsimeersuartut, malittarisassanik allannguinnermut piumasarineqartut assigalugit, § 106 tak., amerlanerussuteqarlutik, ingerlatseqatigiiffimmi imaluunniit taassuma ingertaseqatigiiffiani pigisaani sulisunut iluaqutaasumik, pisiumalluni pisinnaatitaaffiup saneqqunneqarnissaa aalajangersinnaavaat, imm. 1 aamma 3 tak. Taamatut amerlanerussuteqarluni ataatsimeersuartut aningaasaatinik piginneqataassutitut, sulisunut neqeroortutigineqartunut, iluaqutaasumik naleqartitsinissaq aalajangersinnaavaat.

*Imm. 5.* Aggersaanermi allanneqartumit allaanerumik aningaasaatinik piginnittut pisiumallutik nalunaarsinnaatitaanerannit annertunerumik nikingasoqarsinnaanera ataatsimeersuartut taamaallaat aalajangersinnaavaat, aningaasaatinik piginnittut, pisiumanissamut pisinnaatitaaffiat ajornerulersumik inissisimalersut, tamatumunnga akuersippata.

*Imm. 6.* Ingerlatseqatigiiffimmi aningaasaatitigut immikkoortut arlaliuppata, immikkoortut

akornanni pisinnaatitaaffimmi pissutsinik nikisitsinermik kinguneqartuq taamaallaat atuussinnaavoq, aningaasaatinik immikkoortunik taakkuninnga piginnittut, inatsisitigut inissisimanerat ajornerulersumik inissisimalersut aamma ataatsimeersuarnermi peqataasut, ikinnerpaamik pingajorarterutinit marlunnit tamanna akuerineqarpat.

*Aningaasaatinik piginneqataasutink nutaanik pisiumalluni nalunaarneq*

**§ 163** Aningaasaatinik piginneqataassutini pisiumalluni nalunaarneq allakkatigut pissaaq.

*Imm. 2.* Pisiumalluni nalunaarnermi malittarisassat allagaatillu, § 156-mi eqqaaneqartut, saqqummiunneqassapput, taakku suliarineqassanngitsut aalajangiisoqarsimanngippat, § 156, imm. 3 tak. Aningaasaatinik pisiumalluni nalunaarneq §§ 160 aamma 161-mi aalajangersakkanut ilaappat, allagaatit, aalajangersakkani taakkunani pineqartut, pisiumalluni nalunaarnermi saqqummiunneqassapput, taakku suliarineqassanngitsut aalajangiisoqarsimanngippat.

*Imm. 3.* Aningaasaatinik piginnittut, ataatsimeersuarnissamut aggersaaneq pillugu maleruagassat malillugit pisiumalluni nalunaarnermut periarfissaq kiisalu pisiumalluni nalunaarnissamut pisinnaatitaanerup atorineqarnissanut piffissaliussaq pillugu nalunaarfigineqassapput. Aktieselskabini, piginneqataasut tamarmik ilisimaneqarlutik, piginneqataasut ataasiakkaat paarlattuanik allakkatigut nalunaarfigineqassapput.

**§ 164.** Aningaasaatinik qaffaanissamut tunngaviusoq malittarisassanik allanngiineq pillugu aalajangiineq atorunnaassaaq, aningaasaatit qaffanneqarnissaannut aningaasat minnerpaaffissaannut aalajangigaq, aalajangiinermi aalajangerneqartumi, piffissaliussap iluani pisiarineqarsimanngippat. Aningaasaatini akilerneqarsimasut taamaattoqartillugu sapinngisamik piaarnerpaamik utertillugit akilerneqassapput.

*Aningaasaateqarfimmi piginneqataassutini atulersitsineq*

**§ 165.** Ingerlatseqatigiiffik aningaasaliiffiusoq aningaasaateqarfimmi piginneqataassutini atulersitsisinnaavoq ingerlatseqatigiiffimmi aningaasaatinut aningaasat nuunnerisigut, ingerlatseqatigiiffiup ukiumoortumik nalunaarusiaani kingullermik akuerineqartumi imatut allanneqarsimasut

1) sinneqartoorutit nuunneqarsimasut imaluunniit  
2) sillimmatit ukiumoortumik natsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi, §§ 35 a aamma 35 b-mut naleqqiullugu sillimmatit ilanngunnagit, taamaattoorli imm. 2 tak.

*Imm. 2.* Aningaasaateqarfimmi piginneqataassutini atulersitsinermut ingerlatseqatigiiffiup aamma atorsinnaavai

1) ukiumi naatsorsuusiorfiusumi atuuttumi sinneqartoorutit, aningaasat agguanneqarsimanngippata, atorneqarsimanngippata imaluunniit pituttorneqarsimanngippata, imaluunniit  
2) sillimmatit killilersugaanngitsut, ukiumi naatsorsuusiorfiusumi atuuttumi pilersinneqarsimasut imaluunniit atugassanngortinneqarsimasut.

*Imm. 3.* Imm. 1 aamma 2 naapertorlugu aalajangiinermi ingerlatseqatigiiffiup aningaasaataanik qaffaassutaasussat aningaasat allanneqassapput, kiisalu aningaasaatinik piginneqataassutit angissusaat imaluunniit amerlassusaat. § 158, imm. 1, nr. 3, nr. 6 aamma nr. 9-11, taamaaqataanik atorneqassapput.

*Imm. 4.* Aalajangiineq nalunaarsorneqaaqqaartinnagu aningaasaatinik qaffaaneq naammassineqarsinnaanngilaq.

*Imm. 5.* Aningaasaateqarfimmi qaffaaneq aalajangiinermiit kingusinnerpaamik

qaammatit aqqaneq marluk qaangiutsinnagit nalunaarsorneqanngippat imaluunniit nalunaarsorneqarnissaanut nalunaarutigineqanngippat, aningaasaatit qaffanneqarnissaat pillugu aalajangiineq tamatumalu malitsigisaanik malittarisassanik allannguinerit atorunnaassapput.

**§ 166.** Aningaasaateqarfimmi qaffaanerup nalunaarsorneqarneraniit ukiut pingasut ingerlasimappata, aningaasaatinik piginneqataassutit tamarmik pisinnaatitaasunut tunniunneqarsimanatik, Erhvervsstyrelsen qarasaasiaqarfiani nalunaaruteqarnikkut ingerlatseqatigiiffiup aningaasaliiffiusup qitiusumik aqutsisui pineqartumut imaluunniit pineqartunut kaammattuisinnaapput qaammatit arfinillit qaangiutsinnagit piginneqataassutitik aaqqullugit.

*Imm. 2.* Imm. 1 malillugu piffissaliussaq, saaffiginnittoqarnani, naasimappat, pappiaranik aningaasanik nalilinnik niuertoq aqqutigalugu aningaasaatinik piginnittut akiligaannik qitiusumik aqutsisut aningaasaatinik piginneqataassutit tunisinaavaat, § 4, imm. 1 tak., kunngip peqqussuteqarneratigut Kalaallit Nunaanut atulersinneqartumi pappiaranik aningaasanik nalilinnik niurneq il.il. pillugu inatsimmi. Tunisinermi iluanaarutit nalunaaruteqarnermi tunisinermilu aningaasartuutit ingerlatseqatigiiffiup ilanngaatisinnaavai. Tunisinermi iluanaarutit tunisisoqarneraniit kingusinnerpaamik ukiut pingasut kingorna aaneqarsimanngippata aningaasat ingerlatseqatigiiffimmut aningaasaliiffiusumut tutsinneqassapput.

*Akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik atulersitsineq*

**§ 167.** Ataatsimeersuartut, malittarisassanik allannguinnermut piumasarineqartut assigalugit amerlanerussuteqarlutik akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik atulersitsinissamik aalajangiisinnaapput, peqatigisaanik tassunga atasumik aningaasaatinik qaffaanissaq pillugu aalajangiiguni, § 154 tak.

*Imm. 2.* Atulersitsinnermut piumasaqaatinik erseqqinnerusunik imaqartunik ataatsimeersuartut aalajangiisinnaapput, tassunga ilanngullugit aningaasaatit qaffaassutissaanni aningaasat annertunerpaaffissaat, pappiarat aningaasanik nalillit tunuliaqutaralugit pisiarineqarsinnaasut, aamma aningaasaatinit piginneqataassutit nutaat immikkoortunut sunut ilaassanersut.

*Imm. 3.* Imm. 1 malillugu ataatsimeersuartut aalajangiinerat aamma tiguisup inatsisitigut inissisimanissaanut isummissapput, pissuseq ataaseq amerlanerusulluunniit uku ilaat pillugu ataatsimeersuartut aalajangiippata, tiguisup akiitsut allagartaannik nuussinissaa imaluunniit suliffeqarfiup allineqarnerani piginneqataassutiminik iluaquteqarnissaa sioqullugu:

- 1) Aningaasaatinik qaffaaneq,
- 2) aningaasaatinik appaaneq,
- 3) suliffeqarfiup allineqarnerani piginneqataassutitik nutaanik atulersitsineq,
- 4) akiitsut allagartaannik nutaanik nuussilluni atulersitsineq,
- 5) atorunnaarsitsineq,
- 6) kattunneq imaluunniit
- 7) agguataarineq.

*Imm. 4.* Imm. 2 aamma 3 malillugu ataatsimeersuartut aalajangiineranni piumasaqaatit akiitsut allagartaannik imaluunniit suliffeqarfiup allineqarnerani piginneqataassutitik nuunneqarsinnaasunik tiguisumut ilisimatitsissutigineqassapput.

**§ 168.** § 167 malillugu ataatsimeersuartut aalajangiinerat tamarmiulluni malittarisassanut ilanngunneqassaaq. Aningaasaatinik qaffaanermik pisumanermut nalunaarnissamut piffissaliussaq naappat ingerlatseqatigiiffiup qitiusumik aqutsisuisa aalajangersaq peersinnaavaat.

**§ 169.** Qitiusumik aqutsisut piginnaatitsineq malillugu, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutininuunneqarsinnaasunik atulersitsinissamik aalajangiisinnaapput.

*Imm. 2.* Qitiusumik aqutsisut aalajangiinerat atulersitsineq pillugu piumasaqaatinik erseqqinnerusunik imaqassaaq, tassunga ilanngullugu

- 1) pappiarat aningaasanik nalillit tunuliaqutaralugit pisiarinqarsinnaasut aningaasaatinik qaffaanermi aningaasat annertunerpaaffissaat,
- 2) aningaasaatinik piginneqataassutit nutaat immikkoortuni sumiinnissaat,
- 3) aningaasaatinik piginneqataassutininuunneqarsinnaasut piffissaliussaq kiisalu aningaasaatinik piginnittunut nalunaarutip nassiunneqarnera pillugu piffissamiit sivikinnerpaamik sapaatit akunnerinik tallimani piffissaliineq, aningaasaatinik piginnittut piffissaq pisisinnaatitaanerminnut atugassaat,
- 4) pisinnaatitaaffiit atulersinnerinut piffissaq,
- 5) akiliinissamut piffissaliussaq aamma
- 6) aningaasaatinik piginneqataassutit angissusaat imaluunniit amerlassusaat aamma pisinermi naliusoq.

*Imm. 3.* Imm. 1 malillugu qitiusumik aqutsisut aalajangiinerat aamma tiguisup inatsisitigut inissisimanissaanut isummissapput, pissuseq ataaseq amerlanerusulluunniit uku ilaat pillugu ataatsimeersuartut aalajangiippata, tiguisup akiitsut allagartaannik nuussinissaa imaluunniit suliffeqarfiup allineqarnerani piginneqataassutininuunneqarsinnaasunik iluaquteqarnissaa sioqullugu:

- 1) Aningaasaatinik qaffaaneq,
- 2) aningaasaatinik appaaneq,
- 3) suliffeqarfiup allineqarnerani piginneqataassutininuunneqarsinnaasut nutaanik atulersitsineq,
- 4) akiitsut allagartaannik nutaanik nuussilluni atulersitsineq,
- 5) atorunnaarsitsineq,
- 6) kattunneq imaluunniit
- 7) agguataarineq.

*Imm. 4.* Imm. 2 aamma 3 malillugu qitiusumik aqutsisut aalajangiineranni kiisalu qitiusumik aqutsisunut piginnaatitsinermi piumasaqaatit, § 155, imm. 2 tak., akiitsut allagartaannik imaluunniit suliffeqarfiup allineqarnerani piginneqataassutininuunneqarsinnaasunik tiguisumut ilisimatitsissutigineqassapput.

*Imm. 5.* Akiitsut allagartaannik imaluunniit suliffeqarfiup allineqarnerani piginneqataassutininuunneqarsinnaasut malitsigisaanik aningaasaatinik qaffaaneq pillugu qitiusumik aqutsisut aalajangiineranni taamaaqataanik § 159 atorineqassaaq.

**§ 170.** § 169 naapetorlugu qitiusumik aqutsisut aalajangiinerat tamarmiutillugu malittarisassani ilanngunneqassaaq. Aalajangiinerup malitsigisaanik malittarisassanik qitiusumik aqutsisut allannguisinnaapput.

**§ 171.** Aningaasat, akiitsut allagartaannut akiliutigineqartoq, akiitsut allagartaat taarsigassarsinermi piumasaqaatit malillugit paarlaanneqarsinnaasunit aningaasanit imaluunniit aningaasaatini piginneqataassutininuunneqarsinnaasut annikinneruppata, aningaasat sinneruttut aningaasaatinik ilaannakuusumik akiliineq pillugu § 33 naapetorlugu akilerneqassapput

imaluunniit ingerlatseqatigiiffiup nammineq aningaasaataasa ilaanit, iluanaarutitut atorneqarsinaasunit matussuserneqarluni.

*Pappialanut aningaasanik nalilinnut toqqorsivimmi akiitsut allagartaannik nuunneqarsinnaasunik nalunaarsuinermit piumasaqaatit*

**§ 172.** Erhvervsstyrelsi uku pillugit maleruagassanik aalajangersaasinnaavoq

- 1) pappialanut aningaasanik nalilinnut toqqorsivimmi akiitsut allagartaannik nuunneqarsinnaasunik nalunaarsuinermit piumasaqaatit,
- 2) pappialanut aningaasanik nalilinnut toqqorsivimmut paasissutissanik tunniussineq,
- 3) pappialanut aningaasanik nalilinnut toqqorsivik aqutigalugu akiitsut allagartaannik nuunneqarsinnaasunik atulersitsinermit aamma akiitsut allagartaannik nuunneqarsinnaasunik aningaaserivimmi allatsitsinermit toqqorsinermilu il.il. aningaasartuutit tamarmik ingerlatseqatigiiffimmit akilernerqassasut, aamma
- 4) § 63 taamaaqataanik akiitsut allagartaannik nuunneqarsinnaasuni atorneqassaaq.

*Aningaasaatinik qaffaaneq pillugu aalajangiinerup nalunaarutigineri*

**§ 173.** Kapitalimi matumani maleruagassat malillugit aningaasaatinik qaffaaneq pillugu ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissamut nalunaaruteqarneq Erhvervsstyrelsimit tiguneqarsimassaaq aningaasaatinik piginneqataassutit akilernerqarnissaannut piffissaliussap naaneraniit imaluunniit akiliisoqarneraniit kingusinnerpaamik sapaatit akunneri tallimat qaangiutsinnagit.

*Imm. 2.* Akiitsut allagartaannik imaluunniit suliffeqarfiup allineqarnerani piginneqataassutininik nuunneqarsinnaasunik atulersitsineq taakkunungalu atasunik malittarisassanik allanngineq pillugu, §§ 168 aamma 170 tak., ataatsimeersuartut imaluunniit qitiusumik aqutsisut aalajangiinerannik nalunaarsuineq imaluunniit nalunaarsorneqarnissaanut nalunaaruteqarneq Erhvervsstyrelsimit tiguneqarsimassaaq aalajangiisoqarneraniit kingusinnerpaamik sapaatit akunneri tallimat qaangiutsinnagit.

**§ 174.** Aningaasaatinik qaffaanerup naammassineqarneranik nalunaarsuineq imaluunniit nalunaarsorneqarnissaanut nalunaaruteqarneq, peqqussut manna, § 33 tak., imaluunniit malittarisassat naapertorlugit akilernerqarsimasussaaq ingerlatseqatigiiffiup aningaasaatai sinnerlugit naleq akilernerqareertinnagu, nalunaarsorneqassanngilaq. Aningaasaannarnik aningaasaatinik qaffaanermik nalunaarsuinermit imaluunniit nalunaaruteqarnermi, aningaasaatit aamma naliusut sinneqartuusinnaasut ingerlatsivimmut akiliutigineqarsimanerannut uppersaammik nassiussisoqassaaq kingusinnerpaamik piffissami nalunaarsuiffimmi imaluunniit nalunaaruteqarnermi.

*Imm. 2.* Aningaasaatinik piginneqataassutit nutaat piffissamiit aningaasaatit qaffannerisa nalunaarsorneqarneranniit iluanaaruteqarnissamut allanullu pisinnaatitaaffinnut pisinnaatitsilissapput, qaffaanermik aalajangiinermit allamik aalajangiisoqarsimanngippat. Pisinnaatitaaffiilli nalunaarsorneqarnermiit kingusinnerpaamik qaammatit aqqaneq marluk kingorna atuutilissapput.

*Imm. 3.* Nalunaarsuineq pereerpat ingerlatseqatigiiffiup aningaasaatai aningaasaatit qaffannerisa tamarmiusumik nalinganik qaffanneqarsimasutut isigineqassapput.

**§ 175.** Qitiusumik aqutsisut ukiup naatsorsuusiorfiusup naaneraniit kingusinnerpaamik sapaatit akunneri arfineq marluk qaangiutsinnagit aningaasaatit ukiumi qanoq

annertutigisumik qaffanneqarsimanersut nalunaarsussavaat imaluunniit nalunaarutigalugit

1) aningaasaatinik piginneqataassutini pisiumaneq akiitsut allagartaannik imaluunniit suliffeqarfiup allineqarnerani piginneqataassutini nuunneqarsinnaasut tunngavigalugit pisimappat,

2) aalajangiinermi aalajangerneqartumi pisiumanissamut piffissaliussaq qaammatinik aqqaneq marlunnik siviluneruppat aamma

3) aningaasaatit qaffannerinut aningaasat minnerpaaffissaannik aalajangigaq pisiariumaneqarsimappat akilerneqarsimallunilu, § 33 tak.

*Imm. 2.* Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

*Imm. 3.* Imm. 1 naapertorlugu nalunaarsuineq imaluunniit nalunaarsuinissamut nalunaaruteqarneq pisiumanissamut piffissaliussaq naaneraniit, imaluunniit nalunaarsorneqarnissap itigartinneqarnerannit kingusinnerpaamik sapaatit akunneri arfineq marluk qaangiutsinnagit Erhvervsstyrelsimit tiguneqarsimanngippat aningaasat akilereerneqarsimasut utertillugit akilerneqassapput, § 177, imm. 3 tak.

**§ 176** Akiitsut allagartaannik imaluunniit suliffeqarfiup allineqarnerani piginneqataassutini nuunneqarsinnaasut nuunneqarnissaannut piffissaliussaq naappat akiitsut allagartaannik imaluunniit suliffeqarfiup allineqarnerani piginneqataassutini nuunneqarsinnaasut atulersinneqarsimasunit aningaasat qanoq annertutigisut aningaasaatinik piginneqataassutini paarlaanneqarsimanersut qitiusumik aqutsisut piaarnerpaamik Erhvervsstyrelsimut nalunaarsussavaat imaluunniit nalunaarutigalugit. Iluaquteqarnissamut piffissaq qaammatinik aqqaneq marlunnik siviluneruppat qitiusumik aqutsisut nalunaarsuineri isumaginissapput imaluunniit § 175-mi maleruagassat malillugit nalunaaruteqarlutik.

*Imm. 2.* Aningaasaatit qaffannerisa kingunerisaanik pisariaqartunik malittarisassanik qitiusumik aqutsisut allannguisinnaapput.

#### *Aningaasaatinik qaffaaneq pillugu aalajangiinerup atorunnaarnera*

**§ 177** Aningaasaatinik qaffaaneq pillugu aalajangiineq nalunaarsorneqarnissaq itigartinneqarpat atorunnaassaaq.

*Imm. 2.* Aalajangiineq aamma atorunnaassaaq nalunaarsorneqarneq imaluunniit nalunaaruteqarneq aalajangiinermiit kingusinnerpaamik qaammatit aqqaneq marluk qaangiutsinnagit tiguneqarsimanngippat.

*Imm. 3.* Aningaasaatinik qaffaaneq pillugu aalajangerneq nalunaarsorneqanngippat aningaasat akiliutigineqareersimasut aningaasartuutini ilanngaateqartinnagit sapinngisamik piaarnerpaamik utertillugit akilerneqassapput, aamma aningaasaanngitsut allat nalillit sapinngisamik piaarnerpaamik utertillugit tunniunneqarlutik.

#### *Akiitsut allagartaat iluanaaruteqartitsisut*

**§ 178** Ataatsimeersuartut nalinginnaasumik amerlanerussuteqarlutik, § 105 tak., akiitsut allagartaannik ernialersorneqarsinnaasunik atulersitsisoqarneratigut taarsigassarsisoqarnissaa pillugu aalajangiisnaapput, annertussusaa, ingerlatseqatigiiffiup aningaasaliiffiusup aningaasaatinik piginneqataassutit iluanaarutaannit iluanaarutit, imaluunniit ukiumi sinneqartoortut tamakkiisumik ilaannakuusumilluunniit apeqqutaatillugit.

*Imm. 2.* Imm. 1 malillugu taarsigassarsinissamut ataatsimeersuartut aamma qitiusumik aqutsisunut piginnaatitsisnaapput. Piginnaatitsissut piffissamut ataatsimut arlalinnuunniit ukiut tallimakkaarlugit tikillugit tunniunneqarsinnaavoq.

## Kapitali 11

### *Aningaasaatinik agguaassineq*

**§ 179.** Ingerlatseqatigiiffiup aningaasaataanik aningaasaatinik piginnittunut agguaasiisoqarsinnaavoq taamaallaat

- 1) ukiumoortumik naatsorsuutit kingulliit akuersissutigisat tunngavigalugit iluanaarutitut, tak kap. 14,
- 2) immikkut ittumik iluanaarutitut, tak. §§ 182 aamma 183,
- 3) ingerlatseqatigiiffiup aningaasaataanik appartitsinermut atatillugu tunniussinertut, tak. §§ 185-193 imaluunniit
- 4) ingerlatseqatigiiffiup atorunnaarsinneqarneranut atatillugu tunniussinertut, tak. kapitali 14.

*Imm. 2.* Ingerlatseqatigiiffiup, aamma ingerlatseqatigiiffinni piginnittuni suliffeqarfissuup aningaasatigut inissisimanera sillimaffigalugu illersorneqarsinnaasumik sippuinnigsumik tunniussisoqarnissaanut ingerlatseqatigiiffiup qitiusumik aqutsisui akisussaapput, aamma ingerlatseqatigiiffimmut imaluunniit taassuma akiligassaqaarfinit ajoqusiinnigsumik, § 115, nr. 5, aamma § 116, nr. 5 tak. Qitiusumik aqutsisut aamma akisussaaffigivaat tunniusereernerup kingorna ingerlatseqatigiiffiup aningaasaataanut aamma inatsisit imaluunniit malittarisassat naapertorlugit pituttorneqarsimasunut sillimmatinut matussutissaqarnissaa.

### *Iluanaarutininik nalinginnaasunik tunniussineq*

**§ 180** Iluanaarutininik tunniussinermi, ukiumoortumik naatsorsuutit kingorna aningaasat pissarsiffiusinnaasut agguarnissaat pillugu ataatsimeersuartut aalajangiissapput. Ingerlatseqatigiiffiup qitiusumik aqutsisuinit siunnersuutigineqartunit imaluunniit akuerineqartunit qaffasinnerusunik iluanaarutininik tunniussisoqarnissaanik ataatsimeersuartut aalajangiisinnaanngillat.

*Imm. 2.* Iluanaarutitut taamaallaat atorneqarsinnaapput sillimmatit killilersorneqanngitsut, tassani paasineqarluni aningaasat, ingerlatseqatigiiffiup kingullermik ukiumoortumik naatsorsuutaanik akuerineqartumik sinneqartoorutitut nuunneqartutut allanneqartut, aamma sillimmatit inatsit imaluunniit malittarisassat naapertorlugit pituttorneqarsimanngitsut, amigartoorutit nuunneqartut ilanngatigalugit.

**§ 181** Iluanaarutininik akiliineq aningaasaanngitsunik nalilinnik allanik pippat nalilersuinerminik nassuiaasiortoqassaaq, §§ 36 aamma 37 tak. Iluanaarutini aningaasat tunniunneqartut minnerpaamik aningaasaanngitsunik nalilinnik allanik nalilernerqartunut naapertuunneri naliliisartup nalunaaruteqarnerani allanneqassaaq. § 36, imm. 3 malillugu oqimaaqatigiissitsineq suliffeqarfimmut tunniussisumut tigusinermi oqimaaqatigiissitsineq suliarineqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartutut pigisanik nalilinnik tunniussinermi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfiani nalunaarut tamanut saqqummiunneqassaaq, § 9, imm. 3 tak.

*Immikkut ittumik iluanaarutinin tunniussineq*

**§ 182** Ingerlatseqatigiiffik siullermeertumik ukiumoortumik nalunaarusiamik saqqummiussereerpat immikkut ittumik iluanaarutinin tunniussinissaq pillugu ataatsimeersuartut aalajangiisinnaapput. Ingerlatseqatigiiffiup qitiusumik aqutsisunit siunnersuutigineqartunit imaluunniit akuerineqartunit qaffasinnerusunik iluanaarutinin tunniussisoqarnissaanik ataatsimeersuartut aalajangiisinnaanngillat.

*Imm. 2.* Siullermeertumik ukiumoortumik nalunaarusiamik saqqummiussereerpata immikkut ittumik iluanaarutinin tunniussinissaq pillugu aalajangiinissamut ingerlatseqatigiiffimmi qitiusumik aqutsisut ataatsimeersuartunit piginnaatinneqarsinnaapput. Piginnaatitsissut aningaasaqarnikkut piffissakkullu killiliinernik imaqarsinnaavoq.

*Imm. 3.* Imm. 1 aamma 2 malillugu immikkut ittumik iluanaarutit taamaallaat atorpeqassapput aningaasat § 180, imm. 2-mut ilaasut kiisalu sinneqartoortutigineqartut aamma piffissamiit kingullermik ukiumoortumik nalunaarusiamit saqqummiunneqartumiit pilersinneqartut imaluunniit atugassanngortinneqartut sillimmatit killilersorneqanngitsut, aningaasat tunniunneqarsimanngippata, atorpeqarsimanngippata imaluunniit pituttorneqarsimanngippata.

**§ 183** Aktieselskabini immikkut ittumik iluanaarutinin tunniussinissaq pillugu aalajangiineq tamatigut pigisanik nalilinnik akiligassanillu naatsorsuineramik ilanngussiffigineqartassaaq. Qitiusumik aqutsisut naliliissapput ukiumi naatsorsuusiortiusumit kingullermiit pigisanik nalilinnik akiligassanillu naatsorsuinerup ilanngunneqarnera illersorneqarsinnaanersoq, imaluunniit tunniussinissamut aningaasanik naammattunik peqarneranik takutitsisumik akunnerinnarmi pigisanik nalilinnik akiligassanillu naatsorsuineramik suliaqartoqassanersoq, taamaattoorli imm. 2 tak.

*Imm. 2.* Imm. 1 apequtaatinnagu aktieselskabini, immikkut ittumik iluanaarutinin tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinermit qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik akiligassanillu naatsorsuineramik suliaqartoqartassaaq.

*Imm. 3.* Anpartsselskabini qitiusumik aqutsisut naliliissapput imm. 1 malillugu aalajangiinermit pigisanik nalilinnik akiligassanillu naatsorsuineq ilanngunneqassanersoq. Anpartsselskabini immikkut ittumik iluanaarutinin tunniussinissaq pillugu aalajangiineq ingerlatseqatigiiffiup kingullermik ukiumoortumik nalunaarusiaani akuerineqartumi ullormit pigisanik nalilinnik akiligassanillu naatsorsuinermit qaammatit arfinillit qaangiutereerneranni aalajangiiffigineqartumi tamatigut tunniussinissamut aningaasanik naammattunik peqarneranik takutitsisumik akunnerinnaani pigisanik nalilinnik akiligassanillu naatsorsuineramik suliaqartoqartassaaq.

*Imm. 4.* Imm. 1-3 malillugu akunnerinnaani pigisanik nalilinnik akiligassanillu naatsorsuineramik suliaqartoqarpat akunnerinnaani pigisanik nalilinnik akiligassanillu naatsorsuineq kukkunersuiusumit misissorneqarsimassaaq, ingerlatseqatigiiffik kukkunersuiisoqarnissaanik pisussaaffigineqarpat. Akunnerinnaani pigisanik nalilinnik akiligassanillu naatsorsuineq ingerlatseqatigiiffiup aningaasaliiffiusup ukiumoortumik nalunaarusiornerani maleruagassat atorpeqartut malillugit suliarineqassaaq. Akunnerinnaani pigisanik nalilinnik akiligassanillu naatsorsuineq, immikkut ittumik iluanaarutinin



tunniussinissaq pillugu aalajangiineq sioqqullugu qaammatinik arfinilinnik ungasinnerusumik ullormik pigisanik nalilinnik akiligassanillu naatsorsuiffeqassanngilaq.

*Imm. 5.* Immikkut ittunik iluanaarutininik akiliineq aningaasaanngitsunik nalilinnik allanik pippat nalilersuinerminik nassuiaasiortoqassaaq, §§ 36 aamma 37 tak. Iluanaarutini aningaasat tunniunneqartut minnerpaamik aningaasaanngitsunik nalilinnik allanik nalilernerqartunut naapertuunneri naliliisartup nalunaaruteqarnerani allanneqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartutut pigisanik nalilinnik tunniussinermi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsip qarasaasiaqarfiani nalunaarut tamanut saqqummiunneqassaaq, § 9, imm. 3 tak. § 36, imm. 3 malillugu pigisanik nalilinnik akiligassanillu naatsorsuineq suliffeqarfimmut tiguneqartumut tigusinermin pigisanik nalilinnik akiligassanillu naatsorsuinerut suliarineqassaaq.

*Imm. 6.* Immikkut ittunik iluanaarutininik tunniussinissaq pillugu qitiusumik aqutsisut aalajangiinerit allataavinnut ilanngunneqassaaq. Ukiumut naatsorsuusiortifiusumut kingullermut akunnerinnaani pigisanik nalilinnik akiligassanillu naatsorsuineq imaluunniit oqimaatigiissitsineq aalajangiinerut ilanngussatut allattaavimmi ilaassaaq.

#### *Iluanaaruteqarnermi paasissutissiinissamut immikkut piussaaffiit*

**§ 184** Aktieselskabi, kunngip peqqussuteqarneratigut Kalaallit Nunaannut atulersinneqartumi pappialanut aningaasanik nalilinnik niuerneq il.il. pillugu inatsimmi kapitali 8 naapertorlugu atulersinneqartunut maleruagassanut ilaasoq, ingerlatseqatigiiffiup tiguneqarnerata naammassineraniit qaammatini siullerni aqqaneq marlunni neqerooruteqartumut imaluunniit taassuma qanigisaanut ingerlatseqatigiiffiup aningaasaataanik agguasseqqusaanngilaq.

*Imm. 2.* Imm. 1 apeqqutaatinnaguli neqerooruteqartoq tunniussineq aamma kunngip peqqussuteqarneratigut Kalaallit Nunaannut atulersinneqartumik pappialanik aningaasanik nalilinnik niuerneq il.il. pillugu inatsimmi tamanna pillugu maleruagassat naapertorlugit suliarineqartussami neqerooruteqarluni allakkami tamanna pillugu erseqqinnerusumik piumasagaatit pillugit paasissutissiisimappat tunniussisoqarsinnaavoq. Piffissap tunniussinerup kingorna ingerlatseqatigiiffiup aningaasatigut inissisimanerata ataatsimut isigalugu pitsaanerulerneranik tunniussineq qaangiinnigippat, aamma tunniussineq neqerooruteqarnermi allakkap suliarineqarnerani neqerooruteqartumut naatsorsuutigineqarsinnaanngippat paasissutissiisoqassanngilaq.

#### *Aningaasaatit appartinneri pillugit aalajangiineq*

**§ 185** Aningaasaatinik qaffaaneq pillugu aalajangiinerni suleriaaseq pillugu § 156-mi aalajangersakkat taamaaqataanik aktieselskabini aningaasaatinik appaaneq pillugu aalajangiinerni atorineqassapput.

**§ 186** Ingerlatseqatigiiffiup aningaasaataanik appaaneq pillugu aalajangiineq malittarisassanik allannguinermin pisariaqartunik taasinernik amerlanerussuteqarfiusumik ataatsimeersuarnermin aalajangerneqassaaq.

**§ 187** Anpartsselskabini ataatsimeersuartut malittarisassani aalajangersakkatigut aningaasat aalajangersimasut tikillugit aningaasaatinik appartitsinerup naammassineqarnissaanut qitiusumik aqutsisut piginnaatinneqarsinnaapput.

*Imm. 2.* Akiligassa qarfinut nalunaaruteqarneq, § 192 tak., tamanut saqqummiunneqassaaq piginnaatitsinerup ator neqarnissaa pillugu qitiusumik aqutsisut aalajangiineranniit kingusinnerpaamik sapaatit akunneri tallimat qaangiutsinnagit pissaaq.

**§ 188.** Aningaasaatinik appaaneq pillugu aalajangiiner mi, aningaasat ingerlatseqatigiiffiup aningaasaataani appartitsissutaasussat kiisalu aningaasat siunertat ukununga sorlernut ator neqarnissaat allanneqassapput:

- 1) Amigartoorutitut matussutissat,
- 2) aningaasaatinik piginnittunut akiliineq imaluunniit
- 3) immikkut sillimmatissanut immikkoortitsineq.

*Imm. 2.* Ingerlatseqatigiiffiup aningaasaliiffiusup aningaasaataanik tunniussineq aningaasanik appartitsissutaasunit aningaasanik qaffasinnerusunik pissappat sinnerlugu naleq allallugu aalangiineq ilisimatitsissutigineqassaaq.

*Imm. 3.* Akiliiner mut imaluunniit immikkut sillimmatitut immikkoortitsiner mut aningaasaatinik appaaner it kisimik, imm. 1, nr. 2 aamma 3 tak., naleq inorlugu pisinnaapput.

**§ 189.** Aningaasat appartitsissutaasut aningaasaatinik piginnittunut tunniunneqartussat imaluunniit immikkut sillimmatitut immikkoortitsiner mut ator neqassanersut pillugu taamaallaat ataatsimeersuartut aalajangiisinnaapput, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup qitiusumik aqutsisui tamanna pillugu siunnersuuteqarpata imaluunniit akuersippata.

*Imm. 2.* Imm. 1 malillugu aningaasaatinik appaaneq aningaasaatinik piginneqataassutit nalinginit appasinnerusunut naleqartillugu pippat aningaasat sinneruttut aningaasaatinik piginneqataassutit nalingitut ingerlatseqatigiiffiup sillimmataanut killilersorneqanngitsunut nuunneqassapput.

**§ 190.** Aningaasaatinik appaaneq aningaasaanngitsunik nalilinnut allanut tunniussisoqarneratigut aningaasaatinik piginnittunut tunniussisoqartillugu piffissami aalajangiiffiusumi nalilersuiner mik nassuiaasiortoqassaaq, §§ 36 aamma 37 tak.

*Imm. 2.* Nalilersuiner mik nassuiaamm i nalunaarummi, § 36, imm. 1, nr. 4 tak., allanneqassaaq aningaasaatinik appaaneq piffissami aalajangiiner mi naleq sinnerlugu tapeqartoq tunniunneqartup nalinganut imaluunniit aningaasaanngitsunik nalillit allat tunniunneqartut nalingitut minnerpaamik naapertuuttoq. § 36, imm. 3 malillugu pigisanik nalilinnik akiligassanillu naatsorsuineq suliffeqarfimmut tunniussisumut tigusiner mi pigisanik nalilinnik akiligassanillu naatsorsuineq suliarineqassaaq. § 38. imm. 2-mi maleruagassat malillugit qitiusumik aqutsisup suliaqarlutillu nassiussippata § 38. imm. 1-mi eqqaaneqartutut pigisanik nalilinnik tunniussiner mi naliliisartup nassuiaasiortoqassanngilaq. Qitiusumik aqutsisut tunniussineq pillugu aalajangeereernerup kingusinnerpaamik sapaatit akunneri tallimat kingorna Erhvervsstyrelsi qarasaasiaqarfiani nalunaarut tamanut saqqummiunneqassaaq, § 9, imm. 3 tak.

#### *Aningaasaatinik appartitsinerup nalunaarutiginera*

**§ 191.** Aningaasaatinik appaaneq pillugu aalajangiineq nalunaarsorneqassaaq imaluunniit nalunaarsornissaanut nalunaarutigineqassaaq, § 9 tak., aalajangiisoqarneraniit kingusinnerpaamik sapaatit akunneri tallimat qaangiutsinnagit. Aalajangiinerup atuuttuunini

annaassavaa taanna piffissaliussap iluani Erhvervsstyrelsimi nalunaarsorneqanngippat imaluunniit nalunaarsornissaanut nalunaarutigineqanngippat.

*Akiligassa qarfinnut kaammattuineq*

**§ 192** Aningaasaatinik appaanerit aningaasaatinik piginnittunut akilerneqarnerini imaluunniit immikkut sillimmatinut immikkoortinnerini, § 188, imm. 1, nr. 2 aamma 3 tak., ingerlatseqatigiiffiup aningaasaliiffiusup akiligassa qarfi kaammattorneqassapput piffissaliussap sapaatit akunneri arfineq marluk iluanni piumasaqaatitik ingerlatseqatigiiffimmut nalunaarutigissagaat. Tamanna pissaaq Erhvervsstyrelsimi nalunaarsorneqarnikkut aamma ingerlatseqatigiiffiup aningaasaataanik appaaneq pillugu qitiusumik aqutsisut aalajangiinnerannik tamanut saqqummiussisoqarneratigut.

*Imm. 2.* Aningaasaatit peqatigisaanik aningaasat nalinginik minnerpaamik pisiumasoqarneratigut aningaasat appatitsissutaasut sinnerlugu naleqartillugit minnerpaamik qaffanneqarpata imm. 1 naaprtorlugu akiligassa qarfinnut kaammattuisoqassanngilaq.

*Imm. 3.* (Atorunnaarpoq)

*Aningaasaatinik appaanerup naammassineqarnera*

**§ 193** Akiligassa qarfiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaannut piffissaliussaq naappat, § 192 tak., aningaasaatinik piginnittunut akiliinissamut imaluunniit immikkut sillimmatinut immikkoortitsinnermut aningaasaatinik appaanerup naammassineqarnissaa pillugu qitiusumik aqutsisut aalajangiisinnaapput, aningaasaatinik appaanerup naammassineqarnissaa illersorneqarsinnaappat, § 115, nr. 5, § 116, nr. 5, aamma § 118, imm. 2, oqaaseqatigiit appaat tak., taamaattoqli imm. 4 tak.

*Imm. 2.* Akiligassa qarfiit ingerlatseqatigiiffimmut aningaasaliiffiusumut piumasaqaatiminnik nalunaaruteqarnissaannut piffissaliussap naaneraniit sapaatit akunneri arfineq marluk kingorna aningaasaatinik piginnittunut akiliinissamut imaluunniit immikkut sillimmatinut immikkoortitsinnermut aningaasaatinik appaanerup naammassineqarnera pillugu siumoortumik ilisimatitseqqaarnani Erhvervsstyrelsimi nalunaarsorneqarsinnaavoq, aningaasaatinik appaaneq pillugu aalajangiinnerup atorunnaarsinnissaa pillugu tamanna sioqqullugu ingerlatseqatigiiffiup nalunaarsorsimanngippagu imaluunniit nalunaarsorneqartussatut nalunaarutigisimanngippagu, imm. 3 tak., imaluunniit aningaasaatinik appaaneq kingornatigut Erhvervsstyrelsimi nalunaarsorneqarneratigut imaluunniit nalunaarsorneqartussatut nalunaarutigineqarneratigut aatsaat naammassineqanngippat, imm. 4 aamma 5 tak. Aningaasaatinik appaaneq pillugu aalajangiinnerup nalunaarsorneqarnerata kingorna ingerlatseqatigiiffimmi aningaasaliiffiusumut tunngasunik allannguinerit ilai, § 191 tak., kingunerissagaat aningaasaatinik appaaneq pillugu aalajangiineq atorunnaarsinneqassasoq, imaluunniit aningaasaatinik appaaneq kingornatigut Erhvervsstyrelsimi nalunaarsorneqarnermigut imaluunniit nalunaarsorneqartussatut nalunaarutigineqarneratigut aningaasaatinik appaaneq naammassineqartoq pillugu maleruagassanik Erhvervsstyrelsi aalajangersaasinnaavoq.

*Imm. 3.* Aningaasaatinik piginnittunut akiliinissamut imaluunniit immikkut sillimmatinut immikkoortitsinnermut aningaasaatinik appaaneq tamanut saqqummiunneqartumut naapertuuttumik naammassineqanngippat, § 192 tak., imaluunniit aningaasaatinik appaanerup naammassineqarnissaa illersorneqarsinnaanngippat, § 115, nr. 5, § 116, nr. 5 aamma § 118, imm. 2, oqaaseqatigiit appaat tak., imm. 2, oqaaseqatigiinni siullerni piffissaliussap naannginnerani qitiusumik aqutsisut aningaasaatinik appaaneq pillugu aalajangiinnerup atorunnaarsinnera nalunaarsussavaat imaluunniit nalunaarsorneqartussatut nalunaarutigalugu.

*Imm. 4.* Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq naammassineqassanngilaq piumasaqaatit akilerneqartussat naammassineqarsimanngitsut nalunaarutigineqarpata aamma piumasaqaatinut akilerneqarsimanngitsunut imaluunniit isumaqatigiinngissutaasunut piumasarineqartumik isumannaatsumik qularnaveeqqusiisoqarsimanngippat. Qularnaveeqqusiinissamut neqeroorutigineqartoq toqqissisimanartutut isigineqarsinnaanersoq illuatungeriit arlaata piumasaqarneratigut Erhvervsstyrelsimit aalajangiiffigineqassaaq.

*Imm. 5.* Aningaasaatinik piginnittunut akiliinissamut imaluunniit immikkut sillimmatinut immikkoortitsinermut aningaasaatinik appaaneq nalunaarsorneqassaaq imaluunniit nalunaarsorneqatussatut nalunaarutigineqassaaq, § 9 tak., kingusinnerpaamik aningaasaatit appartinneqarnissaat pillugu piffissami aalajangiinnermi ukiumoortumik nalunaarusiamik nassiussinissamut piffissaliussap naanerani, taamaattoorli aningaasaatit appartinneqarnissaat pillugu aalajangiinnermiit kingusinnerpaamik ukioq ataaseq qaangiutsinnagu. Piffissaliussaq qaangerneqarpat aningaasaatinik appaanerup naammassineqarnissaa pillugu aalajangiinnerup atuuttuunera annaaneqassaaq.

#### *Aningaasanik utertitsineq*

**§ 194** Aningaasaatinik piginnittunut peqqussummi matumani aalajangersakkanut akerliusumik aningaasanik utertitsisoqarsimappat taakku aningaasanik utertitsillutik akiliissapput aammattaaq kunngip peqqussuteqarneratigut Kalaallit Nunaannut atulersinneqartumi kingusinaartumik akiliinnermi erniat il.il. pillugit inatsimmi § 5, imm, 1 aamma 2 malillugu aalajangersarneqartumut ernianut naapertuuttumik aningaasat ukiumut ernialerneqarlutik, 2 pct.-imik ilaneqartumik. Iluanaarutinik utertitsinermili tamanna taamaallaat atuutissaaq aningaasaatinik piginnittup aningaasanik tunniussineq inatsisinut naapertuutinnitsoq paasisimappagu imaluunniit paasisimasussaagaluarpagu.

*Imm. 2.* Aningaasat akilersinneqarsinnaanngippata, imaluunniit aningaasaatinik piginnittoq utertitsilluni akiliinissamut pisussaaqqanngippat, utertitsinissaq pillugu aalajangiinnermut imaluunniit taakku naammassineqarnissaannut peqataasimasut imaluunniit naatsorsuutit eqqunngitsumik naatsorsornerinik saqqummiisimasut imaluunniit akuersisimasut taarsiisoqarnissaanut maleruagassat nalinginnaasut malillugut akisussaapput.

#### *Nalinginnarmik iluaqutaasussat tunissutit*

**§ 195** Nalinginnarmik iluaqutaasunut imaluunniit taamaaqataanut siunertanut, tunissummi siunertaq, ingerlatseqatigiiffiup aningaasatigut inissisimanera allatigullu pissutsit eqqarsaatigalugit naammaginartutut isigineqarsinnaasunik tunissutinut ingerlatseqatigiiffiup aningaasaliiffiusup aningaasaatai atorineqarsinnaasut ataatsimeersuartut aalajangiisinnaapput. Oqaaseqatigiinni siullerni siunertanut taaneqartumut, ingerlatseqatigiiffiup aningaasaqarnikkut inissisimaneranut naleqqiullugu pingaaruteqarpiannngitsunik aningaasanik qitiusumik aqutsisut atuisinnaapput.

### Kapitali 12

#### *Aningaasaatinik nammineq piginneqataassutit*

*Aningaasaatinik nammineq piginneqataassutininik pigisassanik imaluunnit qularnaveeqqutinik pissarsineq*

**§ 196** Ingerlatseqatigiiffik aningaasaliiffiusoq namminerisaminik aningaasaatinik piginneqataassutininik tamakkiisumik akilerneqarsimasunit taamaallaat pissarsisinnaavoq. Tamanna pisinnaavoq pigisatut kiisalu qularnaveeqqusiinertut.

*Aningaasaatinik nammineq piginneqataassutininik akiliuteqarluni pissarsineq*

**§ 197.** Ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut pissarsiguni, ingerlatseqatigiiffik iluanaarutitut tunniunneqarsinnaasut atorneqarsinnaasut aningaasat taamaallaat tassunga atussavai, § 180, imm. 2 tak. Aningaasaatinik nammineq piginneqataassutininik ingerlatseqatigiiffiup uninngasuutai ingerlatseqatigiiffiup aningaasaataanut piumasaqaatit eqqortinneqarsimanersut pillugit nalilersuinermi ilanngaatineqassapput, § 4 tak.

*Imm. 2.* Aningaasaatinik nammineq piginneqataassutini uninngasuutini akuerisanut ilanngullugit naatsorsorneqassapput aningaasaatinik piginneqataassutit allap atia atorlugu, kisianni ingerlatseqatigiiffiup akiligaanik pissarsiarineqarsimasut.

**§ 198.** Ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut pissarsineq taamaallaat pisinnaavoq ataatsimeersuarnermiit ingerlatseqatigiiffiup aningaasaliiffiusup qitiusumik aqutsisuinut piginnaatitsisoqarneratigut, taamaattorli § 199 tak.

*Imm. 2.* Piginnaatitsineq taamaallaat piffissamut aalajangersimasumut tunniunneqarsinnaavoq ukiunik tallimanik sivisunerussanngitsoq.

*Imm. 3.* Piginnaatitsissummi allanneqassaaq

- 1) aningaasaatinik namminerisamik piginneqataassutit naliisa annertunerpaaffigisinnaasaat, aamma
- 2) ingerlatseqatigiiffiup aningaasaatinik piginneqataassutitut akiliutigisinnaasai aningaasat annikinnerpaaffissaat annertunerpaaffissaallu.

**§ 199.** Ingerlatseqatigiiffimmut aningaasaliisumut annertuumik aarlerinartumillu ajoqusiinerup pinngitsoortinnissaa pisariaqassappat ingerlatseqatigiiffik aningaasaliiffiusoq sinnerlugu qitiusumik aqutsisut ataatsimeersuartunit piginnaatitsinertanngitsumik §§ 196-198 malillugu ingerlatseqatigiiffik aningaasaliiffiusoq namminerisaminik aningaasaatinik piginneqataassutininik akiliuteqarnikkut qitiusumik aqutsisut pissarsisinnaapput.

*Imm. 2.* Qitiusumik aqutsisut, imm. 1 malillugu ingerlatseqatigiiffik aningaasaliiffiusoq aningaasaatinik namminerisamik pigisanik pissarsissappat ataatsimeersuarnermi siullermi uku pillugit nalunaaruteqassaaq

- 1) pissarsisimanernut tunuliaqutaasut siunertaasullu,
- 2) aningaasaatinik piginneqataassutinit pissarsiarisat amerlassusaat nalingallu,
- 3) aningaasaatinik namminerisamik piginneqataassutit ingerlatseqatigiiffiup aningaasaliiffiusup pissarsiarisimasai qanoq annertutiginersut, aamma
- 4) aningaasaatinik piginneqataassutigineqartut pissarsiarineqartut pillugit akiliutit.

**§ 200.** §§ 196-198 apeqqutaatinnagit aningaasaatinik namminerisamik piginneqataassutininik ingerlatseqatigiiffiup aningaasaliiffiusoq toqqaannartumik imaluunniit toqqaannanngitsumik pissarsisinnaavoq

- 1) kapitali 11 malillugu ingerlatseqatigiiffiup aningaasaataanik appartitsinermut atasumik,
- 2) kattunnermi, agguataarinermi allatigullu annertuutigut kingornussinermi pigisatigut iluanaarutitut ikaarsaarnermut atasumik,
- 3) inatsisitigut aalajangerneqartumik aningaasanngortitsinissamut pisussaaffiup naammassineranut, imaluunniit

4) pissarsiassap ingerlatseqatigiiffiummit pissarsiarineqartussap naammassineqarnissaanut pinngitsaaliilluni akitsorterussinermi aningaasaatinik piginneqataassutit tamakkiisumik akilernerqarsimasut akilernerqarnerinut.

*Ingerlatseqatigiiffimmi piginnittumi aningaasaatinik piginneqaraassutininik  
ingerlatseqatigiiffiup pigineqartup pissarsinera*

**§ 201** §§ 196-200 ingerlatseqatigiiffiup pigineqartup pigisassatut imaluunniit qularnaveeqqusiinertut ingerlatseqatigiiffimmi piginnittumi aningaasaatinik piginneqataassutininik pissarsineranut taamaataanik atornerqarput.

*Aningaasaatinik piginneqataassutit pissarsiarineqarsimasut tunineqarneri*

**§ 202** Aningaasaatinik piginneqataassutit, § 196 naapertorlugu akissarsiaqartitsinani pissarsiarineqarsimasut aamma aningaasaatinik piginneqataassutit § 200, n. 2-4 naapertorlugu pissarsiarineqarsimasut tuniniarneqassapput tamanna ingerlatseqatigiiffimmut aningaasaliiffiusumut akornusiinani pisinnaalerpat, taamaattorli imm. 2 tak.

*Imm. 2.* Tunisineq pissaaq pissarsereernermit kingusinnerpaamik ukiut pingasut qaangiutsinnagit, ingerlatseqatigiiffiup nalinga taassumalu ingerlatseqatigiiffiini pigisaani ingerlatseqatigiiffimmi aningaasaliiffiusumi piginneqataassutinit uninngasuutit tamarmiusut ingerlatseqatigiiffiup sillimmataanit killilersorneqanngitsunit annerunngippata.

**§ 203** Aningaasaatinik piginneqataassutit pigisassat, §§ 196-201-mut akerliusumik pigilernerqarsimasut, piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini tunineqassapput.

*Imm. 2.* Aningaasaatinik piginneqataassutit qularnaveeqqutigisat §§ 196-201-imut akerliusumik pissarsiarineqarsimappata qularnaveeqqusiisimaneq piaarnerpaamik aamma pissarsereernerup kingusinnerpaamik qaammatit arfinillit qaangiutinnginnerini atorunnaarsinneqassapput.

**§ 204** Aningaasaatinik piginneqataassutit §§ 202 aamma 203 malillugu tunineqarsimanngippata ingerlatseqatigiiffiup aningaasaliiffiusup qitiusumik aqutsisui suliniuteqarnerisigut aningaasaatinik piginneqataassutit taakku nalinginut ingerlatseqatigiiffiup aningaasaatai appartinneqassapput, kapitali 11 tak.

*Namminerisamik aningaasaatinik piginneqataassutininik pisiumalluni nalunaarneq*

**§ 205** Ingerlatseqatigiiffik aningaasaliiffiusoq aningaasaatinik namminerisamik piginneqataassutissanik pisiumalluni nalunaaruteqassanngilaq.

*Imm. 2.* Aningaasaatinik piginneqataassutit, allap atianut allamit pisiariumallugit nalunaarutigineqartut, kisianni ingerlatseqatigiiffiup akiligassai, allap akiligaatut pisiariumaneqartutut isigineqarput.

*Imm. 3.* Aningaasaatinik piginneqataassutit, imm. 1-mut akerliusumik ingerlatseqatigiiffiup atianut pisiariumallugit nalunaarutigineqartut, pilersitsisunit imaluunniit, ingerlatseqatigiiffiup aningaasaataani qaffaasoqartillugu, ingerlatseqatigiiffiup aqutsisuini ilaasortat nammineq akiligaattut pisiariumaneqartutut isigineqarput taamaalillunilu taakku pisinermi akiliummut nammaqatigiillutik akisussaallutik. Tamannali pilersitsisunut imaluunniit ingerlatseqatigiiffiup aqutsisuini ilaasortanut, aningaasaatinik piginneqataassutininik pisiumalluni nalunaarneq inatsisinik unioqqutitsinerusoq takusimanagu imaluunniit takusimasariaqaralarlugu uppersaasinnasunut atuutinngilaq.

*Imm. 4.* Imm. 1 taamaaqataanik ingerlatseqatigiiffimmi piginnittumi aningaasaatinik piginneqataassutinik ingerlatseqatigiiffiup pisiumaneranut atorneqssaaq. Ingerlatseqatigiiffimmi piginnittumi aningaasaatinik piginneqataassutit pineqartut ingerlatseqatigiiffiup pigineqartup aqutsisuinit pisiariumaneqartutut isigineqarput, imm. 3 tak.

### Kapitali 13

*Ingerlatseqatigiiffiup aningaasaliiffiusup nammineq aningaasaatai atorlugit aningaasatigut ikiuunneq*

#### *Imminut aningaasalersorneq*

**§ 206.** Ingerlatseqatigiiffik aningaasaliiffiusoq ingerlatseqatigiiffimmi imaluunniit taassuma ingerlatseqatigiiffiani piginnittumi aningaasaatinik piginneqataassutinik allap pissarsinissaanut toqqaannartumik toqqaannangitsumilluunniit aningaasanik atugassiissanngilaq, taarsigassarsisitsissanngilaq imaluunniit qularnaveeqqusiissanngilaq, taamaattorli imm. 2 aamma §§ 213 aamma 214 tak.

*Imm. 2.* Imm. 3-mi piumasaqaatit aamma ataatsimeersuarnerup akuersinera, aalajangiinerup illersorneqarsinnaaneranut piumasaqaatit, qitiusumik aqutsisut nassuiaataat pillugu §§ 207-209 aamma niuerfinni piumasaqaatit nalinginnaasut naammassineqarsimappata ingerlatseqatigiiffimmi imaluunniit taassuma ingerlatseqatigiiffiani piginnittumi aningaasaatinik piginneqataassutinik allap pissarsinissaanut atatillugu ingerlatseqatigiiffik aningaasaliiffiusoq toqqaannartumik toqqaannangitsumilluunniit aningaasanik atugassiisinnaavoq, taarsigassarsisitsisinnaavoq imaluunniit qularnaveeqqusiisinnaavoq.

*Imm. 3.* Ingerlatseqatigiiffiup aningaasaatigut ikiuinnermik pissarsisut aningaasanik atorsinnaanerannik tatiginartuunersut naliliiffigineqarnissaat ingerlatseqatigiiffiup aningaasaliiffiusup qitiusumik aqutsisuisa qulakkiissavaat, imm. 2 tak.

**§ 207.** Ataatsimeersuarnerup akuersinera § 206, imm. 2 naapertorlugu aningaasatigut ikiorsiisoqarnissaa sioqqullugu pigineqassaaq. Ataatsimeersuarnerup aalajangiinissaanut atugassamik allakkatigut nassuiaat paasissutissanik makkuninnga imaqartoq ingerlatseqatigiiffiup qitiusumik aqutsisut saqqummiutissavaat

- 1) aningaasatigut ikiorsiinissaq pillugu siunnersuummut tunuliaqutaasoq,
- 2) taamatut iliuuseqarnerup naammassineqarnerani ingerlatseqatigiiffiup soqutigisai,
- 3) naammassinninnermut atasut piumasaqaatit,
- 4) iliuuserisap ingerlatseqatigiiffiup akiliisinnaassusianut akissaqassusianullu kingunerisinnaasaanik nalilersuineq, kiisalu
- 5) akiusoq allap aningaasaatinik piginneqataassutinut akiligassaa.

*Imm. 2.* Ataatsimeersuarnerup akuersineq pillugu aalajangiinera, imm. 1 tak., malittarisassanik allannguissamut piumasarineqartoq assigalugu taamaaqataanik amerlanerussuteqarnikkut aalajangiiffigineqassaaq, § 106 tak.

*Imm. 3.* Nassuiaat, imm. 1 tak., Erhvervsstyrelsen qarasaasiaqarfiani tamanut saqqummiunneqassaaqens imaluunniit tamanut saqqummiunneqarnissaa siunertaralugu, ataatsimeersuarnerup akuersineraniit kingusinnerpaamik sapaatit akunneri tallimat qaangiutsinnagit Erhvervsstyrelsen tiguineqarsimassalluni.

**§ 208.** § 206, imm. 2 malillugu ingerlatseqatigiiffiup aningaasaliiffiusup allamut aningaasatigut ikiorsiinera piffissami qaqugulluunniit ingerlatseqatigiiffiup aningaasaqarnikkut inissisimaneranik eqqarsaatigalugu illersorneqarsinnaasumik

qaangiissanngilaq. Ingerlatseqatigiiffik piginnittoq pineqarpat, §§ 6 aamma 7 tak., aningaasaqarnikkut ikiorsiineq tamarmiisoq suliffeqarfissuup aningaasaqarnikkut inissisimaneranik eqqarsaatigalugu illersorneqarsinnaasumik qaangiissanngilaq. Ingerlatseqatigiiffik aningaasaliiffiusup iluanaarutitut tunniunneqarsinnaasut aningaasat tassunga taamaallaat atorsinnaavai, § 180, imm. 2 tak.

**§ 209** Alla ingerlatseqatigiiffimmit aningaasaliiffiusumit aningaasaqarnikkut ikiorserneqarluni, § 206, imm. 2 tak., ingerlatseqatigiiffimmi aningaasaatinik piginneqataassutitik pissarsippat aningaasaqarnikkut ikiorsiinnermi akiliutigineqartup niuerfimmi piumasaqaatit nalinginnaasut atorlugit pissaaq. Taamaaqataanik atuutissaaq, alla aningaasaatinik piginneqataassutitik pisiumalluni nalunaarpat, § 162 tak., aningaasaatit pisiariuminartut qaffannerinut atasumik.

*Ingerlatseqatigiiffinnut piginnittunut, aningaasaatinik piginnittunut, aqutsisuni ilaasortanut il.il. aningaasatigut ikiorsiineq*

**§ 210** Ingerlatseqatigiiffik aningaasaliiffiusoq aningaasaatinik piginnittunut imaluunniit ingerlatseqatigiiffimmi aqutsisunut toqqaannartumik toqqaannanngitsumilluunniit aningaasanik atugassiissanngilaq, taarsigassarsisitsissanngilaq imaluunniit qularnaveeqqusiissanngilaq, taamaattorli §§ 211-214 tak. Taamaaqataanik aningaasaatinik piginnittunut imaluunniit ingerlatseqatigiiffiup ingerlatseqatigiiffiani piginnittumi aqutsisunut aamma ingerlatseqatigiiffimmi piginnittuunngitsumi suliffeqarfinni allani, ingerlatseqatigiiffik pillugu aalajangiisutut sunniuteqartunut naleqqiullugu atuupput. Aningassalersuisutut ingerlatsivik toqqaannartumik toqqaannanngitsumilluunniit atugassanik illikartitsisinnaavoq, taarsigassarsisitsisinnaalluni imaluunniit qularnaaqqusiisinnalluni aningasalersuutitik piginnittunut imaluunniit ingerlatsivimmi siulersuisunut, imm. 2-mi piumasaqaatit naammassineqarsimappata. Oqaaseqatigiit siulliit aamma inunnut aappariinnermikkut, toqqaannartumik qummut ammulluunniit ilaqutaqartunut allatigulluunniit immikkut qanigisaasunut oqaaseqatigiinnut siullernut aappaanulluunniit ilaasunut inunnut atasunut aamma atuupput.

*Imm. 2.* Aningassalersuisutut ingerlatsivik aningaasatigut ikiorsiisinnaassappat, tak. imm. 1, mak- kua piumasaqaatit naammassineqarsimassapput:

1) Aningaasatigut ikiorsiissutit pigineqarsinnaassapput ingerlatsiviup sillimmataani pituttugaan- ngitsuni, tak. § 180, imm. 2, aamma tunniunneqassallutik niueqatiginnermi pissusissamisoortumi piumasarisani.

2) Aningaasanik ikiorsiinissamik aalajangerneq aalajangerneqarsinnaavoq ataatsimeersuarnermi imaluunniit ingerlatsiviup qitiusumik siulersuisunit ataatsimeersuarnermi piginnaatitsissut malil- lugu. Ataatsimeersuarnermi piginnatitsissut imaqsinnaavoq aningaasatigut aamma piffissaliinikkut killiliissutitik. Aningaasatigut ikiorsiissutit aningaasat, annertunerussanngillat, siunnersuutigineqartumit imaluunniit ingerlatsiviup qitiusumik siulersuisunit akuerineqartunit.

Aningaasanik ikiorsiinissamik aalajangerneq aalajangiunneqarsinnaavoq aatsaat ingerlatsiviup ukiumoortumik nalunaarutaata kingornatigut.

*Imm. 3.* Aningassalersuisutut ingerlatsivik aningaasanik nammineq aningaassalersuutissatut ilusilikkatut ikorsiippat, §§ 206-imiit 209-mut piumasaqaatit naammassineqarsimassapput.

**§ 211** § 210, imm. 2-p naammassineqarsimanera apeqqutaatinnagu, aningaassalersuisutut ingerlatsiviup toqqaannartumik toqqaannanngitsumilluunniit



anigaasat atugassanngortisinnaavai, taarsigassarsisitsisinnaalluni imaluunniit danskit imaluunniit nuani allani ingerlatsiviit ilaat piginnittuusut pisussaaffiit qularnaveeqqusiisinnaalluni.

*Imm. 2.* Nunani allani ingerlatseqatigiiffiit piginnittut sorliit imm. 1-mi ilaanersut pillugu maleruagassanik erseqqinnerusunik Erhvervsstyrelsi aalajangersaasinnaavoq.

**§ 212** Apeqqutaatinnagit § 210, imm. 2-mi piumasaqaatit naammassineqarsimannginerat, nalinginnaasumik niuernikkut iliuuseqarnerminut atasumik inunnut § 210-mi eqqaaneqartunut ingerlatseqatigiiffik aningaasaliiffiusoq toqqaannartumik toqqaannangitsumilluunniit aningaasanik atugassiisinnaavoq, taarsigassarsisitsisinnaavoq imaluunniit qularnaveeqqusiisinnaavoq.

#### *Aningaaserivinnut il.il. tunngasuni ilaatitsinnginneq*

**§ 213** §§ 206 aamma 210 aningaaserivinnut aamma illuummik qularnaveeqqusiilluni taarsigassarsisitsisunut illuummik qularnaveeqqusiilluni taarsigassarsisitsisarfinnut atorneqassanngillat.

#### *Sulisunut tunngatillugu ilaatitsinnginneq*

**§ 214** §§ 206 aamma 210 taamaaqataanik ingerlatseqatigiiffimmi imaluunniit ingerlatseqatigiiffimmi pigineqartuni sulisunit imaluunniit sulisunut aningaasaatinik piginneqataassutinik pissarsinissaq siunertaralugu iliuuserisanut atorneqassanngillat.

*Imm. 2.* Qitiusumik aqutsisunut aqutsinermi allattaavik imm. 1-mi ilaasut iliuuserisat suulluunniit pillugit oqaaseqaatinik imaqassaaq.

*Imm. 3.* Imm. 1-mut ilaasut iliuuserisat § 180 naapertorlugu iluanaarutitut akiliutigineqartut atorlugit anigaasat atorlugit taamaallaat pisinnaapput.

#### *Utertitsilluni akiliineq*

**§ 215** §§ 206 aamma 201-mut akerliusumik ingerlatseqatigiiffik aningaasaliiffiusoq aningaasatigut ikiorsiisimappat aningaasat ingerlatseqatigiiffimmut utertinneqassapput kunngip peqqussuteqarneratigut Kalaallit Nunaannut atulersinneqartumik kingusinaartumik akiliinermi il.il. erniat pillugit inatsimmi § 5, imm. 1 aamma 2-mi aalajangersarneqartunut ernianut naapertuuttumik aningaasat ukiumut ernialerlugit, qaffasinnerusumik ernialiisoqarnissaa isumaqatigiissutigineqarsimanngippat.

*Imm. 2.* Utertitsilluni akiliineq pisinnaanngippat, imaluunniit allatigut aningaasatigut ikiorsiineq pillugu isumaqatigiissutit atorunnaarsinneqarsinnaanngippata, §§ 206 aamma 210-mut akerliusumik isumaqatigiissuteqarsimasut imaluunniit iliuuserisimasaminnik ingerlatitsiinnarsimasut inuit ingerlatseqatigiiffiup aningaasaliiffiusup annaasaanut akisussaassapput.

*Imm. 3.* § 206 aamma 210-mut akerliusumik qularnaveeqqusiinerit ingerlatseqatigiiffimmut pituttuinerupput, isumaqatigiissuteqarfigineqartoq aalajangersakkanut taakkununga akerliusumik qularnaveeqqusiisoqarsimaneramik ilisimasaqanngippat.

### Kapitali 14

#### *Ingerlatseqatigiiffiit aningaasaliiffiusut atorunnaarsinneri*

#### *Nalunaaruteqarnikkut atorunnaarsitsineq*

**§ 216** Ingerlatseqatigiiffinni aningaasaliiffiusuni, akiligassaqaarfiit tamarmik

akilerneqarsimasuni, atorunnaarsitsineq pissaaq akiitsut tamarmik, akilerneqarsimasut akilerneqarsimanngitsullu, akilerneqarsimaneri aamma ingerlatseqatigiiffiup aningaasaliiffiusup atorunnaarsinnissaa pillugu aalajangiineq pillugit aningaasaatinik piginnittut Erhvervsstyrelsimut nalunaaruteqarnerisigut. Aningaasaatinik piginnittut aqqi najugaalu nalunaarummi allanneqarsimassapput.

*Imm. 2.* Imm. 1 malillugu nalunaarut atsioreernermit kingusinnerpaamik sapaatit akunneri tallimat qaangiutsinnagit styrelsimit tiguneqarsimappat aamma ingerlatseqatigiiffimmut aningaasaliiffiusumut tunngasunik akileraarutininik akitsuutinillu piumasaqaatit pillugit akitsuuserinermit akileraartarnermullu ingerlatsivimmiit nalunaarut ilanngunneqarsimappat atorunnaarsitsineq taamaallaat Erhvervsstyrelsimut nalunaarsoneqarsinnaavoq.

*Imm. 3.* Ingerlatseqatigiiffik atorunnaassaaq ingerlatseqatigiiffiit ingerlasut pillugit Erhvervsstyresip nalunaarsorsimaffianiit peerneqarpat.

*Imm. 4.* Piffissami nalunaarutip tunniunneqarnerani akiitsunut, akilerneqarsimasut akilerneqarsimanngitsullu imaluunniit isumaqatigiinnngissutaausnut aningaasaatinik piginnittut inuttut, nammaqatigiillutik killilersorneqanngitsumik akisussaapput. Aningaasanik sinneqartoortoqarpat taakku aningaasaatinik piginnittut akornanni agguarneqassapput.

#### *Atorunnaarsitsinerup atuutilerpera pillugu aalajangiineq*

**§ 217** Atorunnaarsitsinermit ingerlatseqatigiiffiup aningaasaliiffiup kajumissutsimik atorunnaarsinneqarnera pillugu ataatsimeersuarneq aalajangiissaaq, inatsisini allanik aalajangersaasoqarsimanngippat.

*Imm. 2.* Aalajangiineq malittarisassanik allannguinermit piumasarineqartunik taasinernik amerlanerussuteqarnikkut aalajangiiffineqassaaq, § 106 tak. Atorunnaarsitsineq inatsisini imaluunniit ingerlatseqatigiiffiup aningaasaliiffiusup malittarisassaani imaluunniit peqqussut manna malillugu Erhvervsstyrelsimut peqqussutigineqarluni atorunnaarsitsisoqarpat nalinginnaasumik amerlanerussuteqarnikkut aalajangiisoqassaaq, § 105 tak.

#### *Atorunnaarsitsisumik toqaaneq*

**§ 218** Ingerlatseqatigiiffiup atorunnaarsinneqarnissaanik isumaginnittussamik atorunnaarsitsisumik ataatsimik arlalinnilluunniit ataatsimeersuartut toqqaassapput. Piffissami kajumissutsimik atorunnaarsitsinissaaq pillugu aalajangiinermit, § 217, imm. 1 tak., taamaaqataanik § 229. imm. 1 atorunnaarsitsisussamik toqqaasoqarnissaata tungaanut aqutsisut iliuuserisaannut atorneqassaaq.

*Imm. 2.* Aningaasaatinik piginnittut, ingerlatseqatigiiffiup aningaasaataanik ikinnerpaamik 25 pct.-imik piginnittut, ataatsimeersuarnermit toqqarneqartut atorunnaarsitsisut allat peqatigalugit atorunnaarsitsinerup isumaginissaanut atorunnaarsitsisussamik ataatsimeersuarnermit toqqaasinnaatitaapput.

**§ 219** Atorunnaarsitsisoq ataaseq arlalilluunniit aqutsisunut taarsiullutik ingerlassapput. Peqqussutip matuma ingerlatseqatigiiffiup aqutsisui pillugit aalajangersagai atorunnaarsitsisumi ataatsimi arlalinnilluunniit pisariaqartutigut naleqqussarneqarlutik atuutissapput.

*Imm. 2.* Atorunnaarsitsisoq toqqaasumit imaluunniit pineqartumik toqqaasumit qaqugukkulluunbnit soraarsinneqarsinnaavoq.

*Imm. 3.* Peqqussummi matumani aamma ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartumi naatsorsuutininik saqqummiussineq, kukkunersuineq, ataatsimeersuarneq aamma ukiumoortumik nalunaarutit Erhvervsstyrelsimut nassiunneqarnissai pillugit aalajangersakkat taamaaqataanik kapitali

manna malillugu allaassuteqartumik ingerlatseqatigiiffinnut atorunnaarsinneqartunut atorneqassapput.

*Atorunnaarsitsinerup nalunaarutigineqarnera*

**§ 220.** Atorunnaarsitsinerup atulernissaa pillugu aalajangiinerup nalunaarutigineqarnera aalajangiisoqarneraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimanissaa atorunnaarsitsisup qulakkiissavaa.

*Imm. 2.* Ingerlatseqatigiiffiup atorunnaarsinneqartoq taaguutini piginnassavaa »atorunnaarsinneqartoq« ilanngullugu. Nalunaarsuinerup tunngasuni § 228, imm. 1 atorneqassaaq.

*Imm. 3.* Ingerlatseqatigiiffimmi aningaasaliiffiusumi atorunnaarsitsinerup atulersinnera pillugu aalajangiisoqarpat ingerlatseqatigiiffimmut aningaasaliiffiusumut tunngasut pissutsinik nalunaarsorneqarsimasunik allannguneq pillugu aalajangiisoqarsinnaanngila uku eqqaassanngikkaanni:

1) Atorunnaarsitsisup allannguinera.

2) Ingerlatseqatigiiffiup ukiumoortumik naatsorsuutaanik il.il. kukkunersiuissusut toqqarneqarsimasup ingerlatseqatigiiffiup kukkunersiuisuata allanngortinneqarnera.

3) Aningaasaatinik qaffaaneq.

4) Ingerlatseqatigiiffiup aningaasaliiffiusup ukiumoortumik naatsorsuutissaanik il.il. kukkunersiuineq pillugu siusinnerusukkut aalajangiinerup allanngortinneqarnissaa pillugu ataatsimeersuarnerup malitsigisaanik malittarisassanik allannguneq, ingerlatseqatigiiffik aningaasaliiffiusoq kunngip peqqussuteqarneratigut Kalaallit Nunaannut atulersinneqartumik ukiumoortumik naatsorsuutit pillugit inatsit, imaluunniit inatsit allat malillugit kukkunersiuisoqarnissaanik pisussaaffeqarnermut ilaanngippat, § 88, imm. 1, nr. 3 tak.

5) Ingerlatseqatigiiffiup najugaqarfiaata atorunnaarsitsisup najugaanut allanngortinneqarnera, manna tikillugu najugarisami ingerlatseqatigiiffimmut atassuteqarnissaq ajornarpat, imaluunniit qaqutigootumik pissutsit aalajangersimasut tamatumunnga pissutissaqartitsippata.

6) Pilersitseqqinneq, § 231 tak.

7) Kattunneq, taamaattoarli § 246, imm. 1, aamma § 247, imm. 1 tak.

8) Agguataarineq, taamaattoarli § 264 aamma § 265, imm. 1 tak.

9) (Kalaallit Nunaannut atulersinneqanngilaq)

10) (Kalaallit Nunaannut atulersinneqanngilaq)

*Akiligassaqaqarfinnut kaammattuineq*

**§ 221.** § 220, imm. 1 malillugu Erhvervsstyrelsip qarasaasiaqarfianut nalunaarsorneqarnermi tamanullu saqqummiussinermi tamanut saqqummiussinermi ullormiit kingusinnerpaamik qaammatit pingasut kingorna ingerlatseqatigiiffiup aningaasaliiffiusup akiligassaqaarfii piumasaqaatiminnik nalunaaruteqarnissamut kaammattorneqarput. Atorunnaarsitsisoq § 220, imm. 1 naapertorlugu atorunnaarsitsineq pillugu aalajangiinerup nalunaarutigineqanerata peqatigisaanik atorunnaarsitsisup aalajangiineq akiligassaqaqarfinnut ilisimaneqartunut tamanut nalunaarutigissavaa.

*Imm. 2.* Imm. 1-mi qaammatinik-pingasunik-killiliussaq naappat atorunnaarsitsisup siusinnerpaamik atorunnaarsinneqartup pigisai inaarsinnaavai.

*Imm. 3.* Kajumissarineq nalunaarutigineqartutut akuerineqanngippat allakkatigut tammatsaaliukkatigut allatigulluunniit nalunaaruteqarnikkut tamanna pillugu akiligassarfik nalunaarfigineqassaaq, taamaalilluni tigusineq isumannaatsumik uppersarsarneqarsinnaalluni. Aalajangiinerup qularutiginissaa kissaatigineqarpat apeqqut nassiussisoqareneraniit kingusinnerpaamik sapaatit akunneri arfineq marluk qaangiutsinnagit pigisanik

agguaassisarnermut eqqartuussivimmut suliassanngortinneqarnera pillugu akiligassaqarfik nalunaarfigineqassaaq.

*Imm. 4.* Pissarsiassat, atorunnaarsitsinerup pigisai inaarneqareernerisa kingorna nalunaarutigineqarpata, aningaasaatinik piginnittunut aningaasanit suli tunniunneqanngitsunit matussuserneqassapput.

*Iluanaarutininik tunniussineq aamma atorunnaarsitsinermi iluanaarutit*

**§ 222** Aningaasaatinik piginnittut ukiumoortumik nalunaarusiaq kingullermik akuerineqartoq tunuliaqutaralugu ingerlatseqatigiiffimmi atorunnaarsinneqartumi iluanaarutit tunniunneqarnissaat akuersissutigisinnaavaat.

*Imm. 2.* Imm. 1 malillugu iluanaarutininik tunniussineq §§ 180-183 aamma 194-mi iluanaarutit aamma immikkut ittumik iluanaarutit pillugit maleruagassat nalinginnaasut malillugit pissaaq.

**§ 223** Atorunnaarsitsinermi iluanaarutininik aningaasaatinik piginnittunut tunniussineq aatsaat pisinnaavoq § 221, imm. 1-mi pineqartoq tamanut saqqummiussinermut aalajangerneqartoq piffissaliussaq naappat aamma akiligassaqaqfinnut ilisimaneqartunut akiitsut akilerneqareerpata, taamaattorli imm. 2 tak.

*Imm. 2.* Isumannaatsumik qularnaveeqqusiisoqarpat, atorunnaarsitsinerup naammassineqarnissaa sioqqullugu iluanaarutininik tunniussigallartoqarsinnaavoq, pisuni, § 221, imm. 1 tak., akiligassaqaqfinnut kajumissaarut piffissaliussaq aalajangerneqarsimasoq, § 221, imm. 1 tak., naasimappat aamma akiligassaqaqfiit piumasaqaataat akilerneqarsimallutik. Iluanaarutininik tunniussigallarneq § 194 malillugu utertillugu akileqquneqarsinnaavoq.

**§ 224** Pigisanik suliarinninneq naammassippat ingerlatseqatigiiffiup inaarutaasumik atorunnaarsinneqarnera pillugu ataatsimeersuartut aalajangiisinnaapput. § 221, imm. 3, oqaaseqatigiit aappaat naapertorlugu isumaqatigiinngissutaasinnaasut inaarutaasumik aalajangiiffigitinnagit pigisanik suliarinninneq naammassineqaaqqusaanngilaq. Atorunnaarsitsinermi iluanaarutit pigisanik suliarinninnerup naammassineqarnera sioqqullugu imaluunniit kingornatigut tunniunneqarsinnaapput, taamaattorli § 223 tak.

*Imm. 2.* Inaarutaasumik atorunnaarsitsinermi naatsorsuutit aningaasaatinik piginnittunit akuerineqarneriniit kingusinnerpaamik sapaatit akunneri tallimat qaangiutsinnagit atorunnaarsitsisut tamanna pillugu nalunaarutaat Erhvervsstyrelsimi tiguneqarsimassaaq. Tassani nalunaarnermi atorunnaarsitsinermi naatsorsuutit ilanngussatut ilaatinneqassapput. Ingerlatseqatigiiffik ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu kukkunersiuisoqarnissaaq pisussaaffeqarnermut ilaappat atorunnaarsitsinermi naatsorsuutit kukkunersiorneqassapput. Tamatuma kingorna ingerlatseqatigiiffik Erhvervsstyrelsimi peerneqassaaq.

*Pinngitsaaliinikkut atorunnaatsitsineq*

**§ 225** Ingerlatseqatigiiffiup aningaasaliiffiusup atorunnaarsinneqarnissaa pillugu pigisanik agguaasinermut eqqartuussivik Erhvervsstyrelsip qinnutigisinnaavaa, pisariaqassappat § 226 malillugu

- 1) Ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq malillugu pissusissamisoortumik ingerlatseqatigiiffiup aningaasaliiffiusup ukiumoortumik nalunaarusiaa akuerineqarsimasoq piffissaagallartillugu Erhvervsstyrelsimi

tiguneqarsimanngippat,

- 2) ingerlatseqatigiiffik aningaasaliiffiusoq peqqussummi imaluunniit ingerlatseqatigiiffiup malittarisassaani aalajangerneqartumi aqutsisoqanngippat imaluunniit najugaqanngippat,
- 3) aningaasalersuisutut ingerlatsivik § 58 malillugu nalunaarsorneqarsimanngitsoq,
- 4) aningaasalersuisutut ingerlatsiviup nalunaarsorsimanngippagit piginnittuinnut paasissutissat imaluunniit ingerlatsiviup § 58 a malillugu nalunaarsuineq amigartumik ingerlassimappagu,
- 5) aningaasalersuisutut ingerlatsiviup piginnittuii pillugit paasissutissatut uppersaaitit paaquta- risimanngippagit imaluunniit ingerlatsivik amigartumik uppersaaitit § 58 a malillugu paaqutarisimappagit,
- 6) § 17 naapertorlugu aningaasaatinik ingerlatsiviup allagaatini toqqortaatisimanngippagit imaluunniit toqqortaateqarneq amigarpat imaluunniit allagaatit amigaateqarpata,
- 7) § 23 h, imm. 1 naapertorlugu aningaasaatinik ingerlatsiviup paasissutissanik nassiussinnngippat imaluunniit ingerlativik paasissutissanik amigaatilinnik nassiussisimappat,
- 8) § 23 b, imm. 2 naapertorlugu aningaasaatinik ingerlatsivik nalunaarummik piniarsimanngippat,«.
- 9) ingerlatseqatigiiffik aningaasaliiffiusoq kukkunersuiusumik nalunaaruteqarsimanngippat, naak ukiumoortumik naatsorsuutit pillugit inatsimmi, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersuiisoqarnissaanut pisussaaffeqartunut ilaagaluarluni,
- 10) ingerlatseqatigiiffik aningaasaliiffiusoq kukkunersuiusumik nalunaaruteqarsimanngippat, naak ingerlatseqatigiiffiup ukiumoortumik naatsorsuutai il.il. kukkunersiorneqatussat ataatsimeersuartut aalajangiisimagaluartut, imaluunniit
- 11) ingerlatseqatigiiffiup aningaasaataanik aggersarneqartunik, naammassinninngitsutut paasineqartunik kaammattuinnut ingerlatseqatigiiffiup aqutsisui qisuariarsimanngippata.

*Imm. 2.* Imm. 1 malillugu amigaatigineqartunik ingerlatseqatigiiffik aningaasaliiffiussutigut ikiuinissaanut piffissaliussamik Erhvervsstyrelsi aalajangersaasinnaavoq. Styrelsimit aalajangersarneqartup piffissaliussap kingusinnerpaamik naanerani amigaatigineqartoq ikiorserfigineqanngippat pinngitsaaliinikkut atorunnaarsitsisoqarnissaa pillugu styrelsi aalajangiisinnavaoq.

**§ 226** Atorunnaarsitsineq, tamanna inatsisini imaluunniit ingerlatseqatigiiffiup aningaasaliiffiusup malittarisassaanit imaluunniit peqqussummi matumani maleruagassat malillugit Erhvervsstyrelsimit, § 217, imm. 2, oqaaseqatigiit aappaat tak., peqqussutigineqartumi ingerlatseqatigiiffimmit akuerineqanngippat, imaluunniit atorunnaarsitsisussaq toqqarneqanngippat ingerlatseqatigiiffiup atorunnaarsinneqarnissaa pillugu Erhvervsstyrelsip pigisanik agguaassinermut eqqartuussivik qinnuigisinnaavaa.

*Imm. 2.* Imm. 1 taamaaqataanik atorneqassaaq, ingerlatseqatigiiffiup pinngitsaaliinikkut atorunnaarsinneqarnissaa § 230 naapertorlugu eqqartuussivimmit aalajangerneqarsimappat.

**§ 227** Ingerlatseqatigiiffiup aningaasaliiffiusup pigisanik agguaassinermut eqqartuussivimmi pinngitsaaliinikkut atorunnaarsinneqarnissaa Erhvervsstyrelsip qarasaasiaqarfianut tamanut saqqummiussassanngorlugu nassiunneqarnissaa Erhvervsstyrelsi aalajangiisinnavaoq.

*Imm. 2.* Ingerlatseqatigiiffiup aningaasaliiffiusup taaguutini piginnassavaa »pinngitsaaliinikkut atorunnaarsinneqarlersoq« ilassutigalugu.

*Imm. 3.* Pigisanik agguaassinermut eqqartuussivik atorunnaarsitsisumik ataatsimik arlalinnilluunniit toqqaasinnaavoq. Pigisanik agguaassinermut eqqartuussivik aamma

kukkunersiuisussamik toqqaasinnaavoq. Pinngitsaaliinikkut atorunnaarsitsinernut aamma kapitalimi matumani atorunnaarsitsineq pillugu aalajangersakkat atuupput taamaattorli pigisanik agguaassinermut eqqartuussivik imaluunniit eqqartuussivimmit tassunga piginnaatinneqartoq ingerlatseqatigiiffimmi pissutsini aalajangiisinnaalluni. Atorunnaarsitsinermi aningaasartuutit pisariaqassappat naalagaaffiup karsianit akilerneqassapput.

*Imm. 4.* Pigisanik suliarinninneq naammassineqarpat tamanna pigisanik agguaassinermut eqqartuussiviup Erhvervsstyrelsimut nalunaarutigissavaa, taassumalu ingerlatseqatigiiffiup atorunnaarsinnera Erhvervsstyrelsip qarasaasiaqarfiani nalunaarsorlugu.

**§ 228.** Ingerlatseqatigiiffik aningaasaliiffiusoq pinngitsaaliinikkut atorunnaarsinneqassasoq Erhvervsstyrelsi aalajangiisimappat ingerlatseqatigiiffimmut aningaasaliiffiusumut tunngasunik pissutsinik nalunaarsorneqarsimasunik allannguisoqarnissaa pillugu aalajangiisoqarsinnaanngilaq, uku eqqaassanngikkaanni:

1) Atorunnaarsitsisumik pigisanik agguaassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit siulliit tak.

2) Atorunnaarsitsisup pigisanik agguaassinermut eqqartuussivimmit toqqarneqartup allanngortinnera.

3) Kukkunersiuisumik pigisanik agguaassinermut eqqartuussivimmit toqqarneqartumik ikkussineq, § 227, imm. 3, oqaaseqatigiit aappaat tak.

4) Kukkunersiuisup pigisanik agguaassinermut eqqartuussivimmit toqqarneqartup allanngortinnera.

5) Pilersitseqqinneq, § 232 tak.

6) Kattunneq, §§ 236-253 tak, taamaattorli imm. 2 tak.

7) Agguataarineq, §§ 254-270 tak, taamaattorli imm. 2 tak.

8) (Kalaallit Nunaannut atulersinneqanngilaq)

9) (Kalaallit Nunaannut atulersinneqanngilaq)

*Imm. 2.* Kattunneq imaluunniit agguataarineq pillugu aalajangiinissamut pisariaqarpoq pigisanik agguaassinermut eqqartuussiviup imaluunniit pigisanik agguaassinermut eqqartuussivimmit toqqarneqartoq atorunnaarsitsisup tamatuminnga akuersinissaa.

*Imm. 3.* Kattunnermi ingerlatseqatigiiffik ingerlaannartoq imaluunniit agguataarinermi ingerlatseqatigiiffik tiguisuusoq pinngitsaaliinikkut atorunnaarsinniarnearpat nuussinissaq taamaallaat akuerineqarsinnaassaaq tamatuma peqatigisaanik ingerlatseqatigiiffiup pileqqinneqarnissaa pillugu aalajangiisoqarpat, § 232 tak.

**§ 229.** Piffissami ingerlatseqatigiiffiup aningaasaliiffiusup pigisanik agguaassinermut eqqartuussivimmut nassiunneqarneraniit atorunnaarsitsisussamik toqqaasoqarnissaata, imaluunniit ingerlatseqatigiiffiup atorunnaarsinneqarnissaata tungaanut manna tikillugu ingerlatseqatigiiffimmi aningaasaliiffiusumi aqutsisut taamaallaat pisariaqartunik, aamma ingerlatseqatigiiffimmut taassumalu akiligassa qarfiinut ajoqusiinngitsunik iliuseqarsinnaapput.

*Imm. 2.* Manna tikillugu ingerlatseqatigiiffimmi aningaasaliiffiusumik aqutsisut ingerlatseqatigiiffiup manna tikillugu sulinera pillugu paasissutissanik pisariartunik annertussuseqartunik pigisanik agguaassinermut eqqartuussivimmut aamma pigisanik agguaassinermut eqqartuussivimmit toqqarneqartumut atorunnaarsitsisumut ikiuinissamut pisussaaffeqarput. Pigisanik agguaassinermut eqqartuussivik manna tikillugu ingerlatseqatigiiffiup aqutsisuniit paasissutissanik pissarsisinnaanngippat ingerlatseqatigiiffiup manna tikillugu kukkunersiuisorisaaanut taamaaqataanik atuupput. Pigisanik agguaassinermut eqqartuussivimmut, tassunga ilanngullugu pigisanik agguaassinermut eqqartuussiviup toqqagaa atorunnaarsitsisumut, paasissutissanik,

maannakkut siunissamilu piumasaqaatinik nalilersuinnermut pisariaqartunik aqutsisut kukkunersuiisorlu tunniussissaaq.

*Imm. 3.* Suliffeqarfissuarni suliffeqarfinni pigineqartuni aqutsisut aamma pigisanik agguaassinnermut eqqartuussivimmut, tassunga ilanngullugu pigisanik agguaassinnermut eqqartuussiviup toqqagaa atorunnaarsitsisumut ikiuuttussaapput, imm. 2 tak., ingerlatseqatigiiffik piginnittoq pinngitsaaliinikkut atorunnaarsinneqarnissaanut tunniunneqarpat.

*Imm. 4.* Imm. 2 aamma 3 naapertorlugu paasissutissanik pissarsinissaq siunertaralugu ingerlatseqatigiiffiup aqutsisuini siusinnerusukku ilaasortaasimasut aamma ingerlatseqatigiiffiup manna tikillugu kukkunersuiusui pigisanik agguaassinnermut eqqartuussiviup aggersarsinnaavai.

*Imm. 5.* Pigisanik agguaassisarnermik eqqartuussiviup aalajangersinnaavaa, ingerlatsiviup siulersuisuini ilaasortat aamma ingerlatsivik maannamut kukkunersuiusua ataatsimeeqataassasut ungasissumut attaveqaatitigut assiliartalitsigut, tamanna naleqqussorineqarpat. Pineqartoq ataatsimiigiaqquneqassaaq sumiffissamut nalunaakkamut, tak. eqqartuussisarnermik inatsimmi, kunngip peqqussutaatigit Kalaallit Nunaannut atuutilersinneqarsimasumi, § 163.

*Imm. 6.* Pigisanik agguaassisarnermik eqqartuussiviup aalajangersinnaavaa, ingerlatsivimmi siuler- suisunut ilaasortaasimasut aamma ingerlatsiviup maannamut kukkunersuiusua ataatsimiinnermi peqataassasut ungasissumut attaveqaatit assitaqanngitsut atorlugit, pissuteqarsimappat ajornartor- siutini ungasissumut attaveqaatit assiliartaallit atorneqarsinnaanerannut aamma ungasissumut attaveqaatit assiliartaqanngitsut atorlugit ataatsiminnissaq illersorneqarsinaassutut isigineqarpat.

#### *Eqqartuussivitsigut pinngitsaaliinikkut atorunnaarsitsineq*

**§ 230** Aningaasaatinik piginnittut § 108-mut akerliusumik ataatsimeersuarnermi aalajangiinnermut piaaralutik peqataasimappata allatigulluunniit ingerlatseqatigiiffimmi aningaasaliiffiusumik sunniteqarnerminnik atornerluisimagunik imaluunniit peqqussummik matuminnga imaluunniit ingerlatseqatigiiffiup malittarisassaanik unioqutitsinnermi peqataasimagunik, eqqartuussivik, atornerluinerup sivisussaata malitsigisaanik imaluunniit allanik peqquteqartumik tamatumunnga pissutissaqartitsisoqarpat, ingerlatseqatigiiffiup aningaasaataanik ikinnerpaamik qulerarterutaanik sinniisut aningaasaatinik piginnittut oqaaseqarnerat malillugu, aalajangiisinnaavoq ingerlatseqatigiiffik aningaasaliiffiusoq pinngitsaaliinikkut atorunnaarsinneqassasoq.

#### *Pilersitseqqinneq*

**§ 231** Ingerlatseqatigiiffik aningaasaliiffiusoq § 106 isiginarlugu pilersitseqqinneqassasoq aningaasaatinik piginnittunit aalajangiiffigineqarsinnaavoq, § 223 malillugu tunniussineq aallartinneqarsimanngippat. Pilersitseqqinnissamut piumasaqaataavoq aqutsisunik kukkunersuiusumillu toqqaasoqassasoq, aamma aningaasaatit pigineqarneri pillugit naliliisartumiit nalunaarusiortoqarluni, § 37 tak. Ingerlatseqatigiiffiup aningaasaatai aningaasanit pigineqartunit appartinneqassapput. Tamatuma kingorna ingerlatseqatigiiffiup aningaasaatai aningaasaatitigut piumasaqaatinik, § 4, imm. 2 tak., annikinneruppata aningaasanut taakku minnerpaamik annertoqataannut qaffanneqassapput.

*Imm. 2.* Pilersitseqqinneq pillugu aalajangiineq aalajangiinnermut ullormiit kingusinnerpaamik sapaatit akunneri tallimat qaangiutsinnasut nalunaarutigineqassaaq. Nalunaaruteqarnermut ingerlatseqatigiiffimmi peqataasunut peqqussummi kapitali 13-mut akerliusumik taarsigassarsitsisoqarsimanera il.il. pillugu kukkunersuiusumit akuerisaasumit

nalunaarut ilanngunneqassaaq.

§ 232 § 231 taamaaqataanik atorineqassaaq, ingerlatseqatigiiffik, pigisanik agguaaassinermut eqqartuussivikkut pinngitsaaliinikkut atorunnaarsinniarneqartoq, eqqartuussivimmi suliarinninnerup unitsinneqarnissaa pillugu, aamma ingerlatseqatigiiffik pilersinneqassasoq Erhvervsstyrelsimut nalunaarummik tunniussisoqarpat.

*Imm. 2.* Pigisanik agguaaassinermut eqqartuussiviup ingerlatseqatigiiffiup pinngitsaaliinikkut atorunnaarsinneqarnissaa pillugu Erhvervsstyrelsimut noqqaassuteqarneraniit kingusinnerpaamik qaammatit pingasut qaangiutsinnagit imm. 1 naapertorlugu nalunaarut tiguneqarsimanngippat, imaluunniit ukiut kingulliit siuliusut tallimat ingerlaneranni ingerlatseqatigiiffik pinngitsaaliinikkut atorunnaarsinneqarsimappat, pilersitseqqinneq pisinnaanngilaq. Ingerlatseqatigiiffik akiliinissamik unitsitsippat qaammatinik pingasunik piffissaliineq atorunnaassaaq.

*Imm. 3.* Ingerlatseqatigiiffik aningaasaliiffiusoq pinngitsaaliinikkut atorunnaarsinneqartussatut tunniunneqarsimappat, ingerlatseqatigiiffiup pilersitseqqinneqarnissaanut piumasaqaatigineqarpoq pissutsit, ingerlatseqatigiiffiup aningaasaliiffiusup pinngitsaaliinikkut atorunnaarsinneqarnissaanut nassiunneqarneranut pissutaasut iluarsineqarsimanissaat. Iluarsineq kingusinnerpaamik pilersitseqqinneq pillugu aalajangiinerup peqatigisaanik pissaaq, § 231, imm. 1 tak. Pissutsit iluarsineqarneranut uppersaasat kingusinnerpaamik nalunaarutip peqatigisaanik nassiunneqassaaq, imm. 1 tak. Pilersitseqqinnissaq pillugu noqqaanermut piffissami ingerlatseqatigiiffiup aningaasaliiffiusup, nassiussinissamut piffissaliussap naanissaa sioqqullugu, ukiumut naatsorsuusiortumut ukiumoortumik nalunaarusiat suli tunniussimanngippagit, taakkuninnga ukiumoortumik nalunaarusianik tigusineq aamma pilersitseqqinnissamut piumasaqaataavoq.

*Imm. 4.* Pigisanik agguaaassinermut eqqartuussivik atorunnaarsitsisussamik toqqaasimappat pilersitseqqinnermut taakku akuersissaaq.

*Imm. 5.* Ingerlatseqatigiiffik pinngitsaaliinikkut atorunnaarsinneqassasoq eqqartuussivimmit aalajangerneqarsimappat, § 230 tak., pilersitseqqinneq pisinnaanngilaq.

#### *Akilersuineramik unitsitsinermut imaluunniit akiliisinnaajunnaarnermut ikaarsaarneq*

§ 233 Akilersuineramik unitsitsinissaq imaluunniit akiliisinnaajunnaarneq pillugu piumasaqarneq ingerlatseqatigiiffik sinnerlugu taamaallaat qitiusumik aqutsisunit tunniunneqarsinnaavoq, imaluunniit ingerlatseqatigiiffik atorunnaarsinniarneqarpat, atorunnaarsitsisumit.

*Imm. 2.* Atorunnaarsitsiniartut isumaqarpata atorunnaarsitsineq akiligassaqarfinnut tamakkiisumik matussusiissanngitsoq, akilersuineramik unitsitsineq imaluunniit akiliisinnaajunnaarneq pillugu atorunnaarsitsiniartut noqqaassaapput.

*Imm. 3.* § 226 malillugu ingerlatseqatigiiffik pinngitsaaliinikkut atorunnaarsinneqassappat akilersuineramik unitsitsineq imaluunniit akiliisinnaajunnaarneq pillugu atorunnaarsitsiniartumit noqqaaneq tunniunneqassaaq. Atorunnaarsitsisussamik toqqaasoqarsimanngippat pigisanik agguaaassinermut eqqartuussik nammineerluni akilersuineramik unitsitsineq imaluunniit akiliisinnaajunnaarneq pillugu aalajangiissaaq.

*Imm. 4.* Akiliisinnaajunnaarnermik nalunaarummik tunniussisoqarsimatillugu ingerlatseqatigiiffimmut aningaasaliiffiusumut tunngasunik nalunaarsuisoqassanngilaq kukkunersiuisumik toqqaanermut tunngasuni allannguinerit eqqaassanngikkaanni.

*Imm. 5.* Ingerlatseqatigiiffik aningaasaliiffiusoq akiliisinnaajunnaartoq ingerlatseqatigiiffittut atorunnaartutut kattunnerni aamma agguataarinermi



ingerlatseqatigiiffittut aningaasaliisutut peqataasiunnaavoq, akiliisinnaajunaarnermit pigisanik aqutsisoq tamatumunnga akuersippat.

*Imm. 6. (Kalaallit Nunaannut atulersinneqanngilaq).*

**§ 234** (Imm. 1 Kalaallit Nunaannut atulersinneqanngilaq)

*Imm. 2. Ingerlatseqatigiiffik akiliisinnaajunnaartoq taaguutini piginnassavaa »akiliisinnaajunnaartoq« ilaatillugu.*

*Eqqartuussivimmi suliamik nutaamik suliarinninneq*

**§ 235** Pigisanik agguaassinermut eqqartuussivik, ingerlatseqatigiiffimmi aningaasaliiffiusumi pigisat, akiliinermik nalunaaruteqarnikkut atorunnaarsinneqartoq, § 216 tak., imaluunniit atorunnaarsitsinerup naammassineqarnerata kingorna ingerlatseqatigiiffiit aningaasaliiffiusut ingerlasut pillugit Erhvervsstyrelsip qarasaasiaqarfianit peerneqarneraniit, eqqartuussivimmi suliamik nutaamik suliarinnittoqarsinnaasoq aalajangersinnaavoq, aningaasat allat agguaanneqarsinnaasut takkussimappata. Pigisanik agguaassinermut eqqartuussivik aamma ingerlatseqatigiiffik pillugu suliap nutaamik eqqartuussivimmi suliarineqarnissaanut allatigut pissutseqarpat eqqartuussivimmi suliamik nutaamik suliarinninnissamik aalajangersinnaavoq.

*Imm. 2. Siusinnerusukkut atorunnaarsitsisut pigisanik suliarinninnermik isumaginnissapput. Tamanna pisinnaangippat pigisanik agguaassinermut eqqartuussivik imaluunniit pigisanik agguaassinermut eqqartuussiviup toqqagaa atorunnaarsitsisoq pigisanik suliarinnissaaq.*

*Imm. 3. Eqqartuussivimmi suliamik nutaamik suliarinninnissaq aamma taassuma naammassineqarnera pillugu nalunaarut tamanna pillugu pigisanik agguaassinermut eqqartuussiviup aalajangiineraniit kingusinnerpaamik sapaatit akunneri tallimat qaangiutsinnagit Erhvervsstyrelsimit tiguneqarsimassaaq.*

**Kapitali 15**

*Kattunneq aamma agguataarineq*

*Ingerlatseqatigiiffinnik aningaasaliiffiusunik kattussineq*

**§ 236** Ingerlatseqatigiiffik aningaasaliiffiusoq kapitalimi matumani aalajangersakkat malillugit ingerlatseqatigiiffiup aningaasaliiffiusup atorunnaartup piginnittuinit akissarsiaqartitsisoqarneratigut ingerlatseqatigiiffiup aningaasaliiffiusup pigisaanik nalilinnik pisussaaffiilu tamarmiutillugit ingerlatseqatigiiffimmut aningaasaliiffiusumut allamut atorunnaarsitsisoqarnani tunniussisoqarsinnaavoq. Assinga atuuppoq ingerlatseqatigiiffiit aningaasaliiffiusut marluk amerlanerilluunniit ingerlatseqatigiiffimmut aningaasaliiffiusumut nutaamut kattunneqarpata, tassa imaappoq kattutivillutik. Tunniussinerit akiligassaqaarfiit akuersiteqqaarnagit naammassineqarsinnaapput.

*Kattunnissamut pilersaarut*

**§ 237** Ingerlatseqatigiiffinni aningaasaliiffiusuni piusuni qitiusumik aqutsisut, kattunnermi peqataasut, kattunnissamut pilersaarummik peqatigiillutik pilersitsillutillu atsioqatigiissapput, taamaattoarli imm. 2 tak.

*Imm. 2. Kattunneq, taamaallaat anpartsselskabit peqataaffigisaanni, piginneqataasut isumaqatigiillutik aalajangersinnaapput kattunnissamut pilersaarusiortoqassanngitsoq, taamaattoarli § 248, imm. 2-4 tak.*

*Imm. 3. Kattunnerni, aktieselskabit peqataaffigisaanni, kattunnissamut pilersaarut uku pillugit paasissutissanik aalajangersakkanillu imaqassaaq*

- 1) ingerlatseqatigiiffiit aningaasaliiffiusut aqqi aammalu saniatigut taaguutaat, tassunga ilanngullugu ingerlatseqatigiiffiup aningaasaliiffiusup atorunnaartup aqqa imaluunniit saniatigut taaguutaa ingerlatseqatigiiffiup aningaasaliiffiusup ingerlaannartup saniatigut taaguutaatut ilaassaaq,
- 2) ingerlatseqatigiiffiup aningaasaliiffiusup najugaa,
- 3) ingerlatseqatigiiffimmi aningaasaliiffiusumi atorunnaartumi aningaasaatinik piginnittut akissarsiaat,
- 4) piffissaq, aningaasaatinik piginneqataassutit akissarsiatut atorneqartut, iluanaarutitut tunniunneqalersinnaanerit,
- 5) ingerlatseqatigiiffimmi aningaasaliiffiusumi ingerlaannartumi piginnaatitaaffiit, aningaasaatinik piginneqataassutit piginnittunut tutsinneqartut aamma akiitsut allagartaat ingerlatseqatigiiffimmi aningaasaliiffiusumi atorunnaartumi immikkut pisinnaatitaaffiusimasut,
- 6) nr. 5-mi aningaasaatinik piginneqataassutit aamma akiitsut allagartaannik eqqaaneqartunik piginnittunut iluaqutaasut aaqqiinerit allat,
- 7) aningaasaatinik piginneqataassutit, akissarsiatut akiliutigineqartut allanneqarneri, kiisalu piginnittup uppersaataannik tunniussineq,
- 8) piffissaq, ingerlatseqatigiiffimmit aningaasaliiffiusumit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalernerit, imm. 4 tak.,
- 9) immikkut iluaqutaasut suulluunniit ingerlatseqatigiiffiup aningaasaliiffiusup aqutsisuini ilaasortanut tunniunneqartut, aamma
- 10) malittarisassanut missingiut, §§ 28 aamma 29 tak., kattunnermi ingerlatseqatigiiffimmi aningaasaliiffiusumik nutaamik pilersitsisoqarpat.

*Imm. 4.* Kattunnissamut pilersaarut ingerlatseqatigiiffinnut aningaasaliiffiusunut atasunik tamanut, kattunnerup naatsorsuutitigut piffissami sunniuteqalernerani ukiup naatsorsuusiortiusup kingusinnerpaamik naanerani atsiorneqarsimassaaq, imm. 3, nr. 8 tak. Piffissaliussaq qaangerneqarpat kattunnissamut pilersaarutit tiguneqarnera tamanut saqqummiunneqarsinnaanngilaq kattunnerlu taamaalilluni akuerineqarnani.

#### *Kattunneq pillugu nassuiaat*

**§ 238** Ingerlatseqatigiiffinni aningaasaliiffiusuni ingerlasuni tamani qitiusumik aqutsisut, kattunnermi peqataasut, kattunnissaq eqqarsaatigineqartoq, tassunga ilanngullugu kattunnissaq pillugu pilersaarut, nassuiarneqarlu tunngavilersorneqarlunilu allakkatigut nassuiarneqassaaq, taamaattoorli imm. 2 tak. Ingerlatseqatigiiffinni aningaasaliiffiusuni atorunnaartuni aningaasaatinik piginnittunut akissarsiat aalajangerneqarneri pillugit paasissutissanik nassuiaat imaqassaaq, tassunga ilanngullugu aalajangersaanermut atasut immikkut ajornartorsiutaasimasut, aamma nalilersuineri nassuiaatip suliarineqarnera pillugu paasissutissat, taanna § 240 naapertorlugu suliarineqartussaappat.

*Imm. 2.* Aningaasaatinik piginnittut isumaqatigiillutik aalajangersinnaapput kattunneq pillugu nassuiaasiortoqassanngitsoq.

#### *Akunnerinnakkut pigisanik nalilinnik akiligassanillu naatsorsuineq*

**§ 239** Kattunnissamut pilersaarut ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasup ukiup naatsorsuusiortiusup naaneraniit qaammatit arfinillit sinnerlugit atsiorneqarsimanngippat kattunnermi peqataasumut ingerlatseqatigiiffimmut aningaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiortoqassaaq, taamaattoorli imm. 4 aamma 5 tak.

*Imm. 2.* Kattunnermi, kattunneq pillugu pilersaarutit suliarineqannginnissaa toqqarneqarsimasumi, § 237, imm. 2 tak., kattunnermi peqataasumik ingerlatseqatigiiffimmut

anigaasaliiffiusumut pineqartumut akunnerinnakkut pigisanik nalilinnik akiligassanillu naatsorsuusiortoqassaaq, kattunnissaq pillugu pilersarusiunniginnissaq pillugu aalajangiineq ingerlatseqatigiiffiup anigaasaliiffiusup kingullermik ukiumoortumik nalunaarusiaanut tunngasup ukiup naatsorsuusiortiusup naaneraniit qaammatit arfinillit sinnerlugit aalajangiiffigineqarsimappat, taamaattorli imm. 4 aamma 5 tak.

*Imm. 3.* Akunnerinnakkut pigisanik nalilinnik akiligassanillu naatsorsuineq, ingerlatseqatigiiffiup anigaasaliiffiusup ukiumoortumik nalunaarusiornermi malittagai maleruagassat naapertorlugit suliarineqartussaq, kattunnissaq pillugu pilersarusiunniginnissaq pillugu atsiornissaq imaluunniit aalajangiinissaq sioqqullugu qaammatinik pingasunik siviunerusumik ullormik naatsorsuusiorteqassanngilaq. Ingerlatseqatigiiffik anigaasaliiffiusoq ukiumootumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersiuisoqarnissamut pisussaaffeqartumut ilaappat akunnerinnakkut pigisanik nalilinnik akiligassanillu naatsorsuineq kukkunersiorteqarsimassaaq.

*Imm. 4.* Anigaasaatinik piginnittut isumaqatigiillutik aalajangersinnaapput akunnerinnakkut pigisanik nalilinnik akiligassanillu naatsorsuineramik suliaqartoqassanngitsoq, ingerlatseqatigiiffiup anigaasaliiffiusup kingullermik ukiumoortumik nalunaarusiaanut tunngasup ukiup naatsorsuusiortiusup naaneraniit qaammatit arfinillit sinnerlugit kattunnissamut pilersaarutit atsiorteqarsimanera apeqquataatinnagu.

*Imm. 5.* Imm. 1-mi aalajangersagaq ingerlatseqatigiiffinnut anigaasaliiffiusunut, EU/EØS-imi nunami niuerfimmi naleqqussakkami pappiaranik anigaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussisimasut atorineqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutitik kukkunersiorteqarsimasunik imaqarpat aamma ukiup affaanut nalunaarusiaq ingerlatseqatigiiffiup anigaasaatinik piginnittuinit pissarsiarineqarsinnaappat.

#### *Nalilinnik anigaasaliineq pillugu nalilersuineramik nassuiaat*

**§ 240.** Kattunnermut atatillugu aktieselskabimi ingerlaqqittumi anigaasaatinik qaaffasoqarpat, imaluunniit kattunnermut atasumik nutaanik piginneqataassuteqalerpat kattunnermut atasumik nalilersuisumiit nassuiaasiortoqartitsisoqassaaq, taamaattorli imm. 2 tak. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut anigaasaliiffiusunut kattuttunut tamanut nalilersuisut atugaannut atorineqassapput.

*Imm. 2.* Nalilersuineramik nassuiaat ilaatinneqanngitsoortinneqarsinnaavoq, taarsiullugu kattunnissaq eqqarsaatigineqartoq pillugu naliliisuniit oqaaseqaasiortoqarpat, § 241 tak., imaluunniit akiligassaqarfiit inissisimanerat pillugu nalilersuisumiit nalunaaruteqartoqarpat, § 242 tak.

*Imm. 3.* Kattunnermut atasumik nalilersuineramik nassuiaasiortoqassappat nalilersuineramik nassuiaatip imarissavai

- 1) anigaasaliissutit ataasiakkaat allaaserinerat,
- 2) nalilersuineramik suleriaaseq atorineqartoq pillugu paasissutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu anigaasaatinik piginneqataassutit atulersinneqartut nalingi, sinnerlugu naliusoq tapiliullugu.

*Imm. 4.* Kattunnerup akuerineqarneraniit piffissaq qaammatit pingasut

sinnerlugit nalilersuineri nassuiaat suliarineqarsimassanngilaq, § 245 tak.  
Piffissaliussaq qaangerneqarpat kattunneq atuuttut akuerineqarsinnaanngilaq.

*Kattunnissaq eqqarsaatigineqartoq pillugu nalilersuisartup oqaaseqataa, tassunga ilanngullugu kattunneq pillugu pilersaarut*

**§ 241.** Ingerlatseqatigiiffinni aningaasaliiffiusuni, kattunnermi peqataasuni tamani kattunnermut pilersaarut pillugu nalilersuisartoq ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Kattunnermi, kattunnermut pilersaarusiornissaq ilaatinneqanngitsumi, § 237, imm. 2 tak., kattunnissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Aningaasaatinik piginnittut isumaqatigiillutik aalajangersinnaapput kattunnissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siulliit aamma aappaat tak.

*Imm. 2.* Naliliisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, kattunnermut peqataasut, nalilersuisartumik ataatsimik arlalinnilluunniit atuinnissaq kissaatigippassuk, ingerlatseqatigiiffiit aningaasaliiffiusut noqqaassuteqarnerisigut pigisanik agguaassinermut eqqartuussivimmit taakku toqqarneqassapput.

*Imm. 3.* § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut kattuttunut tamanut nalilersuisut pissusiinut atorneqassapput.

*Imm. 4.* Oqaaseqaat ingerlatseqatigiiffimmi aningaasaliiffiusumi atorunnaartumi aningaasaatinik piginneqataassutitut akissarsiat naammaginaruunersut aamma pivusorsortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkarlutik qanoq kinguneqarnerinik nalinik amma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

*Akiligassaqarfiit inissisimaneri pillugu nalilersuisartup nalunaarutaa*

**§ 242** Nalilersuisartut § 241-mi eqqaaneqartup nalunaarutip saniatigut aamma ingerlatseqatigiiffimmi aningaasaliiffiusumi ataatsimi akiligassaqarfiit ingerlatseqatigiiffiup maannakkut inissisimaneranut naleqqiullugu kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinaapput akiligassaqarfiit inissisimanerat pillugu nalilersuisartumit taamatut nalunaaruteqartoqassanngitsoq.

*Akiligassaqarfiit piumasaqaatiminnik nalunaaquteqarsinnaanerannut periarfissaq*

**§ 243** Akiligassaqarfiit inissisimanerat pillugu nalunaarumminni nalilersuisartut, § 242 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfiit kattunnerup kingorna naammattumik qulakkeerneqarsimanngitsut, imaluunniit akiligassaqarfiit inissisimanerat pillugu nalilersuisartumiit nalunaarusiortoqanngippat, akiligassaqarfiit, § 244 naapertorlugu Erhvervsstyrelsen tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassanngillat.

*Imm. 2.* Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimanngitsut, isumannaatsumik qularnaveeqquserneqarnissaat

piumasarineqarsinnaalluni.

*Imm. 3.* Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaat inatsit naapertorlugu aaqquissuussinikkut qulakkeerneqarsimappat.

*Imm. 4.* Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aningaasaliiffiusup amma akiligassaqarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kingusinnerpaamik sapaatit akunneri tallimat qaangiutsinnagit apeqqutit aalajangerneqarnissaannut pigisanik agguaassinermut eqqartuussivimmut suliaassanngortitsisinnaapput.

*Imm. 5.* Akiligassaqarfik, pissarsiassamut tunngaviusumut isumaqatigiisummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

*Imm. 6.* (Atorunnaarpoq)

*Kattunnissaq eqqarsaatigineqartoq pillugu paasissutissanik nassiussineq, tassunga ilanngullugit kattunnissamut pilersaarut aamma akiligassaqarfiit inissisimanerat pillugu nalilersuisartumiit nalunaarut*

**§ 244** Kattunnissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit kattunnissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat kattunnissamut pilersaarutip tiguneqarnera tamanut saqqummiunneqarsinnaanngilaq, kattunnerlu taamaalilluni akuerineqarnani.

*Imm. 2.* Ingerlatseqatigiiffiit aningaasaliiffiusut peqataasut kattunnissamut pilersaarutip suliarineqannginnissaanut periarfissaq atorsimanngippassuk, § 237, imm. 2 tak., tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsip qarasaasiaqarfiani nalunaarsorneqarnermin normut allanneqarlutik.

*Imm. 3.* Akiligassaqarfiit inissisimanerat pillugu nalilersuisartup nalunaarutaa, § 242, oqaaseqatigiit suilliit tak., Erhvervsstyrelsimut nassiunneqassaaq, taamaattorli imm. 4 tak.

*Imm. 4.* Akiligassaqarfiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 242, oqaaseqatigiit aappaat tak., atorneqarsimappat tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

*Imm. 5.* Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqarfiit piumasaqaatiminnik nalunaaruteqarsinnaatitaanerit, § 243 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

*Imm. 6.* Kattunnissamut pilersaarutini allagaatinillu ilaatinneqartunik ingerlatseqatigiiffiit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

*Kattunnerup naammassineqarnissaa pillugu aalajangiineq*

**§ 245** Kattunnerup naammassineqarnissaanut aalajangerneq kattunnissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 244, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 244, imm. 1

imaluunniit 2-mut tunngatillugu aamma § 244, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

*Imm. 2.* Kattunnermi, anpartsselskabit kisimik peqataaffigisaanni, aamma nalilersuisartut akiligassa qarfiit inissisimanerat pillugu nalunaaruteqarnerminni, § 242 tak., isumaqarunik anpartsselskabini ataasiakkaat akiligassa qarfiit kattunnerup kingorna naammattumik qulakkeerneqarsimasut, piginneqataasut isumaqatigiillutik kattunnissaq eqqarsaatigineqartoq pillugu paasissutissat tiguneqarneri pillugit Erhvervsstyrelsen tamanut nalunaaruteqarnerata kingorna, § 244, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

*Imm. 3.* Kattunnermi, kattunnermut pilersaarut ilaatinneqanngitsumi, § 237, imm. 2 tak., akiligassa qarfiit inissisimanerat pillugu nalilersuisartoq nalunaarusiorsimappat, § 242 tak., aamma akiligassa qarfiit inissisimanerat pillugu nalunaaruteqarnerminni anpartsselskabini ataasiakkaani akiligassa qarfiit kattunnerup kingorna naammattumik qularnaarneqarsimasut nalilersuisartut isumaqarpata, kattunnerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsen tamanut saqqummiussinissaa, § 244, imm. 5 tak., pillugu piumasaqaateqartoqassanngilaq.

*Imm. 4.* Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiortifiusumut ukiumoortumik nalunaarusiamik ataatsimeersuartut suli akuersisimanngippata, kattunnerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiortifiusumut tassunga ukiumoortumik nalunaarusiaq ataatsimeersuartunik akuerineqassaaq.

*Imm. 5.* Akiligassa qarfiit, tamatuminnga noqqaasut, kattunnerup naammassineqarnissaa qaqugu aalajangiiffigineqarnissaa pillugu paasissutissamik pissarsissapput.

*Imm. 6.* Kattunnissamut pilersaarusiortoqarsimappat kattunneq kattunnissamut pilersaarut naapertorlugu naammassineqassaaq. Kattunnissamut pilersaarut tamanut saqqummiunneqarsimasooq naapertorlugu kattunnissaq akuerineqarpat siunnersuut atorunnaartutut isigineqassaaq.

*Imm. 7.* Allagaatit uku, suliarineqarsimappata, kattunnerup naammassineqarnissaa pillugu aalajangiisoqartinngitu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningaasaatinik piginnittunit pissarsiarineqarsinnaassapput, allagaatit pineqartut ataatsimeersuarnissaaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajangiinnippata, taamaattoorli imm. 8 tak.:

1) Kattunnissamut pilersaarut.

2) Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunnit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutaat pillugit ukiumoortumik nalunaarusiat akuerineqarsimasut.

3) Kattunneq pillugu nassuiaat.

4) Akunnerinnakkut pigisanik nalilinnik akiligassanillu naatsorsuineq.

5) Nalilinnik aningaasaliineq pillugu nalilersuiartut nassuiaataat.

6) Kattunnissaq eqqarsaatigineqartoq pillugu nalilersuisartut oqaaseqaataat, tassunga ilanngullugu kattunnissamut pilersaarut.

7) Akiligassa qarfiit inissisimanerat pillugu nalilersuisartut nalunaarutaat.

*Imm. 8.* Aningaasaatinik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

**§ 246** Ingerlatseqatigiiffimmi aningaasaliiffiusumi atorunnaartumi kattunneq pillugu aalajangiineq ataatsimeersuartunit aalajangiiffigineqassaaq, taamaattorli imm. 2 aamma § 252 tak. Ingerlatseqatigiiffik aningaasaliiffiusoq akiliisinnaajunnaarsimappat kattunnissaq pillugu taamaallaat aalajangiisoqarsinnaavoq aningaasaatinik piginnittunut tunniussuineq sulii aallartinneqarsimanngippat, aamma peqatigisaanik akiliisinnaajunnaarnerup atorunnaarsinnissaa pillugu ataatsimeersuartut aalajangiisimappata. Pilersitseqqinneq pillugu § 231 tamatuma kingorna atorneqassanngilaq.

*Imm. 2.* Ingerlatseqatigiiffiup aningaasaliiffiusup pigisaanik pisussaaffiinillu tamakkiisumik ingerlatseqatigiiffimmut aningaasaliiffiusumut allamut, ingerlatseqatigiiffimmi aningaasaliiffiusumi atorunnaartumi ingerlatseqatigiiffiup aningaasaataanik minnerpaamik 90 pct.-inik piginnittumut nuussisoqarneratigut akiliisinnaajunnaarnertaqanngitsumik ingerlatseqatigiiffik aningaasaliiffiusoq atorunnaarpat, ingerlatseqatigiiffimmi aningaasaliiffiusumik atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq, taamaattorli imm. 3-5 tak.

*Imm. 3.* Imm. 2 malilluguli aalajangiineq ataatsimeersuartunit aalajangiiffigineqassaaq, aningaasaatinik piginnittut, ingerlatseqatigiiffiup aningaasaataanik 5 pct.-mik piginnittut, tamanna allakkatigut piumasarippassuk, kattunnissaq eqqarsaatigineqartoq pillugu paasissutissat tiguneqarnerisa tamanut saqqummiunneqarneranniit kingusinnerpaamik sapaatit akunneri tallimat qaangiutsinnagit, tassunga ilanngullugu kattunnissamut pilersarut. Ingerlatseqatigiiffimmi aningaasaliiffiusumi atorunnaartumi aalajangiineq aamma ataatsimeersuartunit aalajangiiffigineqassaaq, aningaasaatinik piginnittut, malittarisassat malillugit, § 89 tak., ataatsimeersuarnerup aggersarneqarnissaanik piumasaqarsinnaasut, tamanna pillugu noqqaappata.

*Imm. 4.* Qitiusumik aqutsisut, tamanna pillugu noqqaanerup saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

*Imm. 5.* Ingerlatseqatigiiffimmi aningaasaliiffiusumi atorunnaartumi aalajangiisussat tassaappata ataatsimeersuartut, § 106 malillugu piumasarineqartunik amerlanerussuteqarnikkut aalajangiineq aalajangerneqassaaq, aamma atorunnaarsitsineq imaluunniit kattunneq pillugu malittarisassani imarineqarsinnaasut najoqqutassat naapertorlugit.

**§ 247** Kattunneq pillugu aalajangiineq ingerlatseqatigiiffimmi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqata imaluunniit saniatigut taaguutaa ingerlatseqatigiiffimmi aningaasaliiffiusumi ingerlaannartumut saniatigut taaguutit ilanngussineq eqqaassanngikkaani, taamaattorli imm. 2-4 tak. Ingerlatseqatigiiffik aningaasaliiffiusoq akiliisinnaajunnaarsimappat, kattunneq taamaallaat aalajangiiffigineqarsinnaavoq aningaasaatinik piginnittunut tunniussuineq sulii aallartinneqarsimanngippat peqatigisaanillu ingerlatseqatigiiffiup pilersitseqqinneqarnissaa pillugu ataatsimeersuartut aalajangiisimappata, § 231 tak.

*Imm. 2.* Aningaasaatinik piginnittut, ingerlatseqatigiiffiup aningaasaataanik 5 pct.-inik piginnittut, imaluunniit aningaasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, kattunnissaq

eqqarsaatigineqartoq pillugu paasissutissat tiguneqarneri pillugit Erhvervsstyrelsen tamanut saqqummiussineraniit kingusinnerpaamik sapaatit akunneri tallimat qaangiutsinnagit, tassunga ilanngullugu kattunnissamut pilersaarut, allakkatigut piumasarisinnaavaat ingerlatseqatigiiffimmi aningaasaliiffiusumi ingerlaannartumi aalajangiineq ataatsimeersuartunit aalajangiiffigineqassasoq.

*Imm. 3.* Qitiusumik aqutsisut, tamanna pillugu noqqaassutip saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

*Imm. 4.* Ingerlatseqatigiiffimmi aningaasaliiffiusumi ingerlaannartumi aalajangiinissaq ataatsimeersuartunit aalajangiiffigineqassappat § 106 malillugu piumasarineqartumik amerlanerussuteqarluni aalajangiisoqassaaq.

**§ 248.** Ingerlatseqatigiiffinni aningaasaliiffiusuni ingerlaqqittuni, kattunnermi peqataasuni, qitiusumik aqutsisut, ataatsimeersuarnermi, kattunnerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugu kattunnissamut pilersaarutit atsiornata ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

*Imm. 2.* Kattunnermi, kattunnermut pilersaarut ilaatinneqanngitsumi, § 237, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugu ingerlatseqatigiiffimmi ullormi oqimaaqatigiissitsineri ukiumoortumik nalunaarusiap kingullermik saqqummiussinerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

*Imm. 3.* Kattunnermi, anpartsselskabet kisimik peqataaffigisaanni, kattunnerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut kattunnissamut pilersaarummi takuneqarsinnaanngippata, § 237 tak.:

- 1) Anpartsselskabet aqqi saniatigullu taaguutaat, tassunga ilanngullugu ingerlatseqatigiiffiup atorunnaartup aqqa imaluunniit saniatigut taaguutaa anpartsselskabimi ingerlaqqittumi saniatigut taaguutitut ilaassanersoq.
- 2) Anpartsselskabimi atorunnaartumi piginneqataasunut akissarsiaat.
- 3) Piffissaq, piginneqataassutit akissarsiatut atorneqartut, iluanaarutitut tunniunneqalersinnaaneri.
- 4) piffissaq, anpartsselskabimit atorunnaartumiit pisinnaatitaaffiit pisussaaffiillu naatsorsuutitigut tunniunneqartutut isigineqalernerit.
- 5) Malittarisassat, §§ 28 aamma 29 tak., kattunnerup naammassineqarnerani anpartsselskabimik nutaamik pilersitsisoqarpat.

*Imm. 4.* Kattunneq, anpartsselskabet kisimik peqataaffigisaat pineqarpat, aamma § 237, imm. 2 naapertorlugu kattunnermi pilersaarusiortoqassanngitsoq piginneqataasut isumaqatigiillutik aalajangersimallutik, imm. 3-mi piumasaqaatit eqqarsaatigalugit anpartsselskabini ingerlaqqillutik peqataasuni tamani assigiimmik aalajangiisoqassaaq. Taamaattoqanngippat kattunnerup naammassineqarnera pillugu aalajangiineq atorunnaartutut isigineqassaaq.

#### *Ajunngitsorsiassanik piumasaqarsinnaanermut periarfissaq*

**§ 249.** Ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqaarnissaq piumasarisinnaavaat, ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittunut akissarsiaat



naammaginangippata aamma piviusorsioortumik tunngavilersorneqarsimanngippata, aamma ataatsimeersuarnermi tamanna pillugu nangaassuteqarsimappat, tassani kattunnerup naammassineqarnissaa pillugu aalajangiisoqarsimalluni.

*Imm. 2.* Imm. 1 malillugu suliassanngortitsineq pissaaq ingerlatseqatigiiffinni aningaasaliiffiusuni kattuttuni tamani kattunneq pillugu aalajangiisoqareerneraniit kingusinnerpaamik sapaatit akunneri tallimat qaangiutsinnagit.

*Imm. 3.* Imm. 1 naapertorlugu nangaassuteqartoqarsimappat kattunneq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, kattunneq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 241 tak., isumaqarpata ingerlatseqatigiiffinni aningaasaliiffiusuni atorunnaartumi imaluunniit atorunnaartuni aningaasaatinik piginnittunut akissarsiat naammaginartuusut aamma piviusorsioortumik tunngavilersorneqarsimasut.

### *Kattunnerup inatsisitigut sunniutai*

**§ 250.** Kattunneq naammassineqartutut isigineqassaaq, aamma ingerlatseqatigiiffik aningaasaliiffiusoq atorunnaartoq atorunnaarsinneqartutut isigineqassaaq, taassumalu pisinnaatitaaffii pisussaaffiilu ataatsimut isigalugit ingerlatseqatigiiffimmut aningaasaliiffiusumut ingerlaqqittumut nuunneqartut isigineqassapput, taamaattorli imm. 2 tak., uku pippata:

1) Kattunneq, ingerlatseqatigiiffinni aningaasaliiffiusuni ingerlaqqittuni, kattunnermut peqataasuni tamanani aalajangiiffigineqarpat.

2) § 243 malillugu akiligassaqarfiit piumasaqaataat aalajangiiffigineqarsimappata.

3) § 249 malillugu ajunngitsorsiassat pillugit aningaasaatinik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatsumik qularnaveeqqusiisoqarsimappat. Kattunneq eqqarsaatigineqartoq pillugu nalilersuisartumiit oqaaseqaasioortoqarsimappat, tassunga ilanngullugu akissarsiat, aamma nalilersuisartut oqaaseqaataanni isummertoqarpat akissarsiat naammaginartuusut piviusorsioortumillu tunngavilersorneqarsimasut, nalilersuisartut aamma nalunaarutigissavaat akissarsiat pillugit oqaaseqaatertik annertuutigit akerlilerneqarsinnaanngitsoq. Qularnaveeqqusiineq isumannaatsuunersoq nalilersuisartut aalajangissuaat.

4) Aqutsisunut qullersanut ilaasortanik kukkunersiuisumillu toqqaaneq pillugu imm. 6-mi piumasaqaatit naammassineqarpata.

5) Qullersaqarfimmik atorfinitsitsisoqarsimavoq, kattunnermut atasumik ingerlatseqatigiiffimmik aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

*Imm. 2.* Piffissaq, ingerlatseqatigiiffiup aningaasaliiffiusup atorunnaartup naatsorsuutitigut pisinnaatitaaffii pisussaaffiilu ingerlatseqatigiiffimmut aningaasaliiffiusumut ingerlaqqittumut nuunneqartutut isigineqartoq tassaappat kattunnerup naammassineqarnera pillugu aalajangiinnermut piffissaq, kattunneq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq kattunnerup naatsorsuutitigut sunniuteqalernera kattunnerup naammassineqarnera pillugu aalajangiisoqarneraniit kingusinnerpaamik sapaatit akunnerinik tallimanit kingusinnerussanngilaq, taamaattorli kattunnerup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma kattunnerup naammassineqarnera pillugu aalajangiinnermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiortfigisaat assigissavaat.

*Imm. 3.* Imm. 1 aamma 2-mi piumasaqaatit naammassineqarpata ingerlatseqatigiiffimmi aningaasaliiffiusumi atorunnaartumik aningaasaatinik piginnittut, aningaasaatinik piginneqataassutit akissarsitinneqartut, ingerlatseqatigiiffimmi ingerlaqqittumi aningaasaatinik piginnittuulissapput.

*Imm. 4.* Ingerlatseqatigiiffinnit aningaasaliiffiusunit kattuttunit pigineqartuni ingerlatseqatigiiffimmi aningaasaliiffiusumi atorunnaartumik aningaasaatinik piginneqataassutit akissarsitsisoqarsinnaanngilaq. § 31 aamma § 153, imm. 2, taamaaqataanik kattunnermi atorineqassapput.

*Imm. 5.* Pilersitsineq pillugu kapitali 3, aningaasaatinik qaffaaneq pillugu kapitali 10 aamma atorunnaarsitsineq pillugu kapitali 14 kattunnermi atorineqassanngillat, kattunneq pillugu aalajangersakkanit tamanna takuneqarsinnaanngippat, §§ 236-252 tak.

*Imm. 6.* Kattunnerup naammassineqarnerani ingerlatseqatigiiffimmik aningaasaliiffiusumik nutaamik pilersitsisoqarpat, aamma kattunnerup ataatsimeersuarnermi akuerineqarnerata kingunitsiannua aqutsisunut qullersanut ilaasortassanik kukkunersuiussumillu toqqaasoqarpat, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni qullersani ilaasortassanik kukkunersuiusumillu toqqaaffiusumik ataatsimeersuortoqassaaq. Ataatsimeersuartut aamma, ukiumoortumik naatsorsuutit pillugit inatsit kunngip peqqussuteqarneratigut Kalaallit Nunaannut atulersinneqartoq, inatsisilluunniit allat malillugit kukkunersuiusoqarnissaanik pisussaaffimmut ingerlatseqatigiiffik aningaasaliiffiusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunersiorneqartassanersut pillugu aalajangiissapput.

#### *Kattunnerup naammassineqarnera pillugu nalunaaruteqarneq*

**§ 251.** Kattunneq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., kattunnermi peqataasuni ingerlatseqatigiiffinni aningaasaliiffiusuni ingerlaqqittuni tamanit kattunnerup aalajangiiffigineraniit kingusinnerpaamik sapaatit akunneri tallimat qaangiutsinnagit. Ingerlatseqatigiiffik aningaasaliiffiusoq ingerlaqqittoq ingerlatseqatigiiffiit aningaasaliiffiusut peqataasut sinnerlugit kattunneq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 245, im. 7, nr. 3-7-mi taaneqartunut ilanngunneqassaaq, allagaatit suliarineqarsimappata. Kattunneq akuerineqartoq aatsaat nalunaarsorneqarsinnaavoq kattunnerup inatsisitigut sunniuteqarnera § 250, imm. 1 aamma 2 malillugu atuutilerpat.

*Imm. 2.* Kattunneq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik kattunnerup naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattoorli kattunneq eqqarsaatigineqartoq pillugu paasissutissanik tiguneqartunik Erhvervsstyrelsip tamanut saqqummiussineraniit, § 244, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarpat kattunnerup naammassineqarnera pillugu aalajangiinerup atuuttuunini annaassavaa, aamma § 237 naapertorlugu kattunnissamut pilersarusiaasimasoq atorunnaartutut isigineqalerluni.

*Imm. 3.* Ingerlatseqatigiiffik aningaasaliiffiusoq, kattunnermut atasumik, ingerlatseqatigiiffiup aningaasaliiffiusup nalunaarsorneqarnera sioqqulllugu isumaqatigiissuteqarpat, aamma isumaqatigiissuteqaqataasup ingerlatseqatigiiffik

anigaasaliiffiusoq nalunaarsorneqarsimanngitsoq ilisimasimappagu, isumaqatigiissuteqaqataasup, allamik isumaqatigiittoqarsimanngippat, isumaqatigiissut atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimit tiguneqarsimanngippat, imaluunniit nalunaarsorneqarnissaq itigartinneqarsimappat. Ingerlatseqatigiiffik anigaasaliiffiusoq nalunaarsorneqarsimanngitsoq isumaqatigiissuteqaqataasup ilisimasaqarsimanngippat taassuma isumaqatigiissut atorunnaarsissinnaavaa, ingerlatseqatigiiffiup anigaasaliiffiusup nalunaarsorneqarsimannginnerani. § 41, imm. 1, oqaaseqatigiit aappaat taamaaqataanik atorneqassapput.

*Imm. 4. §§ 42-44 taamaaqataanik atorneqassapput ingerlatseqatigiiffik anigaasaliiffiusoq, kattunnermut atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit anigaasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsimappat.*

*Ingerlatseqatigiiffiup piginnittup aamma ingerlatseqatigiiffiit tamakkiisumik pigineqartut akornanni tiguisumi kattunnerit*

**§ 252** Ingerlatseqatigiiffiup anigaasaliiffiusup pigisai pisussaaffiilu ataatsimoortillugit ingerlatseqatigiiffimmut anigaasaliiffiusumut allamut, ingerlatseqatigiiffimmi anigaasaliiffiusumi atorunnaartumi anigaasaatinik piginneqataassutinik tamanik piginnittumut nuunneqarnerisigut atorunnaarsitsisoqarnani ingerlatseqatigiiffik anigaasaliiffiusoq atorunnaarsinneqarpat, tassa imaappoq tiguisumi kattunneq, ingerlatseqatigiiffimmi anigaasaliiffiusumi atorunnaartumi kattunneq pillugu aalajangiineq qitiusumik aqutsisunit aalajangerneqarsinnaavoq. Aamma § 237, imm. 1 aamma 2, imm. 3, nr. 1, 2, 5, 6 aamma 8-10, aamma imm. 4, § 239, §§ 242-245, § 246, imm. 1, oqaaseqatigiit aappaat aamma pingajuat., §§ 247 aamma 248 aamma §§ 250 aamma 251 taamaaqataanik piginnittumut kattunnermi atorneqassapput.

*Ingerlatseqatigiiffiup anigaasaliiffiusup pigisaanik pisussaaffinillu Namminersorlutik Oqartussanut imaluunniit kalaallit nunaanni kommunimut tunniussineq*

**§ 253** Ingerlatseqatigiiffiup anigaasaliiffiusup pigisai pisussaaffiilu ataatsimoortillugit Namminersorlutik Oqartussanut imaluunniit kalaallit nunaanni kommunimut nuunneqarnerisigut atorunnaarsitsisoqarnani ingerlatseqatigiiffik anigaasaliiffiusoq atorunnaarsinneqarpat, § 237, imm. 1 aamma 3, § 238, § 241, § 244, imm. 1, 2 aamma 5, § 245, imm. 1 aamma 3-6, §§ 246, 248 aamma 249, § 250, immk. 1, nr. 1, aamma § 251, imm. 1, taamaaqataanik atorneqassapput.

*Ingerlatseqatigiiffinnik anigaasaliiffiusunik agguataarineq*

**§ 254** Ataatsimeersuartut ingerlatseqatigiiffiup anigaasaliiffiusup agguataarivigineqarnissaa pillugu aalajangiisnaapput. Agguataarinermi pigisat nalillit pisussaaffiillu tamakkiisumik aktie imaluunniit anpartsselskabinut atuuttunut nutaatullu pilersinneqartunut tunniunneqassapput ingerlatseqatigiiffiup anigaasaliissuteqartup anigaasaatinik piginnittuinut akissarsiaqartitsinikkut. Ataatsimeersuartut amerlanerussuteqarneq taanna atorlugu agguataarinissamik aalajangiisnaapput, tamatumani ingerlatseqatigiiffiup anigaasaliiffiusup pigisami nalillit pisussaaffimmilu ilai ingerlatseqatigiiffinnut anigaasaliiffiusunut atuuttunut nutaatullu pilersinneqartunut tunniullugit. Tunniussineq akiligassa qarfiit akuersitinnigikkaluarlugit pisinnaavoq.

*Imm. 2.* Ingerlatseqatigiiffimmi aningaasaliiffiusumi akiligassaqaarfik, agguataarinermi peqataasimasooq, naammassinniffigineqanngippat, ingerlatseqatigiiffiit aningaasaliiffiusut allat peqataasut ataasiakkaarlutik akisussaaqatigiillutillu pisussaaffinnut, agguataarinermi Erhvervsstyrelsen tamanut saqqummiunneqarnerani atuuttunut, § 262, imm. 5 tak., § 262, imm. 1 imaluunniit 2-mut tunngatillugu, akisussaasuussapput, taamaattorli annerpaamik aningaasat piffissami pineqartumi ingerlatseqatigiiffinni aningaasaliiffiusuni ataasiakkaani ilanngaateqareerluni naliusup ilanngunneqartup sinneruttulluunniit annerpaamik amerlaqataannik.

*Imm. 3.* Ingerlatseqatigiiffik aningaasaliiffiusooq ataaseq arlallilluunniit tiguisuusut agguataarinermi, agguataarinermut, § 255 tak., imaluunniit kattutitsinermut piviusunngortinneqanngitsumi allamut ataneqartillugu pinngorpata, tamanna agguataarinissamut pilersaarummi ersersinneqassaaq, § 266 tak. Ingerlatseqatigiiffinnut aningaasaliiffiusunut tiguisuusunut nutaanut, agguataarinermut imaluunniit kattutitsinermut allamut atasumik pinngortunut, agguataarineq imaluunniit kattutitsinerup, ingerlatseqatigiiffiit nutaat tamatumunnga ataneqartillugu pinngorfigisaata, nangitsissutigisaatut pissaaq, § 269 tak.

#### *Agguataarinissamut pilersaarut*

**§ 255.** Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni qitiusumik aqutsisut agguataarinermi pilersaarummi peqatigiillutik pilersitsillutillu atsiussapput, taamaattorli imm. 2 tak.

*Imm. 2.* Agguataarineq, taamaallaat anpartsselskabet peqataaffigisaat pineqarpat piginneqataasut isumaqatigiillutik aalajangersinnaapput agguataarinermi pilersaarusiortoqassanngitsoq, taamaattorli § 266, imm. 2, 3 aamma 4 tak.

*Imm. 3.* Agguataarinermi aktieselskabet peqataaffigisaanni agguataarinermut pilersaarut uku pillugit paasisstissanik aalajangersakkanillu imaqaassaaq

- 1) ingerlatseqatigiiffiit aningaasaliiffiusut aqqi saniatigullu taaguutaat, matumanilu ingerlatseqatigiiffiup aningaasaliiffiusup aningaasaliissuteqartup aqqa imaluunniit saniatigut taaguutaa ingerlatseqatigiiffimmut aningaasaliiffiusumut tiguisuusumut saniatigut taaguutitut atorineqassanersoq ilanngullugu eqqarsaatigalugu,
- 2) ingerlatseqatigiiffiit aningaasaliiffiusut angerlarsimaffii,
- 3) pigisat nalillit ilaasa pisussaaffiillu, ingerlatseqatigiiffinni aningaasaliiffiusuni agguataarinermi peqataasunut ataasiakkaanut nuunneqartussat imaluunniit pigiinnarneqartussat, sukumiisumik allaaserineqarnerat agguaanerallu,
- 4) ingerlatseqatigiiffimmi aningaasaliiffiusumi aningaasaliissuteqartumi piginneqataasunut akissarsiassaattat
- 5) akissarsiassat agguarneqarnerat, matumanilu ingerlatseqatigiiffinni aningaasaliiffiusuni tiguisuusuni piginneqataassutit ilanngullugit eqqarsaatigalugit, ingerlatseqatigiiffimmi aningaasaliiffiusumi aningaasaliisuusumi piginneqataasunut kiisalu agguassinermut tassunga aalajangiinermi tunngavik,
- 6) piffissaq piginneqataassutit, akissarsiattut tunniunneqarsimasinnaasut, sinneqartooruteqaataasinnaalerfiat,
- 7) ingerlatseqatigiiffimmi aningaasaliiffiusumi tiguisuusumi pisinnaatitaaffiit, ingerlatseqatigiiffimmi aningaasaliiffiusumi aningaasaliisuusumi piginneqataassuteqarsinnaasunut akiitsoqarnermullu allagaateqarsinnaasunut immikkut ittumik pisinnaatitaaffeqarfiusunut,

- 8) iliuusaasinnaasut allat piginneqataassutini akiitsoqarnermullu allagaatini nr. 7-imi pineqartuni pigisaqartunut iluaqusiisinnasut,
- 9) aningaasaatinik piginneqataassutini, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 10) piffissaq, ingerlatseqatigiiffiup aningaasaliiffiusup tigusisuusup pisinnaatitaaffisa pisussaaffiisalu naatsorsuusiatiqut qaangerneqartutut isigineqalerfia, tak. imm. 2,
- 11) iluaqusiissut sunaluunniit, ingerlatseqatigiiffiup aningaasaliiffiusup siulersuisuinut ilaasortanut tunniunneqartoq, aamma
- 12) malittarisassanut missiliuut, tak. § 4, agguataarinermi ingerlatseqatigiiffimmik aningaasaliiffiusumik ataatsimik ingerlatseqatigiiffinnilluunniit arlalinnik pilersitsisoqarpat.

*Imm. 4.* Agguataarinermut pilersaarut ingerlatseqatigiiffinnut aningaasaliiffiusunut atuuttunut ataasiakkaanut tamanut kingusinnerpaamik, ukiup naatsorsuusiunneqartup, agguataarinerup naatsorsuusiatiqut sunniuteqaataata atuutilerfiani, tak. imm. 3, nr. 10, naanerani atsiorneqarsimassaaq. Piffissaliussaq qaangerneqarpat agguataarinissamut pilersaarusiap Erhvervsstyrelsimi tiguneqarnera tamanut saqqummiunneqarsinnaassanngilaq.

*Imm. 5.* Pigisat nalillit ilai agguataarinissamut pilersaarusiornermi agguanneqarsimanngippata, tak. imm. 3, nr. 3 imaluunniit § 266, imm. 3, tamatumunngalu nassuiaatip agguaaasinermut aalajangiinissaq periarfissaqartinngippagu, agguarneq taanna imaluunniit tassanga naliusiq ingerlatseqatigiiffiit aningaasaliiffiusut peqataasut ataasiakkaat akornanni agguanneqassaaq, ilanngaateqareerluni pigisat nalingat, agguataarinissamut pilersaarusiornernup kingornatigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

*Imm. 6.* Pisussaaffiit ilai agguataarinissamut pilersaarusiornermi agguanneqarsimanngippata, tak. imm. 3, nr. 3 imaluunniit § 266, imm. 3 tamatumunngalu nassuiaatip agguaaasinermut aalajangiinissaq periarfissaqartinngippagu, ingerlatseqatigiiffiit aningaasaliiffiusut peqataasut ataasiakkaarlutik peqatigiillutillu akisussaasuussapput, taamaattoorli aningaasanik annerpaamik ingerlatseqatigiiffinnut aningaasaliiffiunut ataasiakkaanut ilanngaateqareerluni naliusup ilanngunneqartup sipporunneqartulluunniit amerlaqataannik. Ingerlatseqatigiiffiit aningaasaliiffiusut peqataasut akornanni pissutsit atukkat iluanni, pisussaaffiit taamaattut agguanneqassapput, agguataarinissamut pilersaarusiornernup kingornatigut ingerlatseqatigiiffinni aningaasaliiffiusuni ataasiakkaani ilanngunneqartut sipporunneqartulluunniit ilutigalugit.

#### *Agguataarineq pillugu nassuiaat*

**§ 256.** Ingerlatseqatigiiffinni aningaasaliiffiusuni ingerlaqqittuni, agguataarinermi peqataasuni tamani qitiusumik aqutsisut agguataarineq eqqarsaatigineqartoq, tassunga ilanngullugu agguataarinissamut pilersaarut, qanoq nassuiarneqassanersoq tunngavilersorneqassanersorlu allakkatigut nassuiaasiussapput, taamaattoorli imm. 2 tak. Nassuiaat ingerlatseqatigiiffinni aningaasaliiffiusuni aningaasaliissuteqartuni aningaasaatinik piginneqataassutitut akissarsiati pillugit aalajangersaaneq pillugu paasissutissanik imaqaassaaq, tassunga ilanngullugu aalajangersaanermut atasumik immikkut ajornartorsiutit, aamma nalilersuinermut nassuiaasiorneq pillugu paasissutissat, taanna § 258 malillugu suliarineqassappat.

*Imm. 2.* Aningaasaatinik piginnittut isumaqatigiillutik aalajangersinnaapput agguataarinermi nassuiaasiortoqassanngitsoq.

*Akunnerinnarmi pigisanik nalilinnik akiligassanillu naatsorsuineq*

**§ 257** Ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 aamma 5 tak.

*Imm. 2.* Agguataarinermi, agguataarinermi pilersaarusiornissaq ilaatinneqanngitsumi, § 255, imm. 2 tak., atsiorneqarsimappat, ingerlatseqatigiiffimmut aningaasaliiffiusumut pineqartumut, agguataarinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, agguataarinermi pilersaarusiunnginnissaq pillugu aalajangerneq ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 aamma 5 tak.

*Imm. 3.* Pigisanik nalilinnik akiligassanillu naatsorsuineq, ingerlatseqatigiiffiup ukiumoortumik nalunaarusiornerani maleruagassai naapertorlugit suliarineqarsimappat, ulloq naatsorsuusiorfiusoq agguataarinermi pilersaarusiunnginnissaq pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Pigisanik nalilinnik akiligassanillu naatsorsuineq kukkunersiorneqassaaq, ingerlatseqatigiiffik aningaasaliiffiusoq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq, imaluunniit inatsisit allat malillugit kukkunersiuinissamut pisussaaffeqartunut ilaappat.

*Imm. 4.* Aningaasaatinik piginnittut isumaqatigiillutik aalajangersinnaapput pigisanik nalilinnik akiligassanillu naatsorsuineq suliarineqassanngitsoq, ingerlatseqatigiiffiup aningaasaliiffiusup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqqutaatinnagu.

*Imm. 5.* Imm. 1-mi aalajangersagaq ingerlatseqatigiiffinnut aningaasaliiffiusunut, EU/EØS-imi nunami niuerfimmi naleqqussakkami pappiaranik aningaasanik nalilinnik niueruteqartunut, aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu ukiup affaanut nalunaarusiamik tamanut saqqummiussisimasut atorneqassanngilaq, ukiup affaanut nalunaarusiaq ingerlatseqatigiiffik pillugu ukiup affaanut naatsorsuutitik kukkunersiorneqarsimasunik imaqarpat aamma ukiup affaanut nalunaarusiaq ingerlatseqatigiiffiup aningaasaatinik piginnittuinit pissarsiarineqarsinnaappat.

*Nalilinnik aningaasaliineq pillugu nalilersuineramik nassuiaat*

**§ 258** Agguataarinermut atatillugu aktieselskabimi ingerlaqqittumik aningaasaatinik qaffaasoqarpat, imaluunniit agguataarinermut atasumik nutaanik piginneqataassuteqalerpat kattunnermut atasumik nalilersuisumiit nassuiaasiortoqartitsisoqassaaq, taamaattorli imm. 2 tak. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik ingerlatseqatigiiffinnut aningaasaliiffiusunut kattuttunut tamanut nalilersuisut atugaannut atorneqassappat.

*Imm. 2.* Nalilersuinerмик nassuiaat ilaatinneqanngitsoortinneqarsinnaavoq, taarsiullugu agguataarinissaq eqqarsaatigineqartoq pillugu naliliisuniit oqaaseqaasiortoqarpat, § 259 tak., imaluunniit akiligassaqarfiit inissisimanerat pillugu nalilersuisumiit nalunaaruteqartoqarpat, § 260 tak.

*Imm. 3.* Agguataarinermut atasumik nalilersuinerми nassuiaasiortoqassappat nalilersuinerми nassuiaatip imarissavai

- 1) aningaasaliissutit ataasiakkaat allaaserinerat,
- 2) nalilersuinerми suleriaaseq atorineqartoq pillugu paasissutissat,
- 3) akissarsiat aalajangerneqarsimasut allanneqarnerи aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusoq tapiliullugu.

*Imm. 4.* Agguataarinерup akuerineqarneraniit piffissaq qaammatit pingasut sinnerlugit nalilersuinerми nassuiaat suliarineqarsimassanngilaq, § 263 tak. Piffissaliussaq qaangerneqarpat agguataarineq atuuttutut akuerineqarsinnaanngilaq.

*Agguataarinissaq eqqarsaatigineqartoq pillugu nalilersuisartup oqaaseqataa, tassunga ilanngullugu agguataarineq pillugu pilersaarut*

**§ 259.** Ingerlatseqatigiiffinni aningaasaliiffiusuni, agguataarinermi peqataasuni tamani agguataarinermut pilersaarut pillugu nalilersuisartoq ataaseq arlalilluunniit attaviitsut, paasisimasaqartut allakkatigut oqaaseqaasiussapput, akissarsiat ilanngullugit, imm. 4 tak. Agguataarinermi, agguataarinermut pilersaarusiornissaq ilaatinneqanngitsumi, § 237, imm. 2 tak., agguataarinissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Aningaasaatinik piginnittut isumaqatigiillutik aalajangersinnaapput agguataarinissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq, oqaaseqatigiit siulliit aamma aappaat tak.

*Imm. 2.* Nalilersuisartut § 37, imm. 1 malillugu toqqarneqassapput. Ingerlatseqatigiiffiit aningaasaliiffiusut, agguataarinermut peqataasut, nalilersuisartumik ataatsimik arlalinnilluunniit atuinissaq kissaatigippassuk, ingerlatseqatigiiffiit aningaasaliiffiusut noqqaassuteqarnerisigut pigisanik agguassinerмut eqqartuussivimmit taakku toqqarneqassapput.

*Imm. 3.* § 37, imm. 2 aamma 3, taamaqataanik ingerlatseqatigiiffinnut aningaasaliiffiusunut agguataarneqartunut tamanut nalilersuisut pissusiinut atorineqassapput.

*Imm. 4.* Oqaaseqaat ingerlatseqatigiiffimmi aningaasaliiffiusumi atorunnaartumi aningaasaatinik piginneqataassutitut akissarsiat naammaginartuunersut aamma piviusorsiortumik tunngavilersugaanersut pillugu nalunaarummik imaqassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorineqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkarlutik qanoq kinguneqarnerinik nalinik aamma naliliinerми imminnut naleqqiullutik suleriaatsit pingaaruteqarnerи allanneqassapput. Naliliinerмut atasunik immikkut ajornartorsiuteqarsimappat taakku nalunaarummi eqqaaneqassapput.

*Akiligassaqarfiit inissisimaneri pillugit nalilersuisartup nalunaarutaa*

**§ 260** Nalilersuisartut § 259-mi eqqaaneqartup nalunaarutip saniatigut aamma ingerlatseqatigiiffimmi aningaasaliiffiusumi                      ataatsimi akiligassaqarfiit  
ingerlatseqatigiiffiup maannakkut                      105      inissisimaneranut naleqqiullugu

kattunnerup kingorna naammattumik qulakkeerneqarsimasut pillugu nalunaaruteqassapput. Aningaasaatinilli piginnittut isumaqatigiillutik aalajangiisinnaapput akiligassaqarfiit inissisimanerat pillugu nalilersuisartumit taamatut nalunaaruteqartoqassanngitsoq.

*Akiligassaqarfiit piumasaqaatiminnik nalunaaquteqarsinnaanerannut periarfissaq*

**§ 261** Akiligassaqarfiit inissisimanerat pillugu nalunaarumminni nalilersuisartut, § 260 tak., isumaqarunik ingerlatseqatigiiffinni aningaasaliiffiusuni ataasiakkaani akiligassaqarfiit kattunnerup kingorna naammattumik qulakkeerneqarsimanngitsut, imaluunniit akiligassaqarfiit inissisimanerat pillugu nalilersuisartumiit nalunaarusiortoqanngippat, akiligassaqarfiit, § 262 naapertorlugu Erhvervsstyrelsiip tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit ingerlatseqatigiiffimmut pissarsiassatik nalunaarutigissavaat. Pissarsiassalli isumannaatsumik qularnaveeqquserneqarsimasut nalunaarutigineqassanngillat.

*Imm. 2.* Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimanngitsut, isumannaatsumik qularnaveeqquserneqarnissaat piumasarineqarsinnaalluni.

*Imm. 3.* Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaat inatsit naapertorlugu aaqqissuussinikkut qulakkeerneqarsimappat.

*Imm. 4.* Qularnaveeqqusiisoqassanersoq imaluunniit qularnaveeqqusiineq naammannersoq pillugu ingerlatseqatigiiffiup aningaasaliiffiusup amma akiligassaqarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kigusinnerpaamik sapaatit akunneri tallimat qaangiutsinnagit pigisanik agguaaassinermut eqqartuussivimmut suliaassanngortitsisinnaapput.

*Imm. 5.* Akiligassaqarfik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqqusiisoqarnissaanik pisinnaatitaaffini assortorsinnaanngilaa.

*Imm. 6.* (Atorunnaarpoq)

*Agguataarinissaq eqqarsaatigineqartoq pillugu paasissutissanik nassiussineq, tassunga ilanngullugit agguataarinissamut pilersaarut aamma akiligassaqarfiit inissisimanerat pillugu nalilersuisartumiit nalunaarut*

**§ 262** Agguataarinissamut pilersaarutip atsiorneqarneraniit kigusinnerpaamik sapaatit akunneri arfineq marluk qaangiutsinnagit agguataarinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat agguataarinissamut pilersaarutip tiguneqarnera tamanut saqqummiunneqarsinnaanngilaq, agguataarnerlu taamaalluni akuerineqarnani.

*Imm. 2.* Ingerlatseqatigiiffiit aningaasaliiffiusut peqataasut agguataarinissamut pilersaarutip suliarineqannginnissaanut periarfissaq atorsimanngippassuk, § 255, imm. 2 tak., tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut peqataasut aqqi aamma Erhvervsstyrelsiip qarasaasiaqarfiani nalunaarsorneqarnermin normut allanneqarlutik.

*Imm. 3.* Akiligassaqarfiit inissisimanerat pillugu nalilersuisartup nalunaarutaa, § 260, oqaaseqatigiit suilliit tak., Erhvervsstyrelsimut nassiunneqassaaq, taamaattorli imm. 4 tak.

*Imm. 4.* Akiligassaqarfiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 260, oqaaseqatigiit aappaat tak.,



atorneqarsimappat tamanna Erhvervsstyrelsimut nalunaarutigineqassaaq ingerlatseqatigiiffiit aningaasaliiffiusut kattunnermi peqataasut aqqi aamma Erhvervsstyrelsip qarasaasiaqarfiani nalunaarsorneqarnermi normuat allanneqarlutik.

*Imm. 5.* Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasiaqarfiani tamanut saqqummiunneqassapput. Akiligassaqaarfiit piumasaqaatiminnik nalunaaruteqarsinnaatitaanerit, § 261 tak., Erhvervsstyrelsip tamanut saqqummiussinera tamanna pillugu paasissutissanik imaqaassaaq.

*Imm. 6.* Agguataarinissamut pilersaarutinik allagaatinillu ilaatinneqartunik ingerlatseqatigiiffiit aningaasaliiffiusut tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

#### *Agguataarinerup naammassineqarnissaa pillugu aalajangiineq*

**§ 263** Agguataarinerup naammassineqarnissaanut aalajangerneq agguataarinissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 262, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattoorli imm. 2 aamma 3 tak. § 262, imm. 1 imaluunniit 2-mut tunngatillugu aamma § 262, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

*Imm. 2.* Agguataarinermi, anpartsselskabit kisimik peqataaffigisaanni, aamma nalilersuisartut akiligassaqaarfiit inissisimanerat pillugu nalunaaruteqarnerminni, § 260 tak., isumaqarunik anpartsselskabini ataasiakkaat akiligassaqaarfiit agguataarinerup kingorna naammattumik qulakkeerneqarsimasut, piginneqataasut isumaqatigiillutik agguataarinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 262, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

*Imm. 3.* Agguataarinermi, agguataarinermut pilersaarut ilaatinneqanngitsumi, § 255, imm. 2 tak., akiligassaqaarfiit inissisimanerat pillugu nalilersuisartoq nalunaarusiorsimappat, § 262 tak., aamma akiligassaqaarfiit inissisimanerat pillugu nalunaaruteqarnerminni anpartsselskabini ataasiakkaani akiligassaqaarfiit agguataarinerup kingorna naammattumik qularnaarneqarsimasut nalilersuisartut isumaqarpata, agguataarinerup naammassineqarnissaa pillugu anpartsselskabit aalajangiinerat sioqqullugu Erhvervsstyrelsip tamanut saqqummiussinissaa, § 260 tak., pillugu piumasaqaateqartoqassanngilaq.

*Imm. 4.* Ingerlatseqatigiiffiup aningaasaliiffiusup atorunnaartup pisinnaatitaaffii aamma naatsorsuutitigut pisussaaffii ingerlatseqatigiiffimmut ingerlaannartumut nuunneqartut isigineqalernerini piffissaq sioqqullugu ingerlatseqatigiiffiup aningaasaliiffiusup atorunnaartup ukiumut naatsorsuutini naammassisimappagit, aamma piffissamut tassunga naatsorsuusiortumut ukiumoortumik nalunaarusiamik ataatsimeersuartut suli akuersisimanngippata, agguataarinerup naammassineqarnissaanik aalajangiinerup kingusinnerpaamik peqatigisaanik piffissamut naatsorsuusiortumut tassunga ukiumoortumik nalunaarusiaq ataatsimeersuartunit akuerineqassaaq.

*Imm. 5.* Akiligassaqaarfiit, tamatuminnga noqqaasut, agguataarinerup naammassineqarnissaa qaqugu aalajangiiffigineqarnissaa pillugu paasissutissamik pissarsissapput.

*Imm. 6.* Agguataarinissamut pilersaarusiortoqarsimappat agguataarineq agguataarinissamut pilersaarut naapertorlugu naammassineqassaaq. Agguataarinissamut pilersaarut tamanut saqqummiunneqarsimasooq naapertorlugu agguataarinissaq akuerineqarpat siunnersuut atorunnaartutut isigineqassaaq.

*Imm. 7.* Allagaatit uku, suliarineqarsimappata, agguataarinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, ingerlatseqatigiiffiup najugaani imaluunniit nittartagaani aningaasaatinik piginnittunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajanginngippata, taamaattorli imm. 8 tak.:

- 1) Agguataarinissamut pilersaarut.
- 2) Ingerlatseqatigiiffiit aningaasaliiffiusut peqataasut ataasiakkaat tamarmik ukiuni kingullerni pingasuni imaluunniit piffissamut sivikinnerusumi ingerlatseqatigiiffiup atuuffigisimasaani ukiumut naatsorsuutaat pillugit ukiumoortumik nalunaarusiat akuerineqarsimasut.
- 3) Agguataarineq pillugu nassuiaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuisartut nassuiaataat.
- 6) Agguataarinissaq eqqarsaatigineqartoq pillugu nalilersuisartut oqaaseqaataat, tassunga ilanngullugu agguataarinissamut pilersaarut.
- 7) Akiligassaarfiit inissisimanerat pillugu nalilersuisartut nalunaarutaat.

*Imm. 8.* Aningaasaatinik piginnittut, tamanna pillugu noqqaasut, imm. 7-mi taaneqartunut allagaatinut akiliuteqarnatik isersinnaassapput.

**§ 264.** Ingerlatseqatigiiffimmi aningaasaliiffiusumi aningaasaliisumi agguataarineq pillugu aalajangiineq ataatsimeersuartunit aalajangiiffigineqassaaq §§ 106 aamma 107 malillugu piumasarineqartunik amerlanerussuteqartumik, aamma atorunnaarsitsineq imaluunniit agguataarineq pillugu malittarisassani imarineqarsinnaasut najoqqutassat ilassutaasut naapertorlugit, taamaattorli § 270 tak. Ingerlatseqatigiiffik aningaasaliiffiusoq akiliisinnaajunnaarsimappat agguataarinissaq pillugu taamaallaat aalajangiisoqarsinnaavoq aningaasaatinik piginnittunut tunniussuineq sulii aallartinneqarsimanngippat, aamma peqatigisaanik akiliisinnaajunnaarnerup atorunnaarsinnissaa pillugu ataatsimeersuartut aalajangiippata. Pilersitseqqinneq pillugu § 231 tamatuma kingorna atorneqassanngilaq.

**§ 265** Agguataarineq pillugu aalajangiineq ingerlatseqatigiiffimmi aningaasaliiffiusumi ingerlaannartumi qitiusumik aqutsisunit aalajangiiffigineqassaaq, ataatsimeersuartunit malittarisassanik allannguisoqassanngippat, ingerlatseqatigiiffiup aningaasaliiffiup atorunnaartup aqqata imaluunniit saniatigut taaguutaa ingerlatseqatigiiffimmi aningaasaliiffiusumi ingerlaannartumut saniatigut taaguutitut ilanngussineq eqqaassanngikkaani, taamaattorli imm. 2 tak. Ingerlatseqatigiiffik aningaasaliiffiusoq akiliisinnaajunnaarsimappat, agguataarineq taamaallaat aalajangiiffigineqarsinnaavoq aningaasaatinik piginnittunut tunniussuineq sulii aallartinneqarsimanngippat peqatigisaanillu ingerlatseqatigiiffiup pilerseqqinneqarnissaa pillugu ataatsimeersuartut aalajangiisimappata, § 231 tak.

*Imm. 2.* Aningaasaatinik piginnittut, ingerlatseqatigiiffiup aningaasaataanik 5 pct.-inik piginnittut, imaluunniit aningaasaatinik piginnittut, malittarisassat malillugit, § 89 tak., ataatsimeersuarnermik aggersaanissamik piumasaqarsinnaasut, agguataarinissaq eqqarsaatigineqartoq pillugu paasisutissat tiguneqarneri pillugit Erhvervsstyrelsen tamanut saqqummiussineraniit kingusinnerpaamik sapaatit akunneri tallimat qaangiutsinnagit, tassunga ilanngullugu agguataarinissamut pilersaarut, allakkatigut piumasarisinnaavaat ingerlatseqatigiiffimmi aningaasaliiffiusumi ingerlaannartumi aalajangiineq ataatsimeersuartunit aalajangiiffigineqassasoq.

*Imm. 3.* Qitiusumik aqutsisut, tamanna pillugu noqqaassutip saqqummiunneqarneraniit kingusinnerpaamik sapaatit akunneri marluk qaangiutsinnagit, ataatsimeersuarnissamut aggersaassapput.

*Imm. 4.* Ingerlatseqatigiiffimmi aningaasaliiffiusumi ingerlaannartumi aalajangiinissaq ataatsimeersuarnissamut aalajangiiffineqassappat § 106 malillugu piumasarineqartumik amerlanerussuteqarluni aalajangiisoqassaaq.

**§ 266** Ingerlatseqatigiiffinni aningaasaliiffiusuni ingerlaqqittuni, agguataarinermit peqataasuni, qitiusumik aqutsisut, ataatsimeersuarnermi, agguataarinerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugit agguataarinissamut pilersaarutip atsiornata ataatsimeersuarnerrullu akornanni piffissami pisimasuni pigisani nalilinni pisussaaffinni annertuumik allanngornerit.

*Imm. 2.* Agguataarinermit, agguataarinermut pilersaarut ilaatinneqanngitsumi, § 255, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugit ingerlatseqatigiiffimmi ullormi oqimaaqatigiissitsinermit ukiumoortumik nalunaarusiap kingullermik saqqummiussinerup ataatsimeersuarnerrullu akornanni piffissami pisimasuni pigisani nalilinni pisussaaffinni annertuumik allanngornerit.

*Imm. 3.* Agguataarinermit, anpartsselskabit kisimik peqataaffigisaanni, agguataarinerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut agguataarinissamut pilersaarummi takuneqarsinnaanngippata, § 255 tak.:

- 1) Anpartsselskabit aqqi saniatigullu taaguutaat, tassunga ilanngullugu ingerlatseqatigiiffiup aningaasaliisup aqqa imaluunniit saniatigut taaguutaa ingerlatseqatigiiffimmi tiguisusumi saniatigut taaguutit ilaassanersoq.
- 2) Anpartsselskabini agguataarinermit peqataasuni nuunneqartuni imaluunniit ingerlaannartuni tamani pigisat nalillit pisussaaffiillu agguarneri.
- 3) Anpartsselskabimi aningaasaliisumi piginneqataasunut akissarsiat, tassunga ilanngullugu taakku agguarneri.
- 4) Piffissaq, piginneqataassutit akissarsiatut atornerqartut, iluanaarutit tunniunneqalersinnaaneri.
- 5) piffissaq, anpartsselskabimit atorunnaartumiit pinnaatitaaffiit pisussaaffiillu naatsorsuutitigut tunniunneqartutut isigineqalernerit.
- 6) Malittarisassat, §§ 28 aamma 29 tak., agguataarinerup naammassineqarnerani anpartsselskabimik nutaamik pilersitsisoqarpat.

*Imm. 4.* Agguataarineq, anpartsselskabit kisimik peqataaffigisaat pineqarpat, aamma § 255, imm. 2 naapertorlugu agguataarinermit pilersarusiortoqassanngitsoq piginneqataasut isumaqatigiillutik aalajangersimallutik, imm- 3-mi piumasaqaatit eqqarsaatigalugit anpartsselskabini ingerlaqqillutik peqataasuni tamani assigiimmik aalajangiisoqassaaq. Taamaattoqanngippat agguataarinerup naammassineqarnera pillugu aalajangiineq atorunnaartutut isigineqassaaq.

#### *Ajunngitsorsiassanik piumasaqarsinnaanermut periarfissaq*

**§ 267** Ingerlatseqatigiiffinni aningaasaliiffiusuni aningaasaliisumi aningaasaatinik piginnittut ingerlatseqatigiiffimmit aningaasaliiffiusumit ajunngitsorsiassaqaarnissaq piumasarisinnaavaat, ingerlatseqatigiiffinni aningaasaliiffiusuni aningaasaliisumi aningaasaatinik piginnittunut akissarsiat naammaginanngippata aamma piviusorsioortumik tunngavilersorneqarsimanngippata, aamma ataatsimeersuarnermi tamanna pillugu

nangaassuteqarsimappata, tassani agguataarinerup naammassineqarnissaa pillugu aalajangiisoqarsimalluni.

*Imm. 2.* Imm. 1 malillugu suliassanngortitsineq pissaaq ingerlatseqatigiiffinni aningaasaliiffiusuni ingerlasuni tamani agguataarineq pillugu aalajangiisoqareerneraniit kingusinnerpaamik sapaatit akunneri tallimat qaangiutsinnagit.

*Imm. 3.* Imm. 1 naapertorlugu nangaassuteqartoqarsimappat agguataarineq akuerineqarsimasoq aatsaat imm. 2-mi piffissaliussap naanerata kingorna nalunaarsorneqarsinnaavoq, agguataarineq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 241 tak., isumaqarpata ingerlatseqatigiiffinni aningaasaliiffiusuni aningaasaliisumi aningaasaatinik piginnittunut akissarsiat naammaginartuusut aamma piviusorsiorlumik tunngavilersorneqarsimasut.

#### *Agguataarinerup inatsisitigut sunniutai*

**§ 268** Agguataarineq naammassineqartutut isigineqassaaq, aamma ingerlatseqatigiiffik aningaasaliiffiusoq aningaasaliisoq atorunnaarsinneqartutut isigineqassaaq aamma ingerlatseqatigiiffimmut aningaasaliiffiusumut tigusisumut nuunneqartut isigineqassapput, taamaattorli imm. 2 tak., uku pippata:

1) Agguataarineq, ingerlatseqatigiiffinni aningaasaliiffiusuni ingerlaqqittuni, agguataarinnermut peqataasuni tamanani aalajangiiffigineqarpata.

2) § 261 malillugu akiligassaqarfiit piumasaqaataat aalajangiiffigineqarsimappata.

3) § 267 malillugu ajunngitsorsiassat pillugit aningaasaatinik piginnittut piumasaqaataat aalajangiiffigineqarsimappata, imaluunniit piumasaqaat pillugu isumannaatsumik qularnaveeqqusiisoqarsimappat. Agguataarineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartut oqaaseqaataanni isummertoqarpata akissarsiat naammaginartuusut piviusorsiorlumillu tunngavilersorneqarsimasut, nalilersuisartut aamma nalunaarutigissavaat akissarsiat pillugit oqaaseqaatertik annertuutigit akerlilerneqarsinnaanngitsoq.

Qularnaveeqqusiineq isumannaatsuunersoq nalilersuisartut aalajangissuaat.

4) Aqutsisunut qullersanut ilaasortanik kukkunersuiisumillu toqqaaneq pillugu imm. 6-mi piumasaqaatit naammassineqarpata.

5) Qullersaqarfirmik atorfinitsitsisoqarsimavoq, agguataarinnermut atasumik ingerlatseqatigiiffimmi aningaasaliiffiusumik nutaamik pilersitsisoqarsimappat aqutsisoqartussamik, aqutsisut qullersat tassaassallutik siulersuisut imaluunniit nakkutilliisut, § 111, imm. 1 tak.

*Imm. 2.* Piffissaq, ingerlatseqatigiiffiup aningaasaliiffiusup aningaasaliisup naatsorsuutitigut pisinnaatitaaffii pisussaaffiilu ingerlatseqatigiiffimmut aningaasaliiffiusumut tigusisumut nuunneqartutut isigineqartoq tassaappat agguataarinerup naammassineqarnera pillugu aalajangiinnermut piffissaq, agguataarineq inatsisitigut sunniuteqanera, oqaaseqatigiit aappaat aamma pingajuat tak., aatsaat naatsorsuutitigut piffissami sunniuteqalernera pissaaq. Piffissaq agguataarinerup naatsorsuutitigut sunniuteqalernera agguataarinerup naammassineqarnera pillugu aalajangiisoqarneraniit kingusinnerpaamik sapaatit akunnerinik tallimanik kingusinnerussanngilaq, taamaattorli agguataarinerup nalunaarsorneqarneranut imaluunniit nalunaarsorneqarnissamut nalunaarutigineqarneranut piffissamiit kingusinnerunani. Naatsorsuutitigut piffissaq sunniuteqalerfiusoq aamma agguataarinerup naammassineqarnera pillugu aalajangiinnermut piffissaq aamma ingerlatseqatigiiffinnut aningaasaliiffiusunut peqataasunut ukioq naatsorsuusiorgfigisaat assigissavaat.

*Imm. 3.* Imm. 1 aamma 2-mi piumasaqaatit naammassineqarpata ingerlatseqatigiiffimmi aningaasaliiffiusumi aningaasaliisumik aningaasaatinik piginnittut, aningaasaatinik

piginneqataassutininik akissarsitinneqartut, ingerlatseqatigiiffimmi tiguisisumi aningaasaatinik piginnittuulissapput.

*Imm. 4.* Ingerlatseqatigiiffinnit aningaasaliiffiusunit agguataartunit pigineqartuni ingerlatseqatigiiffimmi aningaasaliiffiusumi aningaasaliisumik aningaasaatinik piginneqataassutininik akissarsitsisoqarsinnaanngilaq. § 31 aamma § 153, imm. 2, taamaaqataanik agguataarinermi atorneqassapput.

*Imm. 5.* Pilersitsineq pillugu kapitali 3, aningaasaatinik qaffaaneq pillugu kapitali 10 aamma atorunnaarsitsineq pillugu kapitali 14 kuttunnermi atorneqassanngillat, agguataarineq pillugu aalajangersakkanit tamanna takuneqarsinnaanngippat, §§ 254-270 tak.

*Imm. 6.* Agguataarinermi naammassineqarnerani ingerlatseqatigiiffimmi aningaasaliiffiusumik nutaamik pilersitsisoqarpat, aamma agguataarinermi ataatsimeersuarnermi akuerineqarnerata kingunitsianngua aqutsisunut qullersanut ilaasortassanik kukkunerisuiussamillu toqqaasoqarpat, tamatuma kingorna kingusinnerpaamik sapaatit akunneri tallimat qaangiutsinnagit ingerlatseqatigiiffimmi aningaasaliiffiusumi nutaami aqutsisuni qullersani ilaasortassanik kukkunerisuiusumillu toqqaaffiusumik ataatsimeersuartoqassaaq. Ataatsimeersuartut aamma, ukiumoortumik naatsorsuutit pillugit inatsit kunngip peqqussuteqarneratigut Kalaallit Nunaannut atulersinneqartoq, inatsisilluunniit allat malillugit kukkunerisuiisoqarnissaanik pisussaaffimmut ingerlatseqatigiiffik aningaasaliiffiusoq ilaanngippat, ingerlatseqatigiiffiup aningaasaliiffiusup ukiumoortumik naatsorsuutai kukkunerisiorneqartassanersut pillugu aalajangiissapput.

#### *Agguataarinermi naammassineqarneranik nalunaarsuineq*

**§ 269.** Agguataarineq akuerineqartoq ingerlatseqatigiiffinnut aningaasaliiffiusunut ataasiakkaanut tamanut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., agguataarinermi peqataasuni ingerlatseqatigiiffinni aningaasaliiffiusuni ingerlaqqittuni tamanit agguataarinermi aalajangiiffiginneraniit kingusinnerpaamik sapaatit akunneri tallimat qaangiutsinnagit. Ingerlatseqatigiiffik aningaasaliiffiusoq tiguisoq ingerlatseqatigiiffiit aningaasaliiffiusut peqataasut sinnerlugit agguataarineq nalunaarsussavaa imaluunniit nalunaarutigissavaa. Nalunaarsorneqarneq imaluunniit nalunaaruteqarneq allagaatinut § 263, im. 7, nr. 3-7-mi taaneqartunut ilanngunneqassaaq, allagaatit suliarineqarsimappata. Agguataarineq akuerineqartoq aatsaat nalunaarsorneqarsinnaavoq agguataarinermi inatsisitigut sunniuteqarnera § 268, imm. 1 aamma 2 malillugu atuutilerpat.

*Imm. 2.* Agguataarineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik agguataarinermi naatsorsuutitigut sunniuteqarnerani piffissamut ukiumoortumik nalunaarusianik nassiussinissamut piffissaliussap naanerani, taamaattorli agguataarineq eqqarsaatigineqartoq pillugu paasissutissanik tiguneqartunik Erhvervsstyrelsip tamanut saqqummiussinneraniit, § 262, imm. 5 tak., kingusinnerpaamik ukiup ataatsip qaangiutinnginnerani. Piffissaliussat taakku marluk arlaat qaangerneqarpat agguataarinermi naammassineqarnera pillugu aalajangiinnerup atuuttuunini annaassavaa, aamma § 255 naapertorlugu agguataarinissamut pilersaarusiaasimasoq atorunnaartutut isigineqalerluni.

*Imm. 3.* Ingerlatseqatigiiffik aningaasaliiffiusoq, agguataarinermut atasumik, ingerlatseqatigiiffiup aningaasaliiffiusup nalunaarsorneqarnera sioqqullugu isumaqatigiissuteqarpat, aamma isumaqatigiissuteqaqataasup ingerlatseqatigiiffik aningaasaliiffiusoq nalunaarsorneqarsimanngitsoq ilisimasimappagu, isumaqatigiissuteqaqataasup, allamik isumaqatigiittoqarsimanngippat, isumaqatigiissut

atorunnaarsissinnaavaa, nalunaarsorneqarneq imaluunniit nalunaarsorneqarnissamut nalunaarut imm. 2-mi piffissaliussatut aalajangersakkap kingusinnerpaamik naanerani Erhvervsstyrelsimiit tiguneqarsimanngippat, imaluunniit nalunaarsorneqarnissaq itigartinneqarsimappat. Ingerlatseqatigiiffik aningaasaliiffiusoq nalunaarsorneqarsimanngitsoq isumaqatigiissuteqaqataasoq ilisimasaqarsimanngippat taassuma isumaqatigiissut atorunnaarsissinnaavaa, ingerlatseqatigiiffiup aningaasaliiffiusup nalunaarsorneqarsimannginnerani. § 41, imm. 1, oqaaseqatigiit aappaat taamaaqataanik atorneqassapput.

*Imm. 4.* §§ 42-44 taamaaqataanik atorneqassapput ingerlatseqatigiiffik aningaasaliiffiusoq, agguataarinermut atasumik pilersinneqartoq, ingerlatseqatigiiffiup nalunaarsorneqarneraniit piffissami qaammatit 24-t tikillugit aningaasaatinik piginnittumiit, ingerlatseqatigiiffimmik ilisimannittumiit, pigisanik nalilinnik pissarsippat.

#### *Tiguisumi agguataarineq il.il. suleriaatsit pisariillisakkat*

**§ 270.** Ingerlatseqatigiiffimmi aningaasaliiffiusumi aningaasaliisumi piginneqataassutit tamarmik ingerlatseqatigiiffinnit aningaasaliiffiusunit tiguisunit pigineqarpat, tassa imaappoq tiguisumi agguataarineq, ingerlatseqatigiiffimmi aningaasaliiffiusumi aningaasaliisumi agguataarineq pillugu aalajangiineq qitiusumik aqutsisunit aalajangiiffigineqarsinnaavoq. Allatigut § 255, imm. 1 aamma 2 aamma imm. 3, nr. 1-3, 7, 8 aamma 10-12, aamma imm. 4, §§ 256, 257 aamma 260-263, § 264, oqaaseqatigiit aappaat aamma pingajuat, aamma §§ 265, 266, 268 aamma 269-mi aalajangersakkat taamaaqataanik tiguisumi agguatarrinnermi atorneqassapput.

*Imm. 2.* Ingerlatseqatigiiffimmi aningaasaliiffiusumi ataatsimi arlalinniluunniit agguataarinermi ingerlatseqatigiiffinnilu taakkunani aningaasaatinik piginneqataassutit ingerlatseqatigiiffimmi aningaasaliisumi aningaasaatinik piginneqataassutit imaluunniit taasisinnaanerit annertoqqataannik ingerlatseqatigiiffimmi aningaasaliisumi aningaasaatinik piginnittunut agguanneqarpata §§ 256, 257 aamma 259 aamma § 266, imm. 1-mi aalajangersakkat atorneqassanngillat.

Kapitel 16 (Kalaallit Nunaanni atulersinneqanngilaq)

Kapitel 16 a (Kalaallit Nunaanni atulersinneqanngilaq)

### Kapitali 17

#### *Allanngortitsineq*

##### *Anpartsselskabimik aktieselskabinngortitsineq*

**§ 319** Piginneqataasut, malittarisassanik allanngortitsinnermi piumasarineqartumik amerlanerussuteqarlutik anpartsselskabip aktieselskabinngortinnissaa akuersissutigisinnaavaat. Piginneqataasut, allanngortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuinnermi nassuiaammik, kiisalu § 38-mi maleruagassat malillugit aqutsisut nalunaaruteqarnerannik ilisimatinneqassapput. §§ 42-44 taamaaqataanik allanngortitsinissaq pillugu aalajangeereernerup kingorna pissarsianut atorneqassapput. Allanngortitsineq akiligassa qarfiit akuersitinnagit naammassineqarsinnaavoq. § 31 taamaaqataanik anpartsselskabip aktieselskabinngortinnerani atorneqassaaq.

*Imm. 2.* Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri tallimat qaangiutsinnagit aalajangiinnermi peqataasimanngitsunut piginneqataasunut tamanut nassiuinneqassaaq.

**§ 320** Anpartsselskabip aktieselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni aktieselskabinut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

*Aktieselskabip anpartsselskabinngortinnera*

**§ 321** Ingerlatseqatigiiffiup malittarisassaanik allanngortitsineri pisariaqartinneqartunik amerlanerussuteqarnikkut aktieselskabip anpartsselskabinngortinneqarnera ataatsimeersuartut akuersissutigisinnaavaat. Allanngortitsineq akiligassaqarfiit akuersitinnagit naammassineqarsinnaavoq.

*Imm. 2.* Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinnermi peqataasimanngitsunut piginneqataasunut tamanut nassiunneqassaaq.

**§ 322** Aktieselskabip anpartsselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni anpartsselskabinut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

*Aktieselskabip peqatigisaqarluni ingerlatseqatigiiffinnngortinnera*

**§ 323** Ingerlatseqatigiiffiup malittarisassaanik allanngortitsineri pisariaqartinneqartunik amerlanerussuteqarnikkut aktieselskabip peqatigisaqarluni ingerlatseqatigiiffinnngortinneqarnera ataatsimeersuartut akuersissutigisinnaavaat. Allanngortitsineq akiligassaqarfiit akuersitinnagit naammassineqarsinnaavoq.

*Imm. 2.* Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit piginneqataasutut allassimasunut tamanut kiisalu tamakkiisumik akisussaallutik peqataalersunut nassiunneqassaaq.

*Imm. 3.* Aktieselskabip peqatigisaqarluni ingerlatseqatigiiffinnngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni peqatigisaqarluni ingerlatseqatigiiffinnut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

*Peqatigisaqarluni ingerlatseqatigiiffiup aktieselskabinngortinnera*

**§ 324** Malittarisassaanik allanngortitsineri pisariaqartinneqartunik amerlanerussuteqarnikkut, aamma tamakkiisumik akisussaallutik peqataasut akuersinerisigut peqatigisaqarluni ingerlatseqatigiiffiup aktieselskabinngortinneqarnera ataatsimeersuartut akuersissutigisinnaavaat. Allanngortitsineq akiligassaqarfiit akuersitinnagit naammassineqarsinnaavoq. Ataatsimeersuartut, allanngortitsineq pillugu aalajangiisoqartinnagu, §§ 36 aamma 37 malillugu suliarineqartumik nalilersuinnermi nassuiaammik, kiisalu § 38-mi malittarisassat malillugit aamma pisortaqaatigiit nalunaarutaannik ilisimatinneqassapput. §§ 42-44 taamaaqataanik allanngortitsinissaq pillugu aalajangeereernerup kingorna pissarsianut atorneqassapput. § 31 taamaaqataanik peqatigisaqarluni ingerlatseqatigiiffiup aktieselskabinngortinnerani atorneqassaaq.

*Imm. 2.* Allanngortitsinerup akuersissutigineqarnera pillugu nalunaarut akuersisoqareerneraniit kingusinnerpaamik sapaatit akunneri marluk qaangiutsinnagit aalajangiinnermi peqataasimanngitsunut piginneqataasunut tamanut nassiunneqassaaq.

*Imm. 3.* Peqatigisaqarluni ingerlatseqatigiiffiup aktieselskabinngortinneqarnera pisimasutut isigineqassaaq ingerlatseqatigiiffiup malittarisassai allanngortinneqarpata taamaalilluni aktieselskabinut piumasaqaatinik naammassinnillutik, aamma allanngortitsineq Erhvervsstyrelsen qarasaasiaqarfiani nalunaarsorneqareerpat.

*Imm. 4.* Peqatigisaqarluni ingerlatseqatigiiffiup aktieselskabinngortinneqarnerani allanngortitsinerup kingorna allanngortitsineq sioqqullugu pisussaaffinnut sulit tamakkiisumik akiussaalluni peqataasoq akisussaavoq.

*Suliffeqarfiit killilimmik akisussaassusillit aktiaalitittut ingerlatsivittut allanngortinneri*

**§ 325** Suliffeqarfik killilimmik akisussaaffittalik inuussutissarsionermut suliffiit aalajangersimasut pillugit inatsimmi kunngip peqqussutaatigut Kalaallit Nunaannut atuutilersinneqartumi pineqartoq malittarisassanik allannguinnissamut piginnaatitaasut suliffeqarfiup aktieselskabinngortinnissaa akuersissutigisinnaavaat, §§ 326-337 tak. Allanngortitsineq akiligassaqarfiit akuersitinnagit naammassineqarsinnaavoq.

#### *Allanngortitsinissamut pilersaarut*

**§ 326** Suliffeqarfik qitiusumik aqutsisut allanngortitsinissamut pilersaarummik peqatigiillutik pilersitsillutillu atsiussapput, taamaattorli imm. 2 tak.

*Imm. 2.* Peqataasut isumaqatigiillutik aalajangiisinnaapput allanngortitsinissamut pilersaarusiortoqassanngitsoq, taamaattorli § 335, imm. 2 aamma 3 tak.

*Imm. 3.* Allanngortitsinissamut pilersaarut uku pillugit paasissutissanik aalajangersakkanillu imaqassaaq

- 1) suliffeqarfiup aqqa aamma allanngortitsineq sioqqullugu kingornalu saniatigut taaguutaa
- 2) suliffeqarfiup najugaa,
- 3) peqataasut akissarsiassaat,
- 4) piffissaq, aktieselskabimi piginneqataassutit iluanaarutitut tunniunneqarsinnaalernera,
- 5) aktieselskabimi pisinnaatitaaffiit, allanngortitsineq sioqqullugu suliffeqarfik piginneqataassutiniq pigisaqartunut aamma akiitsunut allagartallinnut immikkut pisinnaatitaaffilinnut atuutsinneqartut,
- 6) iliuusaasinnaasut allat piginneqataassutini akiitsoqarnermullu allagaatini nr. 5-imi pineqartuni pigisaqartunut iluaqusiisinnasut,
- 7) piginneqataassutiniq, akissarsiassatut tunniunneqartuni, nalunaarsuineq, kiisalu piginneqataassutit pillugit allagaatinik tunniussinermi nalunaarsuineq,
- 8) iluaqusiissut sunaluunniit, allanngortitsinerup atasumik suliffeqarfiup aqutsisutit ilaasortanut tunniunneqartoq, aamma
- 9) allanngortitsinerup kingorna aktieselskabimut malittarisassanut missiliuut, tak. §§ 28 aamma 29.

#### *Allanngortitsineq pillugu nassuiaat*

**§ 327** Suliffeqarfimmi qitiusumik aqutsisut, allanngortitsineq eqqarsaatigineqartoq, tassunga ilanngullugu allanngortitsinissamut pilersaarut, qanoq nassuiarneqassanersoq tunngavilersorneqassanersorlu allakkatigut nassuiaasiussapput, taamaattorli imm. 2 tak. Nassuiaat peqataanermut akissarsiatt pillugit aalajangersaanerup pillugu paasissutissanik imaqassaaq, tassunga ilanngullugu aalajangersaanermut atasumik immikkut ajornartorsiutit.

*Imm. 2.* Peqataasut isumaqatigiillutik aalajangersinnaapput allanngortitsinerup nassuiaasiortoqassanngitsoq.



*Akunnerinnarmi pigisanik nalilinnik akiligassanillu naatsorsuineq*

**§ 328** Suliffeqarfiup kingullermik ukiumoortumik nalunaarusiaanut imaluunniit ilaatitsinnginnermut nalunaarusiamut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini allanngortitsinissamut pilersaarut atsiorneqarsimappat, akunnerinnarmi pigisanik nalilinnik akiligassanillu naatsorsuisoqassaaq, taamaattorli imm. 4 tak.

*Imm. 2.* Allannngortitsinermi, allanngortitsinermi pilersaarusiornissaq ilaatinneqanngitsumi, § 326, imm. 2 tak., atsiorneqarsimappat, suliffeqarfik killilimmik akisussaaffilik pineqartoq, allanngortitsinermi peqataasumut akunnerinnarmi pigisanik nalilinnik akiligassanillu naatsorsuisoqassaaq, allanngortitsinermi pilersaarusiunnginnissaq pillugu aalajangerneq piginneqatigiilluni ingerlatseqatigiiffiup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini pisimappat, taamaattorli imm. 4 tak.

*Imm. 3.* Pigisanik nalilinnik akiligassanillu naatsorsuineq, Suliffeqarfiup ukiumoortumik nalunaarusiornerani maleruagassai naapertorlugit suliarineqarsimappat, ulloq naatsorsuusiorfiusoq agguataarinermi pilersaarusiunnginnissaq pillugu atsiorneq imaluunniit aalajangerneq sioqqullugu qaammatinik pingasunik ungasinnerussanngilaq. Akunnerinnarmi pigisanik nalilinnik akiligassanillu naatsorsuineq kukkunersiorneqassaaq, piginneqatigiilluni ingerlatseqatigiiffik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq, imaluunniit inatsisit allat malillugit kukkunersiuinissamut pisussaaffeqartunut ilaappat.

*Imm. 4.* Peqataasut isumaqatigiillutik aalajangersinnaapput akunnerinnarmi pigisanik nalilinnik akiligassanillu naatsorsuineq suliarineqassanngitsoq, suliffeqarfiup kingullermik ukiumoortumik nalunaarusiaanut tunngasumi ukiup naatsorsuusiorfiusup naaneraniit qaammatit arfinillit sinnerlugit qaangiunnerini agguataarinissamut pilersaarut atsiorneqarsimanera apeqqutaatinngilaq.

*Nalilinnik aningaasaliineq pillugu nalilersuineramik nassuiaat*

**§ 329.** Allannngortitsinermut atatillugu nalilersuisumiit nassuiaasiortoqartitsisoqassaaq. Nalilersuisussaq § 37, imm. 1 malillugu toqqarneqassaaq. § 37, imm. 2 aamma 3 taamaaqataanik suliffeqarfinnut allanngortitserusuttunut tamanut nalilersuisut atugaannut atorneqassapput.

*Imm. 2.* Nalilersuineramik nassuiaatip imarissavai

- 1) aningaasaliissutit ataasiakkaat allaaserinerat,
- 2) nalilersuineramik suleriaaseq atorneqartoq pillugu paasissutissat,
- 3) akissarsiat aalajangerneqarsimasut allanneqarneri aamma
- 4) nalitut inissinneqartup akissarsiassatut isumaqatigiissutigineqartumut minnerpaamik naapertuunnera pillugu nalunaarut, tassunga ilanngullugu aningaasaatinik piginneqataassutit atulersinneqartut nalingi, sinnerlugu naliusoq tapiliullugu.

*Imm. 3.* Allannngortitsinerup akuerineqarneraniit piffissaq qaammatit pingasut sinnerlugit nalilersuineramik nassuiaat suliarineqarsimassanngilaq, § 334 tak. Piffissaliussaq qaangerneqarpat allanngortitsineq atuuttut akuerineqarsinnaanngilaq.

*Allanngortitsinissaq eqqarsaatigineqartoq pillugu nalilersuisartup oqaaseqataa,  
tassunga ilanngullugu allanngortitsineq pillugu pilersaarut*

**§ 330.** Allannngortitsinermut pilersaarut pillugu nalilersuisartoq ataaseq arlalilluunniit attaviitsut, paasisimasartut allakkatigut oqaaseqaasiussapput, akissarsiat ilanngullugit, imm.

4 tak. Allannortitsinermit, allannortitsinermit pilersarusiornissaq ilaatinneqanngitsumi, § 326, imm. 2 tak., allannortitsinissaq eqqarsaatigineqartoq pillugu nalilersuisartoq allakkatigut oqaaseqaasiussaaq, tassunga ilanngullugu akissarsiat, imm. 4 tak. Peqataasut isumaqatigiillutik aalajangersinnaapput allannortitsinissaq eqqarsaatigineqartoq pillugu nalilersuisartumit taamatut oqaaseqaasiliortoqassanngitsoq.

*Imm. 2.* Naliliisartut § 37, imm. 1 malillugu toqqarneqassapput.

*Imm. 3.* § 37, imm. 2 aamma 3, taamaqataanik suliffeqarfinnut allannortinneqarusuttunut nalilersuisut pissusiinut atorneqassapput.

*Imm. 4.* Oqaaseqaat suliffeqarfimmi peqaataanermut akissarsiat naammaginaruunersut aamma pivusorsiortumik tunngavilersugaanersut pillugu nalunaarummik imaqaassaaq. Nalunaarummi suleriaaseq imaluunniit suleriaatsit akissarsiap aalajangersarneranut atorneqartut, aamma tamatuma naleqquttuuneranik naliliineq allanneqassapput. Nalunaarut aamma suleriaatsit ataasiakkaarlutik qanoq kinguneqarnerinik nalinik aamma naliliinermi imminnut naleqqiullutik suleriaatsit pingaaruteqarneri allanneqassapput. Naliliinermut atasunik immikkut ajornartorsiuteqarsimappat taakku nalunaarummi eqqaaneqassapput.

*Akiligassaqaarfiit inissisimaneri pillugu nalilersuisartup nalunaarutaa*

**§ 331** Nalilersuisartut § 330-mi eqqaaneqartup nalunaarutip saniatigut aamma suliffeqarfimmi ataatsimi akiligassaqaarfiit suliffeqarfiup maannakkut inissisimaneranut naleqqiullugu allannortitsinerup kingorna naammattumik qulakkeerneqarsimasut pillugit nalunaaruteqassapput. Peqataasulli isumaqatigiillutik aalajangiisinnaapput akiligassaqaarfiit inissisimanerat pillugu nalilersuisartumit taamatut nalunaaruteqartoqassanngitsoq.

*Akiligassaqaarfiit piumasaqaatiminnik nalunaaruteqarsinnaanerannut periarfissaq*

**§ 332** Akiligassaqaarfiit inissisimanerat pillugu nalunaarumminni nalilersuisartut, § 331 tak., isumaqarunik suliffeqarfinni aningaasaliiffiusuni ataasiakkaani akiligassaqaarfiit allannortitsinerup kingorna naammattumik qulakkeerneqarsimanngitsut, imaluunniit akiligassaqaarfiit inissisimanerat pillugu nalilersuisartumiit nalunaarusiortoqanngippat, akiligassaqaarfiit, § 333 naapertorlugu Erhvervsstyrelsenip tamanut saqqummiussinera sioqqullugu pissarsiassat pilersinneqarsimappata, tamanut saqqummiussisoqarneraniit kigusinnerpaamik sapaatit akunneri arfineq marluk qaangiutsinnagit suliffeqarfimmut pissarsiassatik nalunaarutigissavaat. Pissarsiassalli, isumannaatsumik qularnaveeqquserneqarsimasut nalunaarutigineqassanngillat.

*Imm. 2.* Pissarsiassat nalunaarutigineqarsimasut, akilerneqartussat, akilerneqarnissaat piumasarineqarsinnaavoq, aamma pissarsiassat nalunaarutigineqarsimasut akilerneqarsimanngitsut, isumannaatsimik qularnaveeqquserneqarnissaat piumasarineqarsinnaalluni.

*Imm. 3.* Allatigut akiliisoqarsimappat, imm. 2 malillugu qularnaveeqqusiinissaq pisariaqassanngilaq, pissarsiassat akilerneqarnissaaq inatsit naapertorlugu aaqqiussuusinikkut qulakkeerneqarsimappat.

*Imm. 4.* Qularnaveeqqusiisoqassanersooq imaluunniit qularnaveeqqusiineq naammannersooq pillugu ingerlatseqatigiiffiup aamma akiligassaqaarfiit nalunaaruteqartut akornanni isumaqatigiinngitsoqarpat illuatungeriit marluullutik, pissarsiassap nalunaarutigineqarneraniit kigusinnerpaamik sapaatit akunneri tallimat qaangiutsinnagit pigisanik agguassinermut eqqartuussivimmut suliassanngortitsisinnaapput.

*Imm. 5.* Akiligassa qarfiik, pissarsiassamut tunngaviusumut isumaqatigiissummi pituttuisumik imm. 2 malillugu qularnaveeqqusiisoqarnissani pisinnaatitaaffini assortorsinnaanngilaa.

*Imm. 6.* (Atorunnaarpoq)

*Allanngortitsinissaq eqqarsaatigineqartoq pillugu paasissutissanik nassiussineq, tassunga ilanngullugit allanngortitsinissamut pilersaarut aamma akiligassa qarfiit inissisimanerat pillugu nalilersuisartumiit nalunaarut*

**§ 333** Allanngortitsinissamut pilersaarutip atsiorneqarneraniit kingusinnerpaamik sapaatit akunneri arfineq marluk qaangiutsinnagit allanngortitsinissamut pilersaarutip assilineranik Erhvervsstyrelsi tigusaqarsimassaaq, taamaattorli imm. 2 tak. Piffissaliussaq qaangerneqarpat allanngortitsinissamut pilersaarutip tiguneqarnera tamanut saqqummiunneqarsinnaanngilaq, agguataarnerlu taamaalilluni akuerineqarnani.

*Imm. 2.* Suliffe qarfiit allanngortitsinissamut pilersaarutip suliarineqannginnissaanut periarfissaq atorsimannippassuk, § 326, imm. 2 tak., tamanna Erhvervsstyrelsimut nalunaarutigineqassaaq piginneqatigiilluni ingerlatseqatigiiffiit aqqi aamma Erhvervsstyrelsip qarasaasia qarfiiani nalunaarsorneqarnermi normut allanneqarlutik.

*Imm. 3.* Akiligassa qarfiit inissisimanerat pillugu nalilersuisartup nalunaarutaa, § 331, oqaaseqatigiit siulliit tak., Erhvervsstyrelsimut nassiunneqassaaq, taamaattorli imm. 4 tak.

*Imm. 4.* Akiligassa qarfiit inissisimanerat pillugu nalilersuisartup nalunaarutaanik suliaqartoqannginnissaanik periarfissaq, § 331, oqaaseqatigiit aappaat tak., atorneqarsimappat tamanna Erhvervsstyrelsimut nalunaarutigineqassaaq suliffe qarfiit aqqi aamma Erhvervsstyrelsip qarasaasia qarfiiani nalunaarsorneqarnermi normuat allanneqarluni.

*Imm. 5.* Paasissutissanik allagaatinillu Erhvervsstyrelsip tigusaqarnera, imm. 1-4 tak., Erhvervsstyrelsip qarasaasia qarfiiani tamanut saqqummiunneqassapput. Akiligassa qarfiit piumasaqaatiminnik nalunaaruteqarsinnaatitaanerata, § 261 tak., Erhvervsstyrelsip tamanut saqqummiussinera tamanna pillugu paasissutissanik imaqassaaq.

*Imm. 6.* Agguataarinissamut pilersaarutini allagaatinillu ilaatinneqartunik suliffe qarfiit tamanut saqqummiussinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

*Allanngortitsinerup naammassineqarnissaa pillugu aalajangiineq*

**§ 334.** Allanngortitsinerup naammassineqarnissaanut aalajangerneq allanngortitsinissaq eqqarsaatigineqartoq pillugu paasissutissat tiguneqarnerisa Erhvervsstyrelsip tamanut saqqummiussineraniit, § 333, imm. 5 tak., siusinnerpaamik sapaatit akunneri arfineq marluk sioqqullugit aalajangerneqarsinnaavoq, taamaattorli imm. 2 aamma 3 tak. § 333, imm. 1 imaluunniit 2-mut tunngatillugu aamma § 333, imm. 3 imaluunniit 4-mut tunngatillugu tamanut saqqummiussineq tamarmik immikkut pisimappat, oqaaseqatigiinni siullerni piffissaliussaq kingullermik tamanut saqqummiussinermi piffissamiit naatsorsorneqassaaq.

*Imm. 2.* Nalilersuisartut akiligassa qarfiit inissisimanerat pillugu nalunaaruteqarnerminni, § 331 tak., isumaqarunik suliffe qarfimmi akiligassa qarfiit allanngortitsinerup kingorna naammattumik qulakkeerneqarsimasut, peqataasut isumaqatigiillutik allanngortitsinissaq eqqarsaatigineqartoq pillugu paasissutissat tiguneqarneri pillugit Erhvervsstyrelsip tamanut nalunaaruteqarnerata kingorna, § 333, imm. 5 tak., imm. 1 malillugu piffissaliussap saneqqunneqarnissaa aalajangersinnaavaat.

*Imm. 3.* Allannngortitsinerimi, allannngortitsinermut pilersaarut ilaatinneqanngitsumi, § 326, imm. 2 tak., akiligassaqaarfiit inissisimanerat pillugu nalilersuisartoq nalunaarusiorsimappat, § 333 tak., aamma akiligassaqaarfiit inissisimanerat pillugu nalunaaruteqarnerminni suliffeqaarfimmi akiligassaqaarfiit allannngortitsinerup kingorna naammattumik qularnaarneqarsimasut nalilersuisartut isumaqarpata, allannngortitsinerup naammassineqarnissaa pillugu peqataasut aalajangiinerat sioqqullugu Erhvervsstyrelsen tamanut saqqummiussinissaa, § 331 tak., pillugu piumasaqaateqartoqassanngilaq.

*Imm. 4.* Akiligassaqaarfiit, tamatuminnga noqqaasut, allannngortitsinerup naammassineqarnissaa qaqugu aalajangiiffiqineqarnissaa pillugu paasissutissamik pissarsissapput.

*Imm. 5.* Allannngortitsinissamut pilersaarusiortoqarsimappat allannngortitsineq allannngortitsinissamut pilersaarut naapertorlugu naammassineqassaaq. Allannngortitsinissamut pilersaarut tamanut saqqummiunneqarsimasoq naapertorlugu allannngortitsinissaq akuerineqarpat siunnersuut atorunnaartutut isigineqassaaq.

*Imm. 6.* Allagaatit uku, suliarineqarsimappata, allannngortitsinerup naammassineqarnissaa pillugu aalajangiisoqartinnagu kingusinnerpaamik sapaatit akunneri arfineq marluk sioqqullugit, suliffeqaarfiup najugaani imaluunniit nittartagaani peqataasunit pissarsiarineqarsinnaassapput, allagaatit pineqartut ataatsimeersuarnissaq sioqqullugu imaluunniit ataatsimeersuarnermi saqqummiunneqassanngitsut taakku isumaqatigiillutik aalajangiingippata, taamaattorli imm. 7 tak.:

- 1) Allannngortitsinissamut pilersaarut.
- 2) Suliffeqaarfiit ataasiakkaat tamarmik ukiuni kingullerni pingasuni imaluunniit piffissamut sivikinnerusumi suliffeqaarfiup atuuffigisimasaani ukiumut naatsorsuutai pillugit ukiumoortumik nalunaarusiat akuerineqarsimasut.
- 3) Allannngortitsineq pillugu nassuiaat.
- 4) Akunnerinnakkut pigisanik nalilinnik akiligassanillu naatsorsuineq.
- 5) Nalilinnik aningaasaliineq pillugu nalilersuiartut nassuiaataat.
- 6) Allannngortitsinissaq eqqarsaatigineqartoq pillugu nalilersuisartut oqaaseqaataat, tassunga ilanngullugu allannngortitsinissamut pilersaarut.
- 7) Akiligassaarfiit inissisimanerat pillugu nalilersuisartut nalunaarutaat.

*Imm. 7.* Peqataasut, tamanna pillugu noqqaasut, imm. 6-mi taaneqartunut allagaatinut akiliuteqarnatik isersinnaassapput.

**§ 335.** Allannngortitsinissaq pillugu aalajangiineq malittarisassanik allannguinnissamut pisinnaatitaasunit aalajangiiffiqineqassaaq. Aalajangiineq suliffeqaarfiup atorunnaarsinneqarnissaa pillugu aalajangiinnissamut pisariaqartinneqartunik amerlanerussuteqartumik aalajangiiffiqineqassaaq, taamaattorli piginneqataassut imaluunniit peqataasut taasinerisa, taasineq kaaviiartitat assigisaaluunniit tunngavigalugit pippat, ikinnerpaamik tallimararterutinit sisamaasunik tapersersorneqassalluni. Suliffeqaarfik atorunnaarsinneqarpat, allannngortitsineq taamaallaat aalajangiiffiqineqarsinnaavoq peqataasunut tunniussuineq suli aallartinneqarsimanngippat, peqatigisaanillu peqataasut atorunnaarsitsinerup atorunnaarsinnissaa pillugu aalajangiillutik. § 31 taamaaqataanik suliffeqaarfik killilimmik akisussaaffilik aktieselskabinngortillugu allannngortinnerani atorineqassaaq.

*Imm. 2.* Allannngortitsinerimi, allannngortitsinermut pilersaarut ilaatinneqanngitsumi, § 326, imm. 2 tak., pisut annertuumik pingaarutillit pillugit qitiusumik aqutsisut ilisimatitsissapput, tassunga ilanngullugu suliffeqaarfimmi ullormi

oqimaaqatigiissitsinermi ukiumoortumik nalunaarusiap kingullermik saqqummiussinerup imaluunniit ilaatitsinnginnermik nalunaaruteqarnerup ataatsimeersuarnerullu akornanni piffissami pisimasuni pigisani nalilinni pisussaaffinni annertuumik allanngornerit.

*Imm. 3.* Allannngortitsinermi allannngortitsinerup naammassineqarnissaata akuersissutigineqarneranut atatillugu pissutsit makku pillugit isummertoqassaaq, paasissutissat pineqartut allannngortitsinissamut pilersaarummi takuneqarsinnaanngippata, § 326 tak.:

- 1) Suliffeqarfiup aqqa saniatigullu taaguutai.
- 2) Suliffeqarfik allannngortitaq piginneqataasunut akissarsiat.
- 3) Piffissaq, piginneqataassutit akissarsiatut atorineqartut, iluanaarutitut tunniunneqalersinnaaneri.
- 4) Malittarisassat, §§ 28 aamma 29 tak.

*Imm. 4.* Suliffeqarfinni qitiusumik aqutsisut, ataatsimiinnermi, allannngortitsinerup naammassineqarnissaa pillugu aalajangiiffiusussami, pisut annertuumik pingaarutillit pillugit ilisimatitsissapput, tassunga ilanngullugu allannngortitsinissamut pilersaarutip atsiorderata piffissami pisimasuni pigisani nalilinni pisussaaffinni annertuumik allanngornerit.

*Imm. 5.* Allannngortitsineq pillugu nalunaarut akuersisoqareerneratigut kingusinnerpaamik sapaatit akunneri tallimat qaangiutsinnagit peqataasunut tamanut tunniunneqassaaq.

*Imm. 6.* Allannngortitsinerup naammassineqarnissaa pillugu aalajangiinerup kingunitsianngua aqutsisunik qullersanik kukkunersiuismillu toqqaasoqanngippat tamatuma kingorna kingusinnerpaamik sapaatit akunneri tallimat qaangiutsinnagit taakku qinerneqarnissaannut aktieselskabimi ataatsimeersuortoqassaaq. Allannngortitsinerup atatillugu taassumalunniit kingorna ataatsimeersuarnermi suliffeqarfiup ukiumoortumik naatsorsuutai kukkunersiorneqartassanersut peqataasut aalajangiissapput, suliffeqarfik ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq imaluunniit inatsisit allat malillugit kukkunersiuinissamut pisussaasumut ilaangippat.

#### *Ajunngitsorsiassanik piumasaqarsinnaanermut periarfissaq*

**§ 336** Peqataasunut akissarsiat naammaginannngippata aamma piviusorsioortumik tunngavilersorneqarsimanngippata, aamma allannngortitsinerup naammassineqarnissaa pillugu aalajangiisoqarsimalluni ataatsimiinnermi tamanna pillugu nangaassuteqarsimappat peqataasut suliffeqarfimmit aningaasaliiffiusumit ajunngitsorsiassaqaarnissaaq piumasarisinnaavaat.

*Imm. 2.* Imm. 1 malillugu suliaannngortitsineq pissaaq allannngortitsineq pillugu aalajangiisoqareerneraniit kingusinnerpaamik sapaatit akunneri marluk qaangiutsinnagit. *Imm. 3.* Imm. 1 naapertorlugu nangaassuteqartoqarsimappat allannngortitsineq akuerineqarsimasooq aatsaat sapaatit akunnerinik marlunnik piffissaliussap naanerata kingorna nalunaarsorneqarsinnaavoq, allannngortitsineq eqqarsaatigineqartoq pillugu oqaaseqaatiminni nalilersuisartut, tassunga ilanngullugu akissarsiat, § 330 tak., isumaqarpata peqataasut akissarsiaat naammaginartuusut aamma piviusorsioortumik tunngavilersorneqarsimasut.

#### *Allannngortitsinerup naammassineqarneranik nalunaarsuineq*

**§ 337** Allannngortitsineq akuerineqartoq suliffeqarfinnut Erhvervsstyrelsimi nalunaarsorneqassaaq imaluunniit nalunaarsorneqartussatut nalunaarutigineqarluni, § 9 tak., allannngortitsinerup aalajangiiffigineraniit kingusinnerpaamik sapaatit akunneri tallimat qaangiutsinnagit. Nalunaarsorneqarneq imaluunniit

nalunaaruteqarneq allagaatinut § 334, imm. 6, nr. 3-7-mi taaneqartunut ilanngunneqassaaq, allagaatit suliarineqarsimappata.

*Imm. 2.* Allannngortitsineq akuerineqartoq nalunaarsorneqassaaq imaluunniit nalunaarsorneqartussatut nalunaarutigineqassaaq, § 9 tak., kingusinnerpaamik allannngortitsineq eqqarsaatigineqartoq pillugu nalunaarutip tigungeraniit Erhvervsstyrelsenip tamanut saqqummiussineraniit, § 333, imm. 5 tak., kingusinnerpaamik ukiup ataatsip qaangiutinnginnerani. Piffissaliussaq qaangerneqarpat allannngortitsinerup naammassineqarnera pillugu aalajangiinerup atuuttuunini annaassavaa, aamma § 326 naapertorlugu allannngortitsinissamut pilersaarussiaasimasooq atorunnaartutut isigineqalerluni.

*Imm. 3.* Suliffiup aktieselskabinngortinneqarnera nalunaarsorneqassaaq:

- 1) Allannngortitsineq peqataasunit aalajangiiffigineqarpat, § 335, imm. 1 tak.
- 2) § 332 malillugu akiligassaqarfiit piumasaqaataat aalajangiiffigineqarpata.
- 3) Aqutsisunut qullersanut ilaasortanik kukkunersiuisumillu qinersineq pillugu § 335, imm. 4-mi piumasaqaatit naammassineqarpata.
- 4) § 336 malillugu ajunngitsorsiassat pillugit peqataasut piumasaqaataat aalajangiiffigineqarpat, piumasaqaat pillugu isumannaatsumik qularnaveeqqusiisoqarsimanngippat. Allannngortitsineq eqqarsaatigineqartoq pillugu nalilersuisartumiit oqaaseqaasiortoqarsimappat, tassunga ilanngullugu akissarsiat, aamma nalilersuisartup oqaaseqaataani isumaqartoqarpat akissarsiat naammaginartuusut pivusorsiortumillu tunngavilersorneqarsimasut, nalilersuisartut aamma nalunaarutigissavaat akissarsiat pillugu oqaaseqaatertik annertuumik assortorneqarsinnaanngitsoq. Nalilersuisartut aalajangiissapput qularnaveeqqusiineq isumannaatsuunersooq.
- 5) Qullersanik atorfinitsitsisoqarsimassaaq.

*Imm. 4.* Suliffeqarfiup aktieselskabinngortinneqarnera naammassineqartutut isigineqassaaq suliffeqarfiup malittarisassai allannngortinneqarpata, taamaalilluni aktieselskabinut piumasaqaatit naammassineqarlutik, aamma allannngortitsineq Erhvervsstyrelsenip qarasaasiaqarfianut nalunaarsorneqarsimalerpat.

*Imm. 5.* Piginnittut nalunaarsorsimaffinni ilanngunneqarneq aamma piginneqataassutitut allagartat aastaat tunniunneqassapput allannngortitsineq nalunaarsorneqareerpat.

*Imm. 6.* Allannngortitserernerup kingorna ukiut pingasut ingerlasimappata, suliffeqarfimmi piginnittut nalunaarsorsimaffianni ilanngunneqarnissaq pillugu tassunga pisinnaatitaasut tamarmik noqqaasimanatik, qitiusumik aqutsisut Erhvervsstyrelsenip qarasaasiaqarfianut tamanut saqqummiussisoqarneratigut pineqartut imaluunniit pineqartut qaammatit arfinillit ingerlaneranni suliffeqarfimmut saaffiginneqqullugit kaammattuissapput. Piffissaliussaq naappat saaffiginnittoqarnanilu, siulersuisut peqataasut akiligaanut piginneqataassutit tuniniarsinnaavai. Tunisinermi iluanaarutini tamanut saqqummiussinermi tunisinermilu aningaasartuutit ingerlatseqatigiiffiup ilanngaatisinnaavai. Tunisinermi iluanaarutit tunisinerup kingorna kingusinnerpaamik ukiut pigasut qaangiutinnginnerini aaneqarsimanngippata aningaasat ingerlatseqatigiiffimmut tutsinneqassapput.

*Imm. 7.* §§ 42-44 taamaaqataanik atorneqassapput, aktieselskabinngortinneqartoq, piffissami allannngortitsinerup nalunaarsorneqarneraniit qaammatit 24-t tikillugit, piginneqataasumiit, aktieselskabimit ilisimaneqartumiit pigisanik nalilinnik pissarsisimappat.

## Kapitali 18

*Aktieselskabini, niuerfinni naleqqussakkami imaluunniit arlallit niuerfigisaanni piginneqataassutininik niueruteqartuni, tigusinissamut neqeroorut*

**§ 338.** Kapitalimi matumani aalajangersakkat aktieselskabinut, niuerfimmi naleqqussakkami imaluunniit EU-mi imaluunniit EØS-mi nunami arlallit niuerfianni piginneqataassutinik ataatsinik arlalinnilluunniit taasisinnaatitaaffiusuni niueruteqartunut atuupput, taamaattorli § 340, imm. 4 tak.

*Ataatsimeersuartut immikkut ilaatinneqarneri*

**§ 339** Ataatsimeersuartut aaqqissuussinermik eqqussisoqassasoq aalajangersinnaapput, taamaalilluni aktieselskabimi, piginneqataassutai tigusinermi neqeroorutigineqarsinnaasut, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8 tak., qitiumik aqutsisut ataatsimeersuartut akuersinerannik pissarsiniaqqaassasut, neqeroorummot akornusiisinnaasunik aaqqiinernik pilersitsisoqarnissaa sioqqullugu, neqeroorutitut allanut periarfissanik misissuisoqarnissaa pillugu aalajangiineq eqqaassanngikkaanni.

*Imm. 2.* Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malilluu aalajangiisinnaapput. § 106, imm. 1 naapertorlugu aktieselskabip malittarsisassaani aalajangersarneqartunik najoqqutassanik allanik aamma naammassinnissaaq. Taamaaqataanik atuutissaaq aalangiineq kingornatigut allanngortinneqarpat.

*Imm. 3.* Ataatsimeersuarnerup akuersinera, imm. 1 tak., piffissamiit tigusinissamut neqeroorutip saqqummiunneqarnissaa pillugu neqerooruteqartumiit tamanut saqqummiunneqarneraniit neqeroorutip inerneranik pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut Kalaallit Nunaannut atulersinneqartumi, kapitali 8-mi maleruagassat malillugit pigilernissaanut tamanullu saqqummiunneqarneranut piumasarineqarpoq, imaluunniit neqeroorut atorunnaarpat. Tamatuma kingorna ataatsimeersuarnerup akuersinera pissarsiarineqassaaq, tigusinissamut neqeroorut pillugu paasissutissamik qitiusumik aqutsisut tigunerat sioqqullugu aaqqiinerit aalajangiifigineqarsimasut pineqarnersut apeqqutaatinagu.

*Imm. 4.* § 94, imm. 2 apeqqutaatinagu, aamma malittarisassat sivisunerusumik piffissaliigaluartut, aktieselskabimi qitiusumik aqutsisut sivikinnerpaamik sapaatit akunnerinik marlunnik kalleriillutik ataatsimeersuarnissamut aggersaasinnaapput imm. 1 malillugu aaqqiinermut ataatsimeersuartut akuersitinnissaat siunertaralugu.

*Imm. 5.* Ataatsimeersuartut ilanngutitinnissaat pillugu aaqqissuussinermik aktieselskabip ataatsimeersuarnera eqqussisimappat, imm. 1 tak., ataatsimeersuartut aalajangersinnaapput aktieselskabip pigisai nalillit EU-mi imaluunniit EØS-mi nunami ingerlatseqatigiiffimmiit, taamaaqataanik aaqqissuussinermik eqqussisimasumit, imaluunniit ingerlatseqatigiiffimmit piginnittumit toqqaannartumik toqqaannangitsumilluunniit nakkutigineqartumit, §§ 6 asamma 7 tak., taamaaqataanik aaqqissuussinermik eqqussisimasumit, neqeroorfigineqarpata aaqqissuussineq taanna taamaallaat atorineqartassasoq.

*Imm. 6.* Imm. 1 malillugu aaqqissuussinermik eqqussinissaq pillugu ataatsimeersuartut aalajangiinerat aktieselskabip Erhvervsstyrelsimut aamma EU-mi imaluunniit EØS-mi nunami, aktieselskabip niuerfimmi naleqqussakkami imaluunniit arlalinnit niuerfiusumi, imaluunniit niuernermut ilanngunnissaq pillugu qinnuteqarfiusimasumi aktieselskabip piginneqataassutai niuerutigineqarfianni nakkutilliinermut oqartussanut piaarnerpaamik nalunaarutigissavaa. Ataatsimeersuartut aalajangiinerat pillugu paasissutissaq Erhvervsstyrelsip qarasaasiaqarfiani tamanut saqqummiunneqassaaq.

*Immikkut pisinnaatitaaffiit atorunnaarsinneri*

**§ 340** Aktieselskabimi piginneqataassutit tigusinermi neqeroorummot ilanngunneqapata, pappiaranik aningaasanik nalilinnik niuerneq il.il. inatsimmi, kunngip peqqussuteqarneratigut

Kalaallit Nunaannut atulersinneqartumi kapitali 8 tak., aktieselskabimi piginneqataassutininik imaluunniit piginneqataassutinit ataasiakkaanut piginnittuunermut atasunik immikkut pisinnaatitaaffiit imaluunniit killilersuinerit atorunnaarsinneqarlutik aaqquissuussinermik eqqussusisoqarnissaa ataatsimeersuartunit aalajangiiffigineqarsinnaavoq.

*Imm. 2.* Ataatsimeersuartut § 106, imm. 1-mi aalajangersarneqartut taasinerit amerlanerussuteqarnissaannut piumasaqaatinut naapertuuttumik imm. 1 malillugu aalajangiisinnaapput. § 106, imm. 1 naapertorlugu aktieselskabip malittarisassaani aalajangersarneqartunik najoqqutassanik allanik aamma naammassinnissaaq. Aktieselskabimi piginneqataassutit assigiinngitsut arlaliuppata aalajangiineq aamma § 107, imm. 3-mi amerlanerussuteqarnissamut piumasaqaatinik naammassinnissaaq. Piumasaqaat taanna aamma aalajangiineq kingornatigut allanngortinneqarpat isiginiarneqassaaq.

*Imm. 3.* Imm. 1 malillugu aaqquissuussinermik eqqussinissaq pillugu ataatsimeersuartut aalajangiinerat aktieselskabip Erhvervsstyrelsimut aamma EU-mi imaluunniit EØS-imi nunami, aktieselskabip niuerfimmi naleqqussakkami imaluunniit arlalinnit niuerfiusumi, imaluunniit niuernermut ilanngunnissaq pillugu qinnuteqarfiusimasumi aktieselskabip piginneqataassutai niuerutigineqarfianni nakkutilliinermut oqartussanut piaarnerpaamik nalunaarutigissavaa. Ataatsimeersuartut aalajangiinerat pillugu paasissutissaq Erhvervsstyrelsip qarasaasiaqarfiani tamanut saqqummiunneqassaaq.

*Imm. 4.* (Kalaallit Nunaannut atulersinneqanngilaq)

#### *Atorunnaarsitsinerup inatsisitigut sunniuteqarnera*

**§ 341.** § 340, imm. 1 malillugu atorunnaarsitsineq pillugu ataatsimeersuartut aalajangiinerisa kingunerissavaa piginneqataassutininik tunniussinissamut imaluunniit pissarsinissamut, aktieselskabip malittarisassaani imaluunniit isumaqatigiissut naapertorlugu aalajangersarneqarsimasunut, pisinnaatitaaffimmi killiliinerit piffissami neqerooruteqarfiusumi neqerooruteqartumut atuutsinneqassanngitsut, taamaattorli § 342, imm. 1 tak. Neqerooruteqarnermi allagaatini immikkut piumasaqaatinik neqerooruteqartoq saqqummiussisimappat, killilersuinerinik taaneqartuk atorunnaarsitsineq atuutissaaq neqerooruteqarnermi allagaatimut naapertuuttumik neqerooruteqartup neqeroorutip naammassineqarnissaa pillugu isummernissaata tungaanut.

*Imm. 2.* § 339-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,

1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma

2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak.

*Imm. 3.* § 343-mut ilaasumi ataatsimeersuarnermi § 340, imm. 1 malillugu atorunnaarsitsineq pillugu aalajangiinerup kingunerissavaa,

1) taasisinnaatitaanermut killiliinerit, aktieselskabip malittarisassaani imaluunniit isumaqatigiissut naapertorlugu aalajangersarneqarsimasut, atuutsinneqassanngitsut, taamaattorli § 342, imm. 2 tak., aamma

2) piginneqataassutit, aktieselskabip malittarisassaani, § 46, imm. 1 tak., imaluunniit isumaqatigiissut naapertorlugu taasinermi annertunerusumik naleqartitsisut, aningaasaatini taasisinnaatitaaffiusuni tamarmiusuni piginneqataassutip ilaanut naleqqiullugu taamaallaat taasisinnaatitaassasut, taamaattorli § 342, imm. 2 tak., aamma



3) aktieselskabip malittarisassaanut naleqqiullugu aqutsisuni ilaasortassanik toqqaanissamut piginneqataasut aalajangersimasut immikkut pisinnaatitaaffii atuutsinneqassanngitsut.

*Imm. 4.* Ataatsimeersuartut imm. 1-3 atorneqarsinnaasut aalajangersinnaapput, aktieselskabip pigisai nalillit EU-mi imaluunniit EØS-mi nunami ingerlatseqatigiiffimmiit, taamaaqataanik aqqissuussinermik eqqussisimasumit, imaluunniit ingerlatseqatigiiffimmit piginnittumit toqqaannartumik toqqaannanngitsumilluunniit nakkutigineqartumit, taamaaqataanik piginneqataassummut imaluunniit piginneqataassutitut ataasiakkaanut atusunik immikkut pisinnaatitaanerit killilersuinerilluunniit atorunnaarsinneqarnissaannik taamaaqataanik aalajangiisimasumit, neqeroorfigineqarpata.

**§ 342** Ulloq 31. marts 2004 sioqqullugu isumaqatigiissutigineqartut piginneqataassutitut tunniussinissamut pissarsinissamulluunniit pisinnaatitaaffinni killiliineq pillugu isumaqatigiissutit, § 340, imm. 1 apeqqutaatinnagu, neqerooruteqartumut atuutsinneqassapput.

*Imm. 2.* Ulloq 31. marts 2004 sioqqullugu isumaqatigiissutigineqartut taasisinnaatitaanerup atorneqarnissaanut isumaqatigiissutit, § 340, imm. 1 apeqqutaatinnagu, §§ 339 aamma 343-mut ilaasuni ataatsimeersuarnerni atuutsinneqassapput.

*Tigusinissamut neqeroorutip naammassineqartup nanginnerani malittarisassanik allannguinerit*

**§ 343** Neqerooruteqartup, aktieselskabimi, § 340, imm. 1 malillugu atorunnaarsitsinissamik aalajangiisimasumi, aningaasaatinik taasisinnaatitaaffiusuni 75 pct.-inik annertunerusulluunniit pissarsisimasup, neqeroorutip naanerata kingorna, malittarisassat allanngortinneqarnissaat aamma ingerlatseqatigiiffimmi aqutsisuni ilaasortanik toqqaanissaq imaluunniit taarsiinissaq siunertaralugu ataatsimeersuarnissamut aggersaaqqullugu qitiusumik aqutsisut peqqusinnaavai. Ataatsimeersuarnissaq siulles § 94, imm. 2 apeqqutaatinnagu sivikinnerpaamik sapaatit akunnerinik marlunnik kalerriilluni aggersarneqarsinnaavoq, aamma malittarisassani piumasarineqaraluartoq sivisunerusumik kalerriisoqassasoq.

*Piginneqataasut ilaannut taartisineq*

**§ 344** Ingerlatseqatigiiffinni, § 340, imm. 1 malillugu atorunnaarsitsinissaq pillugu aalajangiiffiusimasuni, tigusinissamut neqeroorut naammassineqarpata, aktieselskabip malittarisassai naapertorlugit piginneqataassutitut piginninnermut imaluunniit piginneqataassutitut ataasiakkaanut atasut immikkut pisinnaatitaaffiit imaluunniit killiliinerit atuutsinneqarsinnaannginneri, § 341, imm. 1-3 tak., pissutigalugu piginneqataasunut aningaasatigut annaasaqartunut neqerooruteqartoq taartisitsissaaq.

*Imm. 2.* Neqerooruteqarnermi allagaq taartisineq, neqerooruteqartup piginneqataasunut neqeroorutigisaa aamma taartisinnermut naatsorsuinnermi tunngavigineqartut pillugit paasissutissanik imaqassaaq. Akinik aalajangiineq piginneqataassutitut pineqartunut niuernermit naliit aallaavigalugit pissaaq.

*Imm. 3.* Taartisiasap annertussusissaa pillugu isumaqatigiinneq anguneqarsinnaanngippat aktieselskabip najugaani eqqartuussivimmit nalunaarutigineqartunit nalilersuisartunit taartisiasaq aalajangerneqassaaq. Nalilersuisartut aalajangiinnerat eqqartuussivimmut suliassanngortinneqarsinnaavoq. Tamanna pillugu suliassaq taartisiasap annertussusaa pillugu nalilersuisartut nalunaarutaannik tigusaqareernermit kingusinnerpaamik qaammatit pingasut qaangiutsinnagit saqqummiunneqassaaq.

*Imm. 4.* Piginneqataasut aamma imm. 1-3 malillugu taartisinissamut pisinnaatitaaffeqarput, piffissami ulloq 31. marts 2004-miit 1. august 2008-mi tigusinissamut neqeroorutip malitsigisaanik atuutsinneqarsinnaanngitsunik immikkut pisinnaatitaaffiit killilersuinerilluunniit pillugit isumaqatigiissusiortoqarsimappat, § 341, imm. 1-3 tak.

## Kapitali 19

### *Nunani allani ingerlatseqatigiiffiit aningaasaliiffiusut immikkoortortat*

#### **§ 345** (Imm. 1 Kalaallit Nunaannut atulersinneqanngilaq)

*Imm. 2.* Aktieselskabit, peqatigisaqarluni ingerlatseqatigiiffiit aamma anpartsselskabit nunanit allaneersut kiisalu ingerlatseqatigiiffiit taamaaqataanik ingerlatseriaaseqartut Kalaallit Nunaanni immikkoortortaqlutik suliaminnik ingerlataqarsinnaapput, tamanna nunani tamalaani isumaqatigiissutikkut tunngavissaqarpat, imaluunniit Namminersorlutik Oqartusaaanik isumaqatigiinniareernikkut, erhvervs- og vækstministeri naliliippat kalaallit nunaanni ingerlatseqatigiiffiit aningaasaliiffiusut nunami pineqartumi taamaaqataanik pisinnaatitaaffeqarpata, imaluunniit tamatumunnga akuerineqarpata.

**§ 346** Immikkoortortaq immikkoortortami aqutsisumit ataatsimit arlalinnilluunniit aqunneqassaaq.

*Imm. 2.* Immikkoortortami aqutsisut nammineersinnaassuseqassapput aamma namminersorsinnaanermik inatsit, kunngip peqqussuteqarneratigut Kalaallit Nunaannut atulersinneqartoq malillugu pigisat tungaasigut siunnersortissaliinermut ilaasusnaanani. Aqutsisunut ilaasortat pillugu peqqussummi aalajangersakkat pisariaqartunik allaanerussuteqarlutik taamaaqataanik immikkoortortami aqutsisunut atorneqassapput.

*Imm. 3.* Immikkoortortaq immikkoortortami aqutsisunit ataasiakkaanit imaluunniit peqatigiillutik akisussaaffigineqassaaq. Immikkoortortami aqutsisut suliffeqarfik sinnerlugu iliuuseqarsinnaanermut piginnaatinneqassapput.

**§ 347** Immikkoortortaq taaguuteqassaaq aamma saniatigut taaguuteqarsinnaalluni. Immikkoortortaq taaguutimini saniatigullu taaguutimini nunami allami ingerlatseqatigiiffiup qullersaqarfiusup taaguutaanik taaguuteqassaaq oqaaseq »immikkoortortaq« ilassutigalugu aamma nunap allamiup ingerlatseqatigiiffiup sumi nunameersuunera erseqqissumik allassimalluni. Aamma § 2, imm. 1-3 aamma § 3 taamaaqataanik immikkoortortap taaguutaani saniatigullu taaguutaanut atorneqassapput.

*Imm. 2.* Immikkoortortat allakkani aamma niuernerminni pappiarani, tassunga ilanngullugu elektronikkikkut nalunaarutini, kiisalu immikkoortortap nittartagaani allassimassaaq taaguut, najugaq, Erhvervsstyrelsen qarasaasiaqarfiani nalunaarsorneqarnermi normu kiisalu nunami najugarisami ingerlatseqatigiiffiup aningaasaliiffiusup nalunaarsorneqarnera aamma nalunaarsorneqarnerani normua. Allagaatini taakkunani ingerlatseqatigiiffiup aningaasaataasa annertussusaat allassimappat piginneqataassutit kiisalu aningaasaatit akilerneqarsimasut allanneqassapput.

**§ 348** Ingerlatseqatigiiffik aningaasaliiffiusoq, Kalaallit Nunaanni sulinersanit aallaaveqartumik inatsisitigut pissutsini tamani kalaallit nunaanni inatsisit aamma kalaallit nunaanni eqqartuussiviit aalajangiineri malittussaavai.

**§ 349.** Immikkoortortamik pilersitsineq Erhvervsstyrelsip qarasaasiaqarfiani nalunaarsorneqassaaq imaluunniit Erhvervsstyrelsimi nalunaarsorneqartussatut nalunaarutigineqarluni. Kapitali 2 taamaaqataani atorneqassaaq.

*Imm. 2.* Immikkoortortap ingerlatani aallartissinnaanngilaq nalunaarsorneqaaqqaartinnani imaluunniit nalunaarutigineqaaqqaarnani. Nalunaarsorneqarnissaq itigartinneqarpat, imaluunniit immikkoortortaa piusoq peerneqarpat, § 350 tak., immikkoortortap Kalaallit Nunaanni suliaqarnera ingerlateqqinneqassanngilaq.

*Imm. 3.* Ingerlatseqatigiiffiup nunanit allaneersup akiliisinnaajunnaarneraniit, akilersuinnermik unitsitsineraniit imaluunniit taamaaqataani aqqissuussiffigilerneraniit kingusinnerpaamik sapaatit akunneri tallimat qaangiutsinnagit Erhvervsstyrelsip qarasaasiaqarfiani nalunaarsorneqarneq imaluunniit tamanna pillugu nalunaaruteqarneq Erhvervsstyrelsimi pisimassaaq. Ingerlatseqatigiiffiup nunamit allameersup killiffia pillugu paasissutissat ingerlatseqatigiiffiup taaguutaanut ilanngunneqassaaq, § 347, imm. 1 tak.

**§ 350.** Immikkoortortaq Erhvervsstyrelsip qarasaasiaqarfianit peerneqassaaq  
1) ingerlatseqatigiiffiup immikkoortortaq peerpagu imaluunniit immikkoortortap peerneqarnissaanik kissaateqarluni nalunaaruteqarpat,  
2) immikkoortortaq immikkoortortami aqutsisoqanngippat taannalu Erhvervsstyrelsimi aalajangersarneqartup piffissaliussap kingusinnepaamik naanerani aqqiiffigineqanngippat,  
3) immikkoortortami aqutsisoq ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartumi §§ 143 aamma 144 naapertorlugu ingerlatseqatigiiffimmut nunamit allameersumut ukiumoortumik naatsorsuutit il.il. kukkunerisiorneqarsimasut Erhvervsstyrelsimut nassiussisimanngippat, pissuserlu taanna styrelsip aalajangersagaata piffissaliussap kingusinnerpaamik naanissaa qaangiutsinnagu aqqiiffigineqarsimanngippat imaluunniit  
4) ingerlatseqatigiiffiup nunamit allameersup immikkoortortaani pissarsiaqartussap ingerlatseqatigiiffiup pigisaani nalilinni Kalaallit Nunaanni piumasaqaatiminik naammassinnittumik ajunngitsorsiassarsinissaq angusimanngippagu.

*Imm. 2.* Peerneqarnerata kingorna paasineqarpat pissutsit, peerneqarneranut kinguneqartitsisut, atuukkunnaartut, immikkoortortap Erhvervsstyrelsimi nalunaarsoqqissinnaavaa, ingerlatseqatigiiffiup nunamit allameersup tamanna pillugu noqqaanerata kingorna. Immikkoortortat nalunaarsoqqinneqarnerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

*Imm. 3.* Imm. 1, nr. 4-mi eqqaaneqartuni, pissarsiaqartussaq naammassineqartinnagu imaluunniit pilersitseqqinnermut akuersinngippat ingerlatseqatigiiffik nunanit allaneersup nutaamik immikkoortortamik pilersitsissanngilaq aamma immikkoortortaq nalunaarsoqqinneqarnani.

## Kapitali 20

### *Nalaagaaffiup aktieselskabii*

#### *Nassuiaatit il.il.*

**§ 351.** Ingerlatseqatigiiffiup piginnittup ingerlatseqatigiiffimmut pigisaminut assignanik Namminersorlutik Oqartussat atassuteqarfigisaasa peqqussummi matumani aktieselskabit maleruagassaannik aamma naalgaaffiup aktieselskabiutaanut immikkut maleruagassaannik,

taamaattorli §§ 352 aamma 353 tak., aamma ukiumoortumik naatsorsuutit pillugit inatsit, kunngip peqqussuteqarneratigut Kalaallit Nunaannut atulersinneqartoq ingerlatseqatigiiffiit malinnissasut pillugu maleruagassanik Erhvervsstyrelsi aalajangersaasinnaavoq, inuiaqatigiinni soqutigisat tamatumunnga pissutissaqartitsippata. Naalagaaffiup aktieselskabiutai pillugit maleruagassanut ilaappata, aamma maleruagassanut taakkununnga ilaajunnaarpata ingerlatseqatigiiffik Erhvervsstyrelsimut nalunaaruteqarnissamut pisussaaffeqarpoq.

**§ 352** Peqqussummi matumani naalagaaffiup aktieselskabiutaanut immikkut maleruagassat, § 351 tak., aktieselskabinut, naalagaaffiup aktieselskabiutaanit pigineqartunut ingerlatseqatigiiffinnut atorneqassanngillat.

*Imm. 2.* Naalagaaffiup aktieselskabiutai, § 351 tak., EU-mi imaluunniit EØS-mi nunami niuerfimmi naleqqussakkami piginneqataassutinik niueruteqartut, peqqussummi matumani naalagaaffiup aktieselskabiutaanut immikkut maleruagassanik malinninnissamut ilaatinneqanngillat.

**§ 353** Maleruagassat taakku aamma ingerlatseqatigiiffinnut aningaasaliiffiusunut EU-mi imaluunniit EØS-mi nunami niuerfimmi naleqqussakkamik pappialanik aningaasanik nalilinnik niueruteqartunut taamaaqataanik maleruagassat akornanni naligiissitaanissap qulakkeerneqarnissaanut tamanna pisariaqassappat naalagaaffiup aktieselskabiinut immikkut inatsisinut ilaattitsinngitsunik aalajangersakkanik Erhvervsstyrelsi aalajangersaasinnaavoq.

*Tamanut saqqummiussinissamik il.il. immikkut pisussaaffiit*

**§ 354** Naalagaaffiup aktieselskabii, § 351 tak., ingerlatseqatigiiffimmut tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginneqataasuinut imaluunniit akiligassaqaarfiinut pingaaruteqarsinnaasutut isumaqarfigineqartut pillugit piaarnerpaamik Erhvervsstyrelsimut nalunaaruteqassapput. Ingerlatseqatigiiffinni piginnittuni, § 6 aamma 7 tak., suliffeqarfissuarmut tunngasunik pissutsit pingaarutillit, aamma ingerlatseqatigiiffiup siunissaanut, sulisuinut, piginneqataasuinut imaluunniit akiligassaqaarfiinut pingaaruteqarsinnaasutut isumaqarfigineqartut pillugit piaarnerpaamik nalunaaruteqartoqassaaq.

**§ 355** Naalagaaffiup aktieselskabiisa peqqussut manna malillugu Erhvervsstyrelsip qarasaasiaqarfiani tamanut saqqummiunneqartussat § 354 malillugu nalunaarutininik allanillu allagaatinik il.il. tamanut saqqummiussinissaq pillugu maleruagassanik Erhvervsstyrelsi aalajangersaassaaq.

**§ 356** Naalagaaffiup aktieselskabiutaa, § 351 tak., ingerlatseqatigiiffiup malittarisassai ukiumoortumillu nalunaarusiaa ingerlatseqatigiiffiup nittartagaani tamanut saqqummiutissavai.

**§ 357** Naalagaaffiup aktieselskabiutaani siulersuisut imaluunniit nakkutilliisut, § 351 tak., qulakkiissavaat peqqussummi matumani naalagaaffiup aktieselskabiutaannut immikkut maleruagassat aamma ukiumoortumik naatsorsuutit pillugit inatsisip, kunngip

peqqussuteqarneratigut Kalaallit Nunaannut atulersinneqartup ingerlatseqatigiiffiup eqqortinneqarnissaanik qulakkeerisunik najoqqutassanik qulakkeerissapput.

*Imm. 2.* Imm. 1-mi eqqartorneqartut najoqqutassat styrelsimut nassiuinneqarnissaat Erhvervsstyrelsip piumasarisinnaavaa.

## Kapitali 20 a (Atorunnaarpoq)

## Kapitali 21

### *Peqatigisaqarluni ingerlatseqatigiiffiit*

**§ 358.** Aktieselskabit pillugit peqqussutip maleruagassai pisariaqartutigut naleqqussarlugit peqatigisaqarluni ingerlatseqatigiiffinnut atorneqassapput.

**§ 359.** Peqatigisaqarluni ingerlatseqatigiiffiit pisussaapput kisimiulluni pisinnaatitaallutik taaguutiminni oqaaseq »kommanditaktieselskab«, »peqatigisaqarluni ingerlatseqatigiiffik« imaluunniit naalisaaneq »P/S« atorsinnaallugit.

**§ 360.** Peqatigisaqarluni ingerlatseqatigiiffiup pilersinneqarnerani allagartaq aamma aktieselskabinut peqqussutigineqartunik paasissutissanik uku pillugit paasissutissanik imaqaassaaq:

- 1) Tamakkiisumik akisussaasut aqqi tamarmiusut, najugaq aamma Erhvervsstyrelsip qarasaasiaqarfiani nalunaarsorneqarnermi normu.
- 2) Tamakkiisumik akisussaasut aningaasaliissuteqarnissamut pisussaaffeqarnersut taamaattoqassappallu aningaasaliissutit ataasiakkaat qanoq annertutigissanersut. Aningaasaliissutit tamakkiisumik akilerneqarsimanngippata akiliinermut atuuttut maleruagassat ilisimatitsissutigineqassapput. Aningaasaliissutit aningaasanik akilerneqanngippata nalilersuinermit tunngavigineqartut pillugit nassuiaasiortoqassaaq.
- 3) Tamakkiisumik akisussaasut ingerlatseqatigiiffiup suliaanut sunniuteqarnera, sinneqartoorutini amigartoorutinilu pissarsisarnera pillugit maleruagassani malittarisassat.

*Imm. 2.* §§ 28 aamma 29-mi maleruagassat saniatigut peqatigisaqarluni ingerlatseqatigiiffiup malittarisassai piginneqataasut aamma tamakkiisumik akisussaallutik peqataasut akornanni inatsisitigut pissutsit pillgit maleruagassanik erseqqinnerusunik imaqaassapput.

## Kapitali 22

### *Taarsiineq, pinngitsaaliilluni tunniussineq il.il.*

**§ 361.** Pilersitsisut aamma aqutsisuni ilaasortat, suliamik ingerlannerata nalaani piaaraluni imaluunniit mianersuaalliornikkut ingerlatseqatigiiffiup aningaasaliiffiusumut ajoqusiisut taassuminnga taarsiinissaminnut pisussaaffeqarput. Tamanna aamma atuuppoq ajoqusiineq aningaasaatinik piginnittunut allamulluunniit pisimappat.

*Imm. 2.* Imm. 1 taamaaqataanik kukkunersiuisunut, nalilersuisartunut, piginnittut nalunaarsuiffianik allattuisunut aamma misissuisartunut taarsiisussaataaneq atorneqassaaq.

*Imm. 3.* Ingerlatseqatigiiffik kukkunersiuisoq kukkunersiuisutut toqqarneqarsimappat, ingerlatseqatigiiffik kukkunersiuisoq aamma kukkunersiuisoq kukkunersiuinermik isumaginnittoq taarsiinissamut akisussaapput.

**§ 362.** Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allanut piaaraluni imaluunniit mianersuaalliorluni annaasaqartitsisoq taarsiissaaq.

*Imm. 2.* Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allanut piaaraluni imaluunniit mianersuaalliorluni annaasaqartitsisoq allatigullu atonerluineq ingerlaannarsinnaalluni, ingerlatseqatigiiffiup aningaasatigut inissisimanera aamma pisut naapertorlugit naammaginatutut isigineqartut eqqarsaatigalugit akimut aalajangerneqartumut aningaasaatinik piginnittup ajoqusiisup aningaasaataanik aningaasanngortitsinissamut aningaasaatinik piginnittoq ajoqusiisooq eqqartuussivimmit pisussaaffilerneqarsinnaavoq.

*Imm. 3.* Aningaasaatinik piginnittoq, pineqartup ingerlatseqatigiiffimmut, aningaasaatinik piginnittunut allanut imaluunniit allanut piaaraluni imaluunniit mianersuaalliorluni annaasaqartitsisoq allatigullu atonerluineq ingerlaannarsinnaalluni, ingerlatseqatigiiffiup aningaasatigut inissisimanera aamma pisut naapertorlugit naammaginatutut isigineqartut eqqarsaatigalugit akimut aalajangerneqartumut aningaasaatinik piginnittup ajoqusiisup aningaasaataanik tunisinissamut aningaasaatinik piginnittoq ajoqusiisooq eqqartuussivimmit pisussaaffilerneqarsinnaavoq.

**§ 363** Pisuunerup annertussusia, ajoqusiinerup annertussusia allatigullu pisut tamanna naammaginatippassuk §§ 361 aamma 362 malillugu taarsiineq appartinneqarsinnaavoq.

*Imm. 2.* Arlallit ataatsikkoorlutik taarsiisussaataappata nammaqatigiillutik taarsinissamut akisussaassapput. Taarsiinissamut akisussaasoq imm. 1-mi maleruagassat malillugit oqilisaaffigineqartoq taamaattoq aningaasanut ikilisinneqartunut taamaallaat akisussaavoq. Taarsiisussaasut arlaat ataaseq taarsiinissaminik akiliippat pineqartup akisussaaqataasut akiliutissaminik akiliinissat piumasarisinnaavaa, ataasiakkaat pisuussutigisaasa annertussusaat kiisalu allatigut pisut eqqarsaatigalugit.

**§ 364** Pilersitsisunut, aqutsisuni ilaasortanut, nalilersuisartunut, kukkunersuiisunut, misissuisartunut, piginnittut allattorsimaffiannik allattuisunut imaluunniit aningaasaatinik piginnittunut §§ 361 aamma 362 malillugu ingerlatseqatigiiffiup aningaasaliiffiusup eqqartuussisunut suliassanngortitsinissaa pillugu aalajangerneq ataatsimeersuarnermi aalajangerneqassaaq.

*Imm. 2.* Akisussaatisoqassanngitsoq imaluunniit eqqartuussisunut suliassanngortitsisoqassanngitsoq ataatsimeersuartut siusinnerusukkut aalajangiisimagaluarpataluunniit, aalajangiineq imaluunniit pissutsit, eqqartuussisunut suliassanngortitsinissamut tunngavigineqartumi pingaaruteqartunik eqqortunik tamakkiisunillu paasissutissanik ataatsimeersuarnut, aalajangiinissaq sioqqullugu, tunniussisoqarsimanngippat eqqartuussisunut suliassanngortitsisoqarsinnaavoq.

*Imm. 3.* Aningaasaatinik piginnittut, ingerlatseqatigiiffiup aningaasaataasa ikinnerpaamik qulerarterutaanik sinniisut akisussaatinneqannginnissaaq imaluunniit eqqartuussivimmi suliaqartoqannginnissaa pillugu aalajangiinermut akerlilippata, akisussaasut annaasaqarnermut ingerlatseqatigiiffimmut aningaasaliiffiusumut taarsiisussanngortillugut akiliinissaanut pisussaatinniarlugu aningaasaatinik piginnittut ataasiakkaat eqqartuussisunut suliassanngortitsinnaapput. Aningaasaatinik piginnittut, tamatuma kingorna suliassanngortitsisut, suliami aningaasartuutitut akiussaassapput, taamaattoorli taakku ingerlatseqatigiiffimmit aningaasaliiffiusumit akilertissinnaallugit, aningaasartuutit, eqqartuussivimmi suliaq aqqutigalugu ingerlatseqatigiiffimmut iluaqutaasunit aningaasanit

matussuserneqarsinnaappata.

*Imm. 4.* Ingerlatseqatigiiffik aningaasaliiffiusoq akiliisinnaajunnaartutut nalunaarutigineqarpat, taamaalilluni akisussaannnginnissamut imaluunniit eqqartuussivimmi suliassanngortitsinnnginnissamut akuersisimasunit ataatsimeersuarnerup ingerlatereerneraniit kingusinnerpaamik qaammatit 24-t kingorna ulloq piffissaliussaq atuutilerluni, taamatut aalajangerneq apeqqutaatinnagu akiliisinnaajunnaartup pigisai taarsiisoqarnissaanut suliassanngortitsisinnaavoq.

**§ 365** § 364, imm. 3 naapertorlugu eqqartuussivimmi suliassanngortitsineq suliassanngortinneqarsinnaavoq akisussaannnginnissamut imaluunniit eqqartuussivimmi suliassanngortitsinnnginnissamut ataatsimeersuarnermi aalajangiisoqarneraniit kingusinnerpaamik qaammatit arfinillit qaangiutsinnagit. § 150-mi maleruagassat malillugit misissuinnissaq aallartinneqarsimappat suliassanngortitsisoqassaaq misissuinerup naammassineqarneraniit kingusinnerpaamik qaammatit arfinillit qaangiutsinnagit.

*Imm. 2.* § 364, imm. 4 malillugu eqqartuussivimmi suliassanngortitsisoq ingerlatseqatigiiffiup aningaasaliiffiusup akiliisinnaajunnaartutut nalunaarutigineraniit kingusinnerpaamik qaammatit pingasut qaangiutsinnagit suliassanngortitsissaaq.

## Kapitali 23

### *Pineqaatissiissutit il.il.*

**§ 366** Pinerluttulerinermik inatsit naapertorlugu sukanganerumik pineqaatissiisoqassanngippat Erhvervsstyrelsen qarasaasiaqarfiani nalunaarsorneqarneq pillugu aamma § 43 naapertorlugu nalunaarutinik, nalilersuinermi nassuiaatinik nassiussineq aamma Erhvervsstyrelsimut nalunaaruteqarnerit pillugit inatsimmi maleruagassanik unioqqutitsinernut akiliisitsisoqassaaq.

*Imm. 2.* Aktieselskabip aqutsisuini ilaasortat imaluunniit atorunnaarsitsinermi ikiortip imaluunniit nunani allamiut aktieselskabiutaata immikkoortoqarfiata pisortaata piffissaagallartillugu Erhvervsstyrelsimut inatsit naapertorlugu inatsilluunniit naapertorlugu aalajangersakkat tungavigalugit pisussaaffeqarfitik maleruannngitsoorpatigut, styrelsen pineqartut ullumut sapaatilluunniit akunnikkaartumik akiligassittarsinnaavai.

**§ 367** § 1, imm. 3-imik, § 2-mk, § 3, imm. 1-imik, §§ 10-imik, 15-imik aamma 17-imik, § 24, imm. 2-mik,

§ 30-mik, § 32, imm. 2-mk 3-millu, § 33, imm. 4-mik, § 38, imm. 2-mik, § 42 a-mik, § 44, imm. 1-imik, § 49, imm. 3-mik, § 49 a, imm. 1-imiit 4-mumik, § 50, imm. 1-imik, § 51, imm. 1-imik. 2-mik aamma 6-imik, § 52-imik, § 53, imm. 1-imik aamma 2-mik, §§ 54-imiit 56-imik, § 57 a, imm. 1-imiit 3-mumik, § 58-imik, § 58 a, imm. 3-mik, 5-imik aamma 6-imik, §§ 59-imit 61-imik, 89-imik, 98-imik aamma 99-imik, § 101, imm. 3-mi, 4-mik, 7-imik aamma 8-mik, §§ 108 aamma 113-imiit 119-mumik, § 120, imm. 3-mik, §§ 123-mik, 125-mik, 127-miit 134-mumik, 138-mik, 139-miit 139 b-mumik, § 139 c, imm. 1, nr. 1-imik aamma 139 d, imm. 1-imiit 4-mumik, aamma 6-imik, § 160, pkt. 3-mik, § 179, imm. 2-mik, § 180-imik, § 181, pkt. 3-mik, § 182, imm. 3-mik § 190, imm. 2-mik, 3. pkt § 192, imm. 1-imi, § 193, imm. 2-mik, §§ 196-imik, 198-imik aamma 202-miit 204-mut, § 205, imm. 1-imi, § 206-imik, § 207, imm. 3-mik § 210-mik, § 214, imm. 2-mik aamma 3-mik, § 215, imm. 1-imi, § 218, imm. 2-mik, § 227, imm. 2 § 228 aamma 234, § 339, imm. 6, § 340, imm. 3, § 347-mik, § 349, imm. 2-mi aamma imm. 3-mik aamma §§ 354-imik, § 356-imik 357-imik aamma 359-imik unioqqutitsinernut akiliisitsinermik eqqartuussisoqarsinnaavoq.

*Imm. 2.* Pinerluttulerinermik inatsit naapertorlugu sukanganerumik

pineqaatissiisoqassanngippat, isersissutissamik imaluunniit atuisoq imaluunniit elektronikkikkut elektronikkikkut siulersuisut ataatsimiinneranni, § 125, imm. 2 tak., imaluunniit elektronikkikkut ataatsimeersuarnermi, § 77, imm. 1 imaluunniit 2 tak.,

malinnaanissamut peqataanissamulluunniit isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

*Imm. 3.* Pinerluttulerinermik inatsit naapertorlugu sukanganerusumik pineqaatissiisoqassanngippat, § 92-mi elektronikkikkut attaveqatigiinneq pillugu aalajangersakkanut ilaasunik isissutissamik imaluunniit elektronikkikkut nalunaarutininik atuarnissamut, allanngortitsinissamut imaluunniit nassiussinissamut allatigut isissutissamik akuerisaanngitsumik ingerlatitseqqittoq akiliisitaanermik pineqaatissiissutigineqassaaq.

*Imm. 4.* Malitassiani § 4, imm 3, § 12, imm. 1 aamma 2, § 55, imm. 3, § 56, imm. 2, § 57, § 57 a, imm. 6, § 58 a, imm. 9, § 71, imm. 4, § 143, § 172, § 244, imm. 6, § 262, imm. 6, § 279, imm. 5, § 299, imm. 5, § 333, imm. 6, aamma § 372, imm. 1 malillugit atuutilersinneqartuni, malitassiatut aalajangersakkanik unioqquitsinermut akiligassiinermik pineqaatissiissutinik aalajangersaasoqarsinnaavoq.

## **§ 368** (Kalaallit Nunaannut atulersinneqanngilaq)

**§ 369** Pinerluttulerinermi inatsimmi kapitali 5-mi maleruagassat malillugit pinerluttulerinermi inatsisitigut akisussaattillugu ingerlatseqatigiiffiit il.il. (inatsisitigut pisinnaatitaasut pisussaattitaasullu) akiliisinneqarsinnaapput.

*Imm. 2.* Peqqussutip aalajangersagaanik imaluunniit peqqussut naapertorlugu maleruagassanik atulersinneqartunik unioqquitsinermi pisoqalisoorinissamut piffissaliussaq tassaavoq ukiut tallimat.

## **Kapitali 24**

### *Naammagittaalliuuteqarsinnaaneq*

**§ 370** Peqqussut manna naapertorlugu aalajangiinerit aalajangiiffigineqartut pillugit naammagittaalliuuteqarsinnaaneq pillugu maleruagassanik, tassunga ilanngullugu naammagittaalliuutit allaffissornikkut oqartussanut allanut suliaassanngortinneqarsinnaannginneri pilugit, Erhvervs- og vækstministeri aalajangersaasinnaavoq

**§ 371** Peqqussut imaluunniit peqqussutip malitsigisaanik najoqqutassat atulersinneqartut naapertorlugit aalajangiinerit Erhvervsstyrelsimiit aalajangiiffigineqartut Erhvervsankenævnumut suliaassanngortinneqarsinnaapput, aalajangiinerup pineqartumut nalunaarutigineraniit kingusinnerpaamik sapaatit akunneri arfineq marluk qaangiutsinnagit, taamaattoorli imm. 2 tak.

*Imm. 2.* »§ 23 g, imm. 2, aamma § 23 h, imm. 1, aamma taakkua malillugit aalajangiinerit pillugu peqqussummi matumani § 40, imm. 1-mi, § 165, imm. 5-mi, § 177, imm. 2-mi, § 191-mi, § 225, imm. 2- mi, aamma § 231, imm. 2-mi piffissaliussanik qaangiinerit kingunerisaannik Erhvervsstyrelsip aalajangiineri kiisalu § 93, imm. 2-4, § 225, imm. 1, § 226, § 232, imm. 2, § 350, imm. 1, nr. 2-4 malillugu aalajangiinerit, aamma § 8 a naapertorlugu najoqqutassat atulersinneqartut naapertorlugu aalajangiinerit allaffissornikkut oqartussaaffik alla suliaassanngortinneqarsinnaanngillat.



## Kapitali 25

### *Atortuulersitsineq*

**§ 372** Erhvervs- og vækstministeri peqqussutip atortuulersinnissaanut piffissamik aalajangiissaaq tassungalu ilanngullugu aalajangersinnaallugu peqqussummi immikkoortut assigiinngitsut piffissani assigiinngitsuni atuutilersinnaasut. Peqatigisaanik anpartsselskabit pillugit Kalaallit Nunaannut inatsisip atortuulersinnera pillugu peqqussut nr. 619, 23. juni 2008-meersoq aamma aktieselskabit pillugit Kalaallit Nunaannut inatsisip atortuulersinnera pillugu peqqussut nr. 620, 27. juni 2008-meersoq atorunnaarsinnissaannut ministeri piginnaatinneqarpoq.

*Imm. 2.* Erhvervs- og vækstministeri ingerlatseqatigiiffinnut, tassunga ilanngullugu sulisunut eqqorneqartunut, peqqussummut ilaasunut, aamma ingerlatseqatigiiffinnut kiisalu taakku suliaat pillugit ikaarsaarnermi immikkut aaqqissuussinerit pillugit maleruagassanik aalajangersaasinnaalluni.

**§ 373** Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartoq naapertorlugu nalunaarutit, peqqussutip matuma atortuulersinnera sioqqullugu Erhvervsstyrelsimi tiguneqartut maleruagassat manna tikillugu atuuttut malillugit suliarineqassapput.

*Imm. 2.* Aktieselskabit pillugit inatsit imaluunniit anpartsselskabit pillugit inatsit, kunngip peqqussuteqarneratigut Kalaallit Nunaannut atulersinneqartut naapertorlugit atulersinneqartut nalunaarutit najoqqutassallu, kiisalu paasissutissat nalunaarsorneqartut, tassunga ilanngullugit malittarisassat aamma ingerlatseqatigiiffiup aqutsisuinut pginnaatitsinerit, akuersissutit nalunaarutigineqartut, akuersinerit il.il. suli atuutissapput, peqqussummi matumani aalajangersakkat malitsigisaannik allanngortinneqarnissaasa, utertinneqarnissaasa, atuukkunnaarnerisa imaluunniit atorunnaarnerisa tungaannut.

**§ 374** (Kalaallit Nunaannut atulersinneqanngilaq)

**§ 375** (Ilaatinneqanngilaq)

---

Aktie aamma anpartsselskabit pillugit inatsisip Kalaallit Nunaanni atulersinnera pillugu peqqussut (ingerlatseqatigiiffinnut inatsit<sup>1</sup>) nr. 2624 28. December 2021- meersoq malillugu allanngortinnerata naammassineqarnera malillugit atuutilersinneqarnerani aamma ikaarsaarnermi aalajangersakkanik imaattunik imaqarpoq:

**§ 3.** Erhvervsministerip aalajangersassavaa piffissaq peqqussutip atuutilerfissaa aamma tassunga atatillugu aalajangersarsinnaavai peqqussutip ilaasa assigiinngitsut piffissaani assigiinngitsuni piffissat atuutilerfissat.

*Imm. 2.* Erhvervsministerip ikaarsaariarnermut immikkut ingerlatsivinnut peqqussummut ilagitinneqartunut malittarisassat aalajangersarsinnaavai, ilanngullugit ingerlatsiviit aqqissuussaananeranut attuumasut taakkualu suliassaat.

*Imm. 3.* Ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi, §§ 17-19, peqqussummi uani § 2, nr. 6-imi allanneqarsimasuni, allagaatinut atuupput ukiumi naatsorsuiffimmi peqqussutip uuma atuutilerfiani.

*Imm. 4.* Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 58 a, imm. 5 malillugu malittarisassat, peqqussummi uani § 2, nr. 14-imi allanneqarsimasut, atuutissapput atorunnaarsinneqarnissaata imaluunniit malitassianik Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 58 a, imm. 9, peqqussummi uani § 2, nr. 14-imi allanneqarsimasoq, malillugu taarserneqarnissaata tungaanut.

*Imm. 5.* Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 72, imm. 1 pkt. 2., aamma § 72, imm. 2, peqqussummi uani § 2, nr. 15-imi aamma 16-imi allanneqarsimasut, aningaasaatinik ingerlatsivinnut ikinnerussuteqarlutik aningaasaatinik piginnittunut atuutinngillat, kajumissaarneqarsimasunut aningaasaatimi tigunissaannut aningaasaatinik piginnittutut akiliisumit, tak. § 70, imm. 1, ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasoq uuma peqqussutip atuutilersinneqarnissaa sioqqullugu.

*Imm. 6.* Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, §§ 139 – 139 b, peqqussummi uani § 2, nr. 22-mi allanneqarsimasut, atuupput nalinginnaasumik ataatsimeersuarnermut aggersaassutigineqartumut, ukiumi naatsorsuiffiusumi ukiumi naatsorsuiffimmi peqqussutip uuma atuutilerfiani.

*Imm. 7.* Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 144, imm. 2., peqqussummi uani § 2, nr. 23-mi allanneqarsimasoq, inatsisip atuutilersinneqarnerata kingorna ukiumut naatsorsuusiornissaq siunertaralugu ullormiit naatsorsuusersumik ataatsimik imaluunniit arlalinnik qinersinermi atuuppoq. Naatsorsuuserisunik akuerisaasunik ukiumut naatsorsuutinik iluarsaassisussamik aamma naatsorsuuserisunut imaluunniit naatsorsuuserisut suliffeqarfii aalajangersimasumik suussusilikkanut sinniisuusinnaasut ataatsimik imaluunniit arlalinnik, qinersinermik killiliinissamik isumaqatigiissutit atuutiinnassapput ulloq naatsorsuuserisumik ataatsimik imaluunniit arlalinnik qinersineq tikillugu.

*Imm. 8.* Ingerlatsiviit pillugit inatsimmi, kunngip peqqussutaatigut Kalaallit Nunaannut atuutilersinneqarsimasumi, § 210, imm. 1, pkt. 1., § 210, imm. 2 aamma 3, § 211, imm. 1, aamma § 212, peqqussummi uani § 2, nr. 30 – 34-mi allanneqarsimasut, aningaasaqarnikkut akilersuuteqarneq pillugu imaluunniit ikiuineq pillugu aalajangiinernut atuupput, peqqussutip uuma atuutilerfiani, imaluunniit kingusinnerusukkut aalajangikkanut, taamaattoq tak. Imm. 10.

*Imm. 9.* Aningaasaqarnikkut ikiuineq, tunniunneqartoq peqqussutip uuma atuutilerfiani, aamma malittarisassat atuussimasut naapertorlugit unioqqutitsinerusog, unioqqutitsinerujunnaartinneqarsinnaavog ingerlatsiviup kingusinnerpaamik ataatsimeersuarnermi siullermi peqqussutip uuma atuutilernerata kingorna, ukiumoortumik nalunaarusiap akuersissutigineqarnissaanik aalajangiinermi, ukiumut naatsorsuiffiusumut aningaasanik ikiorsiissoqareertillugu, aningaasaqarnikkut ikiuineq taanna aningaasaqarnikkut ikiuinertut

unioqqutitsinerunngitsuusutut aalajangiiffigippagu § 2, nr. 31-mi piumasaqaatit naammassinerisigut. Ingerlatsiviup ukiumoortumik nalunaarutip siulliup kingusinnerpaamik piffissami tunniunneqarfissaani, nassiunneqartumi peqqussutip uuma atuutilernerata kingorna, aningaasanik ikiorsiisoqareertillugu, Erhvervsstyrelsenimut uppenarsarsinnaassavaa, aningaasaqarnikkut ikiuinerup § 2, nr. 31-mi piumasaqaatit naammassigai. Pisuni immikkut ittuni Erhvervsstyrelseni, pkt. 1 aamma 2. apeqquataatinnagit, ingerlatsivik peqqusinnaavaa aningaasaqarnikkut ikiuineq erngertumik unioqqutitsinerujunnaartissagaa, pisimasoq peqqussutip uuma atuutilersinneqarnera sioqqullugu, aamma piffissaalluartillugu Erhvervsstyrelsenimut tamanna uppenarsassagaa.

**§ 4.** Ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi ingerlatseqatigiiffiit pillugit malittarisassat, tassunga ilagitillugit inatsit malillugu malittarisassat aalajangersarneqarsimasut, aallartisaanermik ingerlatsivinnut atuupput, pilersinneqarsimasunut uuma peqqussutip atuutilersinneqarnissaa sioqqullugu, imm. 2-8-mi aamma §§ 5-7-mi aalajangersaasoqarsimanngippat.

*Imm. 2.* Uuma peqqussutip atuutilersinneqarneraniit aallartisaanermik ingerlatsiviit ingerlatsiviit pillugit inatsit kunngip peqqussutaatigut Kalaallit Nunaannut atuutilersinneqarsimasoq malillugu pilersinneqarsinnaanngillat.

*Imm. 3.* Uuma peqqussutip atuutilersinneqarneraniit kattutsitsinermut atatillugu aallartisaanermik ingerlatsiviit pilersinneqarsinnaanngillat, tak. ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 236, pkt. 2., imaluunniit avinneqarnermut atatillugu, tak. ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 254, imm. 1.

*Imm. 4.* Aallartisaanermik ingerlatsivik minnerpaamik 1 kr.-mik aningaasaateqassaaq. Ingerlatsivittut aningaasaatit taamaallaat annertunerulersinneqarsinnaapput aningaasanik tigoraaannarnik, tassunga ilagitillugu ingerlatsiviit sillimmataannik ingerlatsiviit aningaasaataannut nuussinikkut (fondsforhøjelse). Allatut nalunaarsorneqarnermut atatillugu, tak. § 5, imm. 1, pkt. 1., imaluunniit imm. 3, pkt. 2., taamaattoq nalilinnik allanik aningaasanik tigoraaannaanngitsunik aningaasaliisoqarsinnaavoq.

*Imm. 5.* Aallartisaanermik ingerlatsiviit, peqqussutip atuutilersinneqarnissaa sioqqullugu ingerlatsivittut aningaasaatit 25.000 kr.-nit imaluunniit ikinnerusut atorlugit pilersinneqartut, nalunaarsorneqarnermi aningaasanik tigoraaannarnik akiliinermut Erhvervsstyrelsenip it-kkut atortorissaarutaatigut uppenarsaanermi pilersitsisunit ilanngunneqarsinnaavoq aningaasat piunerat.

*Imm. 6.* Taamaallaat aallartisaanermik ingerlatsiviit atiminna taguut aallartisaanermik ingerlatsivik imaluunniit naalisaneq IVS atorsinnaavaat atussallugulu.

*Imm. 7.* Aallartisaanermik ingerlatsiviit ukiumoortumik ingerlatsiviup sinneqartoorutaanit ikinnerpaamik 25 pct.-it ingerlatsiviup annertusarneranut sillimmatinut pituttukkanut nuussavaat, sillimmatit ingerlatsivittullu aningaasaatit katillugit ikinnerpaamik 40.000 kr.-inngornissaasa tungaannut. Sillimmatit ingerlatsiviup amigartoorutaannut matussutitut atorsinnaanngillat imaluunniit allatut annikillineqarsinnaanngillat. Taamaattoq sillimmatit atorunnaassapput imaluunniit annikillineqassapput, ingerlatsivittut aningaasaatit qaffakkiartorneri ilutigalugu.

*Imm. 8.* Aallartisaanermik ingerlatsivik iluanaarutit iluanaarniutiginnissaannut aalajangiisinnaanngilaq, tassunga ilagitillugit iluanaarutit immikkut ittut, ingerlatsiviup

toqqammaviusumik aningaasaataasa annertusarnissaannut sillimmatit ingerlatsivittullu aningaasaatit katillugit ikinnerpaamik 40.000 kr.-inngornissaasa tungaannut.

§ 5. Aallartisaanermik ingerlatsiviup unitsinneqarniannngitsup, akiliisinnaajunnaarsimanngitsup imaluunniit pinngitsaaliilluni atorunnaarsinneqarniannngitsup ataatsimeersuarnerani, malittarisassanik allanngortitsinissamut amerlanerussuteqarluni taasinikkut kingusinnerpaamik peqqussutip atuutilersinneqarneraniit ukiut marluk qaangiunnerani, aalajangiissavaa aallartisaanermik ingerlatsiviup ingerlatseqatigiiffittut nutaamik nalunaarsorneqarnissani. Nutaamik nalunaarsorneqarnissamut piumasaqaataavoq, aningaasaatit sinneruttut akiliutigineqarnissaat, aallartisaanermik ingerlatsiviup ingerlatsivittut aningaasaataasa aamma ingerlatseqatigiiffiup minnerpaaffittut aningaasaataasa nikingassutaat. Aningaasaatinik sinneruttunik akiliuteqarneq ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi kapitali 10-mi aningaasaatinik qaffaanermut malittarisassat malillugit pissaaq.

*Imm. 2.* Aallartisaanermik ingerlatsiviup nutaamik nalunaarsorneqarnermut imm. 1, pkt. 1.-imi piumasaqaat naamassinngippagu, Erhvervsstyrelseni piffissarititaasumik aalajangersaasinnaavoq, ingerlatsiviup nutaamik nalunaarsorneqarnissamut piumasaqaammik naammassinniffissaanik. Piffissarititaasoq naatinagu aallartisaanermik ingerlatsiviup Erhvervsstyrelsenip piumasaqaataa naamassinngippagu, styrelsenip pigisanik agguaassinermut eqqartuussivik ingerlatsiviup atorunnaarsinneqarnissaanik noqqaavigisinnaavaa, tak. ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 225, peqqussummi uani § 2, nr. 35-mi aamma 36-mi allanneqarsimasoq.

*Imm. 3.* Aallartisaanermik ingerlatsivik pinngitsaaliinikkut atorunnaarsinneqartussanngorsimappat, ingerlatsivimmik aallartitseqqiinissamut piumasaqaataavoq, ingerlatsiviup pinngitsaaliinikkut atorunnaarsinneqarnissaanut pissutsit tunngavilersuutaasut, aaqqiivigineqarsimanissaat, aamma ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 232-mi piumasaqaatit naammassineqarsimanissaat. Taamatuttaaq ingerlatsivimmik aallartitseqqiinissamut piumasaqaataavoq, ataatsimeersuarnermi aallartitseqqiinissamut aalajangiinnermut atatillugu, tak. ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 231, imm. 1, malittarisassanik allanngortitsinissamut amerlanerussuteqarnikkut, kingusinnerpaamik aalajangerneqassasoq, aallartisaanermik ingerlatsivik nutaamik nalunaarsorneqassasoq ingerlatseqatigiiffinngortillugu, tak. Imm. 1, pkt. 1. Nutaamik nalunaarsuineq kingusinnerpaamik Erhvervsstyrelsenimut nalunaarutigineqassaaq, aallartitseqqiinissap nalunaarutigineqarnera ilutigitillugu, tak. ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi § 232, imm. 1.

*Imm. 4.* Aallartisaanermik ingerlatsiviup ingerlatseqatigiiffittut nutaamik nalunaarsorneqarnera, tak. Imm. 1, pkt. 1., aamma imm. 3, pkt. 2., pisimasutut isigineqassaaq, ingerlatsiviup malittarisassaani, ingerlatsiviup taagutaa aamma aningaasaatit annertussusaat allanngortinneqarsimappata, taamaalillutik malittarisassat ingerlatsiviit pillugit inatsimmi kunngip peqqussutaatigut Kalaallit Nunaannut atuutilersinneqarsimasumi ingerlatseqatigiiffinnut piumasaqaatinik nalinginnaasunik naammassinnillutik, aamma nutaamik nalunaarsorneqarneq

Erhvervsstyrelsenip it-kkut atortorissaarutaani nalunaarsorneqarsimappat. Nutaamik nalunaarsorneqarnermut atatillugu ingerlatsiviup aningaasaataasa annertusarnissaannut sillimmatit ingerlatsiviup aningaasaataannut fondsforhøjelse-kkut nuunneqassapput.

*Imm. 5.* Aallartisaanermik ingerlatsiviup ingerlatseqatigiiffittut Erhvervsstyrelsenip it-kkut atortorissaarutaani nutaamik nalunaarsorneqarnera, tak. Imm. 1, pkt. 1., aamma imm. 3, pkt. 2., ingerlatsivimmut akeqanngilaq. Aallartisaanermik ingerlatsivimmik aallartitseqqiinermut atatillugu nalunaaruteqarnermut akiliut, tak. imm. 3, 350,00 kr.-niuvoq. Aallartisaanermik ingerlatsivimmi allannguutit allat nalunaarutigineqarnerannut atatillugu akiliut, Erhvervsstyrelsenip it-kkut atortorissaarutaani nalunaaruteqarnermut tunngassuteqanngitsoq, 180 kr.-niuvoq.

§ 6. § 4 naapertorlugu Erhvervsstyrelsenip aalajangiineri 17. maj 2021-meersumi imm. 2-mi aalajangiinerup pineqartumut nalunaarutigineqaraniit kingusinnerpaamik sapaatip akunneri 4-t qaangiutsinnagit Erhvervsankenævnetimut tunniunneqarsinaapput.

§ 7. § 4, imm. 4-mik aamma 6-8-nik unioqqutitsineq akiliisinneqarnikkut pillarneqaataassaaq.

*Imm. 2.* Ingerlatvinnut il. il. (inuit inatsisitigut pisussaataitaasut) pinerluttulerinermi eqqartuussisarnikkut akisussaatisisoqarsinnaavoq pinerluttulerinermik inatsimmi kapitali 5-imi malittarisassat malillugit. Peqqussummi aalajangersakkanik unioqqutitsinermut pisoqalisoorissamut piffissaq ukiunut 5-nut inissinneqarpoq.

*Erhvervsstyrelsen, 16. September 2025*

Jørgen Wissing Jensen

/ Søren Corfixsen Whitt

---

1) Peqqussummi allanngortinneqartut ukununna tunngassuteqarput § 4, imm. 2, § 5, kapitel 2-p qulequtaa, § 9, § 14, imm. 1, §§ 16-19 sioqqullugit qulequtaa, § 20, §§ 23 a-23 i, § 33, simm. 1, § 40, imm. 2, § 49 a, § 50, imm. 1, § 58, imm. 1 aa., a 2, §§ 58 a-58 c, § 72, imm. 1-3, § 93, imm. 3, § 104, simm. 4 aamma 5, § 112, imm. 2, § 129, §§ 139 – 139 d, § 144, imm. 2 aamma 5, § 144 a, § 146, imm. 3-6, § 147, imm. 2, § 174, imm. 1, § 210, imm. 1-3, § 211, imm. 1, § 212, § 225, imm. 1, nr. 1 aamma 3-8, § 229, imm. 5 og 6, § 319, imm. 1, § 324, imm. 1 sioqqullugit qulequtaa, § 325, § 325, § 326, imm. 1-3, § 327, imm. 1 aamma 2, § 328, imm. 1-4, § 329, imm. 1, § 330, imm. 1, 3 aamma 4, § 331, § 332, imm. 1 aamma 4, § 333, imm. 2, 4 aamma 6, § 334, imm. 2-3, imm. 6, nr. 2, aamma imm. 7, § 335, imm. 1-6, § 336, imm. 1 aamma 3, § 337, imm. 1, 3, 4 aamma 6, kapitel 20 a, § 367, imm. 1 aamma 4, aamma § 371, imm. 2. sioqqullugit qulequtaa.

2) Nalunaarut taaneqartoq malillugu nalunaarummik atortuulersitsitsisoqarpoq: Nalunaarut nr. 2699 28. december 2021-meersoq. Nalunarut 5. december 2022 atuutilersinneqarpoq.